

ارزاق نقلنده قاعده عمومیه : رفاقتنده ارزاق قوللری موجود اولدنی حالده براردو حرکات عسکریه بی تعطیل ایدرک بر موقعده توقف ایلدیکنده مذکور قوللرکیویه عودتله اک یقینده بولنان انباردن ارزاق یوکلنک ایچون حوله لری درعقب موقع مذکورده بوشالدریلوب برانبارده ادخال ایدملی فقط مذکور قوللرک بر قسم جزئیسی یوکلو اولدنی حالده حرکت حاضری واماده اوله رق اردونک یاننده احتیاطاً ایقا اولغیدر . جخانه نقلایتده ارزاق حقنده بیلدرلدیکی وجهله ترتیب اولغیدر . عمومیتله جخانه صندوقلر دروننده نقل اولنوب پیاده نک جخانه صندوقلری آتیده کوسترلشدر :

برصنایفک فشنگارینک بر حیوانک نقل ایدمه کی
تقلاتی ک عددی صندوقلرک عددی

۲	۱۰۰۰	۵۴	امریقا اعمالی	} ۱۰۰۰
۲	۱۰۰۰	۵۸	طوبخانه اعمالی	
۲	۲۰۰۰	۴۵,۳	وینجیستر فشنگی	
۲	۱۰۰۰	۶۷	بوکسر شنایدر فشنگی	
۲	۲۰۰۰	۶۴	متالیک شنایدر فشنگی	
۳	۱۰۰۰	۳۶	ماوزر فشنگی	
طوبجینک جخانه صندوقلری :				

دانه صندیفنک	شرایسل صندیفنک	برصناده کی
تقلاتی ک	تقلاتی ک	مرمیلرک عددی
۶۲	۶۴	۸
۴۷	۴۸	۸
۹ سانتیمتره لک چنبرلی		
۸ سانتیمتره لک چنبرلی		

ڊانه سنڊيٺڪ شراپنل سنڊيٺڪ برصنڊقهه

ثقلتي ڪ	ثقلتي ڪ	مر ميلرڪ عدي
۶۸	۷۱	۸
۴۸	۴۹	۸
۶۸	۷۱	۸

۶ سان ٽيٽره ڪ طاغ طوبى ۷۸

بالادهه ڪي طوبجي مرمياتنڪ يقين مسافانده هرايڪي سنڊيني واوڙاق
مسافانده اوج سنڊيني برمڪاري به يوڪتيلور . طوبجي وپيادهه جڳانه سني
تقله مخصوص وساٺنڪ (جڳانه تقلنه مخصوص پيادهه طابورلريله
بطريه زردهه ڪي مڪاري وقياقلور مستننا) هيٺ مجموعهي قول اردو ويا
فرقهه ڪي جڳانه بارقي تشكيل ايدر . اشبو پارق عسڪرجه ترتيب
اولهه رڻ قومانداسنه طوبجي ضابطانندن برذات تعين ومومي الهڪ
معيته لزومي قدر ضابطان كوچڪ ضابطان وساٺه ويرييلور .
مذڪور پارق طوبجي وپيادهه مخصوص اولهه رڻ ايڪي به آيرييلوب
طوبجي جڳانه بارقلرينه ۱ و ۲ و ۳ و الخ نومرولري وضع ايڊيلهه جي
ڪي پيادهه جڳانه بارقلريده اولو جهله نومرولمليدر . هر پيادهه ويا طوبجي
جڳانه بارقلري احواله ڪورهه ايڪي اوج قسمه يعني جڳانه قوللرينه
آيرييلوب برپيادهه جڳانه قولي قول اردو ويا فرقهه ڊهه ڪي سبلان
انڌازلرڊن بهريچون (۱۰ : ۱۵) فشڪ و هر طوبجي جڳانه
قولي ڊه بهر طوب ايچون ۲۰ : ۲۵ آتم نسبتنده جڳانه نقل ايدر .
جڳانه ٽڪ صرفي ايچون برانتظام تحتنده اولمديفندن جڳانه قوللرينڪ
حرڪتي ارڙاق قوللرينڪ حرڪتنه ڊاٺر بالادهه ڪي جدول ڪي بر جدول
خطي ارانه اولهه سڙ ايسهههه ارڙاق قوللرينڪ صورت حرڪتي مبن
اولهه رڻ ترتيب اولنان مذڪور جدول ايجابندهه ارڙاق قوللرڊن
برمناسبه مراد اولنديفي قدر جڳانه قوللرينڪ ربط وترفيقي خصوصيهه
تسهيل ايدر .

— اون بشنجی فصل —

۱. منزل خطریک و بونلره عائد خدماتک اصول ترتیبی ۱۰

۱ — اردونک کیرولرنده بولنه رق دبی ، انبارویکی قرعه افراندن مرکب قوه امدادیه وسائره سیله ارتباطی تأمین ایدن خطوط المواصله (منز خطری) دینوب طرق جداول ، تیمور یولر ، خطوط بحریه دن هربری منزل خطی اتخاذ اولنه ییلور . ۲ — بو خطره عائد خدمات برپاشانک قومانداسیله نظامات عسکریه یه توفیقاً ترتیب اولنور . ۳ — منزل خطنده برطاق دائمی موقفلر (طریق منزلری) تأسیس اولنور . موقفلردن هربری اردویه التحاق ایده جک مفرزه وقافه لرله منفرد افراد ایچون تجمع وموله محلی اتخاذ قلنه رق قومانداسنه (منزل موقعی قوماندانی) نامنده بر قوماندان تعیین ومحافظلنه برقطعه عسکریه تخصیصیله اورادن مرور ایده جک افراد وحیواناتک اسباب ممیشتنی تأمین ایچونده هربری وسائط لازمه ایله تجهیز اولنور . ۴ — منزل قوماندانلری ورود ایدن مفرزه لر ، پراکنده افراد ، خستکان ، مجروحین ، وسائط نقلیه ، وهرنوع مالزمه یی کیده جک لری مواقعه سرعتله سوجه غیرتله اردونک کیرولرنده وبالخاصه منزل خطی اوزرنده انتظامک محافظه سنه سمی ایدرلر . ۵ — منزل خطریک مبدأ نقطه لرنده (ایلک استاسیونلرنده) اردونک حوایجینی تأمین ایچون اماکن وابنیه عسکریه تأسیس اولنلیدر . ۶ — نهایت نقطه لرنده هر نقدر ایلک استاسیونلرده اولدینی قدر دکل ایسه ده یته بورالرده کی اماکن وابنیه کی مؤسسات عسکریه تأسیس اولنلیدر . ۷ — یولر ، تیمور یوللری وسائره نک تلاق محلنده کی موقفلرده اکثریتله ارزاق ومالزمه جمع اولندیفندن مذکور موقفلره (انبارلی استاسیون) تسمیه اولنور . ۸ — منزل خطنک مبدأ نقطه لرله اردو

پیننده کی خدمات نقلیه اردونک نقلیه قطارلرینه ایفا ایتدی بیلوب اگر مسافه پک زیاده اولور ایسه منزل خطنک منتهی نقطه لرله اردو پیننده متوسط انبارلر تاسیس ایدیلور .

استانبول ودهده اغاج ایله بلقان پیننده اسلییه وقرانلق اوزرندن برمنزل خطنک صورت ترتیب وتنظیمنه دائر مثال :

۱ استانبول شهری منزل خطنک مبدأ نقطه سی اتخاذ اولنورق ملتزملر طرفندن اعطا اولنه جق ارزاقی جمع وادخار ایله دار الحراکه ارسال ایله بیلک اوزره شهر مذکورده ارزاق ایچون بیوک احتیاط انبارلری تاسیس اولغلیدر (هر وقت ۱۰ : ۱۵ کونک ارزاق جمع اولمش ویا سپارش ایدلمش بولغلیدر) . برده سیاراردو ایچون کونده یوزده اللی نسبتنده اتمک ویا پکسماد تعیناتی چیقارمیهلک قدر اتمک فرونلوی تاسیس ایلمک لازم اولدیغی کبی طوبخانه واسطه والبسه انبارلری ومتعدد فابریقه ودستگاهلر ایله مجروحین وخستگان ایچون قوه عمومیه نک لاقل یوزده بشی استیعابه کافی خسته خانه لر وخسته خانه دن چیقان نقهای عسکریه ایچون اماکن مخصوصه وبارکیدپوری وهر طرفدن ورود ایدمجهک عساکر شاهانه ایچون باراقه ویا قشله لر ترتیب وانشا قلملیدر . ۲ — ددهده اغاج ایکنجی درجهده برمبدأ

نقطه سی اتخاذ اولنوب بوراده ۲ : ۳ کونک ارزاق استیعاب ایدمجهک قدر انبارلر انشا اولغلی ویکي ارزاق کلدکجه ارزاق مذکورده قسماً منطقه الحراکه ارسال اولنوب موقع مذکورده قوه عمومیه نک یوزده ۲ : ۳ فی استیعابه کافی خسته خانه لر ترتیب ایدلمی ومنزل موقعی محافظلغنه ایکی پیاده بلوکی تعین اولنوب کمیلری بوشالتمق وتیمور یولی قطارلرینی بوکتمک ایچونده برعمله طاقی بولندیرمیلدر .

۳ — چورلی وقوله لی برغوس دخی طریق منزللری اعتبار اولنوب

برنجی فرقه به مربوط کوپری بی طاقی - قوماندانی یوزباشی (ف) افندی



برنجی فرقه به مربوط نقلیه قطاری - قوماندانی بیکباشی (و) افندی
جخانه یارق وسائره



فرقه قوماندانی فریق (ب) پاشا یوقاروکی نظام حربیه نظراً اوامر
ومحدراتی زبرده کی اسرا وضابطانه خطاباً کوندرد :

پیاده برنجی لوا قوماندانی میرلوا (ث) پاشایه ، ایکنجی لوا قوماندانی
میرلوا (د) پاشایه ، سواری برنجی الای میرالای (ص) بکه ،
طوبجی برنجی الای میرالای (ل) بکه ، استحکام برنجی طابورک برنجی
بلوکی یوزباشی (م) افندی به ، صحیه هیئت رئیسی (ه) افندی به ،
کوپری طاقی قوماندانی ملازم ویوزباشی (ف) افندی به ، نقلیه
قطارینی سوقة مأمور بیکباشی (و) افندی به ،

تقیه — نشانجی طابورلی امرلینی مربوط اولدقلری پیاده لوالری
قوماندانلندن آلورل .

سواری فرقه سیله قول اردو واردونک نظام حربی دخی بالاده کی
نمونه به توفیقاً تنظیم وصنوف مختلفه عسکریه به اعلان اولنوب سلسله
مراتب عسکریه الله خدمات عمومیه اکاکوره ترتیب وایفا ایدیلور .
نظام حرب شکندمه کی جزؤ تاملرک اقسامندن مجانبیت الزمدر .
مصطت برجزؤ تاملرک تقریقی ایجاب ایدیورسه فرصت دوشدکجه
اقسام مذکوریه برآرایه طوبلوب جزؤ تامی تکرار تأسیسه دقت
ایقلیدر .

قطعات عسکریه مختلف جهاتله منسوب ایسه قطعات مذکورهدن
مرکب الای ، ولوالله به اثره تشکیل قلنور .

مثال — بر حرکت عسکریه اجرا سیچون (س) موقعنده آتیده کی
قطعات طولانمشدر :

۱ — پیاده $\begin{matrix} \text{مے} & \text{مے} & \text{مے} & \text{مے} \\ ۳۴ & ۲۷ & ۱۸ & ۳۱۲ \end{matrix}$

$\begin{matrix} \text{مے} & \text{مے} & \text{مے} \\ ۲۳ & ۲۴ & ۳۷ \end{matrix}$
 $\begin{matrix} \text{مے} & \text{مے} & \text{مے} \\ ۳۹ & ۱۵۹ & ۱ \end{matrix}$
 ط نشاچی

۲ — سواری $\begin{matrix} \text{مے} & \text{مے} & \text{مے} \\ ۱۱۰ & ۲۰۲, ۱۱۳ & ۴۱۸ \end{matrix}$
 $\begin{matrix} \text{مے} & \text{مے} \\ ۲۳۹ & ۲۲۲ \end{matrix}$

۳ — طوبچی $\begin{matrix} \text{مے} & \text{مے} & \text{مے} \\ ۲ & ۱ & ۲ \end{matrix}$ $\begin{matrix} \text{مے} & \text{مے} & \text{مے} \\ ۲ & ۲ & ۲ \end{matrix}$ $\begin{matrix} \text{مے} & \text{مے} & \text{مے} \\ ۲ & ۲ & ۲ \end{matrix}$
 ۴ — استحکام $\begin{matrix} \text{ط} \\ ۲۱۳ \end{matrix}$

قطعات مذکورہ فی قومانداہ مأمور ایدیلان ذوات :

فریق (ب) پاشا ، پیاده میرلواسی (ت) پاشا ، سواری میرلواسی
 (ث) پاشا ، پیاده (۳۴ نجی نظامیہ آلائنک) میرالائی (ج) بک ،
 (۲۳ نجی نظامیہ الاینک) میرالائی (ح) بک ، (۳۴ نجی نظامیہ
 الاینک) قائمقامی (خ) بک ، (۳۹ نجی نظامیہ الاینک) قائمقامی
 (د) بک ، (۷ نجی نظامیہ الاینک) قائمقامی (ذ) بک ، سواری
 (۳۲ نجی الاینک) قائمقامی (س) بک ، سواری (۱۳ نجی الاینک)
 قائمقامی (ط) بک ، ارکان حربیہ بیکباشیسی (م) بک ، نشاچی
 طاہورینک بیکباشیسی (ش) افندی ، طوبچی بیکباشیسی (۴ نجی
 الایدن) ع افندی ، سواری بیکباشیسی (۱۰ نجی الایدن) ف
 افندی ، الخ

بوحالہ عساکر مرقومہ زیردہ کی نظام حرب اوزرہ ترتیب اولنور :

(س) موقعندہ متحدہ مرکب فرقہ تک نظام حربی
 فرقہ قوماندانی فریق (ب) پاشا

ارکان حربیہ رئیس بیکباشی (م) بک

پیاده مرکب برنجی لوا پیاده مرکب ایکنجی لوا
 قوماندانی - میرلوا (ت) پاشا قوماندانی - میرالائی (ج) بک

بیاده مرکب برنجی آلائی قوماندانی - قائم مقام (خ) بک

$\begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array}$

بیاده مرکب ایکنجی الای - میرالائی قوماندانی قائم مقام (د) بک

$\begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array}$

فرقه سواریسی - قوماندانی یوز باشی (لا) افندی

$\begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array}$

مرکب طوپی طاہوری - بیکباشیسی (ع) افندی

$\begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array}$

استحکام بلوکی - قوماندانی یوزباشی (ک) افندی

$\begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array}$

مرکب سواری لواسی - قوماندانی سواری میرلواسی (ث) پاشا

مرکب سواری برنجی آلائی - قوماندانی قائم مقام (ط) بک

$\begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array}$

مرکب سواری ایکنجی الای - قوماندانی قائم مقام (ص) بک

$\begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array} \begin{array}{c} \text{ع} \\ \text{ط} \end{array}$

نقلیه قطاری - قوماندانی بیکباشی (ل) افندی

ارزاق قافلہ لڑی جھانہ پارقی وساثرہ



تنبيه — مرتب آلايلرك عيني اردونك طابورلردن ويا سواری بلوکلرندن تشکیل و لزومی قدر میرالای یوغیسه الایلرک قسم اعظمی ترکیب ایدن طابورلرک ویا سواری بلوکلرینک اصل منسوب اولدقلری الایلر امراسندن بولنان قائم مقام ویا ییکباشیلری مرکب الایلر قوماندانلغنه تعییننه اعتنا المیلدر .

بالاده کی مثالده مرکب سواری لواسنک اقسام مرکبه سنی تفريق اولتمق سزین مذکور لوانک مستقل سواری لواسی طرزنده استعمالی مقصدیله سواری اونجی الایک برنجی بلوکی فرقه سواریسی خدمتده ابرلشدیر .

مرکب فرقه قوماندانی فریق (ب) پاشا بالاده کی نظام حربیه نظراً هر نوع اوامر و محرراتی آتیده کی امر او ضابطانه خطاباً کونددر : پیاده مرکب برنجی لوا قوماندانی میرلوا (ت) پاشا ، پیاده مرکب ایکنجی لوا میرالای (ج) بکه ، فرقه سواریسی قوماندانی یوزباشی (لا) افندی به مرکب طولی طابوری ییکباشیسی (ع) افندی به ، استحکام قوماندانی یوزباشی (ک) افندی به ، مرکب سواری لواسی قوماندانی میرلوا (ث) پاشایه ، نقلیه قطاری قوماندانی ییکباشی (ل) افندی به ،

مرکب الایلرک پیاده طابورلرینه ویا سواری بلوکلرینه موقتاً ۱، ۲، ۳ الخ نومرولری ویریلور . یاخود (ح) افندی نك طابوری ویا بلوکی کبی قوماندانلرک اسملری یاخود (طر بزون) طابوری مثللو مملکت نامیله یاد اولنور .

(س) موقعنده متحشد مرکب فرقه نك بالاده کی نظام حربی فرقه نك اجرا ایدمجبکی حرکاتک ختامنه قدر مرعیدر بومدت ظرفنده خدمات سفریه به عائدکافه مواد ایچون نظام حربیده کی سلسله مراتب عسکریه به رعایت لازم ایسهده امور اداره به دائر خصوصیات ایچون قطعیات عسکریه نك امراسیله مخابره سی جائز و فقط بونکده فریق (ب) پاشا وساطتیه اجرایی لازمدر .

ملاحظه — نقلیه قطارینک اقسامندن معدود اولان بالفرض تلفراف طاقی ، سیار ائمکنجی قوی ، بارگیر دبیوی دائما اردو وقول اردولره ربط والحاق اولنق قاعده دن ایسه ده بوندن اولکی مثالریمزده فرض ایتدیکمز قطعات عسکریه مستقل وبوکي تفرعانه محتاج فرض وقبول اولندیغی جهتله بالاده کی نظام حرب وآتیده کی اقسام عساکر شکلرینه علاوه اولمشدر .

ایکنجی فصل

آغرلقلره نقلیه قطارلرینک اصول ترتیبی :
عسکرک علی الموم وسائل نقلیه سی : (کوچک آغریق) ، (بیوک آغریق) و (نقلیه قطاری) ناملرنده اوج قسه تقسیم اولنور .
۱ — کوچک آغریق یوروش ویا محاربه ائناسنده عسکرک یاننده بولنسی لازم اولان مکاری حیواناتندن متشکل وآتیده کی اقسامدن ترکیب ایدر :

۱ — پیاده ونشانجی طابورلرینک احتیاط جخانه سنی ۲ — پیاده طابورلرله سواری بلوکلرینک وطوبجی بطریه لرینک اجزا وادوات طیه سنی ۳ — استحکام آلات وادواتی ۴ — ضابطاتک یدک بارگیرلرینی نقل ایدن مکاری حیوانلری .

کوچک آغریق منسوب اولدقلری قطعات عسکره بی تعقیب وقول اودوو یا فرقه ... الخ قوماندانلری کوچک آغریقلرک یوروش قولنده کی یرلرینی خصوصی امرله تعیین ایدرلر .

اشبو آغریقلری (پیاده طابوری ، سواری آلابی ، طوبجی بطریه سی الخ کبی) منسوب اولدقلری جزؤ تاملرک کیروسنده ویا پیشدار ، منفرد ، قسم کلی الخ قطعاتک ارقه سنده یورتک ممکندر .

- ۲ — بیوک آغراق عسکره اردوگاهده ، قوناقدہ مقتضی مکاری حیوانلردن (ویا آرابهلردن) تشکل وشو قسملردن ترکب ایدر .
- ۱ — هیئت ارکانه ۲ — ضابطانک آغرقلرینی نقله ۳ — چادره ، چاریق وسائره کبی اشیای عسکریه بی طاشیمه مخصوص حیوانتله
- ۴ — ارزاق یوکلو بارکیلر ۵ — ساتیمی حیوان ویا آرابهلری
- ۶ — برقاج (۲ الی ۳) سیار خسته خانه طاقلردن مرکبدر .
- بیوک آغراق یوروش قولنک ۲ : ۴ کیلو مترو کیروسندن کیدر . یوروش امرنده بوانه جفی محل عزیمت زمانی موله وسائره سی ذکر اولنور . یوروشده قطعات یکدیگرینی نصل تعقیب ایدیورسه بیوک آغرقلک قطعات مذکوریه مخصوص قسملریده او ترتیب اوزره بربرینی تعقیب ایتملی یعنی پیشدارک بیوک آغرقلی باشدہ وقسم کلینککی کیروسنده .
- ۳ — تقلیه قطاری صرف واستهلاک اولنه جق ارزاق وسائره بی تدارک ایتمک وفوق العاده حالاته قارشو بولنق اوزره صنوف مختلفه عسکریه نک وقت بوقت محتاج اوله جفی یوکلو آرابه و حیوانلردن عبارت اولوب شو قسملردن مرکبدر :
- ۱ — طوبجی ججخانه یارق ، ۲ — پیاده ججخانه یارق ۳۰ — صحیه هیئتیه سیار خسته خانه طاقلری ، ۴ — هلال احمر وبومثلوسیار خسته خانه طاقلری (وارسه) ، ۵ — ارزاق قافله لری ، ۶ — طومباز کوپری طاقلری ، ۷ — بارکیدوبی وسیار اتکمچی قوللری .
- تقلیه قطاری یوروش قولنی ۴ : ۲۵ کیلو متره دن تعقیب ایدر . یوروش امرنده محلی ذکر اولنمیلدر .
- تقلیه قطارینک اقسام مرکبه سی بیوک آغراق حقنده بیان اولنان اصوله توفیقاً یکدیگرینی تعقیب ایدوب بعض مستثنا حالاتده سیار خسته خانه طاقلریله ججخانه یارقلرینک وطومباز کوپری طاقلرینک بولنه جقلری محللری تبدیله لزوم کورینور ایسه یوروش امرینه بوخصوص دخی قید اولنمیلدر .

طوب قباقلوری بطریه لك اجزای اصلیه سندن بولنقی حسیله بونلرك
مذكور بطریه لدن انفكاكی جائز دكل ایسه ده بر بطریه ده اوچدن
زیاده قباقلو موجود اولدینی حانده اوچ قباقلو ایله بر تیمورجی و بر مهمات
(وارسه) آرابه سی بطریه نك یاننده ترك اولنوب فضله سی پیشدار قسم کلی
ومفرزه لرله بولندیروب ایکنجی قدمه تشکیل ایدرك حرکت ایتدیریلور .

— اوججی فصل —

انقسام عساكر — یوروش نظامی — یول قول نظامی —

یوروش قوللرینك دریئلکی :

ب — انقسام عساكر — حرب یوروشنده قطعات عسکریه :
پیشدار ، دمدار ، جانبدار و یا ساثر مفرزه لر ، قسم کلی ومستقل
سواری لوا و یا فرقه لرندن عبارت اولقی اوزره اقسام متعدده یه تقسیم
اولنوب رجعتده پیشدار دمداره منقلب اولور . ایلری یوروشلرند
یوروش قولنك کیر و طرفلری دشمن طرفندن تهدید اولنقی کبی
حالات مستثنا اولقی اوزره اصولاً دمدار تشکیل قلنمز ایسه ده
نظام وانتظامی محافظه ایتك وقولدن کیروده قلان پراکنده افرادی
طوبلق ایچون اکثری کوچك برقطمه (بیوك جزؤ تاملرده بر بلوك
پیاده ایله بر قاج سواری) یوروش قولنك کیروسنده یوریدیلور .

۱ — پیشدار — پیشدار مقصده واحواله کوره قوه عمومیه نك الی الی
اوچده بری نسبتنده تشکیل اولنور . قسم اعظمی سواری اولمی
دشمن ظهورنده اکا قارشو قویقی و یول قولنده کی قسم کلینك یاییلوب
محاربه نظامی آلمسئه مقتضی زمانی قزاندیرمق اوزره پیشداره مقدار
کافی پیاده وبمضاً طوبجی دخی ترفیق اولنور .

۲ — دمدار — کیری یوروشلرده پیشدار دمداره قلب اولنوب
قوتنك قسم اعظمی (دشمنی اوزاقده بولندیرمغه اك زیاده مقتدر
اولان) طوبجی ایله (دمدارك حرکت ومقصدینی دشمندن ستره

۴۰	مرعش لواسی	۳۹	اطنه لواسی
۷۹	مرعش الای	۷۷	اطنه الای
۱	مرعش طابوری	۱	اطنه طابوری
۲	بازارجق	۲	قره عیسالو
۳	البستان	۳	مرسین
۴	زیتون	۴	طرسوس
۷۸	سیس الای	۸۰	اسکندرون الای
۱	سیس طابوری	۱	اسکندرون طابوری
۲	فکه	۲	انطاکیه
۳	مسیس	۳	حارم
۴	بارپوز	۴	اردو

التنجی اردوی هایون

۴	خانقین	۲۱	بغداد فرقه سی
۴۲	کاظمیه لواسی	۴۱	بغداد لواسی
۸۳	کاظمیه الای	۸۱	بغداد الای
۱	کاظمیه طابوری	۱	حیدر خان طابوری
۲	کرخ	۲	مرجانیه بغداد
۳	سامرا	۳	دیاله
۴	دلیم	۴	اعظمیه
۸۴	حله الای	۸۲	یعقوبه الای
۱	حله طابوری	۱	یعقوبه طابوری
۲	هندیه	۲	دلتاده
۳	کربلا	۳	مندلی
۴	نجف		

۲۳ کرکوک فرقه‌سی	۲۲ بصره فرقه‌سی
۴۵ کرکوک لواسی	۴۳ بصره لواسی
۸۹ کرکوک الای	۸۵ بصره الای
۱ کرکوک طاہوری	۱ بصره طاہوری
۲ داقوق	۲ فاو
۳ چیممال	۳ عماره
۴ التون کوپری	۴ —
۹۰ کوی سنجاق الای	۸۶ منتفک الای
۱ کوی سنجاق طاہوری	۱ منتفک طاہوری
۲ رانیہ طاہوری	۲ کوت الاماره
۳ شقلاوه	۳ دیوانیہ
۴ اربیل	۴ —
۴۶ سلیمانیه لواسی	۴۴ — لواسی [*]
۹۱ سلیمانیه الای	۸۷ — الای
۱ سلیمانیه طاہوری	۱ — طاہوری
۲ کلغبر	۲ —
۳ پنجوین	۳ —
۴ مرکه	۴ —
۹۲ صلاحیه الای	۸۸ — الای
۱ صلاحیه طاہوری	۱ — طاہوری
۲ قرہ تپہ	۲ —
۳ قرہ طاغ	۳ —
۴ طوز خورماتو	۴ —

[*] ۴۴ نجی لوا دها هنوز تشکیل ایدلماشدر

۲۴ موصل فرقه‌سی	۴۸ رواندز لواسی
۴۷ موصل لواسی	۹۵ رواندز الایی
۹۳ موصل آلائی	۱ رواندز طابوری
۱ موصل طابوری	۲ برادوست
۲ موصل	۳ زیبار
۳ موصل	۴ حریر
۴ سنجار	۹۶ دهوك الایی
۹۴ بمشیقه آلائی	۱ دهوك طابوری
۱ بمشیقه طابوری	۲ داودیه
۲ رشیدیہ	۳ عمادیہ
۳ نادقور	۴ زاخو
۴ عقره	



قارئینہ — خطرہ دن بکٹنیلان مقصد اوزرینہ ، کتابی
بو حالہ قویدم . حرکاتم حسن نیتہ مستندو . نقصان
خصوصات واریسہ بوند نصکرہ کی طبعندہ تصحیح اولنسیچون
اخطار بیورلمسی مرجودو .

بیکناشی

نوری

ودشمنك حرکاتی كشفه اك ابو برواسطه اولان) سواریدن تشكیل قلعنور واستناد اوله رق دمداره مقدار کافی پیاده دخی ویریلور .

۳ — جانبداروساژ مفرزه لر — مفرزه لك تركیاتی مختصر ا مقصده نایع اولوب بر مفرزه یالکز باشنه اوله رق محاربه ایده چکی تقدیرده صنوف مختلفه دن تركب ایدر (بعض دغه مجرد انداخت اولنه چقی طویلر سسندن دشمنك ظهورخی سریعاً اكلامق مقصیده مفرزه لره طویچی ترفیق اولنوب برواسطه ایله محاربه لك حال واستقامتی دخی اكلاشیلور) یورویش قولنك صاغ ویا صول طرفی دشمن طرفندن تهدید ایدلدیگی ویا خود مذکور قولك یانلرندن برنده (یکجید وساژره کبی) نقاط مهمه موجود اولوبده دشمنك نقاط مذکوره دن ظهوری محمل اولدینی و قتلر جانبدارلق خدمتی ایفا ایلک اوزره بر مفرزه تشكیل اولنور . مفرزه مذکوره یا یورویش قولنك یان طرفلرند بولنان یوللردن حرکت ویا خود نقاط مذکوره یی اشغاله مسارعت ایدر .

۴ — قسم کلی — قطعه عسکریه لك اقسام باقیه سندن تركب ایدر .
۵ — مستقل سواری لوا ویا فرقه لری — بعض فوق العاده حالات مستثنا اولق اوزره مستقل سواری لوا ویا فرقه لری پیشدار، دمدار و بوکا مائل مفرزه لره قسم کلی به الحاق اولنیه رق طوغریدن طوغری به باش قوماندانك تحت امر و قومانداسنده ابقا اولنور .

ج — یورویش نظامی — هر یورویش قوی : اولاً — باصقیندن مصون برحاله بولنقی (باشد مستقل سواری صکره پیشدار... الخ یوریدملك) . ثانیاً — اقسام مرکبه سی کوریلان لزومه نظر ابربرینك عقبنده محاربه میداننه واصل اولق اوزره ترتیب اولملیدر .

تنبيه — علی الخصوص ممالك شاهانه ده كرك احوال محاربه وكرك هیئت اراضی بك متحول بولنقی حسیله مثلاً فرانسه ده اولدینی مثللو هر حال وزمان ایچون لایتغیر بر یورویش نظامنك قبولی تصویب اولنمه مع مافیه باش قوماندان حرکات عسکریه لك بدایتنده ترتیب اولنان یورویش نظامنی دارالحركتك طبیعتی تحول ویا خود احوال تبدل ایدنجه به قدر ابقا ایده بیلور .

برنجى مثال

پياده برنجى نظاميه فرقەسەنك (يوروش نظامى) در .

پيشدارك يوروش نظامى

۴ ۴ ۴ ۴ ۴ اوج (برقم)

۳۰۰ الى ۴۰۰ متره

طاقك

پيشدار باشى

باقيسيدر

۳۰۰ الى ۵۰۰ متره .

سواری پيشدار پيشدارى

(اوج طاقم)

۷۰۰ الى ۱۰۰۰ متره در .

سواری قسم كليسى

(اوج بلوكدر)

پيشدارك يوروش نظامى

اقسام عساکر

پيشدار :

قوماندان ميرلوا

(ث) پاشا

س

س

ط ط ط ط ط

دورت بلوك



طوبى طابطر

۱ ۲ ۱



ط ح ك نصفى

۱ ۱



برسيارخسته خانه

طاقى



پيشدار سواریسى دشمنى کورمکه جهد ايده جکی

جهتله اشبو مسافه تحديد قلمامشدر .

۴ ۴ ۴ ۴ ۴ سواری اوجى (يارم قسم)

۴۰۰ متره

پياده ۴ ۴ ۴ ۴ ۴ اوجى (برمانفه)

۳۰۰ الى ۴۰۰ متره

پيشدار باشى (بلوك متباقيسيدر)



۵۰۰ الى ۷۵۰ متره در .


پياده پيشدار پيشدارى (اوج بلوك)



يارم استحکام بلوكى

اشبو مسافه ۶۰۰ الی ۱۰۰۰ مترو پیندم
تحول ایدر

امر آتیلیری و برنجی آلائی ارکانی.



بطریه نك ایکنجی قدمه سی

صحه هینتی

پشدارك كوچك آغرلنی

محافظ اولق اوزره برنجی پیاده الاینك

دردرنجی طابورینك دردنجی بلوكنك

اوچنی طاقی



[اقسام عسارك

مابعدی] :

قسم کلی : (۰)

پیاده ایکنجی آلائی پیاده

ایکنجی لوا برنجی نشانجی

طاوری سواری برنجی

الایك بشنجی بلوكن

طوبجی برنجی الایك ایکنجی

طاورینك ایکنجی واوچنی

بطریه لری کو برنجی طاقی

ایله برابر استحکام برنجی

طاوروك برنجی بلوكنك

نصفی (۰۰) سیارخسته خانه

طاققزی وسائر دن

عبارتدر .

(*) فرقه قوماندانی اکثری

قسم کلیده بولنه رق اكا

قوماند ایدم جکی جهته

قسم کلی ایچون آروجه

برقوماندان تعیین قلمامشدر

(۰۰) یوروشك نهایتدمه

استعمال اولنه جنی ملاحظه.

سنه مبنی کو برنجی طاقی

قسم کلی به الحاق اولنمشدر.

اشبو مسافه تقریباً بریجی الی ایکی کیلومترودر

طوبجی ایکنجی و اوچجی بطریه لرك

ایکنجی قدمه سی }
 کو پریمی طاقی ایله برابر یارم }
 استحکام بلوک }
 برسیار خسته خانه طاقی }
 قسم کلینک و فرقه ارکانک کوچک }
 آغرلنی



۲ الی ۴ کیلو متره بیننده منحول مسافه

فرقه نك بیوك آغرلنی



بیاده دردنجی آلایدن یارم بلوک
 محافظ ایله برابر امر خدمتده قو-
 لاللق اوزره برقاج سواری

۴ الی ۲۳ کیلو متره بیننده منحول مسافه

فرقه نك نقلیه قطاری



دردنجی الایدن محافظ بلوک
 یاخود یورغون وضعیف دوشن }
 نفراتدن مرتب بر بلوک }

تنبيه — اشبو صحیفه ایله
 بوندن اولکی صحیفه لرده
 ارانه اولنان یوریش
 نظامی لایتغیر برنظام
 اصلی دکلدرد .

یوریش قولنی ترکیب
 ایدن قطعات عسکریه دن
 هرکون قنغیسنک دها
 اول وقتغیسنک دها
 صکره میدان محاربه یه
 وصولی لازم اولدیغنی
 تفکر ایدرک اکاکوره
 ترتیبات لازمه اجرایی
 باش قوماندانه عائد
 وظاقدندر .

مثلا محاربه قریب الوقوع
 ایسه قسم کلیده بولنان
 ایکنجی و اوچجی طوبجی
 بطریه لری بیاده ایکنجی
 الایک برنجی و ایکنجی
 طابورلری اراسته وضع
 اولنور و . . . الخ

ایک نجبی مثال

لا اله الا الله و طوبى لمن رزقنا آلائه ان ينجى طابورينك
برنجى بطريقه سيله استحکام برنجى طابورك برنجى بلوگندن واىكى سيار
خسته خانه طاقتندن مركب وميرلوا (ب) پاشاك قومانداسنده بولنان
مفوزه مك (بورويش نظامى) در .

انقسام عساکر

میشدار :

قوماندان میرالای

(ج) يك

১৭

100

ظا

5-  178
6- 6-6

27-1-11

سید احمد خاں

در حیات و حیات

三



51

اوج ۵۴۵ الی ۳۰۰ متره
سواری پیشداری
سواری قسم }
کلیدی

متحول مافہ در .

۱۱۱۱ اوج (برمانه) ۳۰۰ متره در

■ پیدشدار باشی (برطاقم)

٣٠٠ الى ٤٠٠ متره در

بیاده پیشدار پیشداری

۳۰۰ الی ۴۰۰ متر در (ایکی طاقم)

❑ امر خدمتی ایچون بر قسم سواری

طردن کے

2, 4, 5

سا

✓

□ استحکام بلوی

❏ بسیار خسته خانه طاقتی

پیشدارك كوچك آغرلغى

ط سا دن بر طاقمدر

مسافہ اعظمی ہر کیلو متر در .

مفرزہ ملک پیشداری

د — يول قول نظامى — ۱ — مزروع اولسندن طرفينه چيقيه ميان يوللرده حرکت ايدلگنه ويوللر ك عرضى دخی وسطى (يدى بچق. مترو) اولدېفنه نظراً :

پياده يان يورويش (دردرله) سواری ايکيشر (ويا اوچرله) قول طوبجى تك (ويا بلوك) قولى آرابه لر تك قول ، نظاملرندە حرکت ايدرلر .

۲ — غير مزروع اراضيده يول قول نظامى عادى يوللرله کچى يوللرينك عرضنه نظراً اولوب طاغلرله اورمانلرده پياده بيله بر اوله رق يوريمكه مجبور اولور .

۳ — هر طرفندن حرکت اولنه بيلان اراضيده کنش جبهه لرله حربه کيره بيلك ايجون پياده طاقم (ويا نصف طاقم مانفه) و سواری آلتيشر قول (ويا طاقله قول) طوبجى طاقم قولده يورويه بيلور ،

۵ — يورويش قوللرينك ديرينكى- برياده طابورينك موجود سفرىسي ضابطان واركان و صره دن خارج افراديله ۸۴۶ و بر سواری بلوكنكى طاقلر ۱۶ ديزى اولدېفنه نظراً ۱۰۲ و طاقلر ۱۰ ديزى اعتبارنده ۱۰۴ و برياده بطريه سنك التى طوب طاقى و اوج قياقلو و بردميرجى آرابه سيله ارزاق و اشيا و جخانه نقلنه مخصوص ۳۰ مكارى حيواناتندن عبارت بولنديكى يورويش قولنى تركيب ايدن قطعات اراسنده شومساهر براقيلور .

مترو

- | | |
|-----|-----------------------------------|
| ۸ | برپياده طابورينك بلوكرى اراسنده |
| ۱۶ | برالايت طابورلر اراسنده |
| ۳۲ | برپياده لواسنك ايکى آلاپى اراسنده |
| ۶۴ | ايکى پياده لواسى اراسنده |
| ۴۰۸ | برسواری الاينك بلوكرى اراسنده |

مترو

۱۲ برسواری لوانسك الايلری اراسنده

۱۶ بریاده قطعه سیله دیکر برقطعه و بطریه لر اراسنده

۲۴۸ پیاده فرقه لری اراسنده

رقلر خطویه تحویل اولندقد ۱۰۰۶۲۰۰۴۰۰۶۸۰۰۶۲۰۱۵۰۶۳۱۰۰ اولور.
معلومات مذکوره به نظر آ :

۱ --- پیاده

قولك درينلکي يول قوائه کيرمک ايچون مقتضى

متره زمان (وسطی دقیقه)

۷۰	صره داخلندم برنفرک اشغال ايتديکي محل
۷۴	بربلوک (اعظمی اوله رقی)
۳۲۵	کوچک آغراغیله برابر برطابور
۳۶۳	کوچک و بیروک آغراغیله برابر برطابور
۱۱۶۵	آغراقلریله اوچ طاבורلی برالای (ارکانی داخلدر)
۱۵۴۴	» درت » » » »

۲ --- سواری

۲,۵	بربارکیر دولی اوچ خطوه در	۲,۵
۲,۵	ایکیشر قول نظامندم بربلوک	۱۷۵
۲,۳	اوچر » » »	۱۲۰
۱۱	آغراقلریله درت بلوکلی برالای (ایکیشرله)	۷۹۰
۱۵	» بش بلوکلی برالای	۹۷۰
۲۱	» آغراقلریله سکز بلوکلی برلوا	۱۶۰۰
۲۵	» اون » » »	۱۹۶۰

قولک درینلکی	یول قوانه کیرمک ایچون مقتضی
متره	زمان (وسطی دقیقه)
۱۱۰	ایکیشر قول نظامنده بر بلوک ۲
۵۵۰	درت بلوکلی بر آلائی (ایکیشرله) ۸,۵
۶۷۰	بش » » ۱۱
۱۱۲۰	سکز بلوکلی برلوا » ۱۹
۱۳۶۰	اون » » ۲۱

۳ — طوپچی

۱۴,۵	قوشلش برطوپ طاقم ویا قبالوسئی اون سکز خطومه در .
۲۶۳	علی العموم آغر لقلریله برسواری بطریه سی ۳,۵
۲۳۵	» » برپاده بطریه سی ۴

۴ — نقایه قناری (قافله لر)

۲,۵	برمکاری حیواننک طولی
۹	ایکی بارکیولی بر آرابه
۱۲	درت » »
۱۸۵	یوز قرقیدی مکاری حیوانندن مرکب برطوپچی ججخانه پارق ۴
۵۴۰	دردر بارکیولی ۳۴ آرابه دن برطوپچی ججخانه پارق ۷
۲۷۸	(پیاده فرقه سنک) ۲۲۲ مکاره لی ججخانه پارق ۱۵ الی ۱۶
۸۰۰	(پیاده فرقه سنک) ۵۰ آرابه دن ججخانه پارق ۸ الی ۹
۴۱۳	فرقه نک ارزاق قافله سی ۳۳۰ مکاریدن ۲۰ الی ۲۵
۸۷۰	فرقه نک ارزاق قافله سی ۵۵ آرابه ۸ الی ۹,۵

قطعات عسکریه قوللرینک درینلکاری ایچون بالاده کی ارقام قاعده یه و موجود سفریه موافق صورته حساب اولمشدر . قوتلر متحول بولنسدن ارقامک ذهنده حفظی تسهیل ایچون برمقدار اوزانمه پایی علاوه سیله آتی الذکر ارقام قبول ایدلشدر :

- د — ۱۷ طابور پیاده برالای درینلکی یوروش نظامنه کیرمک
 سواری برپاده طوبچی
 ایچون مقتضی زمان
 طابورندن مرکب برنظامیه
 ساعت دقیقه
 فرقه سی (**) ۱۰۸۰۰ ۲ ۱۰
 ه — ۳۲ طابور پیاده اون
 بلوک سواری درت
 طوبچی مابورندن مرکب
 برقول اردو (***) ۲۲۰۰۰ •



❦ در دنجی فصل ❦

یا یوروشک اجراسی ❦

۱ — یول انتخابی : — یول انتخابیچون اولاً خریطه تدقیق بعده
 اهالیدن تحقیقات باییلور . مستقل سواری (لوا یا فرقه سی) ایلرویه
 کوندرلش ایسه یوللابه جفی یومیه راپورینه اوزرنده حرکت ایتدیکی
 یوللرک حالی حقنده معلومات علاوه ایتسی امر ایدیلوب آلنه حق
 معلومات واولجه اجرا قلنان تدقیقات اوزرینه مناسب بریول قرارلشدیریلور .

- (۱) برطاقم سواری داخل بیوک آغراق داخل حساب دکلدیر .
 (**) بربلوک سواری داخل بیوک آغراق داخل حساب دکلدیر .
 (***) سوارینک ایکی بلوکی و طابورلرک بیوک آغراقلری
 داخل اولوب قول اردونک نقلیه قطاری داخل حساب ایدلامشدر .
 تنبیه — علی العموم بالاده کی قطعات عسکریه حرب یوروشی حالنده
 فرض و قطعات مقننه ییننده کی مسافهلر نظر مطالعیه آلنه رق
 حساب اولتمشدر .

۲ — قطعات مختلفهٔ عسکرینهٔ غذا یول یوریشیلہ برکونده قطع ایدم جکی مسافات : — یالکز پیاده ویا یالکز طوپچییدن ویا صنوف مختلفهٔ دن مرکب قطعات صغیره ۳۰ سواری عسکری یالکز اولدینی حالدہ ۳۰ الی ۴۰ ، صنوف مختلفهٔ دن مرکب اولان برقوۃ جسمیه ۲۳ ، سریع یورویشلہ دخی ۲۰ الی ۳۰ ، جبری یورویشلر ایلہ ۶۰ ، کبجہ یورویشلریلہ ۱۰ الی ۲۰ کیلو مترودر .

۳ — یورویشك سرعتی : — صنوف مختلفہ برابر اولنجہ پیادهٔ نك سرعتنہ کورہ حرکت اولنور . یوللرلہ احوالک مساعدہ لی ، مساعدہ سزلکنہ نظراً ۲۳ کیلو مترولق مسافہ یول یورویشلہ شوزمانلردہ قطع اولنور :


ایو فنا فنا یوللر اوزرندہ فوق العادہ
یوللردہ واحوال هوائیہ واحوال هوائیہ غیر مشکلاتہ تصادف
مساعد اولدیغنه نظراً مساعد اولدیغنه نظراً ایدلد یکنندہ

ساعت	ساعت	ساعت	ساعت
۱۲	۱۰	۸	پیاده طابوری ویا برطریہ ۵
۹	$۷\frac{1}{4}$	۶	س لای ویا س برطریہ سی ۴
۲۰	۱۶	۱۰	برقلیہ قطاری ۶
۱۴	۱۱	۹	برپیاده فرقہ سی ۶
۱۲	۹	۷	برسواری فرقہ سی ۴
۱۰	۱۲	۱۰	برقول اردو ۷

بدایتہ پیاده و طوپچی ساعتہ بش و سواری التي کیلو مترو قطع ایدم یولر ایسہدہ سرعت کیتدجکہ تناقص ایدم جکندن ایو یوللر اوزرندہ واحوال هوائیہ مساعد اولدیغنه نظراً ساعتہ وسطی اولہرق پیاده و طوپچینک اعظمی درت و سوارینک بش کیلو مترو قطع ایدم جکی قبول اولنہ یولر . (فرانسه اردو سندنہ قوای جسمیہ دن

مرکب قطعات بیله ایو یوللرده ساعتده ۳۶۰۰ : ۳۷۰۰ مترو قطع ایدرلرکه کوچک موله داخلدر . بیوک موله ایچونده بر ساعت علاوه اولنور ایسه ۲۳ کیلو متروک مسافه نك یدی ساعتده قطع اولنه جفی اکلاشیلور .

۴ — یوروش ترتیبانی : — یول انتخاب اولندقدن ویوروشده کی مقصده نهایتده زرده کیجه لنه جکی (قوناقدن ویا آچیقده) یوروش ترتیبانه یکیلور عزیمت نقطه لری قطعاتک هج بریسی لزومسز یوروش یامیه جق وجهله انتخاب اولمیلدر . قوناقدن قالدیه جق ایسه قوناق دائرهنسک ایلروسنده یوللرک برلشدیکی بر نقطه عزیمت ، نقطه سی انتخاب اولنور : ب ، ج ، ه ، ق ، ک ، ف نقطه لرنده (قروکیه مراجعت) قوناقلرده کیجه لین قطعه عسکریه ایرتسی کونکی یوروش استقامتنده یوللرک تلاقی ایلدیکی بس نقطه سنده طولنمیلدر .



اگر قول بر قوه کثیره دن عبارت ایسه بولندیقی منطقه یه نظر آمناسب برقاج نقطه ده جمع ایدیلوب مشلا قولک ب ، ق مواقعه ده کی اقسامی

(س) ده و (ك، ه) دهكى (ه) ده و (ف، ج) دهكى (ج) ده جمع اولمىدەر. قولك درينلكنى اوزون اوله جفندن بالادهكى اوج قسم برآنده حرکت ایده بیلور.

برفرقه نك يورويش قولك درينلكنى همان اون كيلو مترو اولديفندن س، ه، ج اجتماع نقاطى پيئندهكى مسافه اون كيلو مترو ايسه مذکور قول س، ه، ج ده جمع ايتديريلوب اقسام مذکوره تماماً يوله قويولدقندىصكره يکپاره برقول تشكيل ايتش بولنور.

يورويش اجراسيچون عسکر اجتماع نظامنده جمع ايديلورسه هم بونظامى تشكيل ايتك وتکرار يورويشه جكم عسکرک لزومسز يره يورلمسنى موجب اوله جفندن يول قول نظامنده طولمىدەر.

عسکرک صحتنى، جخانه، اسلحه، البسه، ارزاقنى والحاصل معناً ومادهً حالى تفتيش ايجون قولى آره صره اجتماع نظامنده جمع ايتمىدەر. اجتماعلرده قوماندانلر، ارکان حربيه رئيسلرى پك چوق خصوصاتك ترتيباتنه موفق اوله بيلوب (هراجماعده برارکان حربيه ضابطى ساعتلك تنظيمه مأمور ايديلور) عسکرده چوربا پيشوره بيلور. فائدهسز اجتماعات داعى مضرتد رهراجماعدن جداً استفاده اولتمىدەر.

اجتماعد نصكره يورويشه كچيله جكسه صنوف مختلفه نك يوله كيرمسيچون مقتضى زمانى حسابده غفلت ايلاملىدەر. برفرقه نك يورويشده درينلكنى (بيوك آغراق خارج) همان اون كيلومترو اولديفندن يوله كيره ييلمسيچون اقلى ايكنى ساعت لازمدر برنجى طابورك حركتتدن همان ايكنى ساعت صكره نهايتدهكى طابور حرکته بدأ ایده جکدر. اشبو طابور بومدت ظرفنده اولديغى محله آرام ایده يئلکه عسکره طولبدن سلاح آلدیرميوب قسم قسم آلدیرمق مناسب اولديغى مستبان اولور. عسکرک احوالى تفتيش ايجون اجتماع نظامى تشكيلى اقتضا ایدیورسه يورويش قولك قطعاتنى بردن نظام مذکوره جمع

ایتمه رك قطعات مذكوره بی کوستریلان بر نقطه ده بر برینك عقبنده
دخی جمع ایتمك ممکندر .

یورویش نظامنده جمع استیلورسه قطعاتدن هر برینك باشی نروده
بولنه جغنی کوسترمك وایلروده بولنان قطعاتك درینلكنی نظر
ملاحظه دن دور طوتماقی لازمدر . یورویشه صرمل اره سنده
انتظامك شدتله محافظه سنه . دقت ایدوب کوی وشهرلردن مرورده
دشمن اوزاقده ایسه موسیقه چالدره رق عسکری خطوه موزونه ایله
یورتلمیدر . اجتماعدنصکره حرکتیه دوام ایده جيك عسکرک صو
ایچمسنه مساعده اولنور . عکسی حالد و وجودلرك حرارتلی ، تلی
بولنمسندن عسکری برمدت صو ایچمکدن منع ایتمیدر . سوارینك
باشی برموقعدن مرور ایدر ایکن عسکرک کچه جگنی اهالی یه اخبار
ایله یولك کنارنده صو طولوم چناقذر ، مشربه لروضعنه مجبور ایلمیدر .
حرکتدن اوچ چاریك، ساعت صکره (۱۵) دقیقه لق کوچك موله
یولك اوچده ایکیسی ویا درنده اوچی قطعنده اوچ چاریك ویا
بر ساعتك بیوك موله ایتمیدر . حاله نظراً موله لر تزید اولنه بیلدیکی
کبی مسافه کوچك اولور هواده مساعده ایدر ایسه بیوك موله
بیله ایتمالمیدر .


یورویشه لزومی حس اولنان خصوصاتی تسویه وانتظامی اعاده ایچون
بیوك موله دن استفاده یه غیرت ایدیلوب یورویشك ختامنده اردوگاه
ویا قوناقدیه کیچله نه جيك محللر ایله ایلری قره غوللرك مواقعی ویرتسی
کونی اجرا قلنه جق اجتماعات ایله اوامرك زمان توزیمی لازمکلا نلره اشبو
موله ده امر اولنور .

بیوك موله ایدلیه جکسه یورویشك ختامنه طوغری کوچك موله
ویریلوب تنبیهات بواننده ویریله بیله جکی کبی موله سز یورویشه ده اعطا
اولنه بیلور . (بوحاله ارکان حریبه رئیس اردوگاه ویا قوناق محللرینه



صنوف ثلثه‌نک باشلوجه اجتماع نظامی

— پیاده —

امر آملق ایچون حاضرلق ترتیبانی (هرطابور چفت ویاکنیش قول نظامنده)
طابورک چفت قول نظامی آلایک جناحواری نظامی لوانک خطواری نظامی





لوانک جناحواری نظامی لوانک دیگر جناحواری نظامی




یورویشه حاضرلق ترتیبانی (هرطابور درین
قول نظامنده)

طابورک درین قول نظامی الایک جنواری نظامی لوانک جنواری نظامی




لوانک جناحواری نظامی

تنبیه — کړک بوصحینه‌ده وکرکسه متعاقب
صحیفه‌لرده یازیلان ارقام ۰, ۱۰, متره طولنده
خطوه جنسندندر . نهایتلری صفرله منتهی
اولان رقلر سهولتله حفظ اولنلق ایچون قید
اولنیش و یکرلری حقیقی مقدارلردن




— سواری —


الایک اجتماع قول نظامی لوانک طاقله قول نظامی لوانک یناشیق اجتماع خط نظامی



بلوک قوی
(تک قول نظامی)



الایک اجتماع قول نظامی لوانک ایکی خطله اجتماع نظامی




— طوبچی —

بر بطریقه تک اجتماع نظامی

طاقله قول نظامی
(مساقلری یناشدیرلش)


یناشیق صف حرب نظامی




برنجی قدمه

برطوبخی طابورینک اجتماع نظاملی —

— درین قول نظامی —



کنیش قول نظامی



ملاحظه — اجتماع ایچون بطریقه نك طاقله قول نظامی (مسافه لی
 یناشدیرلش) کنیش یولرده قوللانیلور . اجتماع ایچون بلوک قولی
 نادراً یوللر طار ویانه جیتمق قابل اولدیفی وقت بالضروره استعمال
 اولنورکه بو عاداتا یول قونده طور مق دیمکدر .
 طابورک (درین قول) نظامیله (کنیش قولی) نظامی دخی بعض
 حالات استثنایده اجتماع ایچون مستعملدر .

آیریلان مختلف یوللرک برنجی تلاق نقطه سنده توقف ایتک وامر آله جق ضابطانک اورایه کللری اولجه اعلان اولتق لازمدر) . .

• — یوریش اثناسنده کشف وامنیت خدمانیله بعض افادات عمومیه سواری اوامر وراپورلرک ایصالنده استخدام اولتق اوزره پیاده یه برقاج آتلو ترکله پیاده نک ایلروسنده حرکت و آندن خیلوجه تباعد ایده ییلوب کشف قوللری سوقله دشمنی کشف ایدر .

سوارینک ایلروسنه ویا نلرینه ضابط کشف قوللری چیقاریلور بونلر شفقله حرکت ایدرلر . سواری دشمنه راست کلدیکنی راپورله اخبار ایدر ایسه ده تصادف ایدلدیکنده اره صره (ومثلا بوغاز ، کوپری ، قصبه کبی) تقاطدن راپور کوندرملیدر . راپورلر یالکزر دشمنه دائر اولیوب یول ایله کوپرلرک حالندن وسائزده دن باحث اولمیدر . پک مهم راپورلر باش وپشدار قوماندانلرینه کوندرلمیدرلر . سوارینک حرکت ایده میه جکی اراضیده عساکر سائزده نک کیرو سنده کیمسی ویول حرکتی بسبتون منع ایلمیه جک درجه ده ایسه پشداره دائما بر مقدارینک ترفیق لازمدر .

فوق العاده حاللرده (اراضی صارپ ویا دشمن پک یقین اولوب اولجه منطقه سواریه کشف اولمش) پیاده دنده کشف قوللری چیقاریلور . تهدید اولنسان (بوغاز ، کوپری الخ) نک سرعتله ضبطی ایچون سواری یه یوللرک مساعده سنه نظراً مکاری ویا آرا به لره راکباً بر مقدار پیاده ده ویرله ییلور . (برلکه ۲۵ آرا به کافیدر) پیاده سواری کشف قوللرینک تحقیق ایده مدیکی مواقعه تقرب سنده یوروش قولنی توقیف ایتمامک ایچون مواقع مذکوره یه قول باشی کلزدن اول پیاده کشف قوللرینی سوق ایتمیدر .

یوروش قولنک یانلرندن جانبدارلق وظیفه سیله کشف قوللری ، مفرز سواری طاقم ویا بلوکلری چیقاریلور . یانلرده اهمیتلی نقطه لر بولنوبده

یوروش ائناسنده ضبطلری لازمه قولك نهایتنده کی قطعاًدن جانبدار افرازی موافقدر . جانبدارلر کوستریلان نقاطی قولك نهایتی کچخه یه قدر اشغالند نصکره قطعاًت اصلیه لرینه التحاق ایدرلر (بالاده برنجی فرقه حقنده کی مثاله جانبداره پیاده دردنچی آلا ی ایله قسم کلینک سوار ی بلوکندن وطوبچی اوچنجی بطریقه دن افراز اولنور) .

اگر یانلردن بری پک یقین مسافه دن تهدید اولنه جق اولور ایسه یه بالاده کی تداییر انحاذ قلوب فقط بریوروش قولنی یان طرفه یایمی ایلویه طوغری یایمندن ده سولتی اولدیغندن بومشلو حالانده یوروش قولنک یان طرفنده مرکب مفرزه لر ویاخود یالکز سوار ی عسکری یورتک اکثر یاکفایت ایدر .

دشمن ظهور ایدوبده پیشدار برموضی اشغال ایدمک اولور ایسه یان طرفندن قسم کلینک یایلمسینه مساعد موضع انتخابنه دقت ایتلی و اشغال اولنان موضعی جوارنده پک مساعد ویا پک مهم نقطه لر بولنوبده دشمنک ضبط ایتک ایستدیکی حرکاتندن استدلال اولنور ایسه پیشدار اول نقطه لر ی دخی سرعتله اشغال ایتلایدر .

کیرو یوروشلرنده دشمنه چوق قوت کوسترمک ایچون دمدار سواریدن واسع برپرده ایله کندینی ستر ایتلایدر . دمدار متدایاً یول قزاعنه چالشمقده اولان قسم کلیدن معاونت بکامه ایدر .

اشغال ایدمک مواضی تک باشنه مدافعه ایدمک وطوبچیسنی یایه جق صورتده اوللی . قطعی برحاربه یه طوتشقی استنلدیکنده هجومه اصلا الوریشلی اولیان مواضی انتخاب ایتلکدن اجتناب اولنور ایسه ده کیفیت دمدار ایچون برعکسدر .

دمدارک قطعی برحاربه اجرایی منافعه مغایر اولدیغندن دشمنک دمداری یاندن اوره رق توقیف وبرحاربه اجرا ایتلکه مجبور ایتماسی .

ایچون دمدارک یانظر فلرنده کی یوللر نظارت کامله ده بولندیرملیدر . دشمن نظرندن مستوراً رجعت مساعد مواضع غیر مساعدره مرجعدر دمدارک برقاچ قولدن رجعتی موجب فائده در .

دمدار بمضاً قیصه وشدتلی مقابل تعرضده بولنسی (لزومندن زیاده محاربه به طوتشماق شرطیله) پاك مناسبدر . غروب یقین محاربه به طوتیشیلور ایسه کیجه حلولیه محاربه تعطیل اولنه رق مستوراً رجعت ممکن اوله جفتندن دمدار محاربه لیچون بوزمانلر پاك فائده لیدر چونکه دشمن قوای کشیده سنی یاغنه میدان بوله مز .

دمدار قوماندانی کوپری و تیمور یوللر ایله تلغرافلرک تخریب اولنوب اولنیه جغنی اکلامق ایچون باش قوماندان ایله مخبره ایتملیدر .

باش قوماندان اکثریتله قسم کلینک باشنده بولنوب محاربه نك قریباً باش طرفده وقوعی محتمل ایسه مشار الیه پیشدار ایله ویا نلرده ملحوظه قسم کللی ایله حرکت ایدر . قوی آره صره تفتیش ایچون مناسب فرصتلردن استفاده ایدره ک کوپری . بوغاز الخ نقطه لرده طوروب قوله رسم یکید اجرا ایتدیرملیدر .

بیوک آغراق ، نقلیه قطارلری عساكر محاربه نك حرکاته ایراث بطاات ایتیه جك فقط حین حاجتده عساكر مرقومه نزدینه جلب اوله جق صبرترده سوق اولملیدر . مثلاً رجعتده بیوک آغراق ، نقلیه قطارلری ایرتسی کیجه قوناق ویا اردوگاه آتخاذ اولنه جق محلامه اولجه کوندریله بیلوبونك اجرایی قابل دکلسه دشمنك مخالف جهتده کی یوللردن حرکت ایتدیریلور . بو حالده مذکور آغراق و قطارلر یوروش قوی واسطه سیله دشمندن محافظه ایدلمش بوانور .

برقطه جسمیه عسکریه متعدد یوروش قولرینه انقسام ایدره ک حرکت ایدر . برقول اردونك یالکز برقولدن حرکتی نادر اولوب اعظمی برپاده فرقه سی یالکز بریولدن حرکت ایتدیریلور .

— ❦ — بشنجی فصل ❦ —

— قرارگاه عمومیلر —

وظائف	فرقه لرده	قول اردو لرده	اردو لرده
	ارکان حربیه هیئت	ارکان حربیه رئیس	ارکان حربیه رئیس
	و بایر نفر ارکان حرب	» » ثانسی . . .	» » ثانسی
	ضابطی	ارکان حربیه هیئت	ارکان حربیه هیئت
	یاوران	یاوران	یاوران

(*) ارکان حربیه رئیس باش قوماندانک معاونیدر . سوق الجیش و تعبیه امورینی اداره ایدر . رئیس ثانی رئیسک معاونیدر . حرکاته غیر متعلقی (ترفیع ، مکافات ، پاره ، اداره الخ) خصوصاته اشتغال ایدر .

ارکان حربیه هیئت ۷ : ۴ کشیدن عبارتدر : ۱ — رئیس طرفندن ویریلان اوامری و حرکاته عائد راپورلرله مکاتبی تحریر و مقامات علیا ایله مخبراتی تنظیم ایدر . ۲ — قلم رئیسکه مراسلات و موارداتک انتظامنه و بوکا عائد دفاترله قلم کاتبلرینک ایشلرینه نظارت ایدر . ۳ — طرفینک وضعیتنه دائر استحصال معلوماته سفارتلرله جاسوسلرک مخبراته ، اسرا استنطاقنه ، قرارگاهک یومیه ژورنالک تنظیمه دقت ایدر ، ۴ — منزل خدماتیله اوغراشور . ۵ — تلفات و ضایعاتک اکیانه (طوب ، اسلحه ، بارکییر) ، ۶ — خریطه خصوصاته (یولار ، شمندوفرلر ، صولرکبی د'الحرکاتک حالنه دائر معلومات جلی) ، ۷ — مأمورین ملکیه و اهالی ایله مخبره و مکالمه ایدر .

اردولرده	قول اردولرده	فرقه لرده	وظائف
امر ضابطانی	لوازم ریسی	لوازم ریسی	تحریری اوامری محلنه ایصال
تلغراف قوماندانی	لوازم ریسی	لوازم ریسی	اعاشه خصوصاته نظارت
شمندوفر	لوازم ریسی	لوازم ریسی	مخابراتک تأمیتی
مزل خطری	لوازم ریسی	لوازم ریسی	عسکرک نقلی واقتضا ایدن خطوطک تأسیس ویا تعمیر
طوپچی	لوازم ریسی	لوازم ریسی	کیروده کی بولرده آمد و شدک منتظماً اجرایی
استحکام	لوازم ریسی	لوازم ریسی	طوپچی به نظارت، جخانه و طوپ یتشدرمک
صمیه ریسی	لوازم ریسی	لوازم ریسی	استحکامانه عائد خصوصات
دیوان حرب ریسی دیوان حرب ریسی	لوازم ریسی	لوازم ریسی	امور صمیه به نظارت
قاضی عسکر	لوازم ریسی	لوازم ریسی	محاکنک جریانی
پوسته مدیری	لوازم ریسی	لوازم ریسی	وظائف دینی به اجرایی
جاندارمه هیئت	لوازم ریسی	لوازم ریسی	پوسته اداره سی پوسته لک تربیتی
قرارگاه عمومی قوماندانی	لوازم ریسی	لوازم ریسی	کیزوده کی افرادی ایلر ویه سوق ایدر خدمات خارجی و نقلیه به ناظر
قره غولی	لوازم ریسی	لوازم ریسی	قره غول خدماتی ایفا

ارکان حربیه نك آزلغندمه ۵ نجی وظیفه ۴ نجی به ۶ نجی برنجی به
۷ نجی ۳ نجی به ویا اشبو اوج وظیفه یاورانه ویریلور .
یاوران : — ۱ سرباور — ترفیع ، مکافات ، نصب بجایش معاملاته
شکایتنامه و سائر نك اخذ و محلنه تقدیمنه ایکنجی یاور — اردونك
ویا منفرد قطعاتک هراون کونده بردفمه کوندره جکاری ژورناله نظرأ
قوة عمومی تنظیم وهرکون قطعاته کلان ویا کیدن افراد وبارکیترل

اوامرک تحریرینہ دائر قواعد

۱ — اوامر مختصر ، آچیق ، قطعی معنایہ شبہہ لی کلماتدن عاری ، هرکسک اکلايه بيله جکی طرزده یازلمیلیدر . امری یازان کندوسنی مرسل الیهک یرنده فرضله قوتتول الیلیدر .

۲ — اک بیوک قوماندانلردن کلان امرلرده پک چوق شیرل اجرا قوماندانلرینک درایتلرینہ ترک ایدیلهرک عمومی یازیلور « مثلاً باش قوماندانلرندن اردو بعضاً قول اردو قوماندانلرینہ یازیلان امرل بونوعدندر » بوامرل مقام علیاک یالکز مرانی (مقصد ، استقامت حرکت کبی) بیلدیروب ، توفیق حرکتی اردو ویا قول اردو قوماندانلرینک درایتنه حواله ایدر . بونلره (اوامر عمومیہ - اساسیہ) دینور . اوامر مذکورہ بی باش قوماندانلرینشقه سنک اعطاسی مستثنایا حالانده در . ۳ — فرقه ، لوا ، آلائی . . . الخ بالنسبه کوچک جزؤ تاملرک امرلرندہ جزئی شیرل اجرا مأمورلرینک درایتلرینہ ترک اولنور . ۴ — بدایت سفردن اعتباراً اوامرہ نومرو وضع اولنور] اردو امری نومرو (۱) ، فرقه امری نومرو ۳۰ کبی) .

• — شخصه واداره عسکریه عائذ خصوصات اوامر یومیه ایله اعلان اولنوب حرکات اوامرینہ درج اولتماز . ۶ — اوامرک مقدمه سنده دشمنه و طرفزه دائر مختصر معلوماتدنصکره ترتیبات بیان اولفلیدر . ۷ — اجراسنده امکانشزلک احتمالی موجود اولان خصوصات اصلا امر اولتما میلیدر . ۸ — قریب الوقوع برحاربهک نتیجه بی بیلنه

ایچون بر یومیه دفتری ترتیب ایدر . اوچیجیسی — ضایعات جدوللرینی طوتارہ دردنجیسی — اجنبی ضابطان ، آتشه میلیرلر ، غزته مخبری ایله مأمورین واهالی بی قبول ، مأذونیتی داخلنده مکالمه ویا متعلق اولدیفی ذوات عالیہ ایصال ایدر . بشنجیسی قوناق خدما تیلہ اوغراشور .

میه جکندن بویه بر محاربه دن صکره کی حرکاتدن بحث اولناملیدر
 بوحالده بالاخره ویریلان امری نقص ایدر دیگر اوارمک ویرلمسی
 بوصورتله پک چوق فناقلری موجب اولور . ۹ — اجرایه دائر
 تفرعات حین اجراده دهازیاذه میدانیه جیهه جفندن تفرعاته دائراملر
 ویرلاملیدر . ۱۰ — بعض حالات مستثنا اولقی اوزره ویریلان
 امرلرک اسباب موجیه سندن بحث اولناملیدر . ۱۱ — اوارمده
 تاریخ ، زمان یازیلان محل ذکر اولناملیدر . غروبیدن اون ایکییه
 قدر کجه و صبح اون ایکیدن غروبه قدر کوندوز اعتبار ایدیلوب
 اختصاراً (کی ، کو) له یازیلور . ۱۲ — مواضع ومواقع تعریفنده
 صول ، صاغ ، اوتده و بریده الفاظی یرینه شمال ، جنوب ، غرب ،
 شرق جهاتی قوللناملیدر . ۱۳ — اسم خاصلر اوقوناقلی و طوغری
 یازلملی . عمومیه برجنس خریطه ویرلملی ویا استعمال اولنه جق خریطه
 امر عالی ایله تعیین اولنملی . برجنس خریطه یه نظراً اساسی یازلملی
 وارائنملی . ۱۴ — کوچک کوی ، بیوک کوی ، مهاجر کوی ،
 کبی برقاج محلی ارائه ایدن اسملر لایقیله تعیین قلنملی (اینه کولک
 شرقنده کی یکی کوی) کبی . اجنبی محللرک فرانسزجه سیده یازلملیدر .
 ۱۵ — بوکون ، یارین ، او برکون کلماتی تاریخ ایله ذکر اولنملی
 (تشرین اولک بری اولان یارین کبی) . ۱۶ اوارمک تحریراً کوندرلملی
 یازسیله امضاسی اوقوناقلی اولملی . شفاها کوندریلورسه عیناً تکرار
 ایتدیرلیدر . ۱۷ — تلغرافلرک مختصر وسلاست افاده ایله یازلملی
 واجباتدندر . ۱۸ — اهمیتلی امرلر امر ضابطرلیله و مخاطره حالده
 آیری یوللردن ایکیشر ضابط ایله و کجه لین محافظلری آرابه یه ویا
 مکاری یه بخش ضابطانه کوندرلیدر . امری ویرنلر کتورنلره
 کیمه کتوره جکنی ، کیده جکی یولی ، کله جکی محلی ، یوروشنک
 وزتی ، تصادف ایتدکاری مافوقه محتویاتنک سولنوب سولنمیه جکنی

بيلديرلر . تلغراف خطى وار ايسه امرلر تلغراف ايله تبليغ اولنوب
خطا اولماسيچون تلغرافى آلان چكنه عينا تكرر ايتلدير . اوزاق
مسافه لره امرلر برلكده كيتك اوزره ابو بيكي لرله راكب ايكي امر
ضابطى ايله كوندري لور .

۱- يوروش امرينك باشلوجه محتوياتى :-

- ۱ — دشمنه ويوروش قولنك منسوب اولديغى عساكر ك حالى
لايقيله معلوم دكل ايسه عساكر مرقومه يه دائر معلومات .
- ۲ — باش قوماندانك معيتنده كي امرا مشار اليك مرامنه موافق
صورتده حركت ايچون مقصد متخذه دائر ايجابى قدر معلومات .
- ۳ — انقسام عساكر (برقاج قولله حركت اولنيورسه صولجناح
قولى ، صاغبناح قولى ، مركز قولى ديه تعينى) . (*)
- ۴ — تجمع ويا اجتماع محللى ، عزيمت زمانيله كيديله جك يولك تعينى .
پيشدار ، قسم كلى ، جانبدار ومفرزه لردن هر برى ايچون خصوصات
مبحوئه آيروجه بر نومرولى ماده طرزنده بيان اولنور . (پيشدار
قسم كلى الخ كله لك آلتنه چيزكى چكي لور .)
- امنيت خدماينه وكشف ايله ساژميه دائر بعض تدابير خصوصيه اتخاذا
قلنش ايسه بونلر دخى علاوه ذكر وبيان ايديلور .
- ۵ — بيوك آغراقى ونقله قطارلر يه دائر اوامر (كوچك آغرافه
عائد اولانى اوامر يوميه ايله در) .
- ۶ — يوروشده قوماندانك بولنه جنى محل .

(*) امر تحريراً و بريليورسه امر كاغدينك كنارنده انقسام عساكر
شكلاً ارايه اولنه ييلور .

بویوریش امریک نمونه سیدر : (*)

(در بند) دن

پیاده برنجی فرقه

۱ — تشرین اول — ۳۰۷ کی

ساعت دقیقه

فرقه امری نومرو (۱)

۳۰ ۱

۱ — دشمن تقریباً اون بیک نفر قوتنده اولدینی حالدہ (پاپازی)

قصبه سنک غربنده بولنقده وپشداری دخی قصبه بی اشغال ایتمکده در.

۲ — در بند قریه سنک اطرافنده تجمع ایدن پیاده برنجی نظامیه

فرقه سی تشرین اولک بری اولان بکون دشمن استقامتنه حرکت

ایدرك دشمن مرقومی طرد ایدم جکدر .

۳ پشدار پیاده برنجی الای ایله سواری برنجی الایه منسوب درت

بلوکن و طوبجی برنجی بطریقه ایله یارم بلوک استحکام عسکرندن و بر

سیار خسته خانه طاقندن مرکب اوله رق میرلوا (ت) پاشانک تحت

قومانداسنده بولنه جق و دشمنک مواقعی کشف ایتمک و باشلوجه جناحله

اوزرنده کاش استناد نقطه لرینی و خط مدافعه سنک طولنی تحقیق ایتمک

اوزره شفق وقتنده درت بلوک سوارینی (در بند — پاپازی)

استقامتنه طوغری سوق ایدم جکدر .

پشدارک باقیسی کوندوز ساعت برده یوروش نظامنده اولدینی حالدہ

(در بند) دن (پاپازی) یه کیدن بیوک جاده اوزرنده و قول نهایی

(در بند) کوپرسینده بولنه جق و سوارینک تعقیب ایتدیکی (در بند -

خسرو اغا خانی — پاپازی) استقامتنده حرکت ایدم جکدر .

(*) بومثال ایله بوندنصکره کیلرک مطالعه سننده کتابه مربوط

خریطه یه مراجعت .

۴ — برنجى نشانچى طاۋوريلە سوارى الاينك بشنجى بلوكنك نصفندن مركب اوله رق بيكباشى (ذ) افنديك تحت قومانداسنده بولنه جق اولان صولجناح جانبدارى كوندوز ساعت برده يورويش نظامنده اولدينى حالده بيوك جاده اوزرنده وپشدارك كيروسنده وباش طرفى دربند كوپريسنك شرق مدخلنده بولنه جق و (خسرواغا) خانك شرقتە قدر آرقەسى سرەكيدوب اوراده پشداردن آريله جق و (يحيالى) موقعنى ضبط ايتك وفرقەك صول ياتى ستر ايتك اوزره (خسرواغا خانى — يحيالى) استقامتنده حركت ايدرك (احمد اوبا — يحيالى) كويلرى پيننده كى اراضىنى كشف وپشدارله مواصلەسنى تأسيس ايله جك وپشدار (پاپازلى) موقعنه تعرض ايدرسە مذكور جانبدار دشمنك صاغ ياتى قوشاتمق اوزره پشدارله متحداً هجوم ايدە جكدەر .

۵ — فرقەك قطعات باقىە سندن مركب اولان قسم كلى كوندوز ساعت برى چاريك كچەرك آتيدە كى محلارده تجمع ايدە جكدەر :
سوارى بشنجى بلوكنك نصفى وپياده ايكنجى آلاى ايله طوپچى ايكنجى واوچنجى بطريەلر (دربند) كوپريسنك شمالنده وبيوك جاده يقيننده (اركان حربيه خريطە سنك « ۱۳۴ » راقلى نقطە سنده) بولنه جنى كچى پياده ايكنجى لوا وكوپريچى طاقى ايله برابر يارم استحكام بلوكى وصحبه هيئتى دخى (دربند) موقعنك جنوبنده و (قوسين) موقعنك شمال غريپسندە بولنه جقدر .

آلە جق اجتماع نظامنه دائر تفصيلات ساعت برده مذكور محلارده بولنه جق اولان فرقە اركان حربيه سندن برضايط طرفندن اعطا اولانه جق ويورويش نظامى دخى تجمع محلنده اعلان ايديله جكدەر .
۶ — بيوك آغرلق كوندوز ساعت برده (دربند) موقعندن

حرکت ایدرک موقع مذکورک شمالنده پارق نظامنده اوله رقی توقف ایدم جک وقسم کلی (در بند) دن چیقندیفنده درت کیلو مترو مسافه دن آتی تعقیب ایلیمه جکدر . مذکور بیوک آغرلی سوقه مأمور اولان سواری برنجی آلایدن ملازم (ط) افندی بیوک آغرلک یوروش نظامنه دائر تعلیمات اخذ ایتک اوزره کیجه ساعت اوچده فرقه قرارگاهنه کله جکدر .

۷ — نقلیه قطاری پیاده دردنچی آلایدن یوز باشی (س) افندی بلوکنک تحت محافظه سنده اولدینی حالده کوندوز ساعت بشده (چناق) کویک غریبنده طولونوب فرقه نک ارقه سی صره حرکت ایتک ایچون اوراده امر بکملیدر .

۸ — فرقه قوماندانی (خسرو خانی) نام موقعه کلنجیه قدر قسم کلینک باش طرفنده بولنه جی وبعده پیشداره کیده جکدر .
پیاده برنجی فرقه قوماندانی

فریق

xxxx

اشبو یوروش امری ۱ — تشرین اول — ۳۰۷ کیجه ساعت بری ۳۵ دقیقه کچهرک شو زواته کوندریلور :

پیشدار قوماندانی میرلوا (ث) پاشایه (برنجی لوا دخی بونده داخلدر) پیاده ایکنجی لوا قوماندانی میرلوا (د) پاشایه ، سواری برنجی آلای میرالانی (ص) بکه ، ناشی طابوری بیکباشیسی (ز) افندی به ، طولنجی طابوری بیکباشیسی (ل) افندی به ، استهکام بلوک یوزباشیسی (م) افندی به (کوپرچی طاقی دخی بونده داخلدر) صحیه هیئت رئیسنه ، سواری برنجی آلایدن ملازم (ط) افندی به (فرقه قرارگاهنده شفاها) ، پیاده دردنچی آلایدن یوزباشی (س) افندی به .

یوریش نظامنك صورت تشكيلي دخي : اولاً — فرقه نك بالاده كي (۱) نومرولى امری واصل اولدقدنسكره تشرین اولك برنده كچه وقتي پیشدار قوماندانی میرلوا (ث) پاشا طرفندن پیشداره ، ثانیاً — فرقه قوماندانی فریق (ب) پاشا طرفندن تجمع محله شفاهاً قسم کلمیه ، ثالثاً — (در بند) دن حرکت اولمزدن اول ملازم (ط) افندی طرفندن بیوک آغرلغه ، رابعاً — (چناق) دن حرکت اولمزدن اول فرقه نك کیروسندن حرکت ایتمك ایچون فرقه قوماندانی طرفندن امر کلدیکنده یوز باشی (س) افندی طرفندن نقلیه قطارینه امر وتبلیغ اولنور .

اداره عسکریه به متعلق اتخاذ اولنه جق تداییر دخي فرقه نك بالاده كي (۱) نومرولى امرینه زیلاً (اوامر یومیه) عنوانیه نشر اولنور . مثال :

در بند دن

پیاده برنجی فرقه

۱ — تشرین اول — ۳۰۷ کی

ساعت دقیقه

اوامر یومیه

۴۵ ۱

۱ — فرقه قوماندانی آلائی قوماندانلریله طوطچی طاووری بیکباشینه ججهانه جه حاصل اولان نقصانی حرکت اولمزدن اول اکمال ایتملرینی امر ایدر . فرقه نك ججهانه یارقندن (۱) نومرولى پیاده و طوطچی ججهانه قوللری (در بند) کوینك شرقنده و باقیسی دخي (چناق) ده بولنوب لازم اولان ججهانه اورالردن التلیدر .

۲ — حرکت اولمزدن اول عسکره اوج کونلك حسابیه پکسماد وارزاق و یریله جک و بونلر اشبو خدمته تخصیص قلنان مکاری حیواناتنه یوکنه جکدر . پکسماد وارزاق موجود اولیان قطعات عسکریه نك

(در بند) و (چناق) موقع لرنده کی فرقه انبار لرینه مراجعتله بورالردن یکسماد وارزاق اخذینه مسارعت الملری لازمدر .

۳ — فرقه قوماندانی فضله آغراق طاشیقدن اجتناب ایدلمسنی بالمله قطعات عسکریه قوماندان لرینه امر و اخطار ایدر . قطعات عسکریه نزدنده بوندن اولکی امر لر ایله تخصیص قلنان مکاری حیوانانندن ویا یوک آرابه لرندن فضله برشی بولندیرلیه جقدر .

۴ — خستکان یارین صباحه قدر (در بند) کوینک هلال احمر جمعی طرفندن تأسیس اولنان سیار خسته خانه ده طوبکنه جقدر . شمذیک کوی اها لیسنک خانه لرنده اوله رق نقل اولنیه جق بر حالده بولنان خستکان خسته خانه مذکور مدیری دوقتور (ی) افندی به کوستریله جکدر . یوریمکه مجالی اولمیان افراد عسکریه یوز باشی (ط) افندی نیک تحت قومانداسنده جمع ایدیلرک دیگر برقطعه عسکریه طرفندن تبدیل اولنجه به قدر (در بند) ده منزل موقعی محافظتی خدمتی ایفا ایدم جکدر .

۵ — سواری برنجی آلا ی فرقه قرارگاهنه امر ضابطلکی خدمتنده استخدام اولنلق اوزره ایکی ملازم اعطا ایدوب مومی الیها ر ساعت بری چاریک کچدیکنده فرقه قسم کلینسک تجمع محله کله رک مأموریتلری باشنده بولنه جقلردر .

۶ — پیاده برنجی لوا فرقه قرارگاهنه قوناچی چاوشی خدمتنده استخدام اولنلق اوزره برچاوش ایله درت نفر ویریه جکدر .

۷ — پیاده ایکنجی لوا فرقه قرارگاهنه امر نفرلکی خدمتنده قولاللق اوزره اوج نفر اعطا ایدم جکدر الخ

فرقه ارکان حربی ویا برنجی

یاور حربی

xxx

❦ التتيجي فصل ❦

❦ يورويش ويا محاربه دنسك ره فرقه طرفندن ويريله چك امر ك ❦
❦ باشلوجه محتوياتي ❦

- ۱ — دشمنه و طرفز عسكرينه دائر معلومات .
- ۲ — كجه لين عسكر ك زرده قاله جنی .
- ۳ — ايلري قره غوله آيريله جق ويا آيره جق قطعه ايله قره غول خطنك عمومى اوله رق تعيينى .
- ۴ — پيشدارك زرده كجه ليه چكى (قوناقدە ، آچيقده)
- ۵ — قسم كلينك زرده كجه ليه چكى (قوناقدە ، آچيقده)
- ۶ — قسم كلې تيقظخانه سنك تعيينى (پيشدارككى پيشدار قوماندانلقدن تعيين اولنور) .
- ۷ — بيوك آغرلفك عسكر زرينه كلوب كليه چكى (كله چكسه زرده كجه ليه چكى) .
- ۸ — نقلیه قطارينك زرده قاله جنی .
- ۹ — بر محاربه دنسك ره مجروحيني طولملق وانلره باققله اسراى حربيہ ي نقل ايتك ايجون اتخاذا اولنه جق تدابير .
- ۱۰ — ارزاق وساثره نك صورت تدارك وتوزيى ايله تكاليف حربيہ نك صورت طرعى .
- ۱۱ — يكي قرارگاهك موقعى ومفاظلرينك زردهن ويريله چكى .
- ۱۲ — اواسر جديده نك زمان اعطاسى وحركت كونيخون اجتماع محلى (ممكن ايسه)

بعد المحاربه قوناقدہ و آچيقده کيجه ليجه ک برفقه اسريدر :
پياده برنجي فرقه (پاپازلی) کو پرسنک غربندن

١ — تشرين اول — ٣٠٧ کو

فرقه اسرى نومرو (٢) . ساعت دقيقه

١٠ ٣٠

١ — دشمن (پاپازلی) بي ترکله (فلبه) يه کيدن بيوک جاده اوزرنده رجعت ايتکده در . برنجي فرقه پيشداري (جشنير) کوينک شمالنده دشمن دمدارينک اشغال ايتش اولديغي موضعي ضبطله مذکور دمداري (يکي محله) نک شمالنه طوغري رجعته مجبور ايتديکي کبي دشمندن برقاج يوز اسير دخی آلمشدر .

٢ — پياده برنجي فرقه کيجه يي (پاپازلی) ايله (دربند) موقه لری اطرافنده کچوره جکدر .

٣ — ايلری قره غوللر پيشداردن افراز اولنه حق و (طوغانجي) نک غربتي جنوبيسيله (جشنير کوی) موقعندن کچن خط اوزرنده ودره نک صاغ ساحلنده يرلشديريله جکدر .

٤ — پيشدار ايلری قره غول خطنک مرکزي کيروسنده و (طوغانجي) نک جنوبنده وبيوک جاده يقيننده آچيقده کيجه يي کچيره جک و مذکور جاده يي ستر ايده جکدر .

٥ — قسم کليدن :

پياده ايکنجی آلاهی
 برنجی نشانجی طاہوری
 سواری بشنجی بلوک
 طوپچی ايکنجی بطريه
 برسيار خسته خانه طاقی

(پاپازی) ده و قسم باقی (یحیای) ، (خسرو اغا خانی) ، (تاتار کوی) ، (احمد اوبا) و (دربند) موقعلرنده قوناقدده یرلشه جکدر .

۶ — دشمن طرفندن باصقین وقوعنده فرقه نك (پاپازی) ده کی قطعات عسکریه سی قصبه نك غرب صرتلرنده وپشدار دخی (جشنیر) کوی نك شمال صرتلری اوزرنده اخذ موضع ایده جکدر .

۷ — بیوک آغراق منسوب اولدقلری قطعات عسکریه نك یانسه جلب اولنه جقدر .

۸ — فرقه نك نقلیه قطاری (چناق) ده و (۱) نومرولی پیاده و طوبجی جفانه قوللری دخی (دربند) ده قاله جقدر .

۹ — سیار خسته خانه طاقنه معاونت لازمه ده بولنق و مجروحینی (پاپازی) یه نقل ایتمک اوزره بوکونکی محاربه میداننک بیوک جاده نك شمال طرفنده کی قسمی پیاده برنجی الایدن و جنوب طرفنده کی قسم دیکری دخی پیاده ایکنجی آلایدن چیقاریله جق اولان دوریه قوللری طرفندن طولاشیله جق و مجروحین مرقومه ایلك تداوی یی مذکور قصبه نك سیار خسته خانه سننده کوره جکدر . یوکسز قلان بالجه مکاری حیوانلری و یا یوک آراهلری مجروحینی (چناق) . نقل ایلك اوزره یارین کوندوز ساعت ایکیده (پاپازی) چارشوسنده طوبله جقدر . مذکور آراهه و حیوانلر مجروحینی (چناق) . کوتوروب بر اقدقد نصکره (چناق) ده کی متوسط انباردن ارزاق یوکلنوب (دربند) ایله (پاپازی) پیننده کی طریقدن عودت و فرقه یه التحاق ایده جک و هر آلایه مخصوص اولان مکاری حیوانلری و یا آراهلری برچاوش قومانداسنده اوله رق برر کوچک قافله شککنده (واستحکام بلوکنک مکاری حیوانلری طوبجی طا بورینک کی ایله) برلشه جکدر . پشدار خفیف صورتده یاره لی اولوب فقط ایلرویه طوغری حرکت

ایک اقتدارمند بولمیان افرادی برکوچک مغرورہ میشتند طویلہ رقی
برضابطک تحت قوماندانسنہ و بزہ جنک و منزل خطی عساکرینک
ورودینہ قدر (پاپازی) محافظتہ مأمور ایلیہ جکدر .

اسرای حربیہ بویکھ (پاپازی) دہ کی کلیسادہ جمع ایڈیلہ رک شفق
وقتندہ (چناق) . اعزام اولنہ جقدر . پیادہ اینجی الای اسرای
حربیہ اونڈہ بر نسبتندہ محافظ و مقدار کافی کوچک ضابط ترفیق
ایدمہ جک و بولنرہ قوماندایک اوزرہ بردہ ضابط تعیین ایلیہ جکدر .
ضابط مومی الیہ اسرای سر قومہ بی (چناق) منزل موقعی قوماندانی
بیکباتی (لا) افندی بہ تسلیم ایندکد نصکرہ معیت موجودہ سیلہ
در بند — پاپازی طریقندن عودت ایدمہ جکدر .

۱۰ — استحکام بلوکی میدان محاربہ تک ہر طرفی یوقلیہ رقی کرک
میدان محاربہ دہ و کرک مقتولین اوزرندہ بولنان جفانہ واسطہ و ماثرہ بی
جمع و (پاپازل) بہ نقل ایلیہ جکدر .

۱۱ — بویکھ قسم کلی عساکرینی اہالی اعاشہ ایدمہ جک و پیشدار
دخی تکالیف حربیہ صورتلہ (طوغاجی) ، (جشنیرکوی)
قریہ لزندن ارزاق و محروقات و تناقلق اوت طویلہ جقدر .

۱۲ — فرقہ قرارگاہی تشرین اولک ایکسی اولان یارین کوندوز
ساعت برہ قدر (پاپازی) دہ بولنہ جقدر .

۱۳ — یارینکی حرکتہ دائرہ امر لکیمہ ساعت ایکیدہ اعطا اولنہ جقدر .
فرقہ قوماندانی فریق

xxx

اشبو امر آلتی الذکر ذوات طرف لزندن کوندریلہ جک یاوران و امر
ضابطان و نفرانہ ۱ - تشرین اول - ۳۰۷ کوندوز ساعت اون بچقدہ
(پاپازی) کوپرسنک غربندہ نوطہ ایتدیریلور :

پیشدار قوماندانی میرلوا (ث) پاشا، پیاده ایکنجی آلائی میرالایی
(خ) بک، (چونکه بوالای پیشدار اقسامندن دکلدر)، ایکنجی
لوا قوماندانی میرلوا (د) پاشا، سواری بشنجی بلوک یوز باشیسی
(دیگر دوت سوازی بلوکنه پیشداردن امر و بریلور)، نشانجی
طابوری بیکباشیسی (ز) افندی، طوبجی طابوری بیکباشیسی (ل)
افندی، استحکام بلوک یوزباشیسی (م) افندی (کوبرجی طاقنده
شاملدر)، الحیه هیئت ریئسی (ه) افندی، بیوک آغراق قوماندانی
ملازم (ط) افندی، نقلیه قطارینی سوقة مأمور بیکباشی (و)
افندی طرفلرندن،

— یدنجی فصل —

پیشدار قوماندانلغندن ایلری قره غول قوماندانلغنه

ویرله جک امرک باشلوجه محتویاتی

- ۱ — دشمنه ویشدارک منسوب اولدینی طرفه دائر (ممکنسه
دشمن قره غوللرینک نزلده یرلشدیرلدیکی) ۲۰ — ایلری
قره غوله تعین اولنان قطعه ایله قومانداننک واکر متعدد ایلری
قره غول مفرزه لری تشکیل اولنش ایسه ستر اولنه جق اراضینک
مذکور مفرزه لر پیننده صورت تقسیمی ۳ — کیجه ویا کوندوز
پوسته لر خطنک ویا ایلری قره غول طاقلرینک یاخود بلوکلرینک نزلده
بولنه جفی وستر ایدیلجک اراضینک نمریفیه ایلری قره غولی مفرزه سی
طرفندن اخذ اولنه جق ترتیبات عمومیه تک ندن عبارت اوله جفی .
۴ — ایلری قره غول قسم کلینسک نزلده بولنه جفی ۵ — باصقین

و یا هجوم و قوعنده قنی موضع و یا خطك طوتيله جفی ۶ — پیشدار قوماندانك موقعی . ۷ — ارزاق و سائرتهك صورت توزیعی و یا جمع و تدارکی . ۸ — (پاروله) .

۲ — تشرین اول - ۳۰۷ کوندوز ساعت اون بچقده (پاپازی) کوپرینسك غربندن فرقه قوماندانك ارسال ایلدیکی (۲) نومرولی فرقه امرینی آلدقده نصکره (طوغانجی) نك جنوب صرتلرندن ایلری قره غوللرك تأسیسی ایچون پیاده برنجی فرقه نك پیشدار قوماندانی میرلوا (ث) پاشا طرفندن ویرله جك اولان امرك صورتیدر :

پیاده برنجی فرقه	(طوغانجی) نك جنوب صرتلرندن
پیشدار	۱ — تشرین اول — ۳۰۷ کو

ساعت دقیقه

پیشدار امری نومرو (۲) ۱۱ ۴۱

۱ — دشمن (کرخان) یکیدینه طوغری جگمش و ایلری قره غوللرینی (یکی محله) نك غربنده کی دره بویجه تأسیس ایده جکی وصول جناح منتهاسی (مریچ) نهرینه مستند اوله جفی حرکاتندن اکلایشیلقده بولمیشدر . منسوب اولدیغمز برنجی نظامیه فرقه سی (پاپازی) ايله (دربند) ده قاله جقدر .

پیشدار (پاپازی — قله) یسوك جاده نك طرفینده و (طوغانجی) قریه سنك جنوبنده آجیقده کیجه یی کیره جکدر .

۲ — ایلری قره غول مغرزه سی پیاده برنجی آلا ی قائمقامی (ض) بلك قومانداسنده اوله رق پیاده برنجی طابور ايله سواری برنجی بولکدن مرکب اوله جقدر .

۳ — پوسته خطی عمومیت اوزره (جشنیر کوی) نك شرقتدن کچن و (مریچ) نهرینه منصب اولان دره نك صاغ ساحلنده تأسیس

قانه جق و باشلوجه بیوک جاده ایله تیمور یول خطنی ستر ایده جکدر .
 ۴ — ایلری قره غول مفرزه سنک قسم کلیدی بیوک جاده اوزرنده و (طوغانجی) قریه سنک غربی جنوبیسنده آچقده کجه یی پکیره جکدر .
 ۵ — دشمن طرفندن هجوم و قوعنده ایلری قره غول مفرزه سی (جشنیر) کونک شرق صرتلری و تیمور یولنک جنوبنده کی یماجلری اشغال ایده جک و بواناده (طوغانجی) و (جشنیر) قریه لینه نظارت ایلک اوزره مذکور قریه لرده و یا جوارلرنده برر مستقل پوسته ترک ایده جک و اشبو پوسته لر دخی کندیلرینی مخاطره ده کوردکاری و قتده پیشداره طوغری چکیله جکدر .

۶ — پیشدار قوماندانی (طوغانجی) قریه سنک جنوبنده و تیمور یول خطی قریه نده آچقده کجه یی پکیره جکدر .

۷ — ایلری قره غول مفرزه سی (جشنیر) قریه سنک و پیشدار دخی (طوغانجی) قریه سنک ارزاق و اوت و محروقات طولیه جقدر .

۸ — یاروله (پلونه) در (اشارت) دخی ایلری قره غول مفرزه سی طرفندن تعیین اولنه جقدر .

پیشدار قوماندانی لوا

xxx

اشبو امر آتی الذکر قطعات عسکر به دن کوندریله جک یاوران و ضابطانه فی ۱ — تشرین اول — ۳۰۷ کوندوز ساعت اونبرده (طوغانجی) قریه سنک جنوبنده و تیمور یول خطیه جاده نک تلاق نقطه سنده بوکسک سس ایله او قونوب یازدیریلور :

پیاده برنجی آلایندن ، سواری برنجی آلایندن ، طوئجی برنجی بطریقه دن ، استحکام بلوکندن ، پیشداره ملحق اولان صحیه مفرزه سنکدن ،

— سكرنجى فصل —

ايلرى قره غول قوماندانلغىدىن وريلا چك امرىك جوتوبانى

- ۱ — دشمنه (ايلرى قره غوللاريله كشف قوللارينه) دائر .
- ۲ — ايلرى قره غوللار ك منسوب اولدىنى طرفده محللاريله ستر اولنه جق مواقع . ۳ — ايلرى قره غول مفريزه سنك ماموريت مخصوصه سى . ۴ — ايلرى قره غول خطىك كچه وكوندوز و قتلرندە بولنه جنى محلك تيميني . ۵ — پوستلر خطىك وايلرى قره غول طاقم و بولوكريله قسم كليسنك بولنه جقلى محللار ايله چيقاريله جق كشف قوللرينك بيانى . ۶ — پياده نك سوارى وسوارينك پياده ايلرى قره غولنى دكيشديرە جكى و قتلر . ۷ — ايلرى قره غول مفريزه سى قومانداننك موقعى . ۸ — هجوم وقوعنده اشغال اولنه جق محل . ۹ — ارزاق وساثرە نك توزيىمى و يا صورت جمع و تداركى . ۱۰ — پارولە . (طوغانجى) قريه سنك جنوبه اعزام ايتش اولدىنى ياورة پيشدار طرفىدىن مذكور محله كوندوز ساعت اونبرده يازديريلان امرى آلدقد نصكره ايلرى قره غول قومانداننك اعظا ايدە جكى امرىك نمونه سيدر:

پياده برنجى فرقه (جشنير) كوينك شرق صرتلرندىن

۱ — تشرين اول — ۳۰۷ كو

پيشدار

ساعت دقيقه

ايلرى قره غول مفريزه سى

۳۰ ۱۱

ايلرى قره غول امرى نومرو (۱)

- ۱ — دشمن (كرخان) . طوغرى رجعت ايتش وايلرى قره غوللرينى (قوجاز) كويندن بدأ ايله (كوكجهلى) كوينك جنوبى استقامتندە و (مريچ) نهرينك صول ساحلى ارە سنندە تاسيس المشدرد .

دشمنك كشف قوللری (جنكر) و (طوغانجی) كویلرینه طوغری صیق صیق ایلرولمكده در .

۲ — منسوب اولدیغمز برنجی پیاده فرقه سی (در بند) ایله (پاپازی) اطرافنده وپشدار دخی (طوغانجی) کویك جنوبنده ونهرك صاغ ساحلنده بولنیور .

۳ — ایلری قره غول مفرزه سی پیاده برنجی الایك برنجی طابوری ایله سواری برنجی الایك برنجی بلوکندن مرکب اولدیغی حالده صاغنجانحی (مریج) نهرینه مستند اوله رق (جشنیر) کویك شرقندن مرور ایدن دره نك شرق ساحلی بونجه امتداد ایدم جك و بیوك جاده ایله (یحیالی) یه کیدن یوللره نظارت ایدم جکدر .

۴ — صورت عمومیه ده ایلری قره غول خطی کیجه وقتی (جشنیر) کویك شرقندن مرور ایدن دره استقامتجه وکوندوزك مذکور دره نك غرب صرتلری اوزرنده تأسیس اولنه جقدر .

۵ — پیاده برنجی بلوك (پاپازی) دن مرور ایدن و (طوغانجی) کویك جنوبندن کچن جاده بی محافظه ایلك اوزره ایلروسنه ایکی ایلری قره غول طاقنی افراز ایدم جك وصولناح منتهاسی (جشنیر) کوینه مستند اوله جقدر .

۶ — پیاده ایکنجی بلوك صاغنجانحی (جشنیر) کویك شرقندن بدأ ایدرك ایکی ایلری قره غول طاقنی افراز ایدم جك ومستقل برپوسته ایله مذکور کوی اشغال ایدم جکدر .

۷ — پیاده اوچنجی بلوك (جنكر) کوی و شمالی ستر ایدم جکدر .

۸ — سواری برنجی بلوك امر خدمتنده استخدام اولمقی اوزره هر پیاده بلوکنه آلتی آتلو ویره جکدر .

۹ — پیاده دردنجی بلوك ایله سواری بلوكی ایلری قره غول

مفرزه سنک قسم کلیسنی تشکیل ایدہ جک و (طوغانجی) کوینک جنوبندہ و تیمور یولی ایلہ بیوک جادہ نک تلاقی محلندہ کیجہ نی آ چیقده کچیرہ جک و فقط موجود وسائطہ (طوغانجی) یی ترصد ایدہ جکدر .

۱۰ — پیادہ برنجی بلوک (مریج) نہرینک صاغ ساحلنہ و (یکی محلہ) استقامتنہ کشف قوللری چیقارہ جفی کبی ایکنجی بلوک دخی (جشنیر) کوینک غربنہ طوغری و اوچنجی بلوک (قوجاز) کوینی استقامتنہ کشف قوللری سوق ایدہ جکدر .

۱۱ — سواری بلوکی شفق وقتندہ اوچ پیادہ بلوکی دیکشدرہ جک و (جشنیر) کوینک شرقدن کچن درہ نک غرب صرتلرنی ترصد و (قوجاز) کوینہ بر (مستقل پوستہ) اعزام ایدہ جک و بوحالده پیادہ بلوکلری ایلری قرہ غول مفروضی قسم کلیسنک نزدینہ عودت ایلہ جکدر .

۱۲ — ایلری قرہ غول مفروضی قوماندانی پیادہ دردنجی بلوکلک نزدندہ بولنہ جقدر .

۱۳ — دشمن طرفدن هجوم و قوعبولدیفندہ ایلری قرہ غول مفروضی قسم کلیسنک بولندیفی محلاک جنوبندہ کی صرتی اشغال ایدہ جکندن پیادہ بلوکلری اورادہ طولنہ جقدر . فقط بوائنادہ پیادہ اوچنجی بلوک (جنکر) دہ برایلری قرہ غول طاقی ترک ایدوب رجعتہ مجبور اولدیفی صورتنده بحیالی استقامتندن (پاپازی) نک غربنہ طوغری چکیلہ جکدر .

۱۴ — پیادہ برنجی بلوک قسم کلیدن ارزاق وسائرہ جمع ایدوب ایکنجی بلوک ارزاق و محروقاتی (جشنیر) کویندن و اوچنجی بلوک (جنکر) کویندن و قسم کلی دخی موجود قایقلا واسطہ سیلہ (طوغانجی) کویندن ارزاق توپلہ جقدر .

۱۵ — پاروله (پلونه) در . اشارت دخی یوزباشیلر طرفندن تعیین اولنه جق فقط ایلری قره غول مفرزه سی قوماندانه بیلدیر یله جکدره . ایلری قره غول مفرزه سی قوماندانی

بیکیباشی

xxxx

اشبو امر ابتدا شفاهاً اعلان اولنوب بعده پیاده برنجی طابور ایله سواری برنجی بلوکه نوطه ایتدیریلور .

طقوزنجی فصل

قوناقلر

فیشن قوناقلر خیمه لی و آچیق اردوگاهلره مرجعدر . سفرده عسکر (کنیش قوناق) ، (یناشق قوناق) و (طوبلو قوناق - کوی اردوگاهی) تسمیه اولنان اوج صورتله قوناقلره یرلشدیریلور :

۱ — دشمن اوزاقده بولنوبده حرکات عسکریه باشلزدن مقدم تجمع ایچون وقت مساعد اولدیفنده (سفر ایچون تدارکات اجرا قلندیفی متارکه ویا حرکات تعطیل ایدلدیکی و قتلرده) (کنیش قوناق) لر استعمال اولنوب بونده اها لیدن آدم باشنه برنفر و اوج آدمه بریکیر حساب اولنور .

اهالی چوق اراضی مثبت ایسه برقول اردویه یوروش قولنک طولی مر بنده کی اراضی کنیش قوناق ایچون کفایت ایدر . (نقلیه قطارلری خارج)
۲ — یناشق قوناقلرده بهر آدمک یا تسمی ایچون لازم اولان محلدن بشقه برحد و غایه نظر دفته آلتماز . فرضاً ۲۰۰ نفوسلی برقریه ده : ۱ قول اردو قرارگاهی ، ۱ فرقه و ۲ لوا قرارگاهی ، ۱ طابور پیاده (موجودی ترتیب سفری اوزره) ، ۲ پیاده

بطریه سی ، ۱ سوارى بطریه سی ، ۲ جبل بطریه سی ، ۱ بلوك
سوارى (موجودى ترتيب سفرى اوزره) ، ۱ استحکام بلوكى
(کوپرىجى طاقى ايله برابر) ، اسكان ايتديركلر . ممکندر . مقادير
مذکورہ اساس اخذ ايدلديكى حالده (۱۰,۰۰۰) نفوسلى برقطعه
اراضينك برقول اردوايچون كفايت ايدم چكى اكلاشيلور .

۳ — بمداالحاربہ جوازده موجود محللرده طوللو قوناقدہ عسکر
يرلشديريلور . قوناك محللرينك ميدان محاربہ جوارنده بولنان قرادن
عبارت بولمىسندن كنايه اوله رق بونوع قوناقلره بوكونكى كوندہ
(كوى اردوكاهى) تحميہ اولنوب وقت سفرده عسکر اكثريابومللو
قوناقلره يرلشديرلمكدہ در . « المانيا لولر ۱۸۷۰ — ۷۱ سفرينك
قيش وقتلرندہ فرانسهده برقاج كون دوام ايدن ميدان محاربہ لرى
انسانندہ بيله (كوى اردوكاه) لرى استمسال ايدوب كوندوز وقتى
محاربہ ايله ضبط ايتدكلرى قرايه اكثرياكيمه وقتى عسكرك يرلشديرمىلردر .
عسكرك قوناقلره يرلشديرلى اصولى

۱ — برقاج كون برمحله قالنه جقسہ قطعات اراضينك هيئتى تقريباً
دايره اولان مواقمه يرلشديريلوب بوكا (دايره وى قوناك محلى)
دينور . (قوناغك شكل) نظريسى دايره اوليوب اوزرنده حركت
اولنان يولك ايكي طرفندہ بولنقى اوزره مربع وياكثير الاضلاع
شكندہ اعتبار اولمىشدر .)

بولنلرده محابرات ، خدمات داخلية ، ارزاق توزييعى رسم چكيدلرله
تفتيشاتك تسهيلي ايچون قاراكاه عمومىلر مركزده لوا (ويا فرقه) لر
جناحوارى ويا خطواري نظامده يرلشديريلوب محاربہ ترتيباتندہ
بولنديرمقدہ ممكن اولور .

دايره وى قوناقلر عسكرك سرعتله جمعنه مساعد ايسده محيطنك تقاط
متعدده سندن دشمنك هجومى احتمالىندہ ايلرى قره غول خطى پك

چوق اوزاتمىق ايجاب ايدە جكندن ايلرى قرە غول خدمتى صموبت كسب ايدر .

۲ — يالكز ۱ : ۳ كيجە ايچون عسكرك (درين قوناق) دە يولشديريلوب قوناغك درينلىكى تقريباً يورويش قولنك درينلكنە مساوى اولور . تعقيب اولنان يول اوزرنەدىكى قرا وساژە يە اسكاندن يورويش نظامى بدرجە يە قدر محافظە اولنەرق قوناقلارە يولشەجك عسكرك يورولمقن قورتارلمش اولور . يولشكك كيفيتندە يولك طرفيندن اوزاقلشدىنى نسبتدە يورغونلق زيادە لشور .

جبهە يە (يورويش قولنك باش طرفندە) چيقاريلەجق ايلرى قرە غول خطى پك زيادە كوچيلور . يالكز جبهە نك تهديد اولنمىسندن ايلرى قرە غول خدمتى قوناق محللرنە پك زيادە قولايلاشور . قوناق محللك ياندن تهديد اولنمىسندە ايلرى قرە غول خطى توسع ايدر و خدمتى كوجلشور سەدە بو حال پك مستنادر . (اكثريتە يان يورويشلرنە واقع اولوب جانبدار چيقاريلور) بو قوناقدە خدمات داخليە و مخبرات كوچدرە .

۳ — (جناحوارى قوناقلر) متعدد قوللرلە حرکات تعرضيە اجرا سە مباشرتدن اول قابل استعمال اولوب ساژ زمانلردە غير جاژدر .
زيرا عسكرك لزومندە بر نقطە يە تجمى مشكل دشمنك هجومى ممكن خدمات داخليە قرار كاهلرلە مخابره كوچ وايلرى قرە غول واسفدر .
قوناقلردە قطعات عسكريە نك انقسامى — صنوف مختلفە يكدىكرينە منتظماً نصل مربوط ايسە قوناقلرە انقسامدەده اوحالى محافظە يە وآلاى ، طابور ، بطريە وسوارى بلوكرينى اقسام متعدديە عدم تفريقدە دقت الزمدر . عسكرك اوكونكى ويا ترجيحاً ايرتەسى كونكى يورويش نظامنە توفيقاً قوناقلرە يولشديرمك وپشدارى تشكيل ايدەجك عسكركى قوناغك باش طرفلرنە بولنديرمق و صنوف مختلفە ينى آيرى آيرى يولشديرميوب موجود خانەلرلە آخور ويا قبلەرك

کافه سندن علی السویه استفاده ایچون مرکب برجزؤ تام هیئتده قوناقلره یرلشدیرمک و دشمنک تسلط ایده بیله جکی قوناقلرده طوپیجی نی هیچ بروقتده منفرداً اسکان ایتدیرمامک و سوارینک صابه محللره کوندیرلسی ممکن ایهده پیاده نی بویه برمحله اعزامدن اجتناب قاعده اساسیه دندر .

کوی اردوگاهنده محاربه نظامنک محافظه سنه دقتله پیاده نی بلوک ویا اقلی طاقجه و سواریلله طوپیجی یارم بلوک ویا طاقجه عینی چفتلک و سائرده اسکان ایتدیریلوب قوناقلده یرلشدیرمک ایچون یر بوله میان اقسام مقننه عسکریه دخی مسکون یرلک اطرافنده یرلشدیریلور .

نقایه قطارلری ، قافله لر دائماً یورویش قوللرندن آیرلش بولنه جقلرندن بو حال یورویشک نهایتنده یرلشدیرمک ایچون استلیدیکی کبی برمحله انتخابنه مساعددر . اهالیسنک عسکره خصومتی زیاده ویا یغما مخاطره سی اولان مملکتلر مستثنا اوله رق قطار و قافله لر دائماً قوناقلره یرلشدیریلور . اشبو قافله لری متابعدن استفاده ایچون بیوک قصبه و شهر کبی مرکز اهالی اولان محللر یقیننده یرلشدیرمکه اعتنا اولنوب مذکور قافله لرده دائماً پک چوق یوک آرابه حیوانلری بولندیرمغه مجبوسریت درکار اولدیغندن بولرک قوناقلری ازدحامدن کوی اردوگاهنه مشابه اولور .

قوناق محللرینک قطعات آره سنده تقسیمی ۱ — باش قوماندان مستقل سوارینک و پیشدارله قسم کلینک و جلب اولنماش ایه بیوک آغرفلک و نقیله قطارلریله مستقل مفرزه لرک یرلشه جکلری محللری اول امرده صورت عمومیه ده تعیین وارانیه ایدر . [آلتنجی فصلده کی مشاله مراجعت اولنه] . مشار الیه قسم کلایه مخصوص قوناق محللرینی بونک قطعاتی میاننده ممکن مرتبه طوغری تقسیم ابدوب پیشدار قوماندانی ایه مستقل مفرزه و سواری و آغراق نقلیسه

قوناقلرك عسكر يېنىندە تەقسىم

قطارلىرى قوماندانلىرى دە كەندى قوماندانلارنىڭ قىسمىغا بىر مەھل تەيىن ئىدارى .

۲ — اقامت اوزايەتقىچە (مەزەل قوناغى) دائىرىسى قوناغى تەنتەربىيە ئولتۇرۇش باش قوماندان ئومۇم اردونىڭ يەنى قول اردو و (قول اردو تەشكىل اولانماش ايسە) يىپادە وسوارى فرەقەلىرى . . . الخ كېيىن كەندى قوماندانلارنىڭ باجلىغە جەزۇ تاملىك قوناغى دائىرىسى تەيىن ئىدارى . قول اردو وار ايسە بونىڭ قوماندانلىرى مەمۇرىيەتلىرىنىڭ فرەقەلىرىنى قول اردو تەنتەربىيەسىنىڭ و احتىياتىنىڭ كەمچىللىكىگە كۆپىنچە تاقىلىرىنىڭ و جەننەت يارقىلىغە خىزمەت تەنوعە قوللىرىنىڭ قاقەلەر ايله مەستىل وسوارى لوار ويا فرەقەسىنىڭ يىلشەجى مەھلىرى تەنتەربىيە واراڭ ئىدارى . فرەقە قوماندانلىرى كەندى لوارلىرى و تەنتەربىيە تاقىلىرىنىڭ بىلگەنلىكى و تەنتەربىيە قاتارلىرى لوار قوماندانلىرى لوارىنىڭ مەخسەس مەھلىرى لوارلىرى يېنىندە و مەزەل لوارلىرى تاقىلىرى و وسوارى بىلگەنلىرى ارمەنىيە و بىكەشەنلەر يىپادە بىلگەنلىرى و تەنتەربىيە مەنەنەت تەقسىم ئىدارى . . . الخ

عسكر اكثراً يىلشەجى مەھلىرىنىڭ اوزاق و لوازم سائەتلىرىنى تەدارك ايدە جەننەت قىسمى مەنەنەت مەنەنەت اولماقچى قىسمىغا تەنتەربىيە لوارلىرى قوناغى لوارلىرىنىڭ مەنەنەتلىرىنى لايىقە تەنتەربىيە و اشارت ايلەك خەتلىرى بىر قەدەر قىزىقە واسطەسىلە تەيىن ايلەيلىكى خەتلىرى قىزىقە مەنەنەتلىرىنىڭ قىسمىغا تەنتەربىيە لايىقە لازىم .

قوناقلارنىڭ خىزمەت داخلىيە — ۱ — قوناقلارنىڭ بىلگەنلىكى تەنتەربىيە ضابطىسى قوناغى قوماندانلىرىنىڭ قىسمىغا ويا شەرت مەھلىرىنىڭ قىسمىغا يېنىندە تەقسىم و مەنەنەت خىزمەتلىرىنىڭ قىسمىغا بىر .

۲ — مومى ايله لازىمكەن تەنتەربىيەنىڭ اجراسىنىڭ كەمچىللىكىنىڭ ايلەرى خەتلىرىنىڭ يىلشەجى مەھلى كەمچىللىكى . (و كەلە بىلگەنلىرىنىڭ خەتلىرىنىڭ ضابطىسى ويا قوناغى تەنتەربىيەنىڭ مەھلىرىنىڭ تەنتەربىيەنىڭ بىلگەنلىكى)

و یا ناحیه مدیر و کتخداری و یا ملکیه مأمورلری معاونتیه محلات
 قطعات آردہ سنده تقسیم اولنور . قصبہ و یا شہرک داخلندہ و یا
 کنارلرندہ بر اجتماع محلی انتخاب اولنوب قرہ غول و نونجی قوناق
 قرہ غولی و سائر مواقعی دہ تعیین اولنلی و مواقع مذکورہ عمومیت
 اوزرہ دشمک استقامت و رودی اوزرندہ کی دخول محللرندن عبارت
 اولوب برتہلکہ ظہورندہ مواقع مزبورہ یرلشدیرلش قرہ غوللرہ
 در عقب معاونت لازمہ دہ بولنقی اوزرہ جواردہ کی بلوک و یا طاقلری
 برر تیقظخانہ دہ بولندیرملیدر . داخلدہ نظام قرہ غول موقعی تعیین
 و بونک چیقارہ جنی دورہ قوللریلہ انتظام داخلی محافظہ اولنور .
 قوناق قوماندانک قرارکامی سہولتہ بولنہ ییلک ایچون درت یول
 آغزندہ ، چارشو ایچندہ اولسنہ دقت اولنملیدر . [درت یول
 آغزلرندہ قوناق قوماندانک نژدہ اقامت الہدییکی وجوار محللہ لردہ
 قننی قطعہ عسکریہ نک اسکان ابتدییکی یازملی و کیجہ لین دخی قرارکامہ
 نظام قرہ غولنک موقعلری فنارلرلہ (ممکن ایسہ رنگلی) ارانہ اولنملیدر] .

۳ — عسکرک حرکتی تأخرہ اوغرامامق ایچون بالادہ کی ترتیبات
 سرعتلہ اجرا اولنلی و قطعاتہ اسکان ایدہ جکاری محلاتی کوسترمک
 اوزرہ عودت ایدرک عسکری قارشولمیدر . (سواری و طوہنجینک
 پیادہ ایلہ قاریشیق اسکانہ دقت اولنوب مثلاً صنوف مختلفہ پینندہ کی
 نسبتہ نظرأ بہر بلوک پیادہ ایلہ برطاقم سواری و یا طوہنجی بی برارادہ
 اسکان ایتدیرملیدر) .

۴ — قوناق قوماندانی بوصرہ دہ اجتماع محلی ایلہ توزیعاتک نژہ لردہ
 اجرا قلنہ جنی و قرہ غوللرک مواقعی ایلہ قننی قطعاتدن افزا اولنہ جنی
 و قرارکامی ایلہ اواسرک وقت اعطاسنی عسکرہ اعلان ایدوب علی
 الخصوص تیقظخانہ ل ایلہ بولنردہ اسکان ایدہ جک قطعاتی تعیین ایتلیدر .
 ۵ — بعدہ عساکر محلاتہ کیروب ہر قطعہ نک افرادی قوناقچیلر

ومحله اها ایلسندن تجربه دیده آدم لر معرفتیه چفتلکله و خانه له تقسیم اولنه رق هر یاده و یا سواری بلوکی ایله هر بطریقه به باصتین وقوعنده اجتماع الیک اوزره بر محل کوستریلور و مذکور بلوکلره بطریقه قوماندانک محل اقامتی دخی تخصیص اولنور . (هر بطریقه افرادی کندولرینه محصص محلاته دخول اتمزدن اول صنوف سائره دن چیقاریلان امنیت قره غوللرینک دائره نظارتی داخلنده لایقیه محفوظ و مستور اولان بر نقطه به عزیمتله اوراده طولیجی یارقی تشکیل ایدر لر .)
 ۶ — قطعات کندولرینه محصص محلاته داخل اولدوقده قوناق قوماندانی ترتیباتی مکورمک و بالخاصه امنیت ترتیباتی قفتیش الیک اوزره هر طرفی طولاشلیدر .

۷ — بالاده کی افاداده قوناق منطقه سنک ایلری قره غوللر طرفندن ستر اولنان دائره داخلنده بولندیفی فرض اولنش اولوب عکسی تقدیرده قوناق قره غوللرندن ماعدا ایلری قره غوللر دخی تأسیس اولنقی لازمدر . بوحالده باش قوماندان قوناق امرنده ایلری قره غوله آریله جق قطعه بی تخصیص ایلیدر .

۸ — منزل قوناقلرنده برکوچک انبار ایله قوه عمومیه نک ۳۰۰ فی استیمابه کافی برخسته خانه تأسیس اولنه رق واقعی عسکره اعلان ایدلیدر .
 ۹ — عسکر قوناقلره برلشدکده جوارده کی دیگر قوناق منطقه سیله مخبره کشف قوللریله منتظماً تأسیس اولنلیدر .

۱۰ — تلفرافله و یا مخبره پوسته لریله (یارم : بر قسم سواریدن)
 (۴ : ۸ آتلی) مرکب و بربرندن ۵ : ۱۰ نهایت ۲۰ کیلومترو فاصله ایله مؤسس مخبره قره غوللری خطنه (پوسته خطی) و قره غوللره (مخبره پوسته سی) دینوپ هر پوسته افرادیکنک ثلثی دائمی آتیه بنش ثلث دیکری صمان اصار و برثلشیده احواله کوره قالشاق آله بیلور .) و یا اشارت و بیراقلر ایله دشمنک ظهورینی عسکره

خبر ویرمک و عسکری سرعتله طوبلامق ایچون باش قوماندان طرفندن تدابیر لازمه اتخاذ قلمسی لازم ایسه تدابیر مذکورده هروقت قابل تطبیق واجرا اولموب قلاع پیشگاهنده ویا مواضع مستحکمه کیرو سنده قوناقلره یرلشهرک برخیلومدت اقامت اولنه جفی حالانده اجرا اولنور. پیشدارک اجتماع محلی پیشدار قوماندانی وقسم کلینکی باش قوماندان تعیین ایدوب بونلر تفریق اولنمیدنی حالده باش قوماندان عمومک تجمع محللرینی تعیین ایدر .

وقت سفرده حاضر قلقر قوناغه عزیمت ایدیلور ایسه صلحه و یا سفرده بولنیلوبده دشمن یك اوزاق بولندینی وقتده یوروش قولندن ایلری قوناق منطقه سنه قوناقلیلردن مرکب برقونالجی مفرزه سی کوندریله رک بونک طرفندن حاضرلق کوریلور . بو خدمته هر سواری الایندن ، پیاده ، طوبجی طابوری ویا ایکی بطریه لی برطوبجی جمعیتدن برضابط (اکثریشه قول اغالر) وهر پیاده و سواری بلوکی ایله بهر بطریه وجخانه یارقندن برر چاوش ایله برابر بلوک امینی وایکیش نفر تعیین اولنور . اشبو قونالجی مفرزه لری بهر آلائی ویا لواجه یرلشوب بالاده بیان اولنان تقسیمات و ترتیبانی اجرا ایلمک اوزره یوروش قولندن برقوناقلق مسافه قدر ایلروکیدرک قوناق منطقه سنه عزیمت ایتملی وایرتسی کون منسوب اولدقلری قطعاتی قارشولقی اوزره عودت ایدوب یوروش قولنک قوناق منطقه سنه واصل اولزدن اقدام ایدمکچکی صوک موله نک محلی اولجه ککندولرینه بیلدیرلش بولنه جفتدن قطعات باش قوماندانلرینه (قوناق علم خبر) لرینی تقدیم ومومی الیهک امرلرینه نظراً قطعات عسکریه ره رفاقت ایدرک اسکان ایدمکچکری محلاتی انلره کوسترمک ایچون مذکور موله ائناسنده قطعات مزبوریه التحاق ایلمیدر .

قوناقلره یرلشه جک قطعات (اردو ، قول اردو ویا برقاج فرقه کچی)

قوای کلیه دن مرکب ایسه قوناق دائره لرینی حاضرلقی واشبو قوناق دائره لری داخلنده لزومی قدر انبار وخسته خانه تأسیس ایلک اوزره قوناق منطقه لرینه برارکان حربیه ضابطی اعزام واکثریا براداره مأموریه بردقتور ترفیق اولنوب مذکور ارکان حرب قوناقچی مفرزه سی قوماندانی اولور .

برفرقه یه مخصوص قوناق دائره سنک ترتیب وتنظیمی

ایچون اعطا اولنه جق امرک نمونه سیدر :

فلبه دن

پیاده برنجی فرقه

۱۰ — تشرین اول — ۳۰۱

کوندوز ساعت

۶

فرقه امری نومرو (۱۰)

۱ — ازدو حرکات عسکریه بی تعطیل ایلدیکی جهتله پیاده برنجی فرقه

(فلبه) اطرافنده قوناققلره یرلشمک ایچون امر آلمش ومذکور فرقه یه تخصیص قلنان قوناق یرلرینک دائره سی شمالاً (درین دره) و (کوپ صوینی) منصبلرندن (استاره) صوینی منصبه قدر (سرچ) نهریله شرقاً تقریباً (قره اغاج) حذاسندن (درین دره) قسم سفلاسیله وجنوباً (قره اغاج) (ماقووا) (برانوشتیجه) (باشتولجه) قریه لرندن یکن خطله وغرباً (بورجیلر) دن (استاره) صوینک قسم سفلاسیله تحدید اولنمشدر .

بالاده کی قرائک کافه سی فرقه یه عائد اولدیغندن قوناق منطقه سی همان مذکور قریه لرله محدوددر .

۲ — پیاده برنجی لوا شمالاً (فلبه) دن (اطه کوی) یه قدر یکن

خطله وغرباً (اطه کوی) دن (بورجیلر) قریه سنه قدر (استاره) صویله وجنوباً (قره اغاج) (ماقووا) (برانوشتیجه) و (باشتولجه)

قریه لیلہ و شرقا (قانونیہ) (قرہ اغاج) قریہ لرندن یکن خط ایله محدود اولان اراضی داخلندہ قوناقلرہ یرلشہ جک و اراضی مذکورہ حدودینی اراثہ ایتک ایچون بالادہ اسملری بیان اولنان قرادن (اطه کوی) (بورجیلر) (باشتولجہ) (دکرمن درہ) (برانوشتیجہ) موقعلری پیاده ایکنجی لویہ عائد اوله جق و مذکور برنجی لوانک قرارکاهی (قلبہ) ده تأسیس اولنه جقدر .

۳ — پیاده ایکنجی لوانکندوسنه عائد اولان بالادہ کی قریہ لرندن بشقہ (قرہ طاهر) (پوسه لک دکرمنی) و بونلرک غرب و جنوبندہ کی یقین کوی و چقتلکلردن استفادہ ایدہ جک و قرارکاهی (قرہ طاهر) قریہ سندہ تشکیل ایدہ جکدر .

۴ — طوپنجی برنجی طابورینک برنجی بطریہ سی پیاده برنجی لوانک قوناق یرلری داخلندہ و ایکنجی و اوچنجی بطریہ لری دخی پیاده ایکنجی لوانک قوناق محللرندہ یرلشہ جک و مذکور بطریہ لر خدمات داخلہ و تکالیف حربیہ جمعه دائر خصوصاتندہ مارالبیان پیاده لوالری قوماندانلرینک اوامرینه تابع اولوب طوپنجی طابورینک ہیئت ارکانی دخی (قلبہ) ده یرلشہ جکدر .

۵ — برنجی سواری آلایینک برنجی و ایکنجی بلوکلری پیاده برنجی لوانک قوناق یرلرنده و اوچنجی دردنجی ویشنجی بلوکلری دخی پیاده ایکنجی لوانک قوناق محللرندہ یرلشہ جک و مذکور بلوکلر خدمات داخلہ و تکالیف حربیہ جمعه دائر خصوصاتندہ پیاده لوالرینک قوماندانلرینه تابع اوله جقدر . سواری آلایینک ہیئت ارکانی (قلبہ) ده بولنه جقدر .

۶ — نشانجی طابوری برنجی لوا دائرہ سندہ کی (محب کوی) موقعندہ یرلشہ جک و استحکام بلوک ایله کوپرنجی طاقی (یوقاری قانونیہ)

قرىه سنده يرلشه جك واشبو قريه ده پياده برنجى لوا طرفندن يالكز ايكي بلوك اقامه اولنه جقدر .

۷ — محيه هيئيله سيارخسته خانه طاقلىرى (قلبه) ده يرلشه جقدر.

۸ — جفانه پارقلرى بيكباشى (ف) افدينك ويره جكي اوامره توفيقا (قلبه) نك جنوب مدخلنده و (استانمارقه) يه كيدن بيوك جاده نك شرقنده تشكيل قلنه جق وپارقه منسوب اولان نفرات وحيوانات (استاوري) قريه سنده اسكان ايده ييلوب قريه مذكوره يه پياده برنجى لوا طرفندن يالكز ايكي پياده بلوك يرلشديرله جقدر .

۹ — نقله قطارينك قسم باقىسى (قلبه) نك شرق مدخلنده

و (قلبه) دن (پاپازلى) يه كيدن بيوك جاده نك جنوبنده پارق نظامنده اوله رق يرلشديرله جك ومذكور قطاره منسوب اولان افراد وحيوانات دخى قلنه نك (يكي محله) سنده اسكان ايده وب مذكور محله يه پياده برنجى لوا طرفندن يالكز ايكي پياده بلوك اقامه اولنه جقدر.

۱۰ — قره انبارى (قاتونچه) ده تأسيس اولمشدر . پياده برنجى لوا ايله اشبو لوانك قوناق يرلنده اسكان ايده جك اولان عساكر ساثره ايچون دخى (قره طاهر) ده برر متوسط انبار تأسيس اولنه جقدر .

لوالر اشبو انبارلرى نهايت التى كونك ارزاق ايله املا ايتك ايچون مقام معلاى سرعسكریدن وباش قوماندانلق جانب ساميسندن اقدجه اعطا بيوريلان اوامر عموميه يه توفيقاً مبايعات اجرا وتكاليف حربه جمع ايله جقدر .

۱۱ — هرلوانك تكاليف حربه طرح ايده جكي اراضى بروجه آتى بيان اولمشدر . شويله كه :

ب — پياده برنجى لوا ايله بونك قوناق دائره سنده بولنان عساكر

ساڙه ايجون اسكان ايلڊڪري قوناق یرلندن فضله اوله رق (براستوويجه)
(عثمان اغا) (طاش مناره) (صوتير) (يکي کوی) (ايزوور)
(کولکنه) (کيرياقوز) (وودينه) و (استانيمارقه) موقعلری
تخصیص قلنش و سیار خسته خانه طاقلریك بولنديفی محللر تکالیف
حربیه دن استثنا ایدلشدر .

ج — پیاده ایکنجی لوا ايله بونك قوناق دائره سنده بولنان عساكر
ساڙه به دخی كمندی قوناق یرلندن بشقه جه اوله رق اشبو قوناق
یرلریك غرب و جنوب بولنوب غرباً (قاضی کوی) و (قره کوی)
بیننده کی یوله و شرقاً (باشتولجه) ايله (چوریان) اراسنده طاغ یوله
قدر امتداد ایدن اراضی تخصیص قلنش و اشبو یوللر اوزرنده
ویقیننده بولنان قرا اراضی مذکورہ داخلنده بولنمشدر .

۱۲ — فرقه خسته خانه سی (قلبه) ده تأسیس اولنه جقدر .
(قانونیجه) ده برصیحه طاقی بولنقمده در . قابل نقل برحاله بولنان
خستگان منزل خطنك منتهی نقطه سی اولان (حاجی الیاس) موقعنده کی
خسته خانه به اعزام قلنه جق و بو مقصده بناء هر جمعه ایرتسی و بازار
ایرتسی ايله چهارشنبه کونلری (قانونیجه) تیمور یولی موقعندن
خصوصی برقطار حرکت ایلجه جکدر .

۱۳ — سواری آلائی قلبه دن پیاده ایکنجی لوانك قوناق دائره سنده
بولنان (قره طاهر) و اورادن دخی (قانونیجه) به قدر پوسته
خطنی تأسیس ایلجه جکدر . (قلبه) ده برسیار تلغراف مرکزی
تأسیس قلنه جق و (قانونیجه) قریه سنده ربط اولنه جقدر .

۱۴ — فرقه نك تجمعنه لزوم کورندیکی تقدیرده : پیاده برنجی لوا
ایله برنجی طوبجی بطریقه سی و استحکام بلوکی (قلبه) شهرینك شرق
مدخلنده و شهر مذکور دن (پاپازلی) به کیدن بیوك جاده ايله
(مریج) آرده سنده تجمع ایده جکری کبی پیاده ایکنجی لوا ايله

ايكنجى واوچنجى بطريه‌لر دخی (فلبه) نك غرىنده و (مریج) نهرينك صاغ ساحلنده طولنه‌جقلردر . سواری آلاپی (فلبه) نك جنوبنده و (استایمارقه) به‌کیدن بیوک جاده‌نك غرىنده و تیمور یولی خطنك شمالنده بولنه‌جق و (محب‌کویی) نده یرلشمش اولان نشانجی طاووری ینه اوراده قاله‌جفندن اشبو طاوور بولندیغی موقع جوارنده‌کی تیمور یولی کوپرسی ستر و محافظه ایلیه‌جکدر .

صحبیه هیئت (فلبه) ده قالوب جفانه پارقلری ایله نقلیه قطارینك اقسام سائره‌سی واستحکام بلوکیله کوپریجی ضاقي دخی بولندقلری محللرده پارق نظامنده قاله‌جق ایسه‌لرده حرکت حاضروآماده بولنه‌جقلردر .

۱۵ — فرقه قرارکاهی (فلبه) ده یرلشه‌جک وفرقه‌نك تجمعنه‌لرؤم کورندیکی وقتده فرقه قوماندانی برنجی لواده بولنه‌جقدر .

۱۶ — فرقه امرلری هرکون کوندوز ساعت آلتیده فرقه قرارکاهنده اعطا اولنه‌جفندن اوامر مذکوره‌ی اخذ ایتک اوزره :

ب — پیاده لوارندن و نشانجی طاوورندن . ج — سواری‌الایندن ، د — طویجی طاوورندن ، ه — استحکام بلوکندن ، و — فرقه‌نك اداره رئیس طرفندن ، ز — نقلیه قطاری قوماندانی طرفندن ، ح — صحبه رئیس طرفندن ، هرکون قرارکاه مذکوره برر ضابط اعزام اولماید . (اشبو امر بوقوماندانلره کوندربلور .)

۱۷ — پیاده لوالری صنوف عسکریه‌نك قوناق یرلنده صورت تقسیم اسکانی مبین جدولی تشرین اولک اون ایکسی اولان اوپکون کوندوز ساعت بشده فرقه قرارکاهنه ارسال ایده‌جکاردر .

فرقه قوماندانی فریق

××××

— ❦ اونیجی فصل ❦ —

❦ آجیق وخیمه لی اردوگاهلر ❦


۱ — قوناقلیه جق وسائط بولمز ، دشمن یقین اولور ، اشغال اولنان مواضع ترك اولنق ایستلنرسه آجیق ویا خیمه لی اردوگاهلر قوللانیلور . ۲ — نظام حویله انقسام عساکر اساس اتخاذ اولنهرق پیشدار ، قسم کلی ۰۰۰ الخ برلشدیریلور . ۳ — پیاده الکتهلکه لی محللرده ، جبهه ویا نلردن برنده ویا هرایکیسنده ، سواریه طوبجی ایکنجی خطده برلشور (مستقل سواری لوا ، فرقه لری آیریدر) . ۴ — عسکر کلیتلی اولورسه اقسامه تفریق ایله هر قسم آیریمجه واراضینک حاله نظراً برویا متعدد خط اوزره اردوگاهه برلشور . (برفرقه دن زیاده قوتک بربرده برلشمی نادر برقول اردودن زیاده می اصلا تأسیس اولناملی) ۵ — اکثریا قوناقلرله آجیق وخیمه لی اردوگاهلرک اوجیده برآنده استعمال اولنور (کوی اردوگاهی) قرارگاه عمومیلرک مصالح تحریریه ایله اشتغالنه بناءً اردوگاهله مواصله ده بولنق ویقیننده اولق اوزره دائماً قوناقلرله برلشمی ومحافظیننک (برطابور ویا بلوک) عین محله قوناقلمی لازمدر .

آجیق اردوگاه انتخابی ۱ — آجیق اردوگاهده محاربه ایدلسی مصمم محللرله مواصلاتی حاوی اولق اوزره مذکور محللرک براز کیروسنده انتخاب اولنلی . ۲ — اردوگاه آتشرلیله چادرلرینی دشمنه کوسترمیه جک وجهله خفیف زمین عارضه لریله مستور اولمی . (عسکرک حرکاتنه مانع اولمامق شرطیه) اورمانلرله قرا وقصبات تستره یارلر . ۳ — زمینی قوری وصاغلام اولمی . بفدای


ترلالینک زمینی ابو اولوب يتاقلق اوتده قولایجه تدارك اولنه بيله جکندن اردوگاه تأسیسه مناسبدر . قوراق هوالرده غیر مزروع اراضی ابو رطوبتلی و یغمورلی هوالرده فنادر . اردوگاهه کیرمک و چیتقی ایچون ابو یوللری بولندیفی حالده سیرک اورمانلر ، صیق قورولق و اورمان داخنده اغاجسر لرل اردوگاه اتخازینه صالح ایسهده عمومی یوقله ، خدمت و نظارت مشکله شه جکندن کیتلو عسکرله یرلشاملیدر . اغاجلری یوکسک و سیرک اورمانلرک کنارلری فائدهلی ایسهده یغمورلی هوالرده صحت بدنییه مضر کسلش اورمانلره کیرلاملیدر . ۴ — آچیق اردوگاه (زمین عارضه لری و قرا اورمانلریله) تأثیر روزکاردن محافظه ایدلایدیر . ۵ — زمینی قوملی و خفیف مائل اراضی چامورلنقی و صو باصیق تهلمکسی اولدیغندن اک ایوسیدر . الحق یرلره مجراسز طار وادیلر و بطاقلق اراضی ، رطوبتلی چایلر و اولجه بشقه برقطعه عسکریه طرفندن اردوگاه اتخاذا قلمش محللر انتخاب اولناملی (ایشلک جاده لرده توز و غلبه لک اکسک اولیه جغنه مبنی بونلرک برکنارنده و یا طرفیننده یرلشمکدن دخی توق ایتملیدر) ۶ — اردوگاه جوارنده صو (افار صولر مرجعدر) اودون و اوت بولنسی شرطدر . ۷ — مسکون محللردن صو و مأکولات تدارکندن اردوگاهک اشبو محللر جوارنده تأسیسی فائده لیدر . ۸ — مروری صعوبتلو اولان برنهر اوزرنده کی کوپریلر ایله یکجید محللرینی تحت نظارتده بولندیرمق سهولتلی اولدیغندن اردوگاهک اوکنده بوکی برمانع بولنسی حسن محافظه سنه مدار اولور .

آچیق و خیمه لی اردوگاهلرک شکل و امتدادی ۱ — آچیق اردوگاه پیاده اکثریتله طابورلر کنیش قول و سواری بلوک قولده طوبجی بطریقه ایله بعد تاملی صف حرب نظامنده هر اوچیده برخط اوزره

سفر بر موجودی برپاده طابونک آجیق اردو کامی




کا هیئت ارکان ، م بیکباشی قول اغاسی ، خ خدمتجیلر ، ط هیئت صحیه
چادرلری ، ش قالاتاق و سمرلر ، طا طااولر .



۱، برنجی صره ۳، ایکنجی صره حیوانات طاوولہ لری ۲، اگر طاقلری
 ۴، افرادک اقامت محلی ۵، قلیج ومزراق خطی، ب بیکباشی وقول اغاسی
 خ خدمتچیلر، قاقائمقام الای امینی، م میرالای، ماهیئت ارکان، ط
 هیئت صمیمه، بی بیطران، جب جبخانه چادرلری، کاکوچک ارکان، طا، یوک
 حیواناتی طاوولہ لری، مکا مکاره جی

سفربر حالنده بریاده طوبیجی بلوکنک آجیق اردوکامی



ط، ق، م، کا، ع حرفری چادرلی اردوکاهده کی کیدر . هر طافک قوشوم حیواناتی قارشولقی بوانور . چنکل بیکریری طوپلر طرفنده در . فضله حیوانات اوچنجی طاقم طاوله سنک ایچ طرفنه باغلنور .

آجیق اردوکاه تأسیس ایدر . بالاده هر جزؤ تامک آجیق اردوکاه ترتیبانی شکلا کوسترلش وایضاحات لازمه اعطا اولمشدر : بعض قطعات آجیق اردوکاهلری شکل وامتدادلری آتیده کوسترلشددر . مذکور ابعاد قطعاتک موجود سفریسنه نظراً حساب اولمش اولوب

فقط قطعات مذکور موجودینک ترتیب سفری اوزره بولمسی نادر اولدیغندن ارقام مزبورہ زیردہ بیان اولندیغی وجہلہ تنقیص اولنہ بیلور:

خطوہ	خطوہ	خطوہ	خطوہ
پیادہ طاہوری	۱۵۰	جہہ	۲۵۱
سوارى آلائی	۱۴۰	»	۲۸۰
طوبجی بطریہ سی	۱۰۰	»	۱۶۰


(۱۷) طاہورہ سوارى بلوکى ، ایکی طوبجی طاہورلی بر نظامیہ فرقہ سی آجیق اردوگاھیچون همان بریجی کیلومتر و تربیعندہ اراضی کفایت ایدر) .
۲ — خمیه لی اردوگا — خمیه لی اردوگا تأسیسندہ صنوف ثلثہ دن برر جزؤ تامک خمیه لی اردوگاھی شکلاً آتیدہ کی صحیفہ لردہ ایضاحات لازمہ لیلہ کوسترلمشدر .



۱ — آجیق وخمیه لی اردوگاھلرک ترتیباتی وخدمات داخلہ سی — اشبو اردوگاھلرہ قوناقلردہ اولدیغی کبی کیریلور ایسہدہ برلشمترینہ انتظاراً عسکری بیہودہ سلاح آلتندہ بولندیرما مق ایچون غایت سریع بر صورتدہ حرکت اولمیلدر . ۲ — یوروشک نہایتنہ طوغری قوناقلرہ برلشمک ممکن اولمہ جفی اکلاشلدقندہ ارکان حربیہ رئیس ویا دیگر برارکان حربیہ ضابطی ویا مفرزہ قوماندانی طرفندن تعیین اولنان برضابطک اوکیجہ ایچون تأسیسی مصمم اولان ایلری قره غول خطنک کیروسندہ اردوگاھہ الویریشلی بر محل انتخابیچون

— پیادہ — آجیق اردوگا —

آلائی برخط اوزره

طاہور کنیش قول نظامندہ







ب ه ج برنجی خطلرک ممشالیه ، مطبخ چقوریزی
یان طرفده فرض ایدلشدر .

— سواری — آچیق اردوکاه —

بش بلوکی برآلایک لوانک برخطله لوانک ایک خطله




— طوبچی — آچیق اردوکاه —




م ، مطبخ چقوریزی ممشالیه اردوکاهک
یان طرفده ترتیبی مناسب کورلشدر .
تنبيه : شکلرده کی ارقام خطوه جنسندندر .

سفربر موجودی بریاده طاہورینک چادرلی اردو کامی

تقریباً (۱۶۰) خطوہ در




ض ، بلوک ضابطانک خ ، خدمتچیلرینک م ، مکاره جیلرک ط ، ہیئت
صحیہ نک کا ، ہیئت ارکانک ک ، کوچک ارکانک طا ، دلاولہ ص ،
سماناق ف ، فضلہ اشیا چادرلری



۱ ، قلع ، مزراق خطی ۲ ، اگر طاقلری خطی ۳ ، حیوانات و طاوولری ض ، بلوك ضابطانی خ ، خدمتگیر ب ، بیکباشیلر و قول اغاسی مق ، میرالای قائم مقام ط ، طبیب و بیطر ج ، اجزای جراح کا ، هیئت ارکان ک ، کوچک ارکان ن ، صرهدن خارج اونباشی و افراد . م مکاره جیلر . جب ، ججهانه . ص ، صمانق ، اوت ، فضله اشیا . ی ، طاوولر .

سفر بر حائده برپاده طوبجی بطریه سنک چادری اردوگاهی



ط - ط ، طویلرله خطوبارقلر . ق ، قیاقلیلر . م ، دمیجی آرابه سی
 ف ، فضله اشیا . جب ، جخانه صندوقری . ب ، برنجی طاقم . ی ،
 ایکنجی طاقم . ج ، اوچنجی طاقم . پ ، طاوله و چادرلر . ع ، حیوانات
 و قاتقلر . کا ، یوک حیوانلری . خا ، صنفدن خارج افراد .

خریطة ده بر محل انتخابد نصكره ایلرویه حرکت ایدر . (۴) قطعات ایچون محال لازمه انتخاب ایله قرارگاه محلاری تکالیف حربیه طرح ایدیله جك قریه لری تعیین ونفرا تك صواله جقکری یرلرک روزکار طرفنده بولنق و بهر حیوانه ایکی خطوه حساب ایدلک اوزره حیوانات ایچون صولاق یرلری ایله عسکرک تك یولدن دخولنده کی توقفك اوکی آلمق ایچون متعدد یوللر انتخاب ایدر . ۳ — بالاده کی کشفد نصكره صوك موله ائناسنده یوروش قولى زدینه عودتله یوروش ویا محاربده نصكره ویریله جك اسره نمونه اوله رق آنفاً بیان اولنش اولان اسره ممائل بولنق وعسکرک اردوگاهه یرلشمسندن باحث اولق اوزره براسر اعطا اولنور . یوروش قولى اسره مذکوره امتثالاً حرکت باشلادیفی صرمده ضابط مومی الیه (قوناقلرده کوردلیکی اوزره) لوار والایلرله طوپچی طابورلرندن کوندریلان ضابطانی (قوناقلیری) و ۸ الی ۱۲ آتلوبی استصحاب ایتدیکی حالدده سرعتلی درت نعله قالدق رق تکرار قولدن ایلرولیوب اقدجه انتخاب ایتش اولدیغی محله عزیمت ومعیتنده کی ضابطانه منسوب اولدق لری لوالرله الایلرک وطوپچی طابورلرینک محلرینی واردوگاهه کیرمک ایچون اوزرنده حرکت ایده جککری یوللری و صولاق یرلری ایله سائرینی کوسترمکه مسارعت ایدوب معیتنده کی سواری نفراتی

(*) اردوگاهك امتدادینی خریطه دن سهولته حساب ایچون درونده طابور ، الای ، لوا و ۰۰۰ الخ ایله بفرقه پیشداری ، بفرقه قسم کلیسی ، برقول اردو پیشداری ، برقول اردو قسم کلیسی ، مکمل بفرقه ، برسواری فرقه سی و ۰۰۰ الخ قطعاتك امتدادینه بالمقیاس مساوی اوله کلمش برطاقم دلیککری حاوی برمقوی استعمال اولنور ایسه ده بو واسطه ۱ : ۵۰۰۰ و ۱ : ۱۰۰۰۰ و ۱ : ۲۵۰۰۰ کی بیوک مقیاسلرده قابل استعمالدر .

اردوگاه اتخاذ قلنان محلك جبهه سیله جناح لری اوزرینه وضع ایدر .
 ومنسوب اولدقلری قطعانی اردوگاهه کتورمك اوزره رفاقتنده کی
 ضابطانی دخی کیرویه اعزام وکندوسی ترتیباتك اجراسنه نظارت
 ایلک اوزره اولدینی محله مکث و آرام ایدر . (منتخب محلك
 امتدادی بیکیرك هرخطومه سی ۳ مترو حسابیه درت نعل ايله قطع
 ومساحه اولنمیدر) . ۴ — ارکان حربیه ضابطی بالاده کی خصوصاتی
 بالکز قسم کلی ایچون اجرا ایدوب پیشدار ومفرز لر مثللو قطعاندن
 کوندریلان ضابطان ویا ارکان حربیه لره قطعات مزبورده ک برلشه جکلری محلاری
 صورت عمومیه ده ارائه ايله تفرعاتك اجراسنی مومی الیه ترک ایدر .
 ۵ — عسرك اردوگاهه کیرمسی عقبنده چادرلره تعییناتك کوندرلمش
 بولمنی شایان اعتنا اولدیغندن ارکان حربیه ضابطی قطعات مختلفه
 عسکریه دن کوندریلان قوناقلیری بالاستصحاب قولدن ایلرو حرکت
 ابتدکی ائشاده بیوک آغرلنی وهیچ اولمازسه چادر یوکلو اولان
 مکاری حیوانلرینی اردوگاهه کتورمك اوزره برضابط اعزام ایدوب
 عسرك تعییناتی تکالیف حربیه صورتیه جمع ایدلمه جکی صورتده
 ضابط مومی الیه ارزاق واوت یوکلو اولان مکاری حیوانلری
 (ویا آراه لری) دخی برلکده کتورمیدر . ۶ — یوروش
 قولنک قوماندانی عسکر ايله برابر برلشمه جك ايسه ایفای وکات ایلک
 اوزره براردوگاه قوماندانی نصب وتعیین ایدر . اردوگاه قوماندانی
 اردوگاهك خدمات داخلیه سنی ترتیب وتنظیم ایدوب نوبتی ضابطلرینی
 تعیین (اکثریا هرپیاده آلایندن برفرمانلی ضابط ايله برقول اغاسی
 ومفرز برپیاده طابورندن وسواری وطوپچی الایلرینک ویا بهرطوپچی
 طابورندن برر ضابط بوخدمته تعیین اولنوب بونرك معاونت لرینه
 دخی مقدار کافی کوچك ضابط وافراد ویریلور) وجهه وایکی جناح
 ايله کیرو طرفه اردوگاه قره غوللری وضعیله نظارت تحتنده بولندیر یله جق

ولان اراضی بی تحدید و نظام قره غولنی دخی تأسیس ایدر . « نظارت
متنده بولندیرله جق اراضی برمانع طبیعی و یا برخط مدافعه ایله حسن
سورتنده تحدید اولنه ییلور » . ۷ — اردوکاه جوارنده کی قریه
رموقع قوماندانی تمیین ایتمک و نفرائک اذنسر قرای مذکوریه
کیرملرینی منع ایچون قرائک مدخللرینه برنوبجی وضع ایتلک مناسبدر .
۸ — تکالیف حریه جعنه وصو اخذینه منفرد نفرات کوندرلیوب
مقن قطع لر اعزام اولنور . ۹ — صو برقریه دن جلب اولنه جقسه
قریه نک قیو و چشمه لر قیقات میاننده صورت منتظمه ده تقسیم اولنلیدر .
۱۰ — اردوکاه تأسیس ایدلدکده باش قوماندان و یا ارکان حریه
رئیی اردوکاه ایله ایلری قره غوللرک ترتیباتی تفتیش ایچون دوره
چیتملیدر . ایلری قره غوللر اردوکاهک تأسیسندن اول اردوکاه
محله یرلشمک ایچون ویریلان امره توفیقاً ترتیب اولنمش بولنه جفندن
ایلری قره غول خطنک اردوکاه اتخاذا قلنان محلی تماماً ستر ایتامسی
اکثریت اوزره واقع اوله ییلوب بناءً علیه قوماندان مومی ایله پیشدار
ایله مفرزلر طرفندن چیقاریلان ایلری قره غوللرک اردوکاهی ستر
و محافظه کی کافی اولوب اولدیغنی معاینه ایتلیدر . ۱۱ — بالاده کی
ذوات ترتیبات لازمه تماماً اجرا ایدیلرک عسکرک ماکولاتی ده تدارک
ایدلدکجه محل مخصوصنه کیتاملیدر . (ارکان حریه ضابطی بواثنالرده
عسکرک استراحتنی تأمین ایچون نقدر جوق غیرت ایلر ایسه عسکرک
امنیت و محبتنی اول نسبتده جلب ایده جکندن ارکان حریه ضابطاننک
بونوع خدماتی فوق الغایه حائر اهمیتدر) . ۱۲ — اردوکاهده برچوق
زمان قالنه جقسه جوارده (۳ کونلک ارزاق حاوی) انبارلر ایله (قوه
موجوده نک یوزده بشنی استیعابه کافی) خسته خانه لر تأسیس اولنلیدر .

— فصل برنجی فصل —

یوروش جدولی — ارکان حربیه طرفندن صورت منتظمه ده تهیه و ترتیب ایدلک ممکن اولان یوروشلرده (مثلا سفره داخل اولق اوزره اجرا قلنان تجمع یوروشلرنده و بلا محاربه ضبطی مأمول نقاطی اشغال اجرا اولنان یوروشلرله بیوک مانوره لرده) نمونه به مشابه بریوروش جدولی ترتیب اولغیدر . یوروش جدولنه دائر بعض مطالعات — ۱ — عسکر (قلبه) اطرافنده برقاچ کون اقامت ایلک اوزره مواقع مختلفه یرلشدیرلش اولدیفندن پیاده و سواری و طوبجی صنفلرله نقلیه قطاری قاریشیق اوله رق بر صورت متناسبه ده مواقع مذکوریه تقسیم ایدلشدیر . (برنجی کون ایچون فرقه اسری نوسرو (۱۰) نه مراجعت اولانه) ۲ — تشرین اولک ۲ و ۳ و ۴ و ۵ و ۶ برنجی کونلرنده کی قوناقلر و یا آجیق (و یا خیمه لی) اردوگاهلر تقریباً یوروش قوی طرزنده ترتیب اولغیدر . فرقه صورت عمویه ده ایکی قول ایله یوروش اجرا ایدوب یوقوللردن بریسی (پیاده برنجی لوا) قلبه پاپازلی — دربند بیوک جاده سیله و دیگری (ایکنجی لوا) مارقوا یحیالی استقامتیه حرکت ایتیش و بطریقه ل ایله نقلیه قطاری بیوک جاده یی تعقیب ایلشدیر . ۳ — قطعات هر قوناقدن قطع ایدم جکری مسافات تقریباً بر برینه مساوی اولق اقتضا ایلدیکندن قولک نهایتنده بولنان قطعات یوروش ائناسنده یرلشدیریلان قوناقلر لرینک دخی کیروده بولنانلرینه یرلشدیریلوب قطعات تکمیلی بر آجیق و یا خیمه لی اردوگاهده و یا بر محاربه میدانده جمع ایدلدیکی وقت عسکری لزومسز بره یورومسزین قطعات مذکورده دن بعضیسنی قولک کیورلرینه و بعضیسنی ایلرولرینه آله رق یوروش قولنده کی محاربینی تبدیل ایلک ممکندر . ۴ — هیئت ارکانلری کندی قوماندالرنده بولنان جزو تاملردن

بريله ويا ايکيسيله برابر يرلشورلر ايسه ده ممکن اولديغي قدر هر زمان عيني قطعات عسکريه ايله يرلشاملي مثلاً جدولده بياده ايکنجی الايک ارکائی برنجی کونده برنجی طابورک برقميله وایکنجی کون ايکنجی طابورله و اوچنچيده برنجی طابورله ويا بونلرله برلکده اقامت ايدن صنوف ساثره قطعات عسکريه سيله يرلشور ۰۰۰۰ الخ . بناءً عليه بللو باشلو قطعات عسکريه قوماندانلری اره صروده کندی معيتلرينی نفتيش ايدم بيلورل . ه — فرقه يی بشنجی کوندنصکره شرقه طوغری تیمور يولله نقل ايتماک مطلوب اولديغندن دردنجی کون استراحته ترک اولنمش و فقط موقفلردن اک زياده اوزاق بولنان قطعه لر بشنجی کون ارزو اولنان موقمه (حاجی الیاسه طوغری) جلب اولنمشدر .

— اون ايکنجی فصل —

ایلری قره غوللر ، افادات عمومیه ۱ — مشهور تعبیه معلی آلمانایالی (مهکل) دیمشدرکه : « خدمات سفریه ایچنده ایلری قره غول خدمتی قدر ذاتاً محدود اولان قواعدینه تطبیقاً ایفاسی مشکل بر خدمت یوقدر . »

۲ — ایلری قره غول مفرزه سی حاله ، موقعه و دشمنک طبیعتی ايله مسافه سنه ، اراضیه عسکرک اخلاق ايله حرکات عسکریه نك نوعنه نظراً تشکیل اولغیلیدر . دشمندن اوزاچمه اقامت اولندیغی حالده یالکز یوللرک دشمن کشف قوللرینه سدی کافی ايسه ده محاربه دن صکره کثیف بر آوجی حطنه بکزه ملی نتیجه لئامش حر برلردنصکره بوخصوصه زياده دقت ایتلیدر . ۳ — بوخدمته اک الویریشلی سواریدر .

۴ — حرکاتک بدایتنده دشمن اوزاقدنه ومستقل سواریده اردونک بر ويا برقاچ قوناق ایلروده بولنه جفنشدن مذکور سوارى ایلری قره غوللردن مرکب بر پرده تشکیل ایلر . بونک کیروسسندنه اردونک یالکز اک مهم کچید نقاطيله وجاده لری اشغال ايله کندولرینی خفیف

ایلری قره غول وقوناق وارد وگاه قره غوللریله ستر ایدرلر . ۵ — مؤخرأ دشمن مستقل سواری پرده سنی یارمغه چالشدیفنده کیروده منتظم ایلری قره غوللر تشکیل ایدیلور . ۶ — ایلروده مستقل سواری یوغیسه کشف قوللرندن آلنان را بورل مألندن باصقین احتمالی اکلاشلدیفنده ینه منتظم ایلری قره غوللر تشکیل اولمایدیر . (بعضاً باصقین احتمالی یوغیکن عسکری آلیشدر مق ایچون ایلری قره غوللر چیقاریلور سده ، کوزل هوالره حصری وسوء استعمال ایدلماسی مناسبدر) . ۷ — میدان محاربه لرنده پیاده نتیجه قطعیه نك استحصالنه تخصیص ایدیله جکندن اداره ایله اسخدام ایدیلهر نك لزومندن زیاده ایلری قره غولله یورلماسی و پیشدار ویا (دمدار) نك زیاده ثلث ویا نصفنك تفریقی .

ایلری قره غول خدمتنه دائر قواعد اساسیه ۱ — ایلری قره غولدن مقصد : اولاً دشمنی کشف وثانیاً منسوب اولدیغی عسکر نك امنیتی استحصالدر . ۲ — بناءً علیه بو خدمته مأمور عسکرده کشف وتعرض فکری نك وجودی لازم اولیوب ثابت نوبتچی قره غول وضعندن زیاده دشمنه طوغری جسورانه بر صورتده کشف قوللری سوقنه غیرت ایتملیدر . ۳ — بعضاً باصقین اجرا سیچون دشمنه طوغری کوچک مفرزلر سوقله ایلری قره غول خدمتنی تسهیل ایتلیدر . (بدایت سفردده دشمن ایلری قره غوللر نك متوالیاً اوفق تفك هزمتلره دوچاری دشمنك کوزینی یلدرمغه نك ابو واسطه در) . ۴ ایلری قره غوله عمومیتله کوندز وماهتابلی کیچه لرده سواری و قراقلق کیچه لرده پیاده مأمور ایدیلوب بونلر غروبدن براز صکره وطلوعدن برآز اول بر برینی دکیشدیر ملی و دکیشدیریلان عسکرایلری قره غوللر نك قسم کلبسی نزدینه عودت ایتلیدر . مستثنأ اوله رق زیاده قبالی و عارضه لی اراضیده کوندوزلری سواری به استناد کیر و طر فلرده کی

(كوپرى ، چيكدېگى) بعض نقاط مېھمىنى پىيادە ايله اشغال ايتلى و (ميدان محاربه ده و قلاع پيشكاھنده بولمقى كې) بعض حالات خصوصيه ايلرى قره غول خدمتى كوندزده پىيادە ايفا ايتدويملدر . ه — دشمنك استعمال ايدە بيله جكى يوللرله سائر خطوط مواصلەتك كافەسى تحت نظارتده بولنديرلى . ايلرى قره غول خطى حرکات عسكريە استقامتندە بريوك جاده قطع ايتديكنده ايلرى قره غوللر ك قسم كليسى جاده مذکوردى مدافعه ايدە بيلمك ايجون دائماً اوجاده نك يقينندە برموقدمە تمبيه اولمليدر . ۶ — ايلرى قره غوللر ستر ايتدكلى قطعه عسكريە اوزرينه دشمن طرفندن برهجوم وقوعبولدقمە مذکور قطعه قسم كايسنه محاربه ترتيباتى اخذ ايجون هر حالده وقت قزانديرميله جك صورتده ترتيب وتنظيم اولمقى لازمدر (صنوف مختلفە دن مرکب اولان وايكى اوجييك قوتندە بولنان برقطعه عسكريە آچيقتە يرلشديكنه نظراً اشارت و يرلدكدن برچاريك الى يارم ساعت صكره وقوناقده يرلشديكنه كوره دخى يارم ساعت ظرفندە محاربه يه حاضر وآماده اولمقى لازم ايسە ده قونان منطقه سنك هر طرفى ايجون اشبو يارم ساعتدن بشقه تجمع محله قدر اجرا قلنه جق يورويشليده حساب ايتلى وبويورويشلردە قطع اولنه جق مسافه نك بهر كيلومتروسنه اصغرى ۱۰ دقيقه اعتبار ايليدر) .

ايلرى قره غول خدمتك صورت ايفاسى ۱ — باش قوماندان ايلرى قره غوللر طرفندن ستر اولنه جق اولان خطى پيشدار قومانداننه صورت عموميه ده بيلديروب بوده ايلرى قره غول قومانداننه اواسر لازمه اعطا ايدر وايلى قره غول قوماندانى ده اواسر مذکور يه توفيقاً ايلرى قره غول مفرزه سنى ترتيب ايلر [بوبادە و يريله جك اواسرە دائر بيان اولنان مثاللره مراجعت اولنه (صفحه ۴۶ و ۴۸)] ۲ — ايلرى قره غوللر تدابير عاديه احتياطيه تشبثله تأسيس ايديلور .

(ایلری قره غوللرک ترتیب اولنه جفی محله مواصلت اولندیفنده بونلرک یوروشینی حایه ایلک اوزره اولجه ایلرویه چیقارلش اولان کشف قولری ویا ایکی نفر دن . مرکب کشافلر نقاط لازمه یه ایلری قره غول وضع اولنجه یه قدر اراضیده ترک اولنوب بمده کیرویه جلب اولمایدیر) . ۳ — قسم کلی ایلری قره غول بلوک وطاقلری ایلری قره غول قوماندانک کوستره جکی نقطه لره کیدرلر . ۴ — بوحالده طاقم قوماندانلری نقاط مناسبه یه طوغری کشافلر (موضعلرینی نظر دشمندن ستر ایتدکلری حالده کندولری بالعکس دشمنی کورمه چالیشمق وایلروده بولنان زمین عارضه لرینی برر برر یوقلادقدن صکره منسوب اولدقلری پوسته یه عودت ایتک اوزره ایکی نفر دن مرکب ایلرویه سوق اولنان افراده پوسته کشافی دینور) سوق ایدرک بونلرک حایه سیله مواقع لازمه یه ایلری قره غول پوسته لرینی وضع ایدرلر . ۵ — ترتیباتک اجراسندنصکره ایلری قره غول قوماندانی دوره چیقار . کیجه ایچون ایلری قره غول خطنک محلی دکیشدیرمک لازم ایسه کیجه لک خطنیده بوسرده تعیین ایدر . ۶ — هر ایلری قره غول طاقم قوماندانی کندی طاقنی تأسیس وایلروسنه چیقاره جفی پوسته لرینی نقاط مناسبه یه وضعله ترتیباتی آلدقده کیفیت ایلری قره غول بلوکی قوماندانه بوده ایلری قره غول قسم کلیسی قوماندانه بیلدیرمایدیر . (ممکن ایسه تحریراً یعنی راپورله) ۷ — ایلری قره غولده رسم تعظیم ایفا اولنماز . قطعه قوماندانک کلن آمره معلومات لازمه اعطاسی لازمدر . (مثلاً : قوماندامده کی ایلری قره غول طاقنی (۱) نورولیدیر . اسم (ل) افندیدر . رفاقتده ۲ چاوش ۲ اوناشی و ۱۲ نفر وارددر . ایلرومژده کی اراضیه ۲ پوسته و ۱ پوسته کشافی چیقارلمشدر ۰۰۰ کبی) . ۸ — کوندوزلری / پر ;


قره غول بلوکلریله قسم کلیده یمک پیشوریلوب صو وسائره تدارک اولنور طاقلره . پوستلره ، بلوکلردن یمک ، صو ۰۰۰ کوندریلور . عموم ایلری قره غوللر کیجه لری حرکت حاضری بولنور . آتشلر دشمندن کوربه جکی صورتده طاقلرده کیجه لری آتش یاقلاز ایسه ده بلوکلره قسم کلیده مخاطره لی اولان بمض مستثنی حالاتدن ماعدا وقتلرده آتش یاقله ییلور . ۹ — پوسته ، طاقم و بلوکلرده سلاح چاتیلری قرینه برر نوبخی بولندریلوب قسم کلیده ایجابنده (برضا بط و یا کوچک ضابطه ایله مقداری کافی نفراتدن مرکب براردوگاه قره غولی تأسیس ایدیلور .) ۱۰ — پوسته نرک سلاح چاتیلری اوکنده کی نوبخیلر هیچ برکیسه نرک پوسته لر خطی بکسنه مساعده ایتیبوب یا قیو پوسته سی کوستر و یا کلاندن شبهه ایدرسه پوسته افرادندن بریسی ایجاب ایدن محله قدر مرقومه رفاقت ایدر .

۹۱ — ایلری قره غوللر دکیشدیریله جکی وقتده دکیشدیران دکیشه جک قطعه نرک یانه کلوب طرور یوزینی دشمنه چورر هرایکی قطعه قوماندانی بربرنه معلومات لازمه اعطا و برلکده کندی منطقه لرینی طولاشور . ۱۲ — بربرینی طامتح ایچون ایلری قره غوللرده (پاروله) و (اشارت) ویریلور .

۱۳ — ایلری قره غول مفرزه سنک دشمن ایله صورت محاربه سنه دائر پیشدار قوماندانندن (قسم کلیدن افراز اولنمش ایسه باش قوماندان) ایلری قره غول قوماندانه امر ویریلوب مذکور امر ایلری قره غول مفرزه سی قوماندانی طرفندن بلوک و طاقم قوماندانلرینه تبلیغ اولنور . پوسته کشافلری پوسته لرینه و پوسته لر طاقلرینه و بونلر دخی بلوکلرینه طوغری چکیلوب اشبو بلوکلر دخی قسم کلی حاضر و آماده اولنجه به قدر دشمنه مقاومت ایلر و قسم کلی دخی دشمنه بامقاومت و یا هجوم ایدر .

۱ — سواری


ب — برکوجك ضابط ویا براونباشی ايله برقم سواریدن مرکب ایلری قره غول پوستلرندن عبارتدر . پوسته افرادندن بریسی یا یا نوبخیدر . ایکیمی آتلی پوسته کشافی اولوب ایلروده کی اراضی پی طولاشه رق مماینه ايله عودت ایدر . بونلر منسوبه ایلدر . باقی آتلور یا یا نوبخینک کیروسنده یا یا اوله رق دشمن نظرندن مستور برقطه ده بولنورلر . یا یا نوبخی صاغ وصولدن ۲۰ : ۳۰ خطوه داخلنده کزر ایسه ده یوزینی دائما دشمن طرفه توجیه ایتلیدر . ط — ذکی و آجیق کوز برکوجك ضابطك قومانداسنده قوبوسته سیدر .



تنبیه — مختلف قره غول	پوسته کشافی و دوریه قوی	ایله
و پوسته ل پیننده کی مسافه ل	ایلری قره غول پوسته لری	ایله
آئیده کوستر بله جک پیاده	طافی	ایله
ایلری قره غول ترتیباتنده کی	بلوکی	ایله
مسافاتک ایکی ویا اوج مثلیدر .	قسم کلیسی	ایله

ح — ایلری قره غول طاقلری اولوب ایجابنده ایکیشر آتلودز مرکب دوزیه قوللری چیقارلر . طاقم ضابطی کندی پوسته لریله (ایکی پوسته) طاقنه نظارت ایدر . د — ایلری قره غول بلوکی (ایکی طاقدر) . یوز باشی منطقه سی داخلنده کی بلوکلر قدمه لینه نظارت ایدر . ه — اکثریتله پیاده دن متشکل وسوارینک استنادی مقامنده اولان ایلری قره غول مفرزه سی قسم کلیسندن عبارتدر (برضاور ویا برلوك) سواری بلوکلر کیزوسنده کچید کوبری کی نقاطی اشغال وایجابنده بر ویا برقاج بلوکلر (ویا طاقم) افزایدره تنبیه — نوبتیلر اصولاً ایکی وقیشن بر وبلوکلر یارم ساعتده دکشد بریلوب پوسته لر ایله طاقلر ۲۴ وسواری بلوکلرله قسم کلی ۴۸ ساعتده وبضکره اوج کونده بر دکشیدر ملک اقتضا ایدر . (قبشین مستثنا) قزاق اصولی — بواصول بکیریلر طرفندن استعمال اولمشدر . روسیه سواریلری اصول مذکوری قبول ایتدیکی کی بعض دول اجنبیه سواریلری طرفندده قوللا نلقده در . بالقائله اناطولینک شرقنده استعماله پک الویریشلیدر . بونک ایچون سواری یا صحیفه (۸۳) ده کی کی پوسته ، طاقم ، بلوکلر قدمه لینه آریلور ویا آتیده کی ترتیبانی آلور . صحیفه (۸۵) ده کی قزاق اصولنه دائر ایضاحات : ب — برکوچیک ضابط قومانداستنده بر قسم سواریدن (۶ : ۸ آتلی) مرکب ایلری قره غول پوسته لریدر . بونلر اطرافه حاکم دشمن نظرندن مستور نقاطده بولنور . یا یا نوبتیی وپوسته کشانی وارددر . ح — استناد مقامنده بر پیاده ویا سواری بلوکی (ایلری قره غول بلوکی) ق — ایلری قره غول قسم کلیسیدر . (مهم برنجید ویا نقطه وارسه اتی اشغال ایدر) .


تنبیه — قزاق اصولیه یرلشدیریلان ایلری قره غوللر برقاج کون محفلرتده قاله بیلوب دکشیدر ملک ایجاب ایتمز



●● پسته کشانی ● نوبچی □ ایلری قره غول پسته سی
 ■ ایلری قره غول یلوکی □ ایلری قره غول قسم کلیسی .


۲ — پیاده

ب — ب بر ویا یارم مانفهدن مرکب ایلری قره غول پسته لری هر پسته
 سلاح چاتیسنگ ایلروسنده برنوبچی ۲۰ : ۳۰ خطوه داخلنده
 طولاشور . ایلروده کی زمین عارضه لرینی یوقلامق دشمنی نجس
 ومجاور پسته لرله مواصله اتمک اوزره ایکی نفر (پسته کشانی)
 چیقارر . بونلر اعظمی بشیوز خطوه قدر برمسافه قطع ایدوب
 عودت ایلدیکنده یا در عقب ویا بر مقدار زمان صکره افراد ساژه
 ایله دیکشدریلور . ط — ط پسته لر قوتنده (قبو قره غولی) دره .
 ح — ح ایلری قره غول طاقلری هر بری ایلروسنه ایکی پسته ویا




ایلری قره غول پوسته لری ■ قبو پوسته لری • اره
پوسته سی ده پوسته کشانی ▨ ایلری قره غول طاقی
ایلری قره غول بلوک □ ایلری قره غول قسم کلیسی •
تنیه — رقلر مترو جنسندندر .
بر پوسته ایله مستقل بر پوسته جیقارز ایسه ده مذکور پوسته لری بیننده
مسافه زیاده اولور و باخصوص بر دره و یا سائر بر زمین عارضه سی
بولنوبده تحت نظارتده بولندیرمقی ایجاب ایدرسه مذکور عارضه
یارم پوسته و یا ایکی نفردن مرکب بر آره پوسته سیله اشغال اولنور .
طاقم ضابطی ایلری قره غول طاقنک اشغال ایتدیکی کوچک منطقه یه
نظارت ایدر . ایلری قره غول طاقی دوریه قوللری واسطه سیله
پوسته لریله مجاوردی بولنان طاقلرله مخبریه مجبوردر . ق — ق
بر بلوکدن باقی طاق و یا طاقلردن عبارت (ایلری قره غول بلوک لری) در .
ه — بر طابوردن متباق ایلری قره غول (قسم کلیسیدر) . طابورینک
اشغال ایتدیکی منطقه دن مشول اولدیفندن بالجمله ایلری قره غول
قدمه لریته نظارت ایدر .

تنبیه — ایلری قره غوللرک دکیشدیرلسی ایچون صحیفه (۸۴) ده در — دول معظمه و حکومات مجاوره ده مستعمل ایلری قره غول ترتیباتی — وقت سفرده دشمن اردوسنک ایلری قره غول ترتیبانه واقف اولوق الزم اولدیغندن دول و حکومات اجنبیه ده مستعمل ایلری قره غول ترتیباتنک دخی بوراده منحصرأ بیانی مناسب کورلمشدر .



• جفته نوبتچی (تهلکه زماننده ۶ نفرلی برپوسته دن مرکبدر) .
 • ایلری قره غول طاقی (بعضاً یارم طاقدن تشکیل اولنه ییلور) .
 • ایلری قره غول بلوک (متباق برطاقم ویا ایکی طاقدر) .
 • مستقل پوسته (برچاوش ویا ملازم قومانده سنده یارم ویا برمانغه قوتنده اولوب بلوک ویا قسم کلیدن افراز اولنور) ایلری قره غول قسم کلیسی .

تنبیه — ایلری قره غول قسم کلیسیله بلوکرینه مخابره ایچون ۴ : ۶ آتلو ویریلور . جفته نوبتچیلرله ایلری قره غول طاقلری اده سنده بولسان مسافه اعظمی ۴۰۰ متره در . دیگر قدمه لک آرملق مسافه لری صحیفه (۸۵) ده کوسترلدیکی کبی اراضینک حاله نظرأ مختلفدر . سواری ایلری قره غوللری همان عین اصول ایله ایلری قره غول ترتیباتی تأسیس ایدوب شوقدرکه مسافه و آرملق لری پیاده مک ۲ : ۳ مثیلدر .



۱۱ پیاده چفته نوبجیلری ۱۲ سواری چفته نوبجیلری ۱۳
 پیاده کوچک قره غوللری (۲۰ الی ۳۰ نفر در) . ۱۴ سواری
 کوچک قره غوللری (بررطاقدر) . ۱۵ قطعه مفتشه (قبو قره غولی
 اولوب کوچک قره غول قوننده در) ۱۶ سواری و پیاده بیوک
 قره غوللری (بلوکلرک باقیسیدر) ۱۷ ایلری قره غول قسم کلیسی
 (یا خوداستناد قطعه سی) . ۱۸ مفرز قره غول (۶ الی ۹ نفر در) .
 تنبیه — حکومات مجاوره دن یونانستانده فرانسه و صربستانده
 اوستریا بلغارستان ایالتنده روسیه اصوللری استعمال اولنمقده در .

— اون ایلنجی فصل —

۱ استکشاف (۰)


۱ — جمله سی ابو بارکیرله بندیرلک شرطیله برضابط قومانداسنده

(۰) یوروش واقامتده قابل تطبیق واستعمالدر .



ب - ب كوچك قره غوللر (بركويچك ضابط و ۶ الى ۹ نفر دن
 مركب — بوقره غوللر يالكز سلاحلك اوكنه برنوبجي جيقارلر)
 ب قيو قره غولى (برضايط ۶ الى ۹ نفر) ۲ اره پوسته سي (براونباي
 ۳ نفر) ۳ مفرز قره غول ۵ بيوك قره غول (۱/۲ الى ۲ بوك)
 قسم كلې (ايلرى قره غول مفرزه سنك نصفى) .

۴ : ۲۰ آتلودن وفوق العاده حاللرده برسواری طاقى ويا باوكندن
 مركب ومنسوب اولدينى قطعه دن ۵ : ۲۵ وحتى ۵۰ كيلو متره قدر
 تباعد ايتك وزمان عودتلى تعيين اولنامق اوزره بعض خصيصى
 مقاصدله باش قوماندان طرفندن (ضابط كشف قوللرى) سوق
 اولنور . بونلر دشمن مواقعى كشفه چالشدق دن بشقه اهالى ني استجواب
 وپوسته خانه لرله تلغرافخانه لرده كي دفاتر ، مكاتيب ، تلغراف مسوداتى
 ضبطله دشمنه دائر استطلاعنده بولمغه غيرت و دشمنه تصادف ايتدكلرى
 حالده بيله منسوب اولدقلى قوله صيق صيق معلومات اعطاسنه دقت
 ايدرلر . ضابط كشف قوللرى اكثريا مستقل سواری (فرقه وبالواسى)
 طرفندن و (پيشدار قسم كليدن چوق تباعد ايتديكى ويا باش
 قوماندان طرفندن كشف قوللرى سوق اولمدينى حالده) پيشدار



ب — ب نوبجیلر (دردر نفر - برر نوبجیدن تشکیل ایدن برنجی وایکنجی قوردونلر اراسنده ۵۰ الی ۵۰۰ خطوه وایکنجی قوردون ایله چفته نوبجیلردن مشکل اولان اوچنجی قوردون پیننده دخی ۱۰۰ الی ۱۵۰ خطوه مسافه ترك اولنور) . > — > قیو قره غوللری (۵ الی ۸ آتلو ویا نفر) . < — < کوچك قره غوللر (۸ الی ۱۲ آتلو ویا نفر) . < — < بیوک قره غوللر (پیاده ویا سواری بلوکنك باقیسی) .

جانبندنده سوق اولنور . ۲ — کوچك ضابط قومانداسنده برقم (۴ : ۶) سواریدن مرکب و قولدن برقاچ کیلو مترو قدر اوزاقلشمق وجهه ایله یانلرده کی قریه اورمان و وادیلری طولا شفق اوزره کوچك ضابط کشف قوللری کوندریلوب بونلر وظیفه لرینی ایشادن صکره یوروش قولنه عودت ایدرلر . یوروش قولنك حرکتی تأخیردن اجتناباً بوکشف قوللری یالکز سواری بولمیدیفنده پیاده دن تشکیل اولغلی وقت سواری قدر تباعد ایتمایدر . ۳ — کوچك ضابط قومانداسنده (ویا یالکز باشلرینه) ۲ : ۳ نردن مرکب یوروش قولنك ویا ایلری قره غوللرک جوارنده کی اراضی کی کشف و پیاده اعظمی ۱۰۰۰ سواری ۲۰۰۰ مترو قدر تباعد اینك اوزره



ب — ب كوچك قره غول (۱ كوچك ضابطه ۴ نفر) ؛ قطعه
مفتشه (۳ ضابطه و ۱ كوچك ضابطه و ۸ نفر) ؛ بيوك قره غول
(برطانم الى برلوك) ؛ اخبار قره غولى (مرتفع نقطه لوده)
احتياط (قسم كاى)

کشف قوی ویا پوسته کشف لری کوندریلوب بونلر مذکور مسافه بی قطعہ نصکره عودت ایدرلر . ۴ — احوال دشمنی مکمل کشف ماده سی قدر مهم ایسه بواسطه ایله النان معلوماندن قرارگاه عومیده حسن استفادہ ایدلمیده اول نسبتده لازم اولدیغیدن دشمن اردوسنک تسبیقاته معلومات تامه سی اولان برارکان حربیه ضابطی بالخاصه شو خدمته مأمور ایدلوب مومی ایله سواریدن کوندریلان راپورلری منابع سائرده مستحصل معلوماتله مقایسه ایتملی ومستقل قوماندانلره تقدیم اولغی اوزره اده صره دشمنک حال وموقعنه دائر (وقوعات اجمالی) ترتیب المیلدر .

— ❧ — اون دردنجی فصل ❧ —

۱ — نفرت و حیوانانہ معینات منتظمہ ہومیہ — قصص من قلبائید

۲ — سفردہ خصوصیلہ ارزاق تکالیف حربیہ صورتیلہ جمع ایدلدیکی حالده عسکرہ منتظماً تعینات اعطاسی پک مشکل برکیفتدر .

کسوراتسز بعض معلومات عملیہ : ۱ — عسکرک مشقت و بورغونلغی انناسنده مکملآ اعاشہ سی مطلوب اولدیغنه نظراً هر نفر یومیہ : ۷۵۰ غ (*) اتمک (ویا ۵۰۰ غ پکسماد) ۶۰۰ غ ات و سبزه ایلہ سائرہ که جمعاً ۱۳۵۰ ویا ۱۵۰۰ غ مأکولاته محتاجدر . ۲ — بارکیرک اولیلہ برزمانده یومیہ ۵ ک ارپہ ویا یولافله ۱۲ ک (۲ دمت) تازہ اوتہ ویا ۵ ک صمانہ احتیاجی واردر . تنبیہ — قوتلی برآدمک یوکلنه بیلہ جکی برچوال طولوسی اوت ۲۰ بارکیرہ کفایت ایدم بیلور .

۳ — ارزاق یوکلکی ۲ اوکوزلی (ویا ۲ بارکیرلی) برآراہہ برپیاده طابورینی برکون اداره وارپہ و اوت یوکلکی دیگر برآراہده طابورک مکاری حیواناتی برکون اعاشہ ایدم بیلور . (۲ اوکوزلی ویا ۲ بارکیرلی برآراہیہ ۵ یوک حیوانی معادل اوله بیلور) . ۴ — برصغر ویا (۱۰) قیون برپیاده طابورینک برکونلک ات تعیناتنه کافیدر . ارپہ ویا یولاف یوکلکی ۲ اوکوزلی ویا ۲ بارکیرلی برآراہہ برسواری بلوکنک ویا برسواری بطریه سنک حیواناتی برکون اداره ایدم بیلور . ۲ اوکوزلی ویا ۲ بارکیرلی برآراہہ طولوسی ارزاق برسواری الاینک ویا ایکی طوبجی طابورینک افرادینہ برکون کافیدر .

۵ — اتمک : ایکی صمون برنفر تعینیدر . ۱۲ اتمکجی استخدام اولتمق اوزره وسطی برفرون کونده ۳۰۰۰ : ۳۵۰۰ اتمک چیقارہ بیلور . اتمک طنجندن ۲۴ ساعت کچمدکجه عسکرہ توزیع اولتماق لازم اولوب طقوزکون قابل اکل برحالده بولنور . اتمک سهولته بوزولدینی کبی وسائط نقلیه نک تکثیرنیده موجبدر . نقلندن

صرف نظر له اتمکچی قوللری تشکیل ایدملی و فرونلر تأسیس ایدرک
 عسکره وقت وزمانیه اتمک یتشدیرمک ایچون مذکور اتمکچی
 قوللرندن پیشداره ، مغرزم له ترفیق اولملی و اداره عسکره هیئت
 دار الحركات اوزرنده بولنان مملکت اتمکچیلرندنده استفاده یه غیرت
 ایللیدر . ۶ — صو : یومیه برآدم ۴ بارکیر ۲۵ لیتره صویه
 محتاجدر (برلیتره صو تام برک ثقلتنده در) . ۷ — غایت سرعتله
 کیدلیدی و تغلیه قطارلری یوروش قولنک ارقه سنجه کیده مدیکی
 و قتلرده تازه ماکولات یینه پارچه پارچه و یا صوجق شکننده و یا
 تنکه قوطیلر ایلمنده محفوظ قهوه . ات صویی ، سبزه و گوشت کچی
 شیرک نقل و استعمالی پک مناسبدر . برآووچ محفوظ ات صویی
 مقدار کافی پکسماد ایله سکزکون برنفری اداره یه کافیدر . اشبو
 محفوظ اطعمه تک اک بیوک فائده سی نقلنک سهولتلی اولمایدیر .
 خصوصیه احتیاط تعیینانی اولقی اوزره نفراته محفوظ اطعمه توزیع
 قلمسی موافقدیر . برنفره برکونلک احتیاط تعیینی اولقی اوزره
 ویرله جک طعامک اک ابو ترکیبی شودر :

(۶۰۰ غ ات ۲۲۵ غ محفوظ سبزه ۳۵۰ غ تضییق اولنش پکسماد
 ۵ غ چای ۱۷ غ شکر ۳۰ غ قهوه) و یا خود : ۴۰۰ غ
 تضییق اولنش ات صویلی پکسماد (بومقدار پکسماد ۳۵۰ غ
 دقیق و ۳۷۵ غ تازه اتله ۴۰ غ بهار اتدن احضار اولنور) .
 (۲۰۰ غ ات صویلی سبزه محفوظی ۳۰ غ قهوه ۵ غ چای ۱۷ غ
 شکر) یا اکز پکسماد اعطا اولمقی مجبوریتی حاصل اولان کوزلر
 برنفره برکیلو پکسماد ویریلور .

کام عسکرک ارزاق و ما کولاتی تدارک ایتمک اصولی ۱

۱ — عسکرک اهالی به اعاشه ایتدیرلی : بواصول عسکری جمله قوناقلره یرلشدیرلمک ممکن اولان زنکین واهالیسی چوق مملکتلرده اجرا قلنه جق یورویشلر ائناسنده قابل استعمال ایهده برقوناقرنده اوچ کوندن زیاده اقامت ایتمک و قوناقلر کنیش اولق لازمدر — اکثریا خانه باشنه ۳ نفر و ۱ : ۲ بارکیر حساب اولنور .

۲ — انبار اصول : بواصول اک ایو ایهده حرکات عسکریه غایت سرعتله ایلرولدیکی و انبارلرده سربعا تاسیس قلمق ایماب ایده جکندن اجرایی مشکل اولور . انبار ایله عسکر آره سنده ۲۰ کیلو متره دن زیاده مسافه بولمق جائز دکلدر . داخل مملکتده انبارلر ملزملر طرفندن طولدیرلوب دشمن ممالکنده ایهده هم ملزملر و همده منزل خطلری اوزرنده سوق اولنان قافلرلر واسطه سیله طولدیریله جی کبی دار الحراکنده کی اهلیدن تکالیف حربیه ایله ذخیره جمع ویا مبیایه ایدیلرک املا اولنور . مرکز اهالی اولان قصبه و شهرلره عزیزتمله مبیایه و تکالیف حربیه جمی واسطه زیله یوروش قوللرینک وصولندن اول لازم اولان انبار و فرونلری تاسیس و املا ایلمک اوزره اداره مأمورینی ایله ملزوم وکیللرینی مستقل سواری به ترفیق ایتمک موافقدر . دشمن ممالکنده مبیاعات ایله بالهوله ذخیره تدارک اولنه ییله جکی مثبت اولدیغندن انبارلری طولدیرمق ایچون بو واسطه تک نتایج حسنه سی واردر . (خط الحراکه اوزرنده ایدیلرک بو مبیایاته قارشولقده مذکور خطه مسافات بعیده ده بولنان قرا و قصبات اهالیسنه تکالیف حربیه نقدیه طرح ایتمک مناسبدر) .

۳ — ارزاق تکالیف حربیه عینه طرحیله تدارکی : یوروش ائناسنده عسکر برحله آچیقده کجه لدیکی وقت بو واسطه ایله اعاشه اولنه ییلور ایهده داخلنده حرکت اولنان مملکت محصولدار اولق واهالیسی مصائب حربیه ایله رخنه دار بولنماق لازمدر .

۴ — ارزاقك نقلیه قطار لریله جلبی : یوروش ائسانسده تکالیف حربیه عینیه طرح ویاخود مبايعه ایدرك ارزاق تدارکی ممکن اولمديبی وانبارلر دخی اوزاقده بولنديبی وقت عسکرک ارزاق اشبو واسطه لرله جلب اولنور .

۵ — عسکره احتیاط تعیینات توزیعی : وسائط سائره نك فقدانی مثلاً مستثنا حالاتده عسکرک بوصورتله اعاشه‌بی ضروریدر .

وسائط و خدمت نقلیه نك اصول ترتیبی — ۱ — بر بارکیر اعظمی ۱۰۰ براستر ۱۳۰ بردوه (۲۰۰ : ۲۵۰) وچفت اوکوزلی (ویاچفت بارکیرلی) بر آرابه ۵۰۰ : ۴۰۰ ك ثقلندمه یوك نقل

ایده بیلور . ۲ — ارزاق ویم نقلی ایچون بر پیاده طا بورینه ۱۷ و بر سواری آلاینه ۲۶ بر بطریه ۶ رأس مکاری تخصیص اولنمشدر . ۳ — مذکور مکاریلره بدایت حرکتده ۳ کونك تعیینات تحمیل اولنوب احتیاط اولق اوزره (بالترجیح پکسماد و محفوظ اطعمه دن)

لااقل برکونك تعیینات نفراتك چانطه ویا طوبره لرنده بولنديرلق لازمدر . ۴ — مکاریلر حمله لرینی عسکره ویره رك بوش قالدقلرنده

جوارده کی انبارلردن یقینده انبار بولنديبی حالده نقلیه قطارلردن معدود اوله رقی اداره عسکریه طرفندن مخصوصاً ترتیب و یوروش قوانك آرقه سی صره سوق اولنه رقی سیار انبار دیمك اولان قافله لردن

ارزاق آلورلر . بر قول اردو ویا بر فرقه یه مخصوصاً اداره عسکریه طرفندن ترتیب اولنان قافله لره اکثر یا قول اردو ویا فرقه ایچون درت کونك ارزاق تحمیل اولنور . ۵ — اداره عسکریه قافله لری

شو صورتله ترتیب اولنور : ب — اولاً قوه موجودیه کوره برکونك یم و تعیینات حساب ایدملیدر . ج — بعده برکونك یم و تعییناتی

نقل اتمك ایچون نقدر بارکیر ، استر ، دوه ویا آرابه لازم اولديبی

حساب اولملیدر . د — بوحسابات یاپلدقدنصکره برجنسدن اولان
وسائط نقلیه دن (هربری یا بارگیر واسترلردن ویا دوملردن ویاخود
آرا بهلردن) برکونلک ارزاق قافله لری ترتیب اولملی واشبووسائط
نقلیه مختلفه نلک سرعت حرکتلری مساوی اولدیفندن ممکن اولدقجه
مختلف وسائط نقلیه دن مرکب ارزاق قافله سی تشکیل وترکیب ایتکدن
اجتناب ایلیدر . ه — هربری برکونلک یم وتعیینات نقل ایدم جک
اشبو قافله ره ۱۲۰ و ۳۰۰ نومرولری تخصیصیله هربری برضابطک
(وجهل سیده بریوک رتبه لی ضابطک) قومانداسنه ویرلملی محافظ
اوله رق برقاج کوچک ضابط ایله ایجابی قدر نفرات ترفیق واهالیدن
اولان آرا بهجی وکاره جیلریده برامر عمومی ایله قانون عسکری
الته آلوب بوکا مقابل مرقوملره نفر معاش وتعییناتی تخصیص اولمغله
مذکور قافله لر عسکرجه تنسیق ایدملیدر . و — برده مذکور
قافله لک حرکت واستعمالی مشعر برجدول خطی ترتیب اولملیدر .
الحاصل سفرده عسکرک اصول اعاشه سی سفریه نلک ۳۳۰ ومتعاقبی
ماده لری وجهله اجرا اولملیدر .

۱۶ طابور پیاده و ۵ بلوک سواری ایله برطوبجی طابورندن مرکب
اوله رق بش قوناقلق برمسافه قطع ایدم جک اولان برفره عسکریه نلک
وسائط نقلیه سنک صورت ترتیبه داتر مثال .
ب — تعینات :

مثلا بهری ۸۰۰ موجودلی ۱۶ طابور پیاده ۱۲۸۰۰

بهری ۱۲۰ ۵ بلوک سواری (برآلای) ۶۰۰

بهری ۱۲۰ ۳ بطریه (طوبجی طابوری) ۳۶۰

صره دن خارج وصحیه ایله خدمات ساژده مستخدم نفرات ۱۳۷۶

یوزده اون حسابیله ۱۳۷۶

یکون ۱۵۱۳۶

اولوب بوده تقریباً کسرسز اوله رق (۱۵۰۰) دیگمدر .

ج — یم :	هر برینه	۲۶۱	بارکیر	حسابيله	درت	آلايك	مكاريسى	۱۰۴۴
سواری	آلاينك	حيواناتى	۶۷۰
طوبجى	طابورينك	حيواناتى	۳۰۰
خدمت	محيه	ايله	كوپريجى	طاقنك	واركان	ايله	فرقه يه	
منسوب	نقله	قطارلرينك	حيواناتى	وسطى	.	.	.	۵۰۰
يكون	۲۵۱۴							

اولوب بودخى كسر سز اوله رق (۲۵۰۰) ديمكدر .

د — بالاده كى حساباتدن فرقه يى تركيب ايدن قطعاتك مجموعه يوميه ۱۵۰۰۰ نفر تعيينى و ۲۵۰۰ یم توزيى لازمدر . برنفر تعيينى (اتمكده داخل) برچق و بریم ۵ ك ثقلتمده بولنديفندن فرقه تك يوميه ۲۲۵۰۰ ك تعيينات ايله ۱۲۵۰۰ ك يمه احتياجى تبين اتمكده فرقه تك بوبركونك یم و تعييناتنى نقل ايدم جيك قافله يه ارزاق قولى دينور بوده : تعيينات ايجون ۲۲۵ واربه (ويا علف) ايجون ۱۲۰ جمعاً ۳۵۰ رأس باركيردن عبارتدر . فقط سفر يه تك ۳۳۷ نجى ماده سنه نظراً ۲۵۱ بارکیر ، ۱۶۵ استر ، ۱۱۴ دوه ويا ۵۵ آرابه دن تركيب لازمدر . چونكه اكثر ثياتمك ، ارزاق قوللريله نقل اولئيوب عسكرى اقامت ايلديكى محللرده طبع اولنديفندن فرقه يه مخصوص اوج ارزاق قولى تشكيل وبولردن فرضا (۱) نومرولى قول ۱۵۱ بارکیردن و (۲) نومرولوسى ۱۶۵ استردن و (۳) نومرولى قولده تقريباً ۱۲۰ بارکیر ايله ۸۵ استردن تركيب اولنور . مذکور قوللرك كافه سنه بريكباشى ويا قول اغاسى وهر برينه برملازم قوماندا ايدوب بارکیر ويا استردن مرکب هر قوله

— اۈن بشنجى فصل —

﴿ منزل خطرىنىڭ وبونلرە عائد خىدماڭك اصول تىرتىبى ﴾

۱ — اردونىڭ كىرولرنده بولنەرق دېوى ، انبارويكى قرعە افراڭدن مركب قوۋە امدادىيە وسائىرە سىيلە ارتباطنى تامين ايدن خطوط المواسىلە (منز خطرى) دىنوب طرق جداول ، تيمور يوللر ، خطوط بحريە دن هر برى منزل خطى انخاڭ اولنە بىلور . ۲ — بو خطلرە عائد خىدماڭك برپاشاڭك قومانداسىيلە نظاماڭك عسكرىيە توفىقاً تىرتىب اولنور . ۳ — منزل خطنە برطاقم دائىمى موقفلر (طريق منزللىرى) تاسىس اولنور . موقفلردن هر برى اردويە التحاق ايدەڭك مفرزە وقافلە لرلە منفرد افراد ايچون تجمە ومولە محلى انخاڭ قلنەرق قومانداسنە (منزل موقى قوماندانى) نامندە بر قوماندان تەين ومحافظلنە بر قىلمە عسكرىە تخصيصىيلە اورادن مرور ايدەڭك افراد وحىواناڭك اسباب معيشتنى تامين ايچونەدە هر برى وسائىط لازمە ايلە تجهىز اولنور . ۴ — منزل قوماندانلىرى ورود ايدن مفرزە لر ، پراڭكندە افراد ، خىستان ، مجروحىن ، وسائىط ثقلية ، وهرنوع مالزمە يى كيدەڭكلىرى موقامە سرعتلە سوقە غىرتلە اردونىڭ كىرولرنە وبالخلاصە منزل خطى اوزرنەدە انتظامك محافظە سنە سىمى ايدرلر . ۵ — منزل خطرىنىڭ مبدأ نقطە لرنە (ايلك استاسيونلرنە) اردونىڭ حوايجىنى تامين ايچون اماكن وابنيە عسكرىە تاسىس اولنملىدر . ۶ — نهايت نقطە لرنەدە هر نقدر ايلك استاسيونلرنە اولدىڭى قدر دكل ايسەدە ينە بورالردەكى اماكن وابنيە كىي مؤسسات عسكرىە تاسىس اولنملىدر . ۷ — يوللر ، تيمور يوللرى وسائىرەڭك تلاق محلدەكى موقفلردە اكثريتە ارزاق ومالزمە جمع اولنديڭندن مذكور موقفلرە (انبارلى استاسيون) تسميە اولنور . ۸ — منزل خطنك مبدأ نقطە لرلە اردو

پیننده کی خدمات نقلیه اردونک نقلیه قطارلینه ایفا ایتدیریلوب اکر مسافه پک زیاده اولور ایسه منزل خطنک منتهی نقطه لرله اردو پیننده متوسط انبارلر تأسیس ایدیلور .
استانبول وده ده اغاج ایله بلقان پیننده اسلمیه وقرانلق اوزرندن برمنزل خطنک صورت ترتیب و تنظیمه دائر مثال :

۱ استانبول شهری منزل خطنک مبدأ نقطه سی اتخاذ اولنورق ملتزم لر طرفدن اعطا اولنه جق ارزاق جمع وادخار ایله دار الحراکاته ارسال ایلیه بیلک اوزره شهر مذکورده ارزاق ایچون بیوک احتیاط انبارلری تأسیس اولغلیدر (هر وقت ۱۰ : ۱۵ کونک ارزاق جمع اولنش ویا سپارش ایدلش بولغلیدر) . برده سیار اردو ایچون کونده یوزده اللی نسبتنده اتمک ویا یکسماد تعییناتی جیقارمه بیله جک قدر اتمک فرونلوی تأسیس اتمک لازم اولدینی کبی طوبخانه واسطه والبسه انبارلری و متعدد فابریقه و دستکاهلر ایله مجروحین و خستگان ایچون قوه عمومیه تک لاقول یوزده بشی استیعابه کافی خسته خانه لر و خسته خانه دن چیقان نقهای عسکریه ایچون اماکن مخصوصه و بارکیردپورلی و هر طرفدن ورود ایدم جک عساکر شاهانه ایچون باراقه و یا قشله لر ترتیب و انشا قلملیدر . ۲ — دده ده اغاج ایکنجی درجه ده برمبدأ

نقطه سی اتخاذ اولنوب بوراده ۲ : ۳ کونک ارزاق استیعاب ایدم جک قدر انبارلر انشا اولغلی و یکی ارزاق کلدیکه ارزاق مذکورده قسماً منطقه الحراکاته ارسال اولنوب موقع مذکورده قوه عمومیه تک یوزده ۲ : ۳ فی استیعابه کافی خسته خانه لر ترتیب ایدلمی و منزل موقعی محافظلغنه ایکی پیاده بلوکی تعیین اولنوب کیلری بوشالغی و تیمور یولی قطارلرینی بوکلتک ایچونده برعمله طاقی بولندیرمیلدر .
۳ — چورلی و قوله لی برغوس دخی طریق منزللری اعتبار اولنوب

هربرنده (۱۰۰۰) نفر و (۲۰۰) بارگیری ۲ : ۳ کون اداره به کافی ارزاق استیعاب ایدمك قدر بر انبار ايله ۱ طيب و ۲ : ۳ اجزاجیدن مركب برقاج يتاقلق برر كوچك خسته خانه ترتيب اولمق وهربرينه بر بلوك محافظ تعيين اولنوب برر كوچك عمله مفرزه سی بواند یرمق لازمدر . ۴ — ادرنه موقعی انبارلی استاسیون اتخاذا

اولنوب بوراده ده بش كونك ارزاق آله جق درجه ده بیوك انبارل انشا اتملی وایلری به طوغری حرکت حاض و آماده بر ارزاق قافله سی بولند یروب قوه عمومیه نك یوزده یکر می بشی نسبتندم تعیینات یتشدر به بيله جك قدر اتمك فرونلری وقوه مزبورده نك یوزده اوچی استیعابه کافی خسته خانلر و بیوك جبخانه انبارلری تأسیس اتملیدر . منزل خطنك عموم قوماندانی ايله ارکان حربیه سی ادرنه ده اقامت ایدوب شهر مذکورده ورود ایدمك عساكر ایچون تیمور بولی موقعی یقیننده باراقلر انشا اتمك و (قلعه عساكر محافظه سندن بشقه جه اوله رق) منزل موقعی محافظلغه ده برطابور پیاده وبر كوچك مفرزه سواری ايله بر عمله طاقی تخصیص اتمك اقتضا ایدر . ۵ — طرنوه قصبه سی بالاده بیان اوانان چورلی وقوله لی برغوس منللو بر طریق منزلی اتخاذا اولنور . ۶ — یکي زغره و یانبولی

منزل خطنك منتهی نقطه لری اعتبار اولنوب هربرنده (۳) كونك ارزاق استیعابه کافی بیوك ارزاق انبارلری و اتمك فرونلریله جبخانهلر و سلاحخانه ترتیب اولمق و محاربه دن كله جك مجروحین و خستگان ایچون قوه عمومیه نك یوزده برینی استیعابه کافی بر منزل خسته خانه سی تهیه ایدمك و (اردونك جبخانه پارقلردن بشقه جه اوله رق) ۵۰۰ آرابه و ۵۰۰ قدر مکاری حیوانسندن مركب بر منزل قطاری تشکیله تیمور بولی قطارینك حوله سی بوشالده رق انبارلر وضع

ایتمک ایچون برعله طاقی تخصیص قلنق و منزل موقعنک محافظلننه ده
ایکیشر بلوک پیاده و برر بلوک سواری تعیین اولنق لازمدر .
۷ — اسکی زغره و قزانلق ایله اسلییه متوسط طریق منزلری اتخاد

قلنوب هر برنده کیرولرندن کاش اولدیفی حالدده هنوز ایلرویه سوق اولنمیان
ذخائر ایله کلوب کچن افرادک اعاشه سینه مخصوص اولان ارزاقنک
محافظه سی ایچون کوچک انبار و خسته خانه لر تأسیس و کلوب کچه جک
اولان اشخاصی اسکان ایدیرمک ایچونده مخصوص محللر تهیه و یا بارقلر
انشا قلنلی و یا برخیمه لی اردوکاه تأسیس ایتملی و هر برینک محافظلننه ده
بر بلوک پیاده ایله برقاج سواری تعیین اولنوب مواقع مذکوره یه
ورود ایدمک مفرزملر ایله پراکنده افرادی و مالزیه یی سوق ایتمک
ایچون آراهه و بارکیلرله مکاری حیوانلندن مرکب متوسط قطارلر
بولاندیرلیدر .

نتیجه — منزل مواقعنک محافظلننه مستحفظ طابورلری و یا یکیدن
تشکیل قلنان قطعات و کوللو و یا مستحفظ سوارسی مثللو خدمت
سفریه یه الیریشلی اولمیان قطعات عسکریه استخدام اولملیدر .

بالاده بیان اولنان منزل خطی اوزرنده دده اغاجدن قزانلغه قدر
ارزاق نقلنه دائر مشال : ۱ — دده اغاجده کی منزل موقعی
قوماندانی ارزاق مذکوریه یی تیمور یول خطیله ادرنه یه سوق ایدر .
۲ — ادرنه ده بولنان منزل خطنک عموم قوماندانی اداره عسکریه
هیئت ایله مشاوره ایدرک ارزاق مزبورده نک یکی زغره یه سوقنه
ویاخود موقتاً ادرنه انبارلرنده حفظنه قرار ویرر . ۳ — قوماندان
موتی الیه مؤخرأ ارزاق مذکوریه یی تیمور یول خطیله یکی زغره یه سوق
ایدر . ۴ — ارزاق مزبورده یکی زغره دن دخی یا ارزاق بوکلنک
اوزره اردونک نقلیه قطارلرندن اورایه کلمش برقطاره و یا یکی زغره ده کی
منزل قطارینه منسوت برقاطله یه تحویل اولنه رق قزانلغه سوق اولنوب

شوحال اخيره نظراً قافله مذكوره اثنای راهده اردونك برپوش
 قافله سنه تصادف ايله يكننده حمله سنى اشبو قافله تسليم ايدر .
 • — اولوجهله ارزاق يوكلنمش اولان قافله قزانلقه وصولنده
 اوراده توقف ايدرك قطعات عسكريه رفاقتنده بولان آراهه ويامكارى
 حيوانلرينك يكي ارزاق يوكلنك اوزره قزانلقه ورودينى بلكار .

— اون التنجي فصل —

۱. تيمور يوللار

۱ — تيمور يوللارله نقليات عسكريه نك اداره عموميه سى مقام
 سرعسكرى به عائددر . ۲ — اهميتلى خطرله اكثريا اصرای ارکان
 حريه دن برذات مأمور ايديلوب ، وى اليه كندوسيله تيمور يولى
 مأموريندن بريوك مأموردن مركب اولقى ومقام سرعسكرى دن
 اعطا بيوريله جق اواصرى اجرا ايلك اوزره برقوميسيون تشكيل
 ايدر (فى زماننا ممالك شاهانه ده شو قومسيونلرك تشكيلى لازمدر :
 ۱ استانبول - مصطفى پاشا ۲ ده ده اغاج - ۳ سلانيك -
 متروپجه ۴ سلانيك - مناستر ۵ حيدر پاشا - انقره ۶ ازمير - افیون
 قره حصارى ۷ ازمير - آيدين) ۳ — هرگون يولجى وامتمه
 تجاربه نقل ايدم جيك قطارلرك صورت حركتنى مابين تيمور يولى
 اداره سندن مرتب جدولده كورينه جك لزومه نظراً سوق اختيارى
 اولان بعض قطارلرده بولنه جفندن نقليات عسكريه كليتلر اولدينى
 ونقلات يپننده خيلوجه بيوك فاصله لر بولندينى وقتده يولجى وامتمه
 تجاربه نقلنه سكته ايراث ايتامك ايچون نقليات عسكريه اومشلاو
 سوق اختيار اولان قطارلر ايله اجرا اولمليدر . ۴ — نقليات
 عسكريه كليتلر و فاصله سز اولدينى حالده (يولجى واشيا ايچون برقاچ

قطار مستثنا (نقلیات عادیہ تعطیل و نقلیات عسکریہ قطارلرینک حرکتیه مخصوص برجداول خطی ترتیب قلملیدر . ه — اشته و جیدولک ترتیبده مطالعات آتییه نظر اعتنا به آلملیدر :

ب — چفت یوللی برتیمور یول خطی اوژرندہ قطارلرک وقت حرکتلری اراسنده خط مذکورک بربرندن اک اوزاق اولان ایکی موقف بیننده کی مسافه یی قطع ایچون لازم اولان زمان قدر برر فاصله ترکله مذکور قطارلر حرکت ایتدیلمک و تک یوللو برتیمور یولی خطنده ده زمان مذکورک ایکی مثلی قدر فاصله ترک اولنق لازمدر : ج — صوک یکریمی درت ساعت ظرفنده ظهور ایدن بعض مشکلاتی برطرف ایتک و تأخیرات واقعه تک نتایج مضره سنی تأثیر سبز براقه رق قطارلرک حرکتده برکون حاصل اولان انتظام سزانی ایکنجی کونکی حرکت سرایت ایتدیرمامک ایچون هرکون قطارلرک حرکتی برمدت تعطیل ایتک لازم اولدیغندن هرکیجه تیمور یولی خطنک مبدأنده (و یا تکمیل خط اوررندہ) ۴ : ۶ ساعتک بر فاصله یومیه ترک ایدرک بومدندہ قطارلرک حرکتی تعطیل ایتلیدر .

د — اثنای راهده عسکره ییه جک ویرمک ایچون قطارلره هر ۲۴ ساعتده ۲ ساعت قدر برموله ایتدیرمک و هر (۱۰۰) کیلو متروده لوقوموتیفه کور اخذی ایچوندہ برکوچک موله ایدیلوب هر موقفده ۲ دقیقه توقف ایتک لازمدر (هر ۵۰ کیلو مترو مسافده لوقوموتیف ایچون صو آلق کافیدر : موقفلرده ۲ دقیقه لوقوموتیف اوله بیلور) . ه — اشته قطارلرک حرکتی مبین و مربوط جدولہ مشابه مطالعات مبسوطه نظر آ برجداول خطی ترتیب اولملیدر .

جدولہ دائر تعریفات : ادرنه دن قطارلرک حرکتده ۶ ساعتک بر فاصله یومیه ترک اولمشدر | کیجه یاریسندن الافرافه ساعت (۶) یه قدر . — تیمور یوللر اداره سی دائماً الافرافه ساعت استعمال

ایدر [صوفیلی ایله دیمتوقه پیننده کی مسافه ۲۹ کیلومتر اولوب
بومسافه خطك دیگر موققلری اراسنده کی مسافاتك هر برندن بیوك
اولدیغنه و مسافه مذکورہ دخی (۷۸) دقیقه ده قطع اولنه جفته مبنی
قطارلرک وقت حرکتلری پیننده (۱۵۶) دقیقه یعنی (۲) ساعت
و (۳۶) دقیقه لك برر فاصله ترك اولمشدر (شو جاله نظراً خط
مذکور اوزرنده کونده اك نهایت یدی قطار سوق اولنه ییلور) . دده ده
اغا جدن ادر نه یه کیدن قطارلر ۱ و ۳ و ۴ ... الخ تك وادر نهدن دده
اغا ج عیدت ایدن قطارلر ۲ و ۴ و ۶ و ... الخ چفت نومرولی وضع اولمش
و بو خط اوزرنده بیوك موله یه حاجت اولدیغندن بالکنز صوفیلی ده (۱۵)
دقیقه لاق برکوکچ موله ترك ایدلمشدر . تك نومرولی قطارلر عسکریوکلو
بولنلق حسیله موققلرده چوق زمان توقف ایتمامک لازم اولدیغندن
جدول مذکور ادر نهدن عودت ایدن چفت نومرولی بوش قطارلر
موققلرده تك نومرولی قطارلری بکایه جک صورتده ترتیب اولمش
ومثلاً (۲) نومرولی قطارک (بیدکلی) موققنده (۳۵) دقیقه
بکلمسی لزومی جدولده اراثة ایدلمشدر . تیمور یول اداره سنده
ایشلمتکده اولدیغی تیمور یول خطلریچون جدول ترتیبه مخصوص
اولق اوزره ایجابنه کوره چیزیلرک حاضرلنش فقط دروننده
قطارلرک صورت حرکتی اراثة ایدلماش مطبوع کاغدلر موجود
اوله جفندن نقلیات عسکریه ائناسنده بشقهجه جدول کاغدی ترسیم
وطبعنه حاجت اولیوب مذکور کاغدن لزومی قدر کاغذ آلملی و تیمور
یول مأمورلندن برذاتک معاونتیه مذکور جدول کاغدلری اوزرنده
عسکری قطارلرینک صورت حرکتی ترتیب و اراثة اولغیدر . چفت
یوللی خطلر اوزرنده قطارلر ایکی موقق اراسنده ده قارشولشمنی ممکن
بومثلاًو خطلر مخصوص نقلیات جدولک ترتیب و انشاسی دهاسهولتلیدز .
۶ — قطارلرک صورت حرکتی مبین جدولک ترتیبند نصکره نقل

اولنه جق عسکر حرکت ایدمه جک قطارلره کوره تقسیم ایدیلور .
 ۱۲ ضابط ویا ۱۶ نفر ویا ۳ بارکیر ایله ۱ نفر ایچون بر دینکل و بر
 طوپ ویا بر قیاقلی ایچون ایکی دینکل (واغونلرک ۲ ویا ۳ دینکلی
 اولوب دینکلرک عددینه کوره دخی واغونلرک جسامتی تخلف ایلد
 یکنندن بومثللو حساباتده واغون برینه دینکل واحد قیاسی اعتبار اولنور) .
 حساب اولنور قی اقسام مقننه عسکر یه نک هر برینی نقل ایچون لزومی
 اولان دینکلرک عددی تعیین اولنور . مثلا : ۲۰ ضابط و ۸۲۶
 نفر ایله $70 = \frac{826}{16} + \frac{20}{3} + \frac{7}{3}$ دینکل لازمدر . افراد ایله مکاری
 لزومنده دهاصیقیشیق بر صورتده ارکاب ایدیله بیلوب بوحالده اوموجود
 سفری اوزره بولنان بر طابورک نقلی ایچون ۶۰ دینکل کفایت ایدر .
 ۷ — اکثریتله هر طابور ویا سواری بلوکنه ویا هر بطریقه بر قطار
 حساب اولنور فقط بومقدارلر بر قطاری طولدیره میه جقلرندن بونلرله
 بر هیئت ارکان ویا بر صحنه طاقی ویا بر استحکام بلوکی ویا نقلیه قطارلرندن
 بر قسم بندیریلور . ترتیب سفری اوزره بولنان بر قول اردو قرارگاه
 هیئت بالجله آغر لقلزیه برابر بر قطاره محتاجدر . فرقه هیئت ارکانی
 ایسه بر طاغ بطریقه سی ویا تک باشنه بر قطارک ثنت ویا نصفی طولدیره میان
 بر قطعه عسکر یه ایله بر لکده بر قطاره بندیریلور . طاغ بطریقه لیده
 نقلیه قطارینه منسوب قسملردن بریله بر قطاره ارکاب اولنه بیلور .
 الحاصل تیمور یوللر ایله سوق اولنه جق عسکر قطارلرک درجه استیعابنه
 کوره اقسامه تقسیم ایدیلوب بوتقسیماتی مبین بر جدول ترتیب
 اولنمیدر . ۸ — جدول مذکور قطارلرک صورت حرکتی مبین
 جدول خطی ایله منجز و ترکیب ایدیلرک بوجه بالا اقسامه
 تفریق اولنان عسکرک هر قسمنه بر قطار تخصیص قانق لازمدر .
 ۹ — بر قول اردو تک سرحد اوزرنده تیمور یوللر ایله دار الحركاته

سوقی مراد اولونوبده سوقیات عسکریه عساکر سائره طرفندن ستر ایدلاماش ایسه مذکور قول اردو ترتیب آتی اوزره سوق اولغیدیر :
(اشبو قول اردو : هربری ۱۷ طابور پیاده و ۵ بلوک سواری ایله
ایکی طوبچی طابورندن عبارت ایکی فرقه دن ونقلیه قطارلارندن مرکبدر .)
قطارلارک عددی

ب — تیمور یول خطنك قریبده بولان موصی محافظه

ایملک اوزرہ برنشانچی طاہوری ۱

ج — پیادہ برنجی فرقہ بہ منسوب فرقہ سواری الابی ۴

فرقہ استحکام بلوکیہ برابر برطانیہ

سادہ رنجی لوا ۷

و — صحیحہ طاہلہ برابر برنجی فرقہ قرار کاہ ہیاتی ۱

۲ ایکنه و اوچنجه بطره لر

۳ — اوچنهی یاده آلائی ایکنهی لوا هیئت ارکانی ۳

۲ ایکٹھی طوچی طاوری

دردنچی، سادہ الائی

رنجی فرقه بی نقله مخصوص قطارلرک یکونی — ۲۷

ك — كندی آغز قلقليله برابر قول اردو قـارگاه هینتی ۱

۲۷ زیادہ ایکٹھی فرقہ

م — نقلیه قطار لرینه تقریباً

٦٥ قول اردوى نقله مخصوص قطار نرك يكونى

۱۰. — قلیانہ بدأ ایتزدن اندم 'نیور یول خطی اوزرنده بولان صو خزینہ لری کور مفازلہ لری ایلہ رامپلک (حیواناتی واغونلردن بیۂ ارمقده قولانلق اوزرہ ایجابنده - بار رامپلر انشا اولنهوق نیور یولی قطارلرینہ توزیع ایتک موافقده ر) زرده بولندقلربی اکلماق ایچون خط مذکور برارکان حریرہ ضابطنه کشف ایدرملیدر .

— اون یدنجی فصل —

۱۱ عسکری تلفرائی

- ۱ — عسکری تلفرائندن مقصد مفرز طایه لک یکدیگر بله و قلمه اراسنده خطوط مخبره تأسیس ایتک و دائمی تلفراف خطلرینی دشمن اراضیسنده ویا تلفرائی اولیان محللرده بولنان سیار اردویه ربط و مفرزه ، فرقه و قول اردو قرارگاهلر ابله مختلف قطعات عسکریه بی وصل ایتک و دشمنک تلفراف خطلرینی تعمیر ویا خود تخریب ایتکدر .
- ۲ — هر قول اردویه برتلفراف بلوکی ویرلییدر . هر بلوک ۲۵ کیلو متره لک اقلی ۳ خط تمید ایدیه یللمیدر ۳ — بلوکلرک عمومی برناظرک و بوده ارکان حریه عمومیه رئیسک تحت امرنده در . ۴ — عسکری تلفراف خطوطی دائمی موقت اوله رق ایکیه منقسمدر .
- ۵ — دائمی خطوط قلمه لده (مواقع مستحکمه ده) واشبو قلمه لری دولنک خطوط دائمی تلفرافیه سنه ربط ایتکده استعمال اولند یفندن دولت خطلری کبی هوایی یعنی آصمه اوله رق تأسیس وانشا اولنلق لازمکدر . ۶ — موقت خطوط ده طوغریدن طوغری به زمین اوزرینه تمید اوله رق (قابلو) نسیمه اولنان تلاردن عبارتدر .
- اشبو خطلرک ایجابنده طولتدیرلسی ممکن اولمیدر . ۷ — مازمه :
- ب — دائمی خطلر ایچون : مرکز آراهسی ، طولاب (ویا یوماق) آراهسی ، دیرک آراهسی . ج — موقت خطلر ایچون : مرکز آراهسی ، طولاب (ویا یوماق) آراهسی . د — مرکز آراهسی ایکی بوله دن مرکب اولوب بونلرک برنجیسنده تلفراف ماکنه لری موجوددر . وایکنجیسنده آراهیک جسامتنه نظرأ ۴ ، ۶ ، ۸ ، ۱۶ قدر یوماق بولنوب هر یوماقه دخی ۱ : ۲

ص — — — — — م — — — — —
 ض — — — — — ن — — — — —
 ط — — — — — و — — — — —

۹ — تله‌گراف ارقامی :

۱ — — — — — ۶ — — — — —
 ۲ — — — — — ۷ — — — — —
 ۳ — — — — — ۸ — — — — —
 ۴ — — — — — ۹ — — — — —
 ۵ — — — — — ۰ — — — — —

۱۰ تله‌گرافخانه‌لرده استعمال اولنان بعضی اشارات :

اکلام — — — — — ویرکول — — — — —
 بکله — — — — — تکمیل مخابره — — — — —
 یا کلمق — — — — — ادات تعجب — — — — —
 استفهام — — — — — نقطه ، فاصله — — — — —

تله‌گراف خطلرینک صورت تخریبی - دشمنک هر قنغی بر تله‌گراف خطی ضبط اولنوبده بونک ایلروده اده بولندی ریله میه جفی اکلاشلدقده خط مذکور ی همان تخریب ایتمک لازم کله جکی کی دشمن طرفندن استعمال اولغق ایچون اردوکندی خطلرینی دخی بعضاً تخریب ایتمک مجبور اولور . — تله‌گراف خطلرینی تخریبه پیاده بلوکری و یا خود سواری مغرزه لری مأمور ایدیلور . — مذکور خطلری تخریب ایتمک ایچون تللری کسوب اوتیه بری یه و کورنمیه جک دره لره آتمق و دیرک و چنقلرینی دستره و یا بالطه ایله قیرمق و دیرکری کومه لیوب یاقق لازمدر وقت مساعد اولمدینی حالده تله‌گراف خطلرینک بر قسقی اولسون دینامیت ایله تخریب اولنه بیلور .
 تله‌گراف خطلرینک تعمیری — بر تله‌گرافخانه نک ضبط اولغقی عتبنده

تلماری ماکنه لره ربط اولنوب هانکی طرفلرله مخابره مک منقطع اولدینی تحری اولمیلدر . بوزوق اولان خط بووجهله کشف اولندقدنصکره برمنفرزه به لزومی قدر تل ، چناق ، مجرد وآلات وادوات ویریلوب مذکورده خطک تعمیرینه مأمور ایدیلور . اشبومفرزه تعمیرینه مأمور اولدینی خطک استقامتمنده حرکت ایدرک خطک کسیک اولان محللرنده تلرک اوجلرینی برلشدیروب قیرلش اولان چناقلری تبدیل ایتلی وایجاب ایدن دیرکری دخی یاتعیر ویاخود بستیون قیرلش اولان دیرکرك برینه بشقه دیرکرك رکز ایللمیلدر . اینجه برتل واسطه سیله تلغراف خطنک کرلیجه زمینه وصل اولنمسن متحصل بوزوقلق کشف اولنه مدینی صورته (قاطمه) یاخود (انترقالاتور) استمالیه بوزوقلقک استقامتی کشف اولنور . مذکورالت لاستیق ایله مجرد ایکی پارچه اولوب تلغراف خطی برنقطه ده کیلوب اوجلرندن هربری مذکورپارچه لردن برینه برر ویده واسطه سیله صقیشدیریلهرق ربط اولنه جفی کبی مذکور اوجلر بررتل ایله دخی تلغراف ماکنه سنه وصل ایدیلور . بو حواله جریان الکتریقنک قنفی استقامتمنده منقطع اولدینی مذکورماکنه دن اکلاشیه جفندن او استقامت اوزرنده حرکت اولنهرق خطک نروده بوزوق اولدینی میدانه چیقارمیلدر .

شو صوک سنه لره تلفونلر حقنده ایدیلان تجارب تلفونلرک برچوق منافع وفواندینی میدانه چیقاردیفندن عسکری تلغرافلرنده تلغراف الکتریقی برینه استمالی ترجیح اولنمقده در . تلغراف رصدی انواعندن اولهرق کوندوزنیای شمس وکیجه بیوجک برلامبه مک ضیاسنی عکس ایتدیره رک مخابره ایتک ایچون هلیوستا وهلیوغراف وسائره کبی بر طاقم آلات مخصوصه دخی ایجاد اولنهرق مساعد احواله استعمال ایدلک اوزره تلغراف عسکری بلوکارنده بولندیرمقده در .

— اون سکزنجی فصل —

‖ شفره اصولیه مخبره ‖

۱ — مکتوم مخبرات شفره ایله در . شفره لک کثرتی معاملاتک تأخرنه سبب اولدیفندن لزوم قطعی کورلدیکجه اجرا اولنمالمیدر .

۲ — مخبرات خفیهیی شفره ایله یازمق ویا شفره لشمس مخبراتی حل ایچون مستعمل کله ویا دقتره (شفره مفتاحی) دینور . شفره مفتاحک (شمس - صباح) وسائره کبی انواعی مقامات عالیه بیننده مخبره ایچون استعمال اولنمقدمه واردوی هایونلردهده حروفاتک رقه تحولندن عبارت مفتاحلر بولنمقدمه ایسهده آتیدهکی اصوله آلشلی دهها موافقدر : ۳ — شفره مفتاحی مخبره لسهجک حکومات ویا قطععات عسکریه بیننده اولجه قرارلشدیرلمش

۳ : ۵ حرفلی اولمیدر . ۴ — یازیلحق تفرافک عباره سی کلماتک حاوی اولدیغی عدد حروفاته رعایت اولنمیوب مفتاحک عددحروفاته مساوی اولق اوزره طاقلره افراز اولنمیدر . مثلاً مفتاح (عسکر) کلمه سندن وعباره (سرعتله جفخانه کوندریکیز) جمله سندن عبارت اولدیغنه نظراً عباره مذکوره اولا : عین سطرده (سرعت — لهجب — خانه — کوند — ریکیز) وجهله یازیلوب بعده شفره جدولی اوزرنده آتیدهکی عملیات یاییلور . ۵ — شفره جدولی نمونهده کورلدیکی وجهله برثابت الفبا ایله بونک آلتنده ایکی یاریق آرمه سنده متحرک برکاغد اوزرنده بربرینی متعاقباً یازیلان دیگر ایکی الفبادن مرکبدر . ۶ — عملیات : مفتاحک برنجی حرفی اولان ع متحرک الفباده اراشدیریلهرق بولندقدنصکره حرف مذکورثابت الفباتک ا حرفی تحتنه کلجهیه قدر متحرک الفبا قایدیریلوب عباره

طاقلرینک برنجی حرفلری اولان س، ل، خ، ک، ر حرفلری متحرک الفبا اوزرنده اشارت اولندقدن ثابت الفباده بو حرفلرک اوستنه تصادف ایدن م، ج، ع، ت، ق حرفلری شفره طاقلرینک برنجی حرفلرینی تشکیل ایله جکری کبی متحرک الفباده مفتاحک ایکنجی س حرفی ثابت الفباک ینه ا حرفی تحتنه کلنجیه قدر متحرک الفبا قایدیریلوب عباره طاقلرینک ایکنجی حرفلری اولان ر، ه، ا، و، ی حرفلری متحرک الفبا اوزرنده اشارت اولنه رق ثابت الفباده بونلرک فوقته تصادف ایدن ه، ش، ط، س، ص حرفلری دخی شفره طاقلرینک ایکنجی حرفلرندن عبارت اولورلر. اشته تلفراف آتام اولنجیه قدر وجه مشروح اوزره عملیاته دوام اولنور.

۷ — افادات سابقه دن منضم اولدینی اوزره ارسال اولنه جق شفره لی تلفراف دخی طاقلره افراز اولنور ایسه ده مفتاحک عدد حروفاتی کشف اولنامق ایچون شفره لی تلفراف طاقلرینک عدد حروفاتی مساوی اولمالیدر. ۸ — شفره اصولیه مخبره ایدله جکی وقته اجرا قلنه جق عملیات بروجه آتی خلاصه ایدلشدیر: اولاً ارسال اولنه جق تلفرافک مالی: سرعتله جخانه کوندربکیز. ثانیاً عبارته ک طاقلره افرازی: سرعت — لهجب — خانه — کوند — ریکیز. ثالثاً شفره لی تلفراف هیئتیه وضعی: م ه و ک — ج ش ژ ف — ع ط ت ط — ث س ت ی — ق ص ا ب. رابعاً ارسال حقیقه ترتیبات: مهو — کجشز — فمطشط — نشیق — صاب. ۹ — شفره لی تلفرافی حل ایتک ایچون مذکور تلفراف مفتاحک عدد حروفاته مساوی حروفادن مرکب اولق اوزره طاقلره افراز اولندقدنصکره بروجه سابق متحرک الفبا اوزرنده مفتاحک برنجی حرفی اولان ع ثابت الفباک ا حرفی تحتنه کلنجیه قدر متحرک الفبا قایدیریلوب شفره لی تلفرافک افراز اولدینی طاقلره

بولنان برنجی حرفلر ثابت الفبا اوزرندمه اشارت اولندقدمه متحرک الفباده مذکور حرفلرک تحتنه تصادف ایدن حرفلر آنملی و بوجمله عملیاته دوام ایتلیدر .

تنبیه — بالاده کی اصول مخبره بدایتده براز صعوبتلی و چوق زماه محتاج کورینور ایسه ده . ملکه حاصل ایدلدیکی حالده بواسول ایله سرعتله اجرای مخبره ایتک قابلدیر . مفتاحلر قیصه زمانلرده دکشملی و از برلنه رک کیفیت تسهیل اولنمیلیدر . تلفراخیلرک افواجق براهالی بیوک صعوبتی موجب اوله جفنندن بونلر صوک درجه ده طوغری کشیده و اخذه دقت ایتلیدرلر .

— اون طقوزنجی فصل —

بعض قواعد حربیه :

ب — پیاده — افادات عمومیه — محاربه ترتیبائی ۱ — زمانمزده پیاده محاربه سی : کپروسندمه یناشق نظامده (صف حرب ویا بلوک قولی کبی درینلکی آ ز اولان نظاملرده) اوله رق استنادلری بولنان آوجی زنجیرلرله اجرا قلمقدمه در . و طابورک جفت وکنیش قول نظاملری حرکات ابتدائیه دورینه ترک ایدیلهرک محاربه‌ك بشقه دورلرنده استعمال اولنما مقده ایسه ده . فقط مذکور نظاملر بعضکرم دشمن آتشک تأثیرسز قالسی ، کجه وقتنده وکشمش اورمانلرده محاربه ایدلسی ، و دشمن ایله کوکس کوکسه کلنمسی ویا دشمن صارصلش بولندیفنده ده استعمال ایدلمکده در . ۲ — پیاده محاربه سنده مجتمع آتشک توجیه و اداره سی خصوصنه ضابطانک واقف اولسی اک اهمیتلی بر ماده اولوب محاربه ده بیوک قطعه لر طرفندن ایدیلان تأثیرلی آتشلری نقطه منجه اوزرینه جمع و توجیه ایتکه آشنا

اولان طرفك مظهر غالبیت اوله جنی مسلم و محقق ایسه ده یدیکی تأثیرلی آتشلردن طولایی پای نباتی لرزان اولان بردشمن اوزرینه اجرا قلنان سونکی ایله هجومك تأثیر معنویسی زیاده اولدیفندن بویه حالانده سونکو قیمت و اهمیتینه آرز چوق محافظه ایتمکده در . ۳ — محاربه ده استعمال اولنه جق نظاملر یعنی محاربه ترتیباتی شکل اراضیه و محاربه ك حالات خصوصیه سنه تا بمر اوله رق متنوع اولدینی قدرده چوق بولدیغندن بو ترتیباتك كافه سنی بوراده تعریف ممکن دکلدر (تعبیه به مراجعت) ۴ — محاربه ده اکثریتله اوج خط قوللانیلور ؛ هر برینك وظیفه سی : برنجی خط — محاربه به جمله دن اول بدأ ایله كافه ادوارینی اجرا ایدر . ایکنجی خط - برنجینك قوه ظهریه سیدر ایلرویه حرکتده خط مذکورى تقویه و یا نلرینك امنیتنی محافظه ایدر . اوچنجی خط — قوماندانك النده اك نهایتده نتیجه قطعییه یی اجرا ایدر و محاربه ك دیگر حالات نا کهمظورینه قارشو قویدیفیندن بیوك بر صلاحیته مالک اولمیلدر . ۵ — مفرز بر طابور عمومیتله بر بلوکیله برنجی خطی باقی اوج بلوکندن ایکسی ایله ایکنجی خطی و اوچنجیسی ایله طابور احتیاطی (اوچنجی خطی) تشکیل ایدرک حرکت ایدر . برنجی خطده کی بلوک دشمنی کشف ایله محاربه به طو توشدیفنده ایکنجی خط (۲ بلوک) محاربه یی دوام ایتدیرمکده استعمال احتیاط (۱ بلوک) ایسه طرز محاربه به نظراً محاربه به اشتراك ایدمجهکی وقتك حلولی بکمر . تنبیه — ایکنجی خطدن قوای امدادیه واصل اولمزدن دشمنك برنجی خطی پریشان ایدم ماسیچون دشمن کشف اولندیفی اثناده قوتلی اوله رق خط مذکورك تشکیلی هر حالده مناسبدر .

آئیدہ کی صحیفہ لردہ کو ستریلان شکلہ دائرہ ایضاحات

طابورک :

شکل (۱) حال عادی یعنی دشمن کشف اولمش ایسہدہ نوجہلہ حرکت اولنہ جفنه دائرہ هنوز ترددہدہ بولندینی وقت طابورک محاربہ ترتیباتی کو ستر .

شکل (۲) صاغ جناح برزہین عارضہ سنہ مستند بولندینی فرض اولنہ رق اخذ اولنان محاربہ ترتیباتی .

شکل (۳) دشمنک صولجناحی قوشاتی اوزرہ بر تعرضی قولتی تشکیل ایدرک اخذ اولنان محاربہ ترتیباتی .

شکل (۴) صاغناحدن دشمنک قرشامہ حرکتہ مقابلہ ایتک ایچون برتدافی قولتی تشکیل اولندینی ارانہ ایدر .

شکل (۵) دشمن صاغناحی قوشامق استدیکنده تدافی قولتی پرینہ دشمنی یاندن اورمغہ مساعد اولان اراضیدہ صاغناح کیروسندہ بر بلوکہ قدمہ تشکیل ایدرک اخذ اولنان محاربہ ترتیباتی .

شکل (۶) ہر طرفہ جہہ واستقامت تبدیلنہ پک مساعد اولہرق احتیاطدہ بولنان طابورل طرفندن قوللانیلسی موافقدہر .

شکل (۷) تعرض ومدافعہ قابل استعمال اولان بر محاربہ ترتیباتی (مستند طابورک) .

شکل (۸) احتیاط بشقہ قطعہ ل طرفندن تشکیل اولندینی حالہ محاربہ خطنک مرکزندہ اخذ اولنان ترتیباتدر .

شکل (۹) مدافعہ خطنک بر قسمہ دشمن طرفندن برخیلی زمان امتداد ایلک اوزرہ مصرانہ بر هجوم وقوعی محتمل اولدیغندہ وپاخود تعرضک باشلانغچندہ اخذ اولنان محاربہ ترتیباتی .

شکل (۱۰) صاغنناح تهديد ايدليديكي وياخود طابورك صاغنمه خط مدافعه ضعيف اولديني وقتده آلنان محاربه ترتيباتی .

شکل (۱۱) طابور خط مدافعهك صاغ جناحی تشكیل ايتديكنده اخذ اولنان محاربه ترتيباتيدر .
الايك :

شکل (۱۲) و (۱۳) تعرضی محاربهك ابتداسنده وياخود دشمنك تعرضنه مقابله ايتك اوزره برنقطه منتهی مدافعهیه مأمور مفرز برالايك محاربه ترتيباتی کوستر .

شکل (۱۴) دشمنك صول جناحی قوشاتق اوزره صاغنناحله بر تعرضی قولتی تشكیل ايدليديكي ارايه ايدر .


شکل (۱۵) صاغنناحه وقوعبولان برقوشاتمه حرکتنه مقابله ايتك اورره اخذ اولنان محاربه ترتيباتی (تدافعی قولتی ايله) .
مستند لوايك :

شکل (۱۶) برجناحدن تهديد وقوعبولديني وياخود صاغنناحدن هجوم حقیقی اجرا ايتك استنلديكي وقتده لوايك جناحواری اخذ اولنان محاربه ترتيباتی ارايه ايدر .

شکل (۱۷) برموضع مستحکمك مدافعه سنده احتياط عمومی بشقه قطعات عسکریه طرفندن تشكیل اولنديني وقتده اخذ اولنان ترتيباتيدر .


شکل (۱۸) تهديد اولنان برنقطه ده محاربهك برخيلي زمان امتداد ايدرك (سورکلي محاربه لرده) معنده برصورتنه اجرا قلنه جني وقتده النان ترتيباتيدر .

شکل (۱۹) صاغنناحده اراضی متین اولماقدن طولايی جناح مذکور ضعيف اولديني وياخود برتصادفی محاربه ده بوجناحدن هجوم حقیقی اجرا ايتك اوزره لوايك خطواری محاربه ترتيباتی کوستر .





شکل (۴)

شکل (۳)




شکل (۶)

شکل (۵)




(ایکی جناحی مستند طاہورک محاربہ ترتیباتی)


شکل (۹)




شکل (۷)




شکل (۸)



شکل (۱۱)




شکل (۱۰)




— اوج طاבורلى مفرز آلاى —

شکل (۱۲) اشارات مخصوصه




— درت طاپورلى آلاى —

شکل (۱۴)




— درت طاپورلى آلاى —

شکل (۱۳)




— درت طاپورلى آلاى —

شکل (۱۵)




(سکز طاہوری مستند برلوانک محاربہ ترتیبانی)


شکل (۱۶) — جناحواری — شکل (۱۷)



شکل (۱۸) — خطواری — شکل (۱۹)





شکل (۲۰) (مفرزلوانک محاربہ ترتیبانی) شکل (۲۱)



اشارات مخصوصہ

برآلائک برطاہورینی کوستر (احوالہ موافق برنظامدہ)
 دیگر آلائک

(مفرز برپاده فرقه سنك جناحواری محاربه ترتيباتی)



مفرز لوانك :

شکل (۲۰) دشمنك صولجانحه هجوم ايتك اوزره لوانك جناحواری
ترتيبانی کوسترر (تعرضی قولتی ايله)

شکل (۲۱) مؤخرأ صاغجناخی ستر و محافظه ایتک اوزره کیروده بولنان آلایدن برطابور افراز اوله رق تصادفی محاربه لرده. اخذ اولنان خطواری محاربه ترتیباتی ارانه ایدر (حال عادی). ایکی لودن مرکب مفرز برپاده فرقه سنک :

شکل (۲۲) هجوم حقیقی دشمنک صولجناخنه توجیه اولندیغنه نظرأ فرقه نک جناحواری محاربه ترتیباتی کوستر . بونکله برابر ایکنجی لوا تعرضی قولتق تشکیل ایدن برنجی لویه استناد. ویا تعبیر آخرله احتیاط خصوصی اولق اوزره برطابور ویرمشر .

شکل (۲۳) فرقه نک صاغجناخی تهدید اولندیغنه نظرأ النان ترتیباتی ارانه ایتمشر .

مذکور ترتیبات اساساً خطواری اوله رق اخذ اولنش ایهده فقط تدافعی قولتق ایکنجی لوانک برالایی طرفندن تشکیل ایدلمشر .

قول اردو داخلنده برفره نک محاربه ترتیباتی فرقه داخلنده کی لوانک ترتیبانه نظرأ آله بیلور .

مثلاً شکل (۱۷) ده کی محاربه ترتیبانه کوره ایکنجی لوا ایله احتیاط تشکیل اوله رق فرقه نک خطواری محاربه ترتیباتی اخذ اولنور . وشکل (۱۸) زه نظرأ هر جناحده برلوا بولندیرمق اوزره فرقه به جناحواری بر محاربه ترتیباتی آلدیریلور .

تنبیه — پیاده نک نظری اوله رق ترتیباتی حقنده نمونه اولق اوزره سابقاً کوستریلان شکلرده [شکل (۱) دن (۲۳) چه قدر] محرر ارقام خطوه جنسنددر . مسافه و آراقلر همان مقدار اعظمیدن اوله رق پیاده تعبیه سنه نظرأ قید اولنمشر . شکلک مطلبه سندم مختلف صحیفه لرده کوستریلان اشارات مخصوصه به دقت اولنمیدر .

بعض شكلدرده ومثلاً صحیفه ده كوستریلان شكلدرده بلوك وطابورلرك اخذ ایتدكلى ترتیبات مفصلاً كوستریلامش ایسه ده مذکور قطعه لر بولندقلری خطه واحواله كوره بر مناسب نظام اخذ ایده جكلى طبیعیدر.

پیاده محاربه سنك صورت اجراسی

تعرض : برنجی دور — آجیق اراضیده طابورل دشمن طولیچسندن وسطی ۲۰۰۰ م مسافیه واصل اولدقلرنده (طولیچینك تأثیرلی آتشی بومسافه دن بدأ ایلدیکندن) یول قولی تركله یایلوب آتش ایتكسزین ممكن اولدیغی قدر دشمنه یاقلاشورلر . (اسلحه ناریه جدیده ده منطقه مهلكه نك طولی عرضندن زیاده اولدیقندن درینلكی آز اولان نظاملر مرجعدر) آتش ایتكك باشلانجق مسافه اراضیه تابعدر . دوز اراضیده تك توك آتش ایله دشمنی اشغال ایتكك اوزره برنجی خطك برقم جزئیسی قولدن ایلرویه سوق ایدیلرك بدایت محاربه ده برخفف آوجی خطی تشکیل اولنور . اساساً ۱۲۰۰ م دن محاربه ترتیبانه بدأ اولنور . دشمندن ۸۰۰ م مسافیه قرق اولندیقنده آغر آوجی آتشنه ویاساژ برجنس آتسه باشلانور ایسه ده ایلرویه حركته یته دوام ایدیلور . بودورده جفانه نك اداره ایله صرفی بضایه ملتزم اولدیقندن قوللانیله جق نشانكاه كرتلری و آتیله جق قورشونلرك عددی ضابطان طرفندن خبر وریلرك عمومیت اوزره آغر آوجی آتشی استعمال اولنور ایسه ده آجیقده كوربانان مهم هدفلر اوزرینه ومسافه لری تخمینده یایلم آتشلرده قوللانیلور .

ایكنجی دور — ۶۰۰ م دن ۳۵۰ م مسافیه كلنجیه قدر آوجی آتشنه دوام ایدیلرك شكل اراضیه واحوال محاربه به نظراً ایلرولنوب اقدجه انتخاب اولمش هجوم نقطه سی اوزرینه وقت وقت آتشلر

جمع ایدیلور .

م متره در .

اوخنجی دور — مساعد فرصت رظهورنده صجرامه حرکت لریله ایلرولمکه بدأ اولنور . صجرامه لر ضابطانک امریله وبلوکه اجرا ایدیلوب صجریان قطعات (بلوکلر) محاربه خطنک ایلروسنده کوزل بر محله قدر قوشارق ایلرولمک لازم ایسه ده هر صجرامه ده قطع اولنه جق مسافه ۵۰ : ۸۰ م در . بواننده پرلرنده طوران قطعات سائرده دشمنک نظر دقتی کندی اوزرلرینه جلب ایچون یا یلم ویا شدتلی آوجی آتشلر ایدوب استنادلرله احتیاطلرکیته کجه مسافه لرینی آزالدر وایجاب ایدن قسملری تقویه ایدر .

دردنجی دور — برایکی صجرامه ده قطع ایدیله بیله جک بر مسافه به قدر دشمنه تقرب ایدلرکی وقت هجومی حاضرلق اوزره دشمن خطنک باشلوچه صوقولق استنیلان نقطه سنه (نقطه منتهیه) خزینه لی وچاقق آتشلر ایدیلوب ۱۵۰ : ۳۰۰ م ده سونکی طاقدریلور . دشمنه ۱۰۰ متره قانجه آتش کسیلور . مؤخرأ ۴۰ : ۵۰ متره شدتله قطع اولنور . بوندانصکره عموم قطعات عسکریه نك بوریزن وترنپته جیلری هجوم ! اشارتنی چالدرلری کبی نهایت نفره قدر (الله ! الله !) صداسیله دشمن اوزرینه آتیلورلر . دشمن موقعنک ضبط ایدلسی عقبنده موقع مذکورده پرلشیلوب دشمن ممکن اولدیغی قدر آتش ایله تعقیب وعسکرک نظام وراپطه سی اعاده ایدیلبور . اندنصکره ایلرویه حرکت اولنه رق دشمنک رجعت ایدوب ایتیه جکنی اکلامق اوزره ایلرویه کشف قوللری سوق اولنور . عدم موفقیت حالنده اقدبجه برقطعه مخصوصه طرفندن اشغال ایدلمش ملجأ موضعنک کیروسنده جمع اولوب اعاده انظامه غیرت ودشمنه مقابله اولنور .

مدافعه : اسلحه جدیده نك صحت انداختی پك زیاده اولدیغندن اسلحه مذکورده مدافعه موضع (موقعنک) قوت ومتانتی فوق الفایه تزید ایدوب فی زماننا مدافعینی (بالخاصه پیاده سی) مکمل صورتده

نشان تعلیمی کورمش بر موضعك هجوم ايله ضبطی درجه استعمالده بولمیشدر . یانلری کرک اراضییه استناد ایتدیله رک مدافعه سنه خارجه طاشغین اوله رق احتیاطلر ویا بالخاصه بومقصد مبنی کیرویه چکمش قدمه لر (تدافعی قولتی) مأمور ایدیله رک مذکور یانلرک استحصال امنیتنه جهد ایلک مدافعه ده زیادسیله شایان اعتنا مواددن اولوب استحکامات خفیفه وحتی آوجی مترسلی وطوپ موقعلری تدافعی محاربه لده کثرتله استعمال اولنان وسائطدندر . انشای مدافعه ده نشانگاه لوحه سنک استعمالنی تسهیل ایلک اوزره خط مدافعه نك ایلروسنده برطاقم نقاطك مسافه لرینی اولجه تعیین ایتک لازم اولدیقندن بالخاصه زمین قبارتمه لری وخذق وسپرلرکی انشای هجومده تستر ایچون دشمن طرفندن استعمال اولنه بیله جک اولان نقاطك مسافه سی تقدیر ومساحه اولمیلیدر .

برنجی دور — (تعرضده کی مسافه له مراجعت) تدابیر احتیاطیه یه توسل ایتمکسزین میدانه آتیلان دشمن یوروش قوللریله کندولرینی کوسترن بیوک عسکر جمعیتلری ، سواری قوللری ، موضع اخذ ایتک اوزره بولنان طویجی بطریقه لری ۰۰۰ الخ کی جسامتلری اصانته احتمال ویرن مهم هدفلر اوزرینه آوجی خطندن ومذکور خطی تقویه ایتک اوزره آوه چیقان استناد قدمه لری طرفندن ۱۰۰۰ : ۱۵۰۰ م یه یایلم آتش ایدیلوب بوش یره ججخانه صرف ایتمک ایچون هرالده یایلم آتشلرک تأثیراتی کال دقتله تقدیر ورصد ایلیدر . [۱۴۰۰ م ده بربلوک قولنی تصویر ایدن نشان تحتلرینه یوزده ۱۰ قورشون اصابت ایلشدر] ۸۰۰ : ۱۰۰۰ م دن اعتباراً آغر آوجی آتشنه بدأ اولنوب بوانشاده بیوک هدفله یایلم آتش ایتیلیدر . ایکنجی دور — بودورده شدتلی آوجی آتشنه دوام ایدیلبور . اوجنجی دور — دشمن خطنك اك زیاده جسورانه ایلرولیان قطعاتی

اوزرینه آتش توجیه ایدیلوب استنادلر ایله احتیاطلر آوجی خطی تقویه ایچون خط مذکورہ تقرب ایدرلر . آوجی خطی ایله استنادلردن صیغامهلر ایله ایرولیان دشمن قطعائی اوزرینه یایلم ویا شدتلی آوجی آتشی ایدملیدر .

دردنجی دور. — آوجیلرله خزینہ لی ویا چاق آتش ایتدییره رک آتشی دوام ایدوب استنادلر دشمنک سرعتله ایرولیان جمعیتلری اوزرینه یایلم آتش ایدرک مذکور آوجیلرله تقویت ویرلر . احتیاطلرده یایلم آتش ایدوب مقابل هجوم اجرا ایدر . شو زمان قطعی دورنده دشمن هجوم قطعهلرینک یا نلری اوزرینه مدافینک جناحلرندن بفتہ اجرا قلنان مقابل هجوملرک تأثیرلری پک زیاده در . تنبیه — تدافعی محاربه ده محافظه سکونته زیاده سیله غیرت و بوش یرہ ججهانه صرف ایتماکه دقت الزمدر . ضابطان ایله کوچک ضابطانک استعمال اولنه جق کرته لری اخبارله اکتفا الملری جائز اولیوب نشانکاهلر معاینه و صرمیات ایوجه رصد ایدلمک مقتضیدر . (وقت حضرده نشان تعلیملرنده استحصال قلنان اصابت نتایجنی وقت سفر نتایجنه یا قلاشدرمق ایچون عسکرک ضبط و ربطی مکمل اولدینی حالده دخی اون دفعه کوچک تملیدر . ۷۰ سفرنده برنفر تلف ایچون ۱۲۶۰ قورشون و ۹ صرمی آتمق لازمکلدیکی حساب اولمشدر .)

ج — سواری — افادات عمومی و محاربه ترتیباتی

۱ — سوارینک ایاقده جنکدن ماعدا یالکز صف حرب نظامیله اجرا ایلدیکی مصادمه دن عبارت بر اصول محاربه سی واردر بومصادمه نتیجه سنده غالبیتی مصادمه نک حین اجرا سنده نظام وانتظامک محافظه سنده و آتلورلرک بربرینه بیشیک اوله رق صف حربک یکپاره بولمنسه و یوروش وزن و قرارینک زیاده لکیله مصادمه ممکن اولدینی قدر شدت کوسترلمسه وابسته اولوب هجومه هانکی طرف اول قالقار

و مصادمه بی ابتدا کندوسی اجرا ایدر ایه غلبه نك عمومیتله او طرفده .
 قاله جفی محقق بیلنمیدر . ۲ — سرعتله اجرادن آرزمان دوام ایدم کلان
 سواری محاربه لرندم طالعك تأثیری زیاده اولدیفندن هرکیتلو سوارینک
 براحتیاط ترك ایلسی لازمدر . بر بلوكت بتون قوتیله هجومی دها مناسب
 ایهده برالایک والایدن بیوک قطعاتك رجعتی تأمین ایلك وائنا
 مصادمهده غیر ملحوظ برتهلکینی بر طرف ایتمك اوزره بهمه حال براحتیاط
 بولندیرملری اهمدر . ۳ — سوارینک اك ضعیف طرفی یانلری
 اولدیفندن بالخاصه یانلرینک ستری لازمدر ؛ — هجومده اسباب مانعه
 حیلولتنه میدان براقامق اوزره سواری مصادمهدن اول بالجمله موانعی
 اکلامق ایچون هجوم میدانی اراضی کشافلری ایله کشف ایندیرمیدر .
 ۵ — هجوم ایدمك سوارینک یانلرنده محاربه نجس قوللری کیتلیدر .
 ۶ — هجومدنصکره سواری طاغنیق بولنه رق ضعیف قاله جفندن
 بوزمانده دشمنك بر مقابل هجوم اجرا سیه سهواتله نائل موفقیات اولسی
 درکار اولدیفندن هجومك اجرایی عقبنده سربا طوبالنفه اعتنا
 اولنمیدر . ۷ — مصادمه نك شدتله اجرا سیچون بارکیلری وقتسر
 یورمقدن اجتناب شایان دقت قواعد اساسیه دندر . ۸ — سواری
 طاقله قول ، بلوكله یناشق قول ، خط قول ، اجتماع قول ویا بولنره
 مماثل نظاملرده مانوره اجرا ایدوب فقط دشمنك طوبجی آتشی التنه
 کیردیکنده ویا دشمن سوارینک قارشوسنده بولندیفندن (اجتماع قول
 نظامنده بولنسی دشمن آتشنه قارشو کشیف بره دف تشکیلی موجب
 اولدقدنیشقه بونظامدن صف حرب کجیمی کوچ اولدیفندن) اجتماع
 قولدن خط قوله کچیلیدر . ۹ — سواری هجومه بدأ ایدنجه به قدر خط
 قولده اوله رق دشمنه تقرب ایدر . ۱۰ — هجومه دشمندن (۷۰۰
 : ۸۰۰) خطوه مسافه به کلندیکنده درت نمله کچیلوب بارکیلری
 یورمقدن اجتناباً بوندن بیوک مسافاتدن درت نمله باشلامالی .

دشمندن (۱۰۰) خطومه کلندیکنده (پیاده‌ک هجوم مسافه‌سی)
 هجوم یورویشله دشمنه آتلیدر . ۱۱ — دشمن سوارینه
 جبهه‌دن هجوم ایدلیدیکنده متحداً بریان هجومیده اجرا ایتلیدر .
 ۱۲ — پیاده اوزرینه هجوم : پیاده‌آتشک غایت تأثیرلی بولمیسندن
 زده لئش برحاله بولمقدقه صف مذکوره هجوم ایتاملی ودشمنی
 باصق اوزره بالجه زمین عارضه لردن استفاده غیرت اولغلی .
 پیاده قاعده قدمه ایله هجوم اولنوب طولونق ایچون وقت براقامق
 اوزره قدمه لری بربرینه غایت یقین (۲۰۰ خطومنی تجاوز ایتاملی)
 بولندیرملی ودشمن آتشک منطقه مهلکه‌سندن ممکن اولدیغی قدر
 سرعتله یکمیلدر . ۱۳ — طوبجی اوزرینه هجوم : طوبجینک
 جبهه‌سنة جناح‌لرینی قوشاده‌جق وجهله طاغنی هجوم ایدیلوب آبروجه
 برقطعه ایله‌ده یانندن اورمغه چالشیلور . دشمن نظرندن مستوراً
 حرکت ایچون عوارض زمیندن استفاده ایله بفته باصق طوبجی‌یه
 هجومیده زیاده‌سیله تأثیرلی برحرکتدر . ۱۴ — سواری بالخاصه
 دشمن سواری ویا پیاده‌سنة هجومیده جوق ضایعات وقاریشیقلغه
 دوچار اوله‌جفندن هجومه قالمزدن نتایجی لایقيله تقدیرمه غیرت ایتلیدر .
 سوارینک ضبط وربطی مکمل اولسه‌ده بر میدان محاربه‌سنده بردن
 ویا بعض مساعد حالانده ایکیدن زیاده هجوم اجرا‌سنة قادر
 اوله‌میه‌جفی مسلمات اموردندر .


سواری بلوکنک محاربه ترتیباتی — ۱ — سواری یناشق
 نظامده پیاده‌یه صف حرب نظامیله هجوم ایدر . ۲ —
 طاغنیق نظامده پیاده‌یه : اکثریا اوج طاقم طاغنیق نظامده دردنجی
 طاقم بولنرک کیروسنده صف حربده حرکت ایدرک هجوم ایدیلور
 ۳ — فرار ایتکده بولسان بردشمنی تعقیبده : برطاقم طاغنیق
 هجوم ایدوب اوج طاقم یناشیق نظامده کیروندن ورور . ۴ —

طوبیجی اوزرینه : برطاقم جههدن طاغنیق هجوم اوج طاقم یانی آلمغه غیرت ایدر .

سواری آلاینک محاربه ترتیبانی — آلای بلوک محاربه ترتیبانه مشابه نظاملرله فقط طاقلریرینه بلوکلر استعمالیله هجوم ایدمجهکی کبی قدمه نظامیلده هجوم ایدر . الایک قدمه ایله هجومی شو حالرده اجرا اولنور : ب — برکچیدن مرور اولنسی عقببنده هجوم ایتک مجبوریتده بولندیفی وخط آچغه وقت مساعد اولدیفی حالده آلای قدمه ایله هجوم ایدر . ج — الای پیاده اوزرینهده هربری بر ویا ایکی بلوکلر مرکب قدمه ایله هجوم ایدوب قدمه لر پیننده اعظمی ۲۰۰ خطوه مسافه ترک ایدر . ورنجی قدمه دشمنک دقت و آتشی کندینه جلب ایتدیکی ائشاده دیگر قدمه لر دومان (وارسه) وتوز ایله کندیلرینی ستر ایدرک دشمنی بقت باصفه غیرت ایدرلر . د — الای دشمن سوارینسک صف حربنده برکدک آچق اوزره ویا دیگر سواری قطعاتسک هجومی عقببنده قلیچ قلیجه وقوعبولان محاربه ائناسندهده قدمه ایله هجوم ایدر . بو حالده قدمه لرک جمله سی پینلرنده یوزر خطوه مسافه ترکیله بربرینک کیروسنده نصف قطرلر اوزرنده حرکت ایدرک برقطعه اوزرینه هجوم ایدرلر . سواری لوا و فرقه سنک محاربه ترتیبانی (۲ ویا ۳ خط اوزره مرتب) خطرلرک وظائفی : برنجی خط — هجوم خطیدر . دشمنک اک ضعیف نقطه سنه هجومه غیرتله نقطه مذکورینی اول باول اراشدرمی لازم اولدیفندن اکاکوره مانوره اجراسیله بلوکلرینه ممکن اولدیفی قدرکچ وقتده صف حرب تشکیل ایتلیر .


ایکنجی خط — مانوره خطیدر . برنجی خطه معاونت وخط مذکورک یانلرینی محافظه غیرت ایله جکی کبی دشمنک ایکنجی خطنی تهدید و هجومک حسن نتیجه یه ایصالنه امانه دخی ایدر .

اوچنجی خط — هر نوع حالات غیر ملحوظه به قارشو طور مق اوزره
احتیاطی تشکیل ایدر .




تقیه — اشو صحیفه لده کوسریلان ارقام خطوه جنسند.

شکل (۲)



شکل (۳)



اشارات مخصوصه سواریه عاٹد اشکالہ

آلایک صف حرب نظامی دائر تمرینات :

آلایک خط قول نظامی

اجتماع قول نظامی

بلوک طاقله قول نظامی



شكل (۱): ۱۰: بلوك (۲ مكمل آلايدن) مركب سواری لواسنك

هجوم ايجون برحاضرتی ترتيباتی .

شكل (۲): مذکورلوانك هجوم ايدمچي سرده اخذایتديکي ترتيبات

شكل (۳): فرقه نك بعض حالرده قوللانديني خط ترتيباتی (برنجی

خطك ايکي يانلری ايکنجی خط ايله تأمین ايدلمشدر) .

شكل (۴): فرقه نك اکثریتله قوللانديني محاربه ترتيباتی .

يايا جنك — ۱ — سواری شوحالرده يايا جنك ايدر :

ب — كشف اتانسنم دشمنك مدافعه ايلديکي برکيدی آجق .

ج — برموقی دشمندن اول اشغال ايله منسوب اولديني طرفك

پيامدهسی کلنجيه قدر مدافعه ايتك د — کپرو يورويشده دشمنی

توقيف ايله وقت قزاقق ه — مغلوب اولان سوارينك رجعتی

برکيدده ويا سائر برمجلده اخذ موضع ايله تأمین ايتك و —

قوناق واردوگاه يرلرینی مدافعه ايتك . يايا جنك سوارينك زمان

احتياجنده قوللانيلوب قاعده اتخاذا قلغامليدر .

۲ — بربلوك محاربه تجسس قوللری ايله برايکي كشف قولندن ماعدا

تكميل قوتيله يايا جنك ايدمچيلور . ۳ — بلوكدن بيوك قطعات

آتلو اوله رق بهمه حال برمقدار احتياط ترك ايتليدر . ۴ — يايا

جنك ايدن عسكرك بارکيرلری (يدك بارکيرلر وآتلو احتياطلر)

دشمن آتشدن محفوظ برمجلده بولنديرلمليدر . دوز اراضيده آوجی

خظندن ۸۰۰ م مسافهده بولنه ييلورلر .

د — طوبجی — افادات عموميه ومحاربه ترتيباتی

۱ — میدان محاربهده اجرا اولنهجق حرکترلرده بطريه خاصه بمد

قاملی صف حرب نظامی قوللانور . ۲ — طابور اکثریتله بلوك

قوليله مانوره اجرا ايدر . ۳ — محاربهده طوبجی يالکزر صف

حربی قوللانوب هر بلوك جبههسی (۱۰۰) خطوهدن عبارت اولور .

طابورلرله بلوكلر يېتىندە اراضينيك حالنه نظراً برآ رالقي ترك اولنور.
(طابورلر يېتىندەكى آ رالقي اقلی ۱۰۰ خطوه اولميدىر) . ۴ —
طوبلرى چوق كوسترهرك دشمنى اغفال ايتكندن ماعدا حالاتده
بربلوكك اقسامه تفريقى اصلاً جائز دكلدر . ممكن ايسه برطابورك
اقسام مركبه سنيده آيرمالميدر . ۵ — ميدان محاربه‌ده طوبجى
عسكرى كاملاً برمحله جمع ايديلهرك استعمال اولنور .

۶ -- موضع انتخابى : ب — موضعك ايلروسنده اقلی ۱۶۰۰
م مسافيه قدر آچيق برانداخت ميدانى بولغليدر . ج — دشمنك
نظر و آتشدن مستور بولملى طائلى ميللى زمين طالعلىرى كوزل
برموضع اولوب اشبو طالعلىرك كيرولرندهكى محللر طوبارقلر ايله برنجى
قدمه‌يى كوزلجه ستر ايدر . بطريه موضعك ايلروسنده برايكنجى زمين
عارضه سنك (طائلى ميللى برصرك) بولملى طوبچينيك موضع حقيقىسى
تعيين ايتكده دشمنى اغفال ايدر . د — موضعه داخل اولقى و حرب
ايتك حركاتى سهولته اجرا اولنه يىللى . تعرض حالنده موضعك
ايلروسنده بربلوكك بعدتاملى صف حرب ويا هج اولمسه طاقم قولى
نظامنده حركته مساعد يوللر بولملى . ه — موضعك ايلروسنده
اراضينيك ايضلاق ويا يومشاق اولملى دشمن دانه لرنيك پارچه ليمه
وسكمه لرنيه مانعدر . و — پك يوكسك وپك حاكم محللردن
آتشك دشمن اوزرندهكى تاثيراتنى رصد ايتك او محللرى انداخت
موضعى انتخاب ايتكندن دها مناسبدر . ز — كاركير ديوار آرقه سنده
واغاجلر التنده موقع اخذنده مرمى وطاش پارچه لرنيك واغاج دال
وكوتوكلرينيك تاثيراتى بربرينه منضم اوله رق نومرو افرادى مياننده
تلفاتى تكثير ايله جكسندن بويله محللردن اجتناب ايلميدىر . ح —
دكرمن خانه ، چيت ، پرمقلى وسا ئره كپى اوزاقدن فرق اولسان

شیلرک یان طرفنده ویایقیناً کیروسنده موضع آنور ایسه دشمنه مسافه بی تخمینده بیوک سهولت اولور .
 طوبجی صریحاته دائر معلومات — : دانه خاصه مسافه بی تخمینده وهرنوع جانسز هدفله ۷۰۰۰ م به قدر قوللانیله بیلور . شراپنل جانلی هدفله (انسانلر ، بارکیلر) ۳۰۰ : ۲۵۰۰ م به قدر قوللانیلور . پشرو اثنای مدافعه ده برهجویی ویا بر باصقینی دفع ایچون ۳۰۰ م به قدر قوللانیلور .

طوبجی محاربه سنک اداره سنه دائر بعض قواعد عمومییه
 ۱ — طوبجی پیاده آتشنک تأثیرلی منزل خارجنده بولندیفنده آتش مذکور دن ازعاج اولنیه رق دشمنه قارشو تأثیرات کامله سنی صرف واستعمال ایده بیله جکندن صنف مذکورک عمومیتله بوخصوصه اعتناسی لازم اولدیغندن دشمنه نظراً طوبجی ایچون اک کوزل مسافه ۱۱۰۰ : ۲۵۰۰ م بیننده در . ۲ — فقط پیاده نک دشمنه اجرا ایلدیکی برهجومه یاردم ومغلوب اولان پیاده بی تخلص ایتک و دشمنک هجومه صوک درجه ده مقاومتده بولتمق کبی بعض قطعی حالاتده طوبجی پیاده آتشنک دائره تأثیرینه کیرمکدن چکناملیدر . ۳ — محاربه بی احضاره طوبجی مأموردر . حسن احضار موفقیتک اساسیدر بدایت محاربه ده دشمنککندن زیاده طوبجی چیقارلمیدر .
 ۴ — موضعک صیق صیق تبدیلی تأثیر آتشی ازالده جفندن اجتناب اولغیدر . دشمنک مسافه سی برکرمه تحققدنجه طوبجی به موضع تبدیل ایتدیرلما می . ایتدیرلورسه چوق مسافه (۲۰۰ م دن زیاده) قزاقغه چالشیلی . ۵ — مطلقاً تبدیل موضع اقتضا ایلدیکنده ممکن مرتبه سرعتله ایلروملک فائده لی اولدیغندن ایلروکیتک ایچون سرعتلی ودرت نعل یوروشلریله حرکت اولنور ایسه ده رجعت حالنده ضبط وربطی

محافظه مقصدینه مبنی ابتدا عادتاً ایله حرکت ایدوب بعده سرعتی به چکملی . ۶ — پیاده نك کیروسنده ویاں طرفنده کوزل برموضع انتخاب ایدیلور ایسه محاربه دوام ایلدیکی مدته تبدیل موضع اینگسزین پیاده نك حرکتی تأثیرلی آتش ایله تسهیل و حایه بعضاً ممکن اولور ، ۷ — اشغال ایتدیکی موضعه ثبات ایدن بردشمن قارشوسنده کرک بدایت محاربه ده و کرک برموضع تبدیلندنسکره حرب ایتمک حرکتی طوبجی محاربه سنده اکتهلکلی برحرکت اولدیفندن حرکت مذکوره بی برقوة کلیه (اقلی طاہور و بشقه برقوت یوقسه بلوکه) و قدمه ایله اجرا ایلمیدر . ۸ — ججانه لرینی کاملاً صرف ایدرک بتورمش اولان بلوکر کیرودن ججانه کالجیه قدر اولدقلری موضعه طور ملی و ججانه آلق ایچون کیرویه دواملیدر . ۹ — زیاده زده لشم بلوکر دی کیشدیرمک جائز دکلدر . یکی بلوکر سوقله انلره تقویت ویرمیدر . طوبجی آتشک اداره سی : ۱ — طویلر میدان محاربه ده بر محله مجتمعا قولاندیفنی کبی آتشلریده عین هدف اوزرینه جمع اولنور . یوزباشیلر اداره آتشک مفردانیله اشتغال ایدوب تعینیه نقطه نظرندن آتشک امر اداره سی دخی بیوک آمرلره عائد و طائفنددر . ۲ — بالخاصه دانه انداختنده آتشک بر نقطه جمی لازم و شرابنلککنده ایسه بعضاً تقسیم جائزدر . ۳ — هدهک انتخابی طرز محاربه به تابمدر . هدفلرک حائر اولدقلری اهمیتلره کوره تدیرجاً بریسی ترک و آتش دیکری اوزرینه جمع ایدیلور . شوبله که :

ب — تعرض ایدن طرف طوبجی پیاده نك حرکتی تسهیل ایچون اولا دشمن طوبجی سی هدف اتخاذ ایدوب هجوم حقیقی نقطه سی تعین اولندیقنده طوبجینک قسم اعظمی هجومی احضار ایچون آتشی نقطه مذکوره به توجیه ایلمیدر . اک نهایتده اجرا اولنسه حق هجومی

حاضرلق اوزره طوبچینك برقسى (۱۶۰۰) م دن دون مسافانه قدر پیاده ایله برابر ایلرولیوب بواننده آتشنك شدتنی تزید ایدر .
ج — مدافعین طوبچیسى دشمن ایله طوب محاربه سی ایده جك اقتدارده ایسه بوده ابتدا طوبچى بی هدف اتخاذا ایدوب دشمن هجوم قطعی اجرا ایلك اوزره پیاده سنی کلیتله یا بمغه باشلادیغنده مدافعین طوبچیسى هاجین طوبچیسى تركه آتشنى كاملاً دشمن پیاده سنه توجیه ایلملیدر و دشمن سواریسى هجوم ایلدیکنده ده آزر برمدت دشمن پیاده سنی تركه اشبو سوارى به آتش یاغديرملیدر . مدافعین طوبچیسى دشمن ایله طوب محاربه سی ایده میه جك برحاله ایسه اندن اجتنابله آتشنى كاملاً دشمن پیاده سنه قوللانور . الحاصل تعیه تك مقصدینه كوره طوبچى آتشنى جمع وتوجیه اولملیدر .

سوارى فرقه سنه ملحق طوبچى : ۱ — هر سوارى فرقه سنه بر سوارى بطریقه سی ویا بر سوارى طوبچى طابورى ربط اولنور . ۲ — طوبچى برنجى خطك بر آزا ایلر وسنده فقط جناحك ایجه خارچنده بولنان بر موضعه تعیه اولنور سه هجومك امتداد ایلیه جکی مدت ظرفنده سوارینك حرکته طوبچى آتشيله معاونت ایتمك ممكن اولور . ۳ — سوارى محاربه سی پك آزر مدت دوام ایدوب بومدت ظرفنده ایسه دفعا تله مسافه تخمین ده ممكن اوله میه جفتدن سوارى رفاقتنده بولنان طوبچى موضع دكیشدیر ماملیدر . ۴ — سوارى هجومده موفق اولور سه یناشق نظامده ایلرویه کیدن ایلك سوارى قطعه سیله طوبچیده ایلرولیوب دشمنك طوبلنسنی منع ایتملیدر . ۵ — سوارى هجومده موفق اولماز ایسه تعقیبه باشلیان دشمنى توقیف ایتمك و رجعت اوزره بولنان سوارینك طوبلنسنه وقت قزانديرمق اوزره طوبچى مناسب بر موضعه جکملیدر .

صنوف مختلفه نك مجتمعا محاربه سنده بعض قواعد عمومیه

۱ — نوجهله حرکت اولنه جفنه قرار ویرمك ایچون دشمن کمال دقتله کشف اولملی ومذکور قرار ویرله دن اواسر اعطا اولنما میلدیر . ومحاربه ایتمک لک مک مقصد عمومی یه توافقی ایوجه ملاحظه اولندقدن صکره عدم توافقی حالنده اجراسندن اجتناب اولنوب اولنیه جفنی اطرافیه دوشونمیلیر . ۲ — دشمنک قوتنی تخمین لازم اولدیغندن جناح لرینی کشف ایدرک جبهه سنک امتدادینی تخمین وتعیین ایله هر مترو برنفر اعتباریه کوچک قطعانده ۴ وسطیده ۵ بیوکده ۶ : ۷ ایله ضرب ایلیدر . عملیاتدن استنتاج اولسان بعض مثالار : طابورک جبهه سی ۲۰۰ : ۳۰۰ خطوه اولدیغندن $۲۰۰ : ۳۰۰ \times ۴ = ۸۰۰$ نفردر . آلاک جبهه سی ۷۰۰ خطوه : $۷۰۰ \times ۵ = ۳۵۰۰$ نفردر . لوانک ۱۲۰۰ خطوه : $۱۲۰۰ \times ۶ = ۷۲۰۰$ نفر . فرقه نك ۱۸۰۰ خطوه : $۱۸۰۰ \times ۷ = ۱۲۶۰۰$ نفر . ایکیدن زیاده بطریه برفرقه نی ایما و ۱ : ۳ سواری بطریه سی برسواری فرقه سنه دلالت ایدر . دشمن اردوسنک تنسیقاتنه واقفیت دشمن قوتنی کشفده چوق اهمیتیلیر (هر روس فرقه سنده ۶ بطریه بولندیغندن ۸ : ۹ بطریه برقول اردونک موجودیتنی ایما ایدر) . ۳ — مقصده دائر برقرار وئیلرک ایجاب حاله کوره حرکات حریه پلانی دخی ترتیب اولندقدن صکره اشبو پلانک تمامی اجرا سنده ثبات لازم ايسده فوق العاده عناددن اجتنایلیدیر . ۴ — محاربه یه بدآده مظفراً اتمامنه غیرت واجبۀ ذمتدر کافۀ تدابیر بونقطه مهمه اوزرینه مؤسس اولملی . اعتراضات مطالعات محاربه نك ختامنه تعلیق اولغیلیر . ۵ — دشمنک ظهوری بیلدیرلدیکی کبی باش قوماندان هم کلان راپورلرک صحتندن امنیت حاصل ایتک و همده

احوال اراضی بی کوزدن چکورمک اوزره ارکان حربیه سنی مستصحباً
پیشداره واثانی محاربه ده میدان محاربه تک هر طرفی وقومانداسنده
بولنان قطعاتک میدان محاربه به داخل اولقی ایچون اوزرنده حرکت
ایده چکری یول واستقامتلی کوره بیلجک یوکسک برنقطه به کیتلیدر
ومیدان محاربه ده باش قوماندانک نظرندن مستور محلله برارکان
حربیه ضابطی کوندریلوب معیتلینه برقاج اسر آنلوسی ترفیق
اولتلیدر . مومی الهم جریان ایدن وقوعاتی متممادیاً راپوایله باش
قوماندانه بیلدیرملی وباش قوماندانک قرارکاهی عسکرک جمله سنا اعلان
ایدللیدر . و اشارت مخصوصه ایله تفریق اولتلیدر . باش قوماندان
حسب اللزوم مقامی تبدیل ایدر ایسه اسکی محله کوندریلان راپورلی
مشار الیه ارسال ایلک اوزره محل مذکورده برضابط بولندیرملی
وباش قوماندانک تبدیل محل ایلدیکی درحال عسکره اعلان اولتلیدر .
تعرض — ۱ — دشمن کشف ایدیلجکی ائناده پیشدار طوروب
محاربه حاضرلننده بولنوب قسم کلی ده یوروش قولی یناشدیرر .
آغرقلرله نقلیه قطاری مناسب نقاطده طوروب برقاج جخانه قولیده
میدان محاربه به یاقلاشدیریور . [بوانئاده یوللری قیاماملی] ۲۰ —
هجوم نقطه سی انتخاب اولندیفننده پیشدارلردشمن موضعنک ایلروسنده
اراضی ضبطنه مسارعت وپیشدار پیاده سی نقاط ومواقع مهمه بی
اشغال ، طوبجیده مناسب نقاطده تعیه ایدیلور . (اکثریتله ۲۵۰۰
م مسافده) — بوتریبات قطعی برمحاربه اجراییچون یانلیوب
محضادشمن محاربه به باشلاقمق ومحاربه ترتیباتی آلمق ایچوندیر .
۳ — پیشدارک محاربه به کیریشمی اک مناسب هجوم نقطه سنی ده
قطعی میدانه چیقاریر (آشلرک شدت تأثیرندن طولانی طوبجی
طرفندن صورت مکمله ده حاضرانان جبهه هجوملرنده بیله استحصال

موقيت نك مشكوك اولديغندن هجوملر مان دايما بريان هجوميله متهداً اجرا اولغلي فقط امتدادى زياده چويرمه حرڪتلىرىنك تهلكه سنده مبنى بويله حرڪتلردن اجتناب ايلليدر . ۴ — قسم كليدن برقوة جسيه (قوه عموميه نك تقريباً نصفي) هجوم نقطه سنك قارشوسنده بر نقطه يه توجهله بدايتده نظر و آتش دشمندن مستوراً قاله بيلورسدهده محاربه قطعيه يه كيريشمك ايجون حاضرلق ترتيباتسده بولنور ؛ قسم كلينك باقىسى (قوه عموميه نك تقريباً ربعي) احتياط عمومى يي تشكيل ايدر . ۵ — قسم كلينك بالجله طوبجيسى هجوم قطعي يي حاضرلق اوزره مجتمعاً موضع آلور (طوبجى ممكن ايسه هجوم نقطه سنك تماماً قارشوسنده موضع آليوب نقطه مذكوره يي صورت مؤثرده دووه جك بر موضعه حرب ايتايدر) . ۶ — پيشدار محاربه خطنه سوق اولنان قسم كلي طوبجيسنه مستنداً كندى طوبجيسى دشمنه (۱۶۰۰ م مسافه يه قدر) ياقلاشديروب هجومنه بر جديت رنگي ويرر ايسدهده تكميل قوتنى استعمال ايتامكه دقت ايلليدر . پيشدارك شو هجومندن مقصد هجوم حقيق نقطه سنى دشمندن اخفا ايلكدر . فقط دشمنه احتياطلىرىنك واقعى تبديل ايتديره رك بيوك خطالره دوشورمك ايجون وقت ويرملى و بناءً عليه هجوم حقيق يي پيشدارك مذكور هجوميله برآنده اجرا ايتامليدر . ۷ — بر مدت صكره دشمن طوبجيسنك هج اولمازسه بر قسمى اسكات ايدلديكنده قسم كلي هجوم قطعي يي اجرا ايدوب بواناده هجومى آتش ايله حاضرلق ايجون مقتضى زماندن زياده وقت ضايع ايتامكه دقت ايلليدر . هجوم قطعي نك بدايتده برنجى خضاك قوتلى و كشي ف تشكيل لازمه در . ۸ — دشمنى كشف ايلدكده نككره محاربه خطنك جناحلىرىنى ستر و محافظه يه مأمور ايديله جك سواري نتيجه نك استحسانه معاونت ايجون مناسب فرصتلىر

بوله بيله جکی کبی اثنای هجومده ده پیاده نك موفقیتی شبهه لی کورینه جک اولورسه مناسب مانوره ایله دشمنك جناحه ویا یانه شدتلی برهجومله و موفقیت حالنده رابطه سندن چیقمش دشمن اوزرینه درعقب آتلقه مظفریتك اكالنه خدمت ایدر . ۹ — احتیاط عمومی ایسه یا قسم کلینك موفقیتنی اکیل ویا پیشداره استناد ویا دشمنك هر نوع مقابل هجوملرینه قارشو قویق اوزره باش قوماندانك امریله سوق اولنور . ۱۰ — دشمن موضعی ضبط ایدلدیکی حالده محاربه دن طولانی نظام و رابطه سی بوزلمش پیاده عسکرینه دشمنك مقابل هجومنی دفع ایچون محتاج اولدینی تقویت و متانتی اعطا ایلک اوزره اقدجه باش قوماندان طرفندن تخصیص اولمش اولان برقاج طویچی بلوکی درعقب موضع مذکوره کیملیدر . ۱۱ — فراریدن دشمن، پیاده و طویچی طرفندن آتش ایله تعقیب اولنوب سواریده یانلرینه هجوم ویا خط رجعتنی قطع ایلک اوزره دشمنك جناح لرینی قوشاتمغه غیرت ایتلیدر . ۱۲ — مغلوبیتده ده احتیاط عمومینك محاربه یه اشتراك ایتامش قطعانی طویچی موضعنك حذا سنده مناسب برحلی اشغال و رجعت ایدن پیاده موضع مذکورك کبروسنه چکیلرک طویلمغه غیرت ایتلی و بوئانده سواریده تعقیب ایدن دشمن اوزرینه هجوم ایتلیدر . ۱۳ — تعرض ایدن طرف هجوم نقطه سنی استدیکی کبی انتخاب و محاربه یه ابتدا کندوسی بدأ ایتك و هجوم نقطه سنده کی مظفریتی هر طرفده غالبیته منجر اولقی کبی فوائد مالک اولدیفندن نقطه مذکوره یه شدت فوق العاده ایله هجوم ایتك و ممکن اولدینی قدر چوق قوت سوق ایلک لازمکولر . شوافادادن اکلاشیلیورکه تصادفی محاربه لرده اولا دشمنی مدافعه یه مجبور ایدرک برسرستی حرکت قزاعلیدر . ۱۴ — باش قوماندان نتیجه قطعیه نك استحصالنده بالجمله

حرکات اتحادینی تأمین ایچون حرکات عمومی بی نظردن اصلاً غائب ایتمیلیدر .

حال تعرضیده ویریله جک اوامره دائر مثال — : اشبو امرلده یورویش امرینک محتویاتنه دائر ۳۵ و متعاقبی صحیفه لده بیان اولنان مواده نظراً یازیلورسه ده عسکرک اوزرنده ججانه اثنای محاربه ده صرف اولنه جفندن زیرده کی مثال مطالعه سندن ده اکلاشیله جفی وجهله صرف اولنان ججانه یرینه یکی ججانه توزیع ایلک و محاربه خطنه طوغری یقلاشدیرلیق لازمکلان برقاج ججانه قوللرینه و میدان محاربه جوارنده تأسیس قلنه جق سیار خسته خانه طاقلرینه دائرده مواد علاوه ایدیلور .

یالکز عسکرک میدان محاربه ده داخل اولسنه دائر ویریله جک امر تحریراً اعطا اولنه بیلوب اثنای محاربه ده باش قوماندانک اعطا ایدم جکی اوامری معیتنده بولنان ارکان حربیه ضابطانله یاشفاها و یاقوروشون قلله یازلش تذکره لر ایله ارسال ایدم جکی کبی یوکسک سس ایله طوغریدن طوغری نه کندوسیده نوطه ایتدیره رک ویرر .
(زیرده کی مثال برنجی فرقه نك یورویش امرینه دائر ۳۷ نجی صحیفه ده ویریلان نمونه ایله مقایسه اولمیلیدر) .

برنجی قول اردو (پاپازلی) نك جنوبنده کی تپه دن

پیاده برنجی فرقه ۱ — تشرین اول — ۳۰۷ کو

دقیقه ساعت

۳۰

۴

فرقه امری نومرو (۲)

۱ — دشمن تقریباً (۸) : (۱۰) بیک نفر قوتنده اولدینی حالده پاپازلی دره سنک غرب ساحلنده اخذ موضع ایتش و صانجنناحنی تقریباً یحیالی و صولجناحنی سرچ نهرینه استناد ایتدیرم شدرد .

۲ — برنجی فرقهٔ مک مقصدی دشمنی جبهہ دن اشغال ایدہ جک وصانجنانہ هجوم ایدوب دشمن مرقومی طرد ایدہ جکدر .
 ۳ — پیشدار پاپازی نک شرق مدخلی وتیمور یولی خطیلہ بیوک جادہ پی اشغال ایدہ جک و هجوم حقیقی اجراسنہ قالقشمیہ رق صولجناخلہ متحداً حرکت ایلیہ جکدر .

۴ — قسم کلی آتیدہ کی مواضعی اشغال ایدہ جکدر :

بطریہ ل بیوک جادہ دن چیقہ رق پیشدارک حمایہ سیلہ پاپازی نک جنوب شرقیسنده کی صرتلرده اخذ موضع ایدہ جکدر .
 پیادہ ایکنجی لوا جانبدار مفرزہ سیلہ متحداً خسرواغا خانی - یحیالی

استقامتیلہ کیدہ جک و دشمنک صانجنانہ قوشانقی اوزرہ بدایتہ احمد اوبا نک شمالندہ توقف ایدوب ایجاب ایدن ترتیباتی آلہ جق ایسده حرکتہ بدأ ایتمک ایچون یکی امرہ انتظار ایلیہ جکدر .
 پیادہ ایکنجی آلائی فرقهٔ مک احتیاط عمومیسنی تشکیل ایدہ جک و (خسرواغا) خانک غربندہ کی درہ حوالیسنده و بیوک جادہ غربندہ بولنہ جقدر قسم کلی یہ مربوط اولان سواری بلوکی آلاینہ التحاق ایدہ جکدر .

۵ — سواری آلائی فرقهٔ مک صولجناحنی ستر ایتمک اوزرہ جناح مذکورہ کیدہ جکدر .

۶ — استحکام بلوکی پیشدار موضعنی علی العجلہ تحکیم ایتدکدنصکرہ هجوم حقیقی اثناسندہ ایکنجی لوا یہ رفاقت ایتمک اوزرہ مؤخرآمدکور لوا نزدینہ کیدہ جکدر .

۷ — صحیہ ہیئت ایکنجی لوا یہ رفاقت ایلیہ جکدر .

۸ — فرقهٔ مک بیوک آغرلنی (دربند) کوپریسنک غربندہ و بیوک جادہ قربندہ پارق تشکیل ایدہ جکدر .

۹ — نقلیه قطاری دربندك شرقنده و بیوك جاده قربنده قاله جقدره
 ۱۰ — ۱ و ۲ نومرولی پیاده و ۳ و ۴ نومرولی طوپیجی جبخانه
 قوللری و ۲ و ۳ نومرولی سیار خسته خانه طاققلری نقلیه قطارندن
 آریلهرق پاپازلی به طوغری بیوك جاده بی تعقیب ایدم جکدر ایسه ده
 جبخانه قوللری خسرو اغا خانك غربنده کی دره جکه قدر کله جکدر
 و سیار خسته خانه طاققلری دخی دربند ایله خسرو اغا خانك اره سنده
 یرلشه جکدر و مأمورلرندن برقمی پشدار موضعنه قدر کوندریله جکدره
 ۱۱ — فرقه قوماندانی قسم کلی بطریه لرینك نزدنده بولنه جقدر .
 پیاده برنجی فرقه قوماندانی

فریق

×××

فرقه نك ارکان حربیه ضابطی جیب دفترینه اشبو امرک دوت صورتی
 نوطه ایدوب برنجی پشداره و دیگرینی قسم کلی به واوخیجینی بیوك
 آغرلق و نقلیه قطارینه کوندروب برینیده دفترنده حفظ ایدر .
 محاربه ائناسنده قورشون قلی ایله یازیله جق امرلر :

(پاپازلی) نك جنوبندن

برنجی فرقه

۱ - تشرین اول - ۳۰۷ کو

دقیقه

ساعت

۲۰

۶

پشدار قوماندانلغه

پیاده ایکنجی لوا (یحیالی) نك غربنه واردی . تقریباً یارم
 ساعت صکره دشمنك صاعغبناحنی قوشاده رق هجوم حقیق اجرا سنه
 باشلیه جقدر .

پشدارك (پاپازلی) ده کی دشمن ایله ده شتلی اوله رق محاربه به

طوتشمی لازم ایسه ده پیاده ایکنجی لوا هجومه قالمده قه کندوسی
هجومه قالمده ملیدر .

xxx

(پاپازی) مك جنوبندن

برنجی فرقه

۱ - تشرین اول - ۳۰۷ کو

دقیقه

ساعت

۲۵

۶

ایکنجی لوا قوماندانلغه

دشمن طوبجیسینک آتشی آزالدیفندن دشمنك زده لندیکی اكلاشاپور
پیشدار (پاپازی) مك شرق مدخلته هجومه باشلايه جقدر . یارم
ساعته قدر پیاده ایکنجی لوا دخی دشمنك (یحیالی) ده کی صاغ
جناحنی قوشاده جق وجهله هجوم ایده ییلور .

فرقه قوماندانی

xxx

الحاصل بالاده کی اصول ایله ایجاب ایتدکه بللو باشلو قطعات
عسکریه و مثلاً احتیاط عمومی و سائر به تذکره طرزنده امرل
تحریراً اعطا و ارسال اولنه ییلور .

راپورل — دشمنه دائر ویرله جك معلومات شفاهاً اولورسه (خبر)
و تحریراً بلدیریلورسه (راپور) دینور . خبرلرک آچیق و بسیط
وقطعی اولمیدر . راپورل دخی مختصر ، واضح ، لزومس سوزلردن
عاری و یسوک قوماندانلرجه ییلنمی لازم اولان موادی حاوی
اولمیدر . بشقه بریدن کلش اولان برراپور ارسال اولندیفی حالد
اوراپورک شایان اعتماد اولوب اولدیفی علاوه بیان اولمقی لازمدر .
راپورده تلغراف تعبیراتی استعمال اولمیدر .

برنجی سواری آلای : مثال : (احمد اوبا) دن
راپور نومرو (۱) ۱ - تشرین اول - ۳۰۷ کو

ساعت دقیقه

۴۰ ۵ برنجی فرقه قوماندانلغه

(خواجہ کوی) له شمالنده کی صرتلرک دشمندن خالی اولدییی ایکنجی
بلوک راپورندن اکلاشیلور . بونک صحتی بنده کزجده محقدر .
الای قوماندانی

xxx

(بابازی) دن

پیشدار

راپور نومرو (۳) ۱ - تشرین اول - ۳۰۷ کو

ساعت دقیقه

۲۰ ۷ برنجی فرقه قوماندانلغه

بابازی ضبط اولندی . دشمن بوقصبه نك غربنده کی صرتلرده شدله
ثبات ایدیور . (یحیالی) نك شمالنده شدتلی طوپ وتفنك صداسی
ایشیدلمکده در . دشمنك صانغناحی (جشنیر کوی) استقامتنه
چکیله جکی اکلاشیلدیفندن پیشدارك مذکور صرتلره هجومی (یحیالی) نك
ایکنجی لوا طرفندن ضبطنه قدر تأخیر ایدم جکدر . دشمندن بکرمی
اسیر آلدی .
پیشدار قوماندانی

xxx

اشته بو طرزده کاغلر اوزرنده راپور یازیلور .

مدافعه — ۱ — تدافعی محاربه نك قوتنه سبب اولان شی آتشلر
ایله اراضیدن استفاده در . بونوع محاربه نك اک بیوک فائده سی چوق
قوته آز ایله محاربه ایتکه امکان ویرمسیدر . ۲ — تدافعی محاربه نك
حقیقتنی موجب اولان شیده تعرض ایله استحصالی ممکن اولان موقعیت
قطعیه نك مدافعه مطلقه ایله ممکن الحصول اولمامسندن عبارت اولوب

هر تدافعی محاربه‌یه شدتلی بر مقابل هجوم ايله نهايت ويرمك لزومی
اشته بوندن ایلروكلشدر . [قوای کلیه‌ك میدان محاربه‌یه وصولیه
عموماً تعرضه باشلق ایچون لازمکلان وقتی قزاندرمق اوزره اکثریا
بدایتده قوتك بر قسم قلیلی ايله حال تدافعی اختیار ایدیلور ایسه‌ده
بومثللو بر محاربه تعرضك بر مقدمه‌سی دیمك اولدیغندن اكا مدافعه
مطلقه نظریله باقاملیدر] . ۳ — موضع انتخابنده شرائط آتیه‌یه
دقت لازمدر : ب — موضع بولنیلان حاله وقوتك مقدارینه نظراً
انتخاب اولنلی : ج — اوکنده آجیق برانداخت میدانی بولنلی .
د — جبهه ایلروسی طاتلی میلی برانیش اولان موضع اك ایودر .
ه — جبهه‌سنده برقاج استناد نقطه‌سی بولنلی وجناحدردن هیچ اولزسه
برسی ابو برمانعه مستند اولمی . و — داخلنده وکیرولنده ابو
یولار بولنلی . ذ — داخلی باش قوماندانك نظارت ورؤیتنه آجیق
اولتی لازم ایسه‌ده نظر دشمندن مستور و آتشدن محفوظ اولمیدر .
ح — خاصه احتیاط عمومی ایچون کوزل محل بولنلی . ط — موضعك
برقسی بر مقابل هجوم اجراسنه مساعد اولمی وعمومیتله جبهه‌ك
ایلرو سنده هیچ بر مانع بولناملی . ۴ — تعرض ایدن طرف هجوم
حرکتنه بدأ ایتدکجه خط مدافعه اوزرنده کی نقاط مهمه‌بی از قوتله
اشغال ایتلی و اوزاق مسافه‌دن محاربه ترتیباتنی آلفه دشنی مجبور
ایلك وبوجه‌تله یوروشنی کوجلشدیرمك اوزره یالکز برقاج بطریقه
خط مدافعه اوزرنده اخذ موضع ایتدیرمیدر . ۵ — دشمن ايله
طوب محاربه‌سی ایتك ایستیلیورسه دشمن هجوم حرکتنه باشلادیغنده
خط مدافعه‌یه کلیتلو طوبجی کوندرملی . ۶ — هجومك استقامتی
اکلاشلدیغنده برنجی خطك پیاده‌سی یایلوب خط مدافعه کشف اشغال
اولنلی واستنادلرده محاربه خطنه تعرضی محاربه‌ده اولدیغندن زیاده
یاقلاشمالی ۷ — هاجین تأثیرلی تفنك آتشی منزله کلدکلرنده اوزرلینه

غایت شدتلی آتش ایدیلوب موجود طولیچینک کافه سی ده بواننده پیاده به معاونت ایله هاجینه آتش ایلملی . ۸ — مقابل هجوم اجراسیون اولجه نقاط مناسبه موضوع احتیاطلرده بواننده مقابل هجوم اجراسنه مسارعت وسواری عسکریده انلرک یانلرینی سترایتلی ۹ — هجوم دفع ایدلدکده دشمن ابتدا آتش ایله تعقیب اولنوب بعده عموماً تعرض ایدملی . ۱۰ — دشمنک هجومده موفقیتنده مدافعین ابتدا ملجاء موضعنه (وارسه) چکیلوب اورادن طولیجی قوتلی بردمدارک تحت حمایه سنده اوله رق رجعت ایتملی . ۱۱ — تازه عسکر معاونتیه برعودت تعرضیه اجراسی ممکن ایسه شدت محاربه ایله کسب ضعفیت ایدرک نظام وانتظامدن جیتمش اولان هاجینک دفعی قابل اولور .

برموضعک مدافعه سنه دائر اعطا اولنه حق امره مثال :

برنجی قول اردو	(پاپازی) نك شرق مدخلنده
----------------	---------------------------

پیاده برنجی فرقه	۲ - تشرین اول - ۳۰۷ کو
------------------	------------------------

ساعت دقیقه

فرقه امری نومرو (۴) ۱ ۱۵

- ۱ - دونکی کون پاپازی قصبه سنده مغلوب اولان دشمن قلبه دن کلیتلو امداد آلدیغندن برنجی فرقه به تعرض ایتمک فکرنده در .
- ۲ — فرقه نك مقصدی دشمنک بوتعرضنه پاپازی ده مقاومت ایدمک وصاع جناحی (مریچ) نه رینه وصول جناح منتهاسنی یحالی نك شرق شمانده کی تبه به استناد ایتدیرمه جکدر .
- ۳ — پیاده برنجی لوا خاصه پاپازی ایله کچیدلرینی ویوک جاده ایله تیمور پولی مدافعه ایدمکچکندن مذکور محلاری سریماً اشغال ایلیمه جک

وشد تله وفداکارانه مدافعه ایلک اوزره هان حاضرلق ترتیباتنی کوره جکدره .
 ۴ — پیاده ایکنجی لوا (پاپازی) قصبه سنک جنوبنده کی تپه بی
 قوتلی برپیشدار ایله اشغال ایدم جک واشبو پیشدار فرقه نك صول
 جناحنی تشکیل ایتک اوزره حاضرلق ترتیباتنی اخذ ایدم جکندن
 استحکام بلوکی ایکنجی لویه رفاقت ایلیه جکدر . مذکور لوانک قسم
 کلیسی (خسرواغا) خاننک غربی جنوبیسنده طوره جق و فرقه
 قومانداندن امر ورودنده دشمنک صاغ طرفنه شدتلی برمقابل هجوم
 اجراسنه حاضر بولنه جقدر .

۵ — فرقه یه مربوط طوبجی طابوری (پاپازی) یکیدارینه حاکم
 اولان صرتده اخذ موضع ایدرک باشلوجه (پاپازی - قلبه) بیوک
 جاده سنی دوه جکدر .

۶ — نشانجی طابوری ایله سواری بشنجی بلوک دخی صولجناح
 مغزوه سنی تشکیل ایدرک یکباشی (ذ) افندیك قومانداسنده بولنه جق
 و (احمد اوبا) نك شرقی شمالیسنده کی صرتی و طاغ یولنی ترصد
 و دشمنک او طرفدن چویرمسنه مانع اوله جقدر .

۷ — سواری آلاینک الان (کرخان) حوالیسنده بولنان بشنجی
 بلوکن ماعداسی دشمنک باشلوجه استقامتنی کشف ایدم جک و صولجناحدن
 برمقابل هجوم اجراسنه مأمور اولان پیاده ایکنجی لوانی ستر ایتک
 وهجومده اکا رفاقت ایلک اوزره مؤخرأ صولجناحه کیده جکدر .

۸ — ۲ نومرولی پیاده و ۴ نومرولی طوبجی ججانه قوللری
 (خسرواغا) خاننده بولنه جقلردر .

۹ — ۴ نومرولی سیار خسته خانه طاقی (خسرواغا) خاننک غرب
 مدخلنده و دیگر سیار خسته خانه طاقلری دربندده یرلشه جکلردر .

۱۰ — بیوک آغرقلر بیوک جاده ایله تاتار کوبی آره سنده وقلیه

- قطاری (در بند) ايله (قوسين) بيننده بولنه جقدر .
- ۱۱ — كوندوز ساعت ايكي چچقدين اعتباراً بيوك جاده آرابه وحيواناتدن تخليه اولمليدير .
- ۱۲ — فرقه قومانداني ابتدا (پاپازلي) نك شرق مدخلنده بعدله بطريقه لر زردنده بولنه جقدر .

پياده برنجي فرقه قومانداني


xxx

بالاده كي امرك برر صورتى : پياده برنجي وايكنجى لوالرى ، برنجي نشانجى طابورى ، سوارى الايى وطوبجى طابوريله استحكام بلوكى قوماندانلقلرينه عيناً وبيوك آغرلقيله نقليه قطارى قوماندانلقلرى وصحبه هيتتى رياسته خلاصه كوندريلور .

تنبيه — عموم خط مدافعه اوزرنده هر قطعه عسكرى به محدود بمنطقة ارائه اولنه رق منطقه مذكوره نك مدافعه سنه قطعه مذكوره مأمور ايدملك لازم ايسده يوللر وبالخاصه بركييددن سرور ايدن بيوك جاده لر ايكي قطعه بيننده خط فاصل اعتبار اولنامللى وبومثلاو جاده لك مدافعه سنه مخصوص قطعات مقننه (طابور ، الاي ، لواكي) مأمور ايدمليدير .

يان موضعى — بعضاً دشمنى باصحق ويا برهدف الحركاتى اكرى براستقامتمده مدافعه ايچون قوللانيلوب شو شرائطك كندوسنده بولنمسي لازمدر : ب — يان موضعى دشمن خط الحركا تندن تأثيرلى برمتزل داخلنده اولملى ويان موضعى ايله خط الحركا اراسنده موضع مزبورك تأثيرينى حكمنسز براقق اوزره دشمن طرفندن استعمال اولنمغه صالح مواضع بولنمليدير . ج — موضعك دشمن طرفنده كي ياني برمانع ايله مستور اولمليدير (شكلده ج ياني اولو دره ايله مستوردر) . د — خط الحركا عموميدن بشقه موضعك

کیروسنده برخط رجعت بولمیلیدر (ج) ده یان موضعی الان قوت (شارکوی) به چکیله بیله جکی کبی چرکس کوی اوزرینه ده رجعت ایده بیلور. ه — یان موضعی نظر دشمندن مستور اولمیلیدر



(ج) موضعی برزمین عارضه سیله ستر اولندیفی کبی. و — دشمنک مرور ایده جکی برکچید مقابلنده بولسان یان موضعی اک ابودر (ج) یان موضعی دشمنک مرور ایتک مجبوریتنده اولدیفی تاتار کوی کوی کویسی مقابلنده در. ز — یان موضعی اخذ اولندیفتنده خط الحركه اوزرنده دمداری هدف الحركاته طوغری رجعت

ایتدیره رك دشمنی اغفال الملك اكثرثا واقع اولوب دشمن اولوجه
اغفال ایدلدیکی حالدہ دخی یان موضعی اخذ ایدن قطعہ عسکریه
دشمنک یانی اوزرینه تعرض ایتلیدر (ق دمدارینه مراجعت)

❦ یکر منجی فصل ❦

اثنای محاربه ده جخانه تدارکی

ب — پیاده : ۱ — هر پیاده نفری اوزرنده اقلی ۱۰۰ فشنگ
بولندیرملیدر . بر محاربه دنصکره نفرات اوزرنده بولنان جخانه قسماً
اولسون مصروف بولنه جفتدن ایرتسی کونکی حرکاته نفراتی تام جخانه
ایله باشلاتقی اوزره محاربه تک اخشامی قوناق برلرنده اردوگاهلرده
نفراتک جخانه سنی ایکال ایتلی و بومقصدہ مبنی بلوک (ویا طابور)
قوماندانلری بیوک آغرلغه منسوب حیوانلرینه برقاج جخانه صندیپی ده
یوکتلی و بومصندقلری میدان محاربه کتورمیوب اخشام وقتی
اردوگاهده قطعات عسکریه التهاقی ایتدیرملیدر . ۲ — اثنای
محاربه ده توزیع اولنه حق فشنگلر طابورلرده جخانه نقلنه تخصیص
قلنه رق کوچک آغرلغی اقسامندن بولنان حیواناتدن اخذ اولنلیدر .
عسکر یوروش قولندن محاربه ترتیباتنه کچدیکی ائاده جخانه
یوکلو حیوانات هرالای و یا هرلواجه برارایه جمع ایدیلرک برضابطک
قوماندانسته و برلمی و حیوانات مذکورہ پیاده آتشنک منزلی خارجنده
وطوبچی آتشنندن محفوظ برمحله بولندیرملیدر . ۳ — مذکور
حیواناتی سوق ایدن ضابط انتخاب ایدلدیکی محک نرہ ده اولدیفنی قطعہ
(الای ، لوا) قوماندانسته و قوماندانده درحال تعبیه جزؤ نام
قوماندانلرینه بیلدیرملیدر . و محل مذکورایله عسکر بیتندہ کی مسافہ
آرہ سندہ (ایجابندہ) براخبار قرہ غولی بولندیرلررق بوتکله فشنگ
نقل ایچون کلان نفراته حیواناتک محلی ارانہ اولنلیدر . ۴ —

هر طابورده حيواناتك بولنديهي محلدن محاربه خطنه فشك نقل ايجون بلوك باشنه (صرمدن خارج نفرات وارايسه انلردن) ۲ : ۴ نفر تخصيص قلوب ايجابنده حيوانات مذكوره ده محاربه خطنه كوتوريله بيلور ايسه ده بويله برحالده حيوانات مزبورده يي مخاطرده سي اك آ ز يولدن كتورمكه دقت ايتلدير . ۵ — حيواناتك ثلثي و ياربهي بوشالديفنده مأمور ضابط بوبوش حيوانلري تكرر جېخانه يوكاتك اوزره اك يقينده پياده جېخانه قولنه كوندرير . باش قوماندان محاربه بىدا اولنزدن اقدام ويره جېكي اسرده (صحيفه ۱۴۶ و ۱۴۷ — سراجمت) . جېخانه پارقندن برقاج پياده و طوبجى جېخانه قولنى ميدان محاربه يقينه جلب ايللى واشبو جېخانه قوللري ده طوبجى آ تشك تاثيرلى منزلى خارچنده و آ تشدن مستور برمحله (محاربه خطنه تقريباً ۳ كيلو متر و كيروسنده) وضع اولمليدير . ۶ — فوق العاده احتياج كورنديكېنده جېخانه قوللري و يابوقوللر بوقسمى بيله ميدان محاربه ده ادخال اولنه بيلور . ايسه ده تعقيب اولنه جق استقامتك مخاطرده سي اك آ ز اولسنه دقت اولنق لازمدر . ۷ — بوشالان جېخانه قوللري تكرر يوكاتك اوزره منزل خطى اوزرنده اك يقين برانباره (ويا برمتوسط انباره) درحال دونمليدير . ۸ — پياده عسكريته بول بول جېخانه يتشديرمكه غيرتله برابر جېخانه يي اداره ايله قوللانمغه ضابطان طرفندن مقامداً دقتده شرط اولديفنندن ضابطان اثنای محاربه ده متعاقباً آ تيله جق فشكلك عديني تحديد ايتلى و نفراتك بوامره اطاعتلرينه نظارتله مرقوماتك پلاصقه زندن چيقاروب يانلرينه قويدقلى فشكلكرى تبديل موضعه تكرر پلاصقه لرينه قومبارينه فوق العاده دقت و شهيد و يامجروحلك فشكلكرى طويلتمغه ده غيرت ايتلدير .

ج — سواړى الايلرينه جېخانه يوكلو (نفر باشنه ۲۰ : ۲۵ فشك) برقاج مكاري حيواناتى ترفيق اولنوب سواړينك ياياجنكېنده حيوانات

مذکورہ محاربه خطی جوارنده و آتشدن مستور بر محله بولندیرلر ق
پایده جخانه سنک تدارکی حقندہ کی اصول ایله حرکت ایدیلور .
د — طوبچی ۱ — دولت علیہ صحرا طوبلرینک قونداق و طوبارلقلرندہ
نقل اولنان مریمی و خرطوجلر بروجه آیدر :

۹ سانتیمتره لک چنبرلی : ۲۰ دانہ ۱۰ شراپنل ۳ پشرو ۳۵ خرطوج

۸ سانتیمتره لک چنبرلی : ۲۴ — ۱۲ — ۳ — ۴۲ —

۹ سانتیمتره لک عادی : ۲۱ — ۹ — ۴ — ۳۶ —

۸ سانتیمتره لک عادی : ۳۲ — ۱۲ — ۴ — ۵۰ — ۲

انهای محاربه ده طوبارلقلر قاعدہ طوبلرک ۸ خطوه کیروسندہ
بولندیرلوب جوارده بر زمین عارضہ سی واریسه بومسافہ تزیید اولنہ بیلور
۳ — قیاقولرلرده نقل اولنان مریمی و خرطوجلر دخی بروجه آیدر :

۹ سانتیمتره لک چنبرلی : ۶۰ دانہ ۲۰ شراپنل ۲ پشرو ۹۰ خرطوج

۸ سانتیمتره لک چنبرلی : ۶ — ۲۴ — ۲ — ۹۰ —

۹ سانتیمتره لک عادی : ۶۳ — ۳۰ — ۶ — ۱۰۸ —

۸ سانتیمتره لک عادی : ۶۴ — ۲۶ — ۸ — ۱۱۰ —

۴ — هر بطریده اساساً اوج قیاقولر برنجی قدمہ قیاقولرینی و جخانه
بوکلو حیوانات دخی ایکنجی قدمہ یی تشکیل ایدرلر .

۵ — برنجی قدمہ قیاقولرلی احواله کوره یا طوبارلقلر برینہ قائم
اولور و یا خود ۵۰ : ۲۰۰ خطوه طوبلرک کیروسندہ و ممکن ایسه
آتش دشمندن محفوظ و هر حالده بطریه ایله خط مواصلہ سی موجود
اولان بر محله بولندیریلور . و ایکنجی قدمہ دخی محاربه خطنشدن
۸۰۰ مترو کیروده و مستور بر محله بولنور .

۶ — بدایتده آتملر طوبارلقلردن و یا برنجی قدمہ دن اخذ اولنوب
بولنورده بولنان جخانه نک نصفی صرف اولندیغندہ کیرودن جخانه
کتوردیلرک نقصان اکمال ایدیلور . برنجی قدمہ قیاقولرلرندن جخانه سی

ختم بولان قباقلول کيروه کوندريلوب يرلر شه ايکنجی قدمه دن جلب ايديلور . ايکنجی قدمه ميدان محاربه يه جلب اولسان طوبجی جخانه قوللر دن يکی جخانه آلورل (صحيفه ۱۴۶ و ۱۴۷ - مراجعت اولنه) جخانه سی ختم بولان طوبجی جخانه قوللری دخی اک يقينه بولنان انبارلر دن (ويا متوسط انبار دن) جخانه يوکلنک اوزره کيروه عودت ايدرل ۷ — فوق العاده ضرورت حالده طوبجی جخانه قوللری بيله محاربه خطنده بولنان بطريه له جخانه اعطا ايلک اوزره مذکور بطريه يانه قدر جلب اولنه ييلور .

۸ — سيار برفر قه ويا قول اردونک (منزل خطی اوزرنده بولنان انبارلر ده کی جخانه دن بشقه جه اوله رق) طوبارلق قباقلو وطوبجی جخانه قوللر دنده بهر ۹ سانتيمتره لک جنبه رلی صحرا طوبی ایچون : ۱۶۰ دانه ۱۲۰ شراپنل ۱۰ پشرو ۳۰۰ خرطوج بولنلق لازمدر .

يکرمی برنجی فصل

۱ خدمت صحیه

۱ — محاربه کريشله يکی اتاده قطعات عسکريه طبييلری احتياط حذاستنده صحیه مرکزی تأسيسنه مسارعت ايدرل . (بومرکز لر طاغنيق تأسيس اولمليد رل) صحیه مرکزلرينک خدمته هر پياده بلوکنه ۴ تسکره جي ویرليد ر . ۲ — صحیه هيئي ويا بربرندن آريله رق بری پيشدار ديکری قسم کلی رفاقته ده کی صحیه مفرزه لر ی سرطبيک امريله فرقه له مخصوص بيوک صحیه مرکزي تأسيس ايدر (بومرکزک موقعی انتخاب ايتک اوزره طيب مومی اليه فرقه يک ارکان حربه رئيسی اليه مذاکره ايليد ر) . مرکز مذکورک موقعی قطعاتک کافه سنه اعلان قلمليد ر . ۳ — صحیه مرکزلرينک موقعی انتخابده دقت اولنه جق شرائط : ب — صحیه مرکزلرينک

موقعی ممکن اولدییی قدر اراضی عارضه سیله مستور اولمی و بیوک صحیه مرکزینک موقعی دخی زمین عوارضیه مستور و پیاده آتشنک تأثیرلی منزلی خارجنده (محاربه خطنک تقریباً ۱۰۰۰ م کیر و سنده) بولغلیدر . ج — موقع اراشدیردیغنده سهولتله بولغلیدر . د — قابل نقل اولان مجروحیندن سهولتله تخلیه اولنه بیلیدر . ه — یازین کولکلی وقیش ایله فنا هولده محفوظ ویر ابو صو یقینده اولمیدر . و — بیوک ذخیره انباری ، مغازه ، خان ، فابریقه کبی محالیر بیوک صحیه مرکز لکنه اک زیاده صالح و مفرد برچفتلک برکوی ده کی برخانه به ترجیع اولغلیدر . ز — صحیه هیئته [تسکره لر ویا مجروحین نقلنه مخصوص مکاری حیواناتی ایله برابر] تسکره جی افرادی ترفیق اولنور . بوتسکره جیلردن ۴ : ۱۰ نفر دن مرکب تسکره جی قولاری تشکیل ایله براونباشی ویا برقدملی تفک معینته ویریلور . بونلر مختلف صحیه مرکز لری اراسنه طاقیله رق اشبو مرکز لردن کی مجروحینی بیوک صحیه مرکزینه نقل ایدم جکلری کبی محاربه دن صکره میدان محاربه ده قالمش اولان مجروحینی نقل ایتک ایچون بلوکلرک تسکره جیلرینه ده معاونت لازمه ده بولنورل . ه — سرطیب مجروحینی نقل ایچون لازم اولان مکاری حیواناتی ویا بوش آرا به لری الد ایتک اوزره اداره رئیسنه مراجعت ایدوب مجروحینی سیارخسته خانلره طاشیق ایچون وسائط نقلیه مذکوره بی بیوک صحیه مرکزینک یقینده جمع ایتدیرمیدر . ۶ — سیارخسته خانه طاقلری (برنجی خط سیار خسته خانه طاقلری) طویجی آتشنک تأثیرلی منزلی خارجنده (محاربه خطنک ۳ : ۴ کیلو مترو کیر و سنده) وقریه ، خان ، فابریقه ، بیوک انبار ویا مجروحین وضعنه صالح اماکن سائرده تأسیس اولنور . ۷ — سیار خسته خانه طاقلرنده کی مجروحین مؤخرأ بر ثابت صحرا خسته خانه سنه ویا برکوکلی

خسته خانه سته نقل ایدیلور و بو حالد مذکور سیار خسته خانه طاقلری
 مالز مه لینی طوبایوب ینه اردونک کیر و سنده حرکت ایدرلر . ۸ —
 مجروحین صورت آتیه اوزره مختلف جمعیتلره تقسیم اولنه رق خسته
 خانه لره یرلشدیریلور : ب — یاره لری خفیف و یوریمکه مقتدر
 اولانلر مفرزه مفرزه جمع ایدیلوب فرقه نک بیوک صحیه مرکزنده
 یاره لری صارلقدنصکره ایکنجی خط سیار خسته خانه سته و یا منزل
 خطنک نهایت موقفنده تأسیس اولنان برخسته خانه یه و یا خود دار
 الحركات یقیننده بولنه رق دروننده نقهای عسکریه دبویی تشکیل
 و برثابت خسته خانه یه سوق واعزام ایدیلور . منزل خطرینک نهایت
 موقفلرنده کی خسته خانه لرده یر قالدیفی حالد اک خفیف یاره لیلر
 داخل مملکتده دائمی خسته خانه لردن برینه کوندریلور . ج —
 یاره لری خفیف فقط یوریمکه مقدر اولمایانلر بیوک صحیه مرکزندن
 سیار خسته خانه لره نقل و بورالرده . منزل خطنک نهایت موقفنده کی
 خسته خانه لره نقل اولنور . د — آغریاره لیلر بیوک صحیه مرکزندن
 سیار خسته خانه لره کوندریلوب برثابت خسته خانه یه (ثابت خسته
 خانه برقاج یوز (۴۰۰) یتاق ایچون مقتضی اشیا ولوازم ایله برقاج
 طبیب و اجزای و ساثره دن مرکب برخسته خانه دن عبارتدر بونلره
 خصوصی مکاری (و یا آرابه لر) ویرلدیکندن مذکور خسته خانه
 دار الحركات اوزرنده منزل خطنه مخصوص وسائط نقلیه ایله نقل
 ایدیلور .) نقل ایدیلجه یه قدر سیار خسته خانه لرده تدای اولنورلر
 ه — الحاصل برقاج کون ظرفنده یاره لری ایولشوب قطعه لرینه
 عودت ایده بیله جک درجه ده یاره لری خفیف اولان بردرنجی صنف
 مجروحینی ده واردرکه بونلردن برنقهای عسکریه دبویی تشکیل قلنه رق
 برسیار خسته خانه ده و یا دار الحركات اوزرنده برثابت خسته خانه یه
 ربط ایدیلور . بونوع مجروحینک برمقداری نقلیه قطاری محافظلننده

استخدام اولنه رق اردونك كبروسنده حرکت ایتدیرله بیلدیکی کبی موقتاً منزل محافظتقلرنده ده قولانیله بیلور (صحیفه ۴۰ — مراجعت)
 ۹ — فرقه قول اردو ویاردو سرطیبیلری مجروحینی تداوی ایتمکله اشتغال ایلیوب اداره سی عهده لرینه حواله اولنان خسته خانه لرله خدمات سائره صحیه نك هیئت عمومیه سنی اداره ایله مشغول اولورلر . ۱۰ — سلاح اندازلرك اثنای محاربه ده مجروحین نقلی ایله اشتغال ایلاملری شدیداً امر اولمیلیدر .

— یکر می ایکنجی فصل —

بم افراد و حیوانان دن متحصل نقصانك اکالی لڤ

۱ — عصر مزده محارب اردولرك تلفاتی حساب ایدیلور ایسه تلف و مجروح اوله رق موجودلرینك یوزده اون دردی قدر ضایعاته دوچار اولمش اولدقلری کوریلور . ۲ — ضایعاتك چوغی پیاده دندر . پیاده نك ۳ ضایعاتنه مقابل سواریدن ۱ طوبجیدن ۱ استحکامدن ۰,۳ وقوعبولور . ۳ — صورت عمومیه ده ضایعاتك بشده بری تلف و دردی مجروحدر . ۴ — نفراتدن ۲۲ ضایعاته مقابل ضابطاندندر . ۵ — ۱۰۰ ضایعاتك (۸۰) ی پیاده آتشدن (۱۸) ی طوبجی و (۲) سی اسلحه جارحه دندر . ۶ — اکثریا خستكا نك مقداری مجروحیندن زیاده اولور . ۷ — ضایعات کثیره دن طولانی اقسام مقننه عسکریه نك دوچار اولدیغی اقتدارسزلقدن تخلیصی اك زیاده شایان اعتنا مواددن اولدیغندن سفرده ضایعات واقعه نك سرعتله اکالی الزمدر . ۸ — ایلك یوروشلرده ایاق خسته لغندن برخیلی ضایعات ویرلدیکندن پیاده صنفندن سیار اردو موجودینك یوزده اونی نسبتنده برقوتك ده حرکات عسکریه نك بدایتنده دبیلردن سوق

مقتضيدر . ۹ — مؤخرأ اردونك ضايماتی يوزده يکرمی به بالغ اولديفنده دبوی بلوك و طابورلرندن اردويه يوزده ۲۵ نسبتنده پياده عسکری کوندرلك مقتضى اولديفی کپی طوبجی و سوارى صنفلرندن موجودك اوچده بری واستحکامنده اونده بری نسبتنده برقونك اعزامی لازمدر . كافه وسائط ممکنه به مهاجتله قوه عمومیه نك يوزده التمشدن اشاغی دوشمامسنه غيرت اولمليدر . ۱۰ — بارکیرلردن وقوعبوله جق ضايماتک يرینی طولديرمق ایچون دارالحرکاتده کړك اهايلدن تکالیف حربيه صورتيله اخذ وکړك اولجه مبايعه ايديلهړك هرسيار قول اردويه مخصوص بارکیر دبوی تشکيل اولملي و بديت سفرد هردبويد ۲۰۰ بارکیر بولنديرمليدر . ۱۱ — خسته بارکیرلر ایچون منزل خطرينك نهايت موقفلری يقيننده دبويلر حاضر لمليدر .

— يکرمی اوچنجی فصل —

استکشافات عسکریه

۱ — مختلف دارالحرکاتلرک استکشافات عمومیسى وقت حضرده اجرا قلنليدر . ۲ — وقت سفرد ه سوق الجیش و ياتبعيه نقطه نظرندن تماماً معين اولان بر مقصده استکشافات عمومیه اجرا قانوب اشبو استکشافانده اراضی يالکر مقصد مذکور ه نظراً تدقيق اولنليدر . ۳ — تفصيلاتده شونلره باقليدر :

يوللرده : ب — يولك طبيعتی (صنعیي طبيعیي قالدیرمی طوبراقدنمی) ؟ ج — مواسم وازمنه مختلفهده يولك محتمل اولان حال عمومیسى . د — يولك بالخاصه (کوپری بوغازکي) کچيد محللرندهکی عرضی واوزرنده هانکی نظامده حرکت اولنهيله جکی . ه — يان طرفلرنده يورومك ممکنيدر يوقسه کنارلرنده خندق ،

دیوار و سائره می وارد ؟ و — اوزرنده کی اك زیاده ديك یوقوش و اینیشلر . ز — کچیدکی کوپرلرک حالی . بو کوپرلر صنوف مختلفه نك مرورینه مساعد میدر کوپرلرک تعمیری ممکنیدر ؟ ح — کذر کاهنده کی دیگر نوع صو کچیدلرینك مروره درجه قابلیت . ط — یان طرفلرنده کی اراضینك طبیعتنه دائر معلومات عمومیه . ی — اطرفنده کی اك کوزل مواضع عسكریه . ك — دیرسکری طولاشماقی ایچون کس دیرمه صنعی و طبیعی یولره دائر معلومات . تیمور یولرده : ب — تیمور یولی خطی تکی ، چفتی ج — تیمور یولی اوزرنده کی یوقوشلر ، اینیشلر ، منخیلر . د — حفرلر ، املارلر ، کوپرلر ، تونلر ، موقفلر ییننده کی مسافات ، موقف و مقاصلرک طولی ، موقفلرک حال عمومی ، موقفلرده کی ثابت اسکلر و رامپلرله قطعات عسكریه یی بوشالتمق اوزره قاچ و اغونك یناشمی ممکن اولدینی و تیمور یولنده کی (واغون ، لوقوموتیف و سائره کبی) مالزمه متحرکه نك حال و مقداری . د — نقلیاتك اك زیاده سهولته هانکی نقطه لرده تعطیل ایتدیرلمی ممکندر .

صولر ، چاپلر ، نهرلر و ایرماقلرله سائره ده : ب — میاه

مذکورنه نك استقامت جریانی ، عرضی ، عمقی ، و بالخاصه کوپری ، قصبه ، کچید یقیننده تقریباً سرعت جریانی ، ج — کنارلر و ساحلرک حالی . د — یناغی چامورلیدر اطلر ، شلالر ، ه — سفائنه مساعد میدر جوارده بولنه بیلان هر نوع قایقلر ، واپورلر ، کیلر و سائره و — انشات صنیه (صوبندی ، کوپری ، ریختم و سائره) ز — تابعلر : ح — بالخاصه کوپری و کچید محللرینه و یا برعسکری کوپری قورومق استیلان نقطه لره جوار اراضینك حالی . ط —

برزاویه داخله تشکیل ایدن و یقیننده طوپی ایچون کوزل موضع اخذینه مساعد اولمغه برابر حاکم نقطه لیده بولسان محللر دشمنی مواجهه سنده کوپری قورمغه اك زیاده الیریشلی اولوب بویه محللره منتهی کوزل یوللر بولنور و قارشو ساحلده ده برسر کوپری انشاسی ایچون برنقطه استناد موجود اولور ایسه مذکور محللرک قیمت واهمیتی بدرجه دها تزاید ایدر .

معرلده : ب — جنس انشاسی (کارکیری اخشایی) عرضی ، طولی ، و طوپی سواری و پیاده نك مرورینه نظراً درجه مقاومتی ، قابل مرور بحاله وضعی ایچون نه کبی تعمیرانه محتاج اولدینی .
ج — سواری (کوپری به منتهی اولان یوللر) . د — قابلیت تحریریه سی . ه — باقلرله جسر طیارلز و بولرک جسامتی (تقدر آدم ، سواری استیعاب ایده جکری — طولرک ناملو وقونداقلرینی بردنمی و یا ناملونك آیری وقونداغك آیریمی نقل اولنه جفی) . و — یکیدلرک نه درجه ده مروره مساعد اولدینی . یتاغك حالی (پیاده نك مرور ایتسی ایچون ۱ سواری ایچون ۱/۲ و طوپی ایچون ۱/۴ مترو عرض لازمدر) .

مسکون محللرده : ب — موقعنك لایقيله تعیینی و حال و وضعیتی (علی الخصوص خریطه یا ککش و یا غیر مکمل ایسه) . ج — اوکنده کی اراضی . انداخت میدانی . د — خانه لک جنس بناسی . ه — مدافعیه سی و مدافعینك تستری نقطه نظرندن محیطنك حالی . و — محیطنك ضعیف نقاطی . ز — مدخللرک ، سوقاقلرک ، میدازلرک مدافعجه اهمیتلری . ح — اثنای مدافعده رجعتگاه و یا نقطه استناد مقامنده استعمال اولمغه صالح اماکن و ابنیه . ط —

محیطك ضبطندن صکرده مقاومته ثبات ایچون داخلنده خطوط مدافعه موجودمیدر . ی — خارجی احتیاطلر ایچون مواقع . اورمان واورمانجقلرده : ب — جنسی (اغاجلرك نوعی . صیقلی و سیرکلکی .) ج — محیطك حالی . د — داخلنك مرور و حرکت قابلیتی . ه — داخلنده کی مسکون محللر . و — داخلأ متعدد خطوط مدافعه موجودمیدر ؟ ز — اوک طرفده کی اراضیده انداخت میدانی . ح — مدافعه سی ایچون لازم اولان عسکرک تقریباً مقداری (بمقدار عدد نفراتجه بیان اولنیوب تهیه جزؤ تأملریله تخمین اولنور) :

الچی یرلر ، چایرقلر ، ساسله جبال : بونلرك بالخاصه قابل مرور و حرکت اولوب اولدنلری کشف اولنوب الچی یرلرده چایرقلرده اکینك نوعنه زراعتك حالنه و چایرقلرده پیادهنك ایاقلری باتیمه جق درجه ده طوپراغی قوتلی محللرك و حیوانات مرعالرینك زهرلرده بولندیغه و کویلولرك محصولی آرا به لرله زهرلرده سوق ایده ییلدکلیرینه و طوپچی ایله سواری بی کچورمك ممکن اولوب اولیه جقنه دقت اولنیلدر مواضع عسکریده : ۱ — محاربه موضعی (مدافعه بحثنه مراجعت) ۲ — پیشدار موضعی : میدان محاربه سی ایچون انتخاب اولنان موضعک ایلروسنده وقت قزائق اوزره پیشداری دشمن ایله محاربه یه طوتشدیرمق خصوصی پیشدارک برچوق ضایمانه دوچار ایدلمسلیه برابر بالاخره اجرا ایده جکی کیدو یوروش حرکتندن طولانی عموم عسکرک قوه معنویه سنك مختل و پریشان اولسنی موجب اوله جفندن میدان محاربه موضعنك ایلروسنده موضع مذکورددن مفرز اوله رق پیشدار ایچون بر موضع (ایلری موضع) انتخاب ایتکدن اجتناب

ایلملیدر . محاربه موضعنک ایلروسنده اوزاقچه بعض نقاطک ضبعی لابد اولدیغی حالده نقاط مذکورہ نی هیچ اولمزه قوای قلیله ایلہ اشمال ایتملیدر (بوشللو نقاطده سوارینک یا یا جنکله استعمالی مناسبدر) بالادہ کی افادادن مستبان اولدیغنه نظراً پشدار موضعی قوۂ عمومیہ نک محاربه ایدہ جکی موضعده بولنوب بناءً علیہ اشبو موضعک برقسندن عبارتدر .

۳ — دمدار موضعی : ب — مقصد وقت قزائمقدر بوموضعک صرف مدافعه نظرندن انتخابی لازمدر . ج — دمدار موضعده کلیتلو طویچی ایچون کوزل موضعلر بولملیدر . د — موضع آز پیاده عسکرله مدافعه اولنہ ییلہ جک برحالدہ اولمی وصف مذکورک بیوک مسافهلردن آتش ایتسی ایچون کوزل انداخت میدانی بولملیدر ه — ایلروسندہ کوزل برمانع بولملیدر . و — جناحلردہ متین استناد نقطه لری اوللی (موضعک چویرلسی پک چوق زمانہ محتاج بولنلی . ز — موضعک کیروسندہ کی اراضی دمدارک نظر دشمندن مستوراً رجعتنه مساعد اولملیدر .

تنبيه — استکشاف اجراسنه مأمور اولان ضابط دمدار ایچون بربرینک کیروسندہ متعدد موضعلر انتخاب ایتکہ دقت ایلمی ودمداره ویریلان طویچی عسکری پیاده به استناد اولق اوزره ترفیق قلمش اولدیغندن مذکور موضعلر بربرینک کیروسندہ یالکز طویچی آتشک منزله نظراً انتخاب اولنیه رق بربرندن مسافه لری نه پک زیاده ونہ دم پک آز اولملیدر . قطعات مختلفه عسکریه ایچون انتخاب اولنہ جق موضعده جبهه نک طول اصغریسی بروجه زیر بیان اولنشدرد : ۱ — برطاپور پیاده = ۲۵۰ م — هر مترويه ۳ نفر (یالکز صره داخلندہ کی سلاح اندازلر حساب ایدیلوب ضابطان داخل دکلدرد)

۲ — برپاده لواسی = ۹۰۰ م — هر مترويه ۶ نفر . ۳ —
 برفرقه نك پياده سي ايچون = ۱۳۰۰ م — هر مترويه ۹ نفر .
 ۴ — برقول اردونك پياده سي ايچون = ۲۶۰۰ م — هر مترويه
 ۹ نفر ۵ — مكمل برفرقه (۱۷ طابور پياده برسواري آلاي
 و بر ايكي طوبجي طابورندن مركب) = ۲۰۰۰ م (اعظمی ۲۵۰۰ م)
 ۶ — ايكي فرقه دن مركب برقول اردو = ۳۵۰۰ م (اعظمی
 ۴۵۰۰ م) .

استكشاف لايحه لری — ۷ — استكشاف ايچون ويريان هر امر
 بر مقصد هسكري نقطه نظرندن بر قسم اراضي به دائر برسؤال مقدر
 ديمكدر بوكا مأمور ضابطك هر شيدن اول شو سؤاله واضح وقطي
 جواب اعطا المسی لازمكور (وقت سفرد تربييات و تعريفات
 مفصله يني تدقيق ومطالعه به پاشارك وقوماندانلرك وقتي مساعد اولديغندن
 بومثللو تفصيلاتدن قطعياً اجتناب ايتليدر) .

مثلاً: ب — بر موضع استكشافنده : حال حاضر نجه موضعك فرقه
 (ويا قول اردو ، پشدار ، دمدار ، مفرزه) ايچون فائده لي
 اولوب اولديغني بيان اولمليدیر . ج — بر قصبه ، اورمانچق ، اورمان
 استكشافنده : مدافعه به الويريشلي بولنوب بولمديغني افاده ايتليدر .
 د — كوپري قورمق ايچون برنهر استكشافنده : فرقه كوپري
 طاقی (مثلاً ۳۰ م لك كوپري يي قورمغه كافيدیر ويا قول اردو
 (۱۲۰ : ۱۳۰ م لك) ويا اردونك كوپري طاقی جاب ايتكمی
 لازم كله جكدر بورالری بيان اولمليدیر (چونكه بويله بر زمانده اك
 زياده يلمسی لازم اولان شی شوماده اولوب يوقه شوهرك مترو
 وسانتيمترويه قدر عرضی . عمقی ، سرعت جريان وساژده سنی صورت
 صحيحه ده مبین مقادير دكلدر) . ه — دشمنك كوزی اوكنده

مرور ایدلک مراد اولنان بروادی ویا دره نك استكشافنده : وادی ویا دره نك عرضنه نظراً مخالف طرفنه طوبجی ايله حاكم اولمق ممكن ايسه او طرفده کی بوغازلی قوتلی طوبجی آتشی آلتنده بولنديرمق وبونك ايجونده طوبجی به يالکيز موضع آلديره ييلك کافی اولوب مخالف طرف حاكم اولدینی حالد ايسه وادیدن كچمك خصوصی پك زیاده صعوبت كسب ایدرك بدايت امرده پیاده عسکرینی وادی به ایندیرمك وطوبجی طرفدن معاونت كورمكسزین مذکور پیاده یی وادینك حاكم اولان مخالف طرفنده کی دشمن پیاده وطوبجیسی اوزرینه هجوم ایندیره رك او طرفك بوغازلینی ضبط ایلک ایجاب ایدره .

۲ — استكشافات اجراسنه مأمور ضابط اولوجهله قطعی بر جواب اعطا ایلدكدنصكره افاده سنی اثبات ایتك اوزره تفصیلات لازمه دخی اعطا ایتلی فقط اثنای استكشافده دقت اولنسی لزومی انفاً بیان اولنان خصوصاتك كافه سنی ذكر وتعدادده بر فائده ومحسنات اولدیغندن مقصده و وضعیت عسکریه نك حال حاضرینه نظراً اهمیتی دركار اولان خصوصانه دائر معلومات ویرمیلدر .

۳ — استكشاف لایحه سنك صورت تحریری : استكشاف لایحه سنك تحریرینه دائر قطعی افاداته قالشعق ممكن اولیوب بوخصوص مقصده حال و وضعیته ، موجود اولان وسائط وزمانه تابعدر (بعض عسکری کتابلرنده استكشاف لایحه لرینك صورت ترتیب و تحریرینه دائر قواعد مفصله موجود ايسه ده قواعد مذکوریه توفیقاً لایحه یازمغه قالشلدينی صورتده استكشافه لزوم كوسترن حرکت اكثراً اجرا اولنه رق ختام بولدقندنصكره لایحه یی بتورمك انجق ممكن اولور !) خریطه اوزرنده بعض معلومات اعطایی اكثریت اوزره حصول مقصده كفايت ایدر . شوقدرجق معلومات كفايت ایتدیکی

حاله استکشافه مأمور ضابط اک زیاده مهم بعض معلوماتی (ملاحظه) قتلوق برقاچ سطرله افاده ایدرک خریطه ده موجود اولیان بعض تفصیلاتی مبین اولقی اوزره دخی قورشون قلی ایله عادی برقروکی یاعلیدر (نمونه به مراجعت) .

اولدقجه منتظم صورتده ترسیم قلمش برقروکی علاوه سیله اصول وقاعده سی دائره سنده یازیلان استکشاف لایحه لری قلعه حربلرنده ومواضع مستحکمه ده اولدیغی کی وقت وزمان مساعده اولدیغی وقتلرده ترتیب ونحریر اولنوب صحرا حربلرنده ممکن رکدر .

❦ یکر می دردنجی فصل ❦

سوق الجیشه دائر بعض قواعد

۱ — حرکات جسیمة حربیه بی اداره به قادر اولقی انسانک معلومات مکمله سندن زیاده یارادلشنه موقوف برخاصه جلیله در . مشهور زومینی دیرکه : « مهندسلرک پرکاری ناپولئونلرک وفره در یقزلرک زکاوت وفراسق خارق العاده لری قارشوسنده دکل سوواروفلرک ماسنارک فطرت و اوصاف عالیله لری یاننده بیله برایش کوره مز . » « حرکات جسیمة حربیه بی اداره به قادر اولقی ایچون اسفار سالنه تواریخنی کمال دقت واتباه ایله مطالعه ایتمکدن بشقه برواسطه حسنه یوقدر . » ملاحظات آتیه سفر کبیرک یالکز اک مهم مسائلنی حل وفصل ائناسنده مراجعت اولنقی اوزره سرد اولنمشدر : ۲ — خدمت عسکریه مجبوری اولدیغی تاریخنن اعتباراً ملل مختلفه نك قوای عسکریله لری مالک اولدقلى اردولردن عبارت قالدیغی جهته ملل مرقومه به غلبه ایتک سفره سوق ایله کمری منتظم اردولری اول باول مضمحل وپریشان ایتکه متوقف اولوب بناء علیه وقت سفرد کافه حرکاتمزک هدف

اصلیسی دشمن اردوسندن عبارت اولق لازم کلور . ۳ — دشمن اردوسنی محو ایتک انجق حرکات تجاوزیه اجراسیله ممکن اوله جفندن سوق الجیش تعرضی بی ترجیح ایتک ایجاب ایدر . حال تحفظیده نتایج قطعیه استحصالی ممکن اولدیغندن بعض فوق العاده حالاتدنطولایی برمدت حال تحفظی اختیار اولنسه بیله حال تجاوزینک اجراسنی درپیش ایتلیدر . ۴ — دشمن اردوسنی پریشان ایتک ایچون بر (میدان محاربه سی) اجرادن ایوواسطه اولدیغندن دشمن اردوسی علیه اجرا قلنه جق حرکات کافه بی دشمنی قطعی بر میدان محاربه سی ویرمکه مجبور ایتک جهتته منعطف اوللیدر . ۵ — بوکونکی کونده تحشید ایدیلان جسیم اردولرک اعاشه سی جوق مصرفه محتاج ومملکتک ثروتی آرزمانده افنا اولنه جفندن محاربه سی بر آن اول اجراسنه ممکن مرتبه غیرت اولملیدر . ۶ — ۴ و ۵ نومرولی ماده لره نظراً شدله سوق واداره اولنان هر سفر دشمک باشلوجه اردوسی علیه غایت سریع بر حرکت تجاوزیه اجراسیله بدأ ایدوب برویامتعاقباً برقاج میدان محاربه سیله ختام بولور (۱۸۶۶ ۱۸۷۰ سفر لری) ۷ — باش قوماندانک مهارت خارق العاده سی مستثنائولق اوزره محاربه ده استحصال ظفری عساکر منتظمه ک کثرتندن بشقه تأمین ایدر برواسطه اولدیغندن بر قطعی میدان محاربه سی ایچون ممکن اولدیغنی قدر زیاده قوت تحشیدینه غیرت اتملیدر . ناپولئون درکه : « بر میدان محاربه سی ویرمک استدیکک زده بالجله قوتکیزی جمع ایدرک اک کوچک برقطعه ک جلبنده دخی امال کوسترمیکز . زیرا بعض دفعه برطابور بیله محاربه ک بشقه بررک کسب ایتسنه سبب اولور » . ۸ — بوندن اکلاشیلیورکه قطعی میدان محاربه لری اجرا ایدیه جکی ائنده فوتک برقمی افزاره سبب اوله جق بشقه بر مقصدک اجراسندن

اجتناب ایللیدر . (میدان محاربه سنده موقعیتی تأمین ایتک اوزره
افراز ایدیله جک قوتده لزومندن زیاده اولمالیدر .) ۹ — بیوک
بر میدان محاربه سی قرانلیدی صورتده کسندولرنده بر منفعت حس
اولنان بالجه مقاصد فرعیه ک استحصالی دخی میسر اولور . ۱۰ —
بر قطعی میدان محاربه سنده اک چوق قوت تحشید ایتک ایچون
مختلف اصولر مستعملدر : اک امینی حرکات جسمیه باشلزدن اقدم
قوتک کافه سنی طوپلیه رق یالکز بریولدن (خط الحركه) ایلرویه
حرکت ایتدیرمکدر . فقط عسکر کلیتلو ایسه بو اصول قابل استعمال
اوله مز . چونکه ۳۰۰۰۰ قوتنده بر قول اردو یالکز بر خط الحركه یی
تعقیب ایلدیکنه نظراً یوروش قولک درینلکی همان ۲۵ کیلو مترو
اولدیغندن قولک باش طرفنده بر محاربه یه باشلندیغنده میدان محاربه یه
اوکون یالکز مذکور قول اردو واصل اوله بیلوب بونک کبروسنده
وعینی یول اوزرنده حرکت ایتکده اولان دیگر قول اردو ایسه
محاربه میدانه واصل اولقی ایچون عادی بر قوناقلق مسافه دن زیاده
بر مسافه قطع ایتک لازم کلدیکندن اشبو قول اردو محاربه ک
باشلندیقی کون میدان محاربه سنه یالکز باش طرفنی سوق ایده بیلور .
بومثللو قوای کلیه ک یالکز بریول اوزرنده اعاشه سی دخی اکثریا
غیر ممکن اولدیغیندن متعدد یوللردن (خطوط الحركاتدن) حرکت
لازمکلور . متعدد قوللرک استلیدیکی وقتده تحشیدینه امکان ویرمه جک
درجه ده یکدیکنندن اوزاق اولان (خطوط الحركات متوازیه)
اک زیاده قابل ایسه ده [عرضاً ۵۰ کیلو مترو مسافه داخلنده حرکت
ایدن براردودن مرکزده کی قولک باش طرفی دشمنه تصادفله محاربه یه
طوتشدیقی حالده مذکور اردویی کاملاً اوکون محاربه میدانه جلب

وجع ایتک ممکندر [مقدار کافی موازی یوللر بولتی ممکن اوله منر .
 بنابرین اکثریتله (خطوط الحركات متقاربه) استعمالی لازم وبوحالده
 بالجله قوتک محاربه یه اشتراك ایچون میدان محاربه سنده بهمه حال
 نجمی تأمین اولنه جق صورتده بر (تجمع منطقه سی) انتخاب
 ایتکه وسیعاً مذکور منطقه یه دشمندن اول وارمغه دقت ایتلیدر .
 چونکه بوکاعدم رعایتده دشمن بر قوه کلیه ایله متعدد قوللر اراسنده
 بولنه جفی یعنی خطوط الحركات داخیدن استفاده ایدم جکی جهته مذکور
 قوللر بتعاقباً بر بر مغلوب اولتی مخاطره سنده بولنورلر . ۱۱ —
 دشمن اردوسنه طوغری اجرا قلنه جق ایلرو یورویشلرنده ترتیبات
 بسیطه مغالطه لی ترتیباتدن هر حالده اولادر . دشمن علیهنه برچویرمه
 حرکتی اجرا ایتک مقصدیله ترکیب اولنان یورویشلرده تأمین موفقیت
 ایچون برچوق قوللرک یورویشلی بر برینه لایقیله توافقی ایتک لازم
 اولوب حالبوکه بومثلاً حرکتلرده طالعک دخل وتأثیری دها زیاده
 ووقوعات غیره لموظه نك ظهوری ، دشمنك بفته باصقنلری اك چوق
 محتمل اولدیغندن مذکور حرکتلرک نتیجه سی اکثریت اوزره وخمیدر .
 (اشبو حرکتلر طاهرأ غایت دقیق حسابات اوزرینه مؤسس
 کورندکارینه مبنی بر شهرت کاذبه احراز ایتشلردر) . ۱۲ —
 قطعی اولان هر میدان محاربه سنده بذل اولنه جق مساعی یالکز
 محاربه ی قزاقی جهته مصروف اولیوب دشمنی بستیون محو وپریشان
 ایتک جهته دخی معطوف اولتی لازم اولدیغندن نفع وفائده سی
 اك زیاده اولان حرکت دشمنك خط رجعتی قطع ایتکه برابر بالجله
 قوای موجوده ایله دشمنی یاندن ویا ارقه دن اورده جق صورتده ترکیب
 اولنان مانوره در . ۱۳ — کمال سرعتله و بیوک مسافه لر قطعیه حرکات
 تجاوزیه اجرا ایدن براردو یورویشلرک مشاق ومزاحم فوق العاده سندن

طولانی ایلرولدیجک کسب ضعفیت ایدوب حالبوکه دشمن اردوسی
 بو ائشاده کندی منابع قوتی اوزرینه چکیلهرک کیرولدیجک تربید قوت
 ایلیه جکندن مذکور تعرض اردوسنک دائما کیروسیله منتظم صورتده
 یوللری موجود اولقی لازمدر . کیرو طرفده منتظم بر منزل خطنه
 مالک اولقی علی الخصوص تعرض اردوسی ایچون لابد اولوب خط
 مذکور ضایعات واقعه تک یرینی طولدیرمق اوزره تعرض اردوسنه
 کوندریله جک احتیاط و دبوی عساکری و ساثره ایله هر وقت طولی
 اولمیدر . ۱۴ — ماده سابقه دن مستبان اولورکه لایقی وجه اوزره
 اداره اولنان بر سفر تدافیده دشمنی یوره رق ضعیفلندیرمغه سعی ایتلی
 و خصوصیه کیتدجک قوت بوله رق نهایت الامر قوتجه دشمنه قائق
 اولقی ایچون وقت قزاعغه غیرت ایلیدر . ۱۵ — بناءً علیه حال
 تحفظی اختیار ایدن براردو دشمنی توقفه مجبور ایلک تلفات کتیرمه
 دوچار ایتک اوزره کافه وسائطدن بحق استفاده یه دقت ایتلی ومع
 هذا دشمنه یالکز مقاومت دکل غلبه دخی ایدم جک درجه ده
 قوتلنمکسزین آنکله قطعی بر محاربه یه طو تشمقدن اجتناب ایلیدر .
 ۱۶ — نهر و سلسله جبال کبی خطوط مدافعه سوق الجیشیه بی حین
 مدافعه ده بالجمله کچید نقطه لرینی محافظه ایلک اوزره قوتی خطوط
 مذکور مک بویونجه طاعتمقدن ایسه مذکور کچید نقطه لرندن کچر
 ایکن دشمنه تلفات کلیه و بر دریمکه کفایت ایدم جک قوتده سیار
 و کوچک مفرزه لر ایله مذکور کچیدلری ترصد و اشغال ایتلی و دشمن
 اشبو کچیدلردن بالمرور داخل مملکتده یا یلغه باشلادیغنده اکامقات
 ایتک و یابی پروا ایلرولیان دشمن قوللردن برینک یانته طوعزی تعرض
 ایدرک انی یاندن اورمق اوزره قوتک قسم اعظمی کوزل بر موضع
 مرکزیده طولو بولندیرمیدر [ناپولئون خطوط میسایه تک

مدافعه سنده شو مطالعه ده بولنه شد: (برنهرک قارشو ساحلی قوشاده رقی مدافعه ایتک پک مخاطره لیدر . چونکه کچید نقطه لرینک برندن بفتة کچمک دشمن ایچون دائما ممکن اولوب دشمن اولوجهله مروره موفق اولدیفنده ایسه مدافینی غایت اوزون برخط اوزرند طاغیلش بوله جفی کبی طولینمسنده مانع اولور) . ۱۷ — دشمنی یورمق وقوتدن دوشورمک ایچون بلاوباشلو متین خطوط مدافدن اولق شرطیله ممکن اولدیفی قدر برقاج خط مدافعه اوزرند تجدید مقاومت اسبابی استحضار ایلک لازم ایسه ده خطوط مدافعه مذکوره دن هربریخی آریجه برقوه قلیله ایل مدافعه ایتیوب بالعکس خطوط مزبور دن بریسی ترک ایدلیکنده دشمنه یکیدن مقاومت ایتک اوزره قوای کلیه ایل دیکرینک مدافعه سنه شتاب ایتلیدر .

۱۸ — وقت قزاق مقصدیله دشمنی بولندن چویرمک وکندو سنجه نفع وفائده سی اولیه جق حرکتلر یورویشلر اجراسنه مجبور ایدهرک یورمق وضایعات کثیریه دوچار ایلک اوزره اکثر وقتلرده دشمنه طوغری راستقامتده مقاومت اولنیه رقی بریان موضع اخذ ایدمک ممکن ومناسبدر . بومثلاو یان موضعلر علی الخصوص رجعت حرکتلرند استعمال اولنه بیلور . ستر اولنه جق هدف اوزرینه طوغریدن طوغری به چکامکله دشمن هدف مذکوره جلب اولنوب حالبوکه هدف مزبور بریان موضع اخذیله ستر اولنور ایسه دشمن آندن چویرلش اولور . نهرلر اکثر حالاتده وباشلوجه نهرک قارشو ساحلنه مروره مساعد اوله جق برقله به استناد ایدلیکنده بریان موضع اخذیله مدافعه اولفق ممکندر . ۱۹ — تعرضه شدت وسرعت نه قدر لازم ایسه مدافعه ده دخی اول نبتده ثبات ومثانت مقتضی اولوب دشمنه قارشو قویتمی ایچون هرواسطه دن وهوفرصتدن

استفاده ایتکه جهد ایتلیدر . ۲۰ — حرب تدافعیده استحکامات خفیفه ټك کثرتله استعمالی لازم ایهده عسکری عملیات تزاریه ایلله زیاده یورمقدن دخی اجتناب ایتلیدر . ۲۱ — دشمنك جهت تعرضك معلوم اولماسی مدافعین ایچون اك زیاده بادی ضعف برماده اولدیفندن مدافعین فعالانه برحالده حرکتله دشمنی برنظارت متمادیه التده بولندیرملی ومطلوب اولان براسستقامته چکمك ایچون دشمنله محاربهر دخی ایتلیدر . مدافعنك شو صورتله فعالانه حرکتی نهایتده اجرا اولنه جق تعرض مقابل حرکتی دخی تسهل ایدر . ۲۲ — مظفریتی دست دشمندن نزع ایتك ایچون اك صوك احتیاطی دخی استعمال ایتلیدر . ناپولیون بوناپارط دیرکه : « احتیاطلری ایرتسی کون ایچون حفظ ایدن جزالهر هر میدان محاربهنده مغلوب اولورلر » ۲۳ — استحصال مظفریتدن صکره : دشمنی غایت شدتله تعقیب ایتك اوزره يك حسورانه برصورتده حرکت ایتلیدر . ماره شالده ساقس دیمشدرکه : « مظفریتدن صکره عاقبت اندیشانه نصایحدن ماعدا هر نصیحت قابل استماعدر . »

❦ یکر می بشنچی فصل ❦

❦ استحکاماته دائر تنبیهات ❦

ب — بیوك قلعهلر ، توقیف قلعهلری ، استحکامات جسمیه ، هجوم ومدافعه ۱ — فی زماننا محیط خارجیسی سیار اردولر ایچون رجعتگاه اولوق اوزره بر مستحکم اردوگاه تشکیل ایده رك مفرز طایبهلردن مرکب اولان قلاع جسمیه به وباشلوجه سوق الجیش بوللرله کچیدلری سد ایدن توقیف قلعهلرینه فن حربجه بر اهمیت

فوق العاده و برلکده در ۲۰ — عادی محیطی قلعه‌ل زمانز طولیچینسک بومبار دمانه قارشو مقاومتن عاجز اولدقلری جهته بونوع قلعه‌لردن دشمنك طوپه طوته بيله جکی قلعه‌لک براهمیت عظیمه‌سی قائم‌شدر ۳۰ — بیوک قلعه‌لرده محیط اصلی استحکامات جسیه اصولیه و عملیات تقریبیه مباشرت اینکسزین ضبطی‌نا قابل برصورتده انشا اولنوب محیط مذکور قلعه‌ی دشمنك هجوم جبریسنه قارشو محافظه ایتدیکی کبی مفرز طایبه‌لر دخی زمانز محاصره‌لینه نهایت ویرمک شانندن اولان طویجی محاربه‌سی ایچون نقاط استناد تشکیل ایدرلر ۴۰ — مفرز طایبه‌لر قلعه‌ی بومبار دماندن محافظه ایلک اوزره اکثریا قلعه‌دن ۵۰۰۰ الی ۶۰۰۰ مترو مسافه‌ده بولنورلر ۵۰ — مفرز طایبه‌لر بربرندن دخی ۴۰۰۰ الی ۵۰۰۰ مترو مسافه‌ده بولنوب بریوک قلعه‌نک اطرافنی قوشاتق اوزره اکثریا ۹ الی ۱۰ طایبه کفایت ایدر ۶۰ — بیوک وسطی و کوچک طایبه ناملرنده باشلوجه اوج صنف مفرز طایبه‌لر موجود اولوب بیوک طایبه‌لرده ۵۰ طوپ و ۵۰۰ نفر وسطی طایبه‌لرده ۳۰ طوپ و ۴۰۰ نفر و کوچک طایبه‌لرده دخی ۲۰ طوپ و ۳۰ نفر بولنور. طایبه‌لرک آتش خطلری مجموعی ۲۵۰ الی ۳۵۰ مترو طولنده اولوب هر ایکی طایبه‌ییننده ۲ الی ۸ طوپلق متوسط و طایبه‌لرک یان طرفلرنده دخی ۶ الی ۸ طوپلق مجاور بطاریالر انشا اولنور ۷۰ — نفس قلعه محیطنک (محیط اصل) مدافعه سنه تخصیص قلنه جیق اسلحه ناریه و محافظین مقداری قلعه‌نک جسامتنه تابع اولدیغندن صورت مخصوصه‌ده حساب اولنق لازمدر . عمومیت اوزره قلعه‌نک هریر جبهه‌سنه برطایبه افواه ناریه و مدافعینی قدر اسلحه و مدافعین تخصیص ایلک کفایت ایدر . قلعه ایچون طویجی و پیاده‌دن مرکب براحتیاط

دخی تخصیص قلملیدر . ۸ — فی زماننا هریوک قلعده ۱۸۰۰۰ الی ۲۰۰۰۰ نفر محافظین و ۵۰۰ الی ۸۰۰ عدد طوب و ۶ آلیق دخی ارزاق بولندیریلور . ۹ — توقیف قلعهلرینک اطرافنده کی اراضی تقرب دشمنه ممکن اولدیغی قدر مانع اوللی و مذکور قلعهلر سد ابتدکاری جاده و یا خود کچیدلری طویجی آتشیه دوکک اوزره مذکور جاده و کچیدلره کوزل صورتده حاکم بولغلی و نفس قلعهدخی دشمنک هجوم جبریسنه قارشو محفوظ اوله جق وجهله انشا قلملیدر . بیوک وسطی و کوچک توقیف قلعهلری ناملرنده اوج صنف توقیف قلعهلری موجود اولوب بیوک توقیف قلعهلرنده ۸۰ الی ۱۰۰ طوب ۱۵۰۰ الی ۲۰۰۰ نفر ، وسطی توقیف قلعهلرنده ۵۰ الی ۶۰ طوب ۱۰۰۰ الی ۱۲۰۰ نفر و کوچک توقیف قلعهلرنده ۲۵ طوب و ۱۵۰ الی ۵۰۰ نفر بولندیریلور . (عربیه سرورینه مساعد اولان یوللری سد ایتک اوزره بالقانلرده ۸ الی ۹ طولقدن ۲۵ الی ۳۰ طولغه قدر توقیف قلعهلرندن برسلسله تشکیل ایتک پک مناسبدر) . ۱۰ — مستحکم اردوگاهلی بر بیوک قلعیه هجوم ایتک ایچون ۲۵۰ افواه ناریه ثقیله دن مرکب بر یارق ایله ۵۰۰۰۰ نفر لازمدر . ۱۱ — بومثللو بر یارق جخانه سیله برابر نقل ایتک ایچون ۲۰۰۰۰ یوک بیکیری و یا استر و یا خود ۶۰ شمندوفر قطاری اقتضایددر . ۱۲ — بیوک چاپلی بر طوبی برکونلک جخانه سیله (۶۰ آتم) برابر موقع محاصره یه کوتورمک ایچون چفت بیکیری ۱۰ عربیه (یا خود الی رأس یوک حیوانی) و ۶۰ آدم لازمدر . ۱۳ — ۴ الی ۶ طولباق بر طوب موقعی انشا و خدمتی ایفا ایتک ایچون بر بلوک قلعهلر طویجیسنه لزوم واردر . ۱۴ — موضع اخذ ایتش اولان بیوک چاپلی بر طوبه هرکون صرف ایده جکی جخانه یی یتشدیرمک ایچون

چفت بيکيرلی ۲ عربہ (ياخود ۱۰ يوك حيواني) لازمدر .
 ۱۵ — هرطوبہ (احتياط افراڊی ايله برابر) ۱۴ طوپچی نومرو
 نفری و آتش خطندن دخی ۱۲ مترولق طول تخصیص اولمليدر .
 ۱۶ — سپرلک هر ايکي مترولق محله ۱ محافظ پياده حساب
 ايدلمليدر . ۱۷ — محاصره جنگلرنده اک زياده آتی الذکر طوپلر
 مستعملدر : ۹ سانتيمترلک صحرا طوپی = دشمن طوپلرینی تخریب
 ایتکده (مونتر انداختی) اوزره و دشمن عسکری اوزرینه ۳۸۰۰
 مترويه قدر دانه و ۲۲۰۰ مترويه قدر شراپنل انداختی ایچون ۱۲۰
 سانتيمترلک طوپ = ده مونتر انداختنه و بومبار دمانده ۸۰۰۰
 مترويه قدر دانه و ۲۰۰۰ مترويه قدر شراپنل انداختی ایچون ۱۵
 سانتيمترلک قیصه طوپ = ده مونتر وحائللی برش انداختلرنده
 ۴۰۰۰ مترويه قدر دانه و ۱۸۰۰ مترويه قدر شراپنل انداختی ایچون .
 ۱۵ سانتيمترلک جنبرلی طوپ = بيوک مسافتدن غایت متین هدفلر
 اوزرینه ۸۵۰۰ مترويه قدر دانه انداختی ایچون ۲۱ سانتيمترلک
 شیشخانهلی هوان = ۴۰۰۰ مترودن اینیه سقفلرینی و تراورسلری
 تخریب ایتک ایچون . کوجک چاپلی هوانلر = ۱۰۰۰ الی ۲۵۰۰
 مترو مسافه دن دشمنی تعجیز ایتک ایچون .

بک محاصره نك صورت اداره سی

- ۱ — بدايت امرده قلعه ايله اوکنده کی اراضی صورت عمومیه ده
 کشف ایدیلور .
- ۲ — قلعه نك ممکن ایسه تکمیل جبهه لری اوزرینه بر آنده
 اوله رق احاطه حرکتی اجرا قلنوب دشمن قلعه نك اوکنده کی
 اراضیدن طرد و تنکیل اولنور .

۳ — مفرز طایه لرده کی دشمن طوبچیسنك تأثیرلی منزلی خارچنده (۲۵۰۰ : ۴۰۰۰ م مسافه ده) قوتلی برا حاطه خطی تأسیس اولنوب خط مذکوره صحرا استحکاماتی ومحاصره اردوسنك رفاقتنده بولنان صحرا بطریه لری ایله تدریجاً تقویت ویریلور .

۴ — ارکان حربیه رئیس ایله استحکام وطوبچی قوماندانلری طرفلرندن آیری آیری اوله رق قلعه کشف اولنوب هجوم جبهه سی دشمن طوبچیسنه تفوق ایده جك قدر طوبچییه موضع اخذایتدیرمك ممکن اولان محلك قارشوسنده انتخاب اولنور .

وبرنجی موضع بطریه لرینی ستر ایلك اوزره ایلری قره غوللرچیقاریلوب محاصره یارق و دویلیری آتش دشمندن محفوظ محللرده تأسیس ایدیلور

۵ — برنجی موضع بطریه لری مفرز طایه لردن ۲۰۰۰ : ۴۰۰۰ م مسافه ده تأسیس اولنوب مذکور بطریه لر (محاصره یارقنك اوچده ایکیسی) متحداً آتشه باشلایه رق غایت شدتلی وقطعی طوبچی محاصره سنه بدأ اولنور .

۶ — عینی زمانده پیاده عسکری برنجی موضع بطریه لرینی ستر ایچون شکل اراضیه نظرأ غیر منتظم اولان مواضع مستحکمه ده برلشدیریلوب صنف مذکور دشمن آتشدن مساعده کوردکجه سپرلر حفریله ایلولیه رك نهایت الامر خطوط تقریبیه یی برلشدیرر .

۷ — برنجی موازی دشمن استحکاماتندن ۶۰۰ : ۱۲۰۰ م مسافه ده تأسیس ایدیلور .

۸ — ایکنجی موضع بطریه لری : اولاً مدافعین طوبچیسنك مغلوبیت وبریشانیسنی اتمام ایتمك ثانیاً استحکاملر وسپرلرله سائره یی تخریب ایلك ثالثاً دشمن استحکاماتنده برش (کدیک) آچق ورابما قولتقلری

هـم ايتك اوزره دشمن استحكاماتندن ۷۵۰ : ۲۰۰۰ م مسافه ده
تأسيس اولنور .

۹ — پياده عسكرى ۳۰۰ : ۶۰۰ م برايكنجى موازى تأسيس
ايتك اوزره ايلرولكه دوام ايدر واستحكام قوماندانى باشلوجه
محاصره عملياتنه بدأ ايدرك عملياتى هجوم نقطه سنه صورت
منتظمه ده تقرب ايتديرر .

۱۰ — اوچنجى وغندالايجاب دردنجى موازى هجوم اولنان
استحكامك شيوصحراسنده وخندقك كنارنده تأسيس اولنوب خندقه
زول ايچون حاضرق كوريلور .

۱۱ — مع مافيه طوپچى دشمنك مفرز طوپلرني تخريب ايتلك
ومدافعين پياده سنى كندى سپلرينه دفع ايتك اوزره ۲ ، ۴ ، ۹
طوپلق طوپ موقعلرى انشا ايدرك ايلرور . بواشاده دشمنى
تعجيز ايتك ايچون كوچك چاپلى هوانلر استعمال اولنلق پك
مناسبدر .

۱۲ — هجوم .

۱۳ — نفس قلعه بومبار دمان ايله ضبط اولنه مدينى صورته
قلعهك محيطى اوزرينه دخى منوال مشروح اوزره بالتقرب هجوم
ايديلور .

﴿مدافعهك صورت اداره سى﴾

۱ — وقت صلحه هرقلعهك صورت تجهيز ومدافعه سى ايچون
بريلان موجود اولنقى ومذكور پلانده شوخصوصلر بولنلق لازمدر :

ب — استحكاماتك وقلعه اوكنده كى اراضينك صورت مدافعه سى
واستحكامات موقته اصوليله انشا اولنه جق استحكامات . ج — ابنى
عسكريهك ، عساكر محافظهك ، ججهانهك دويلرك ، خسته خانه لك

وخطوط مواصله نك صورت ستر و محافظه سی . د — عساكر محافظه ايله اهالىء قلعہ نك امراعاشه سی . ه — خدمات صحیه . و — امر مخبره نك صورت تنظیم و اجراسی .

۲ — قلعہ اشبو پلانك احكامنجه بااراده سنیة حضرت پادشاهی حال مدافعه یه وضع ایدیلور .

۳ — قلعہ حال مدافعه یه وضع اولنق اوزره برقاج جهته تقسیم اولنوب هرجهت ایچون آیریجه عساكر محافظه تعیین و عموم قلعده براحتیاط عمومی تشکیل اولنور .

۴ — احتیاط عمومی بدایتده خارج قلعہ ده بولنه رق قلعہ نك اوکنده بولنان (قریه ، طاع ، مستحکم کیدلر کي) اراضی مدافعه ایدر . اشبو احتیاط مفرز طاییه لره تقرب ایلدکجه مذکور طاییه لرك طویچی آتشی ايله مکملأ حایه ایدیلور .

۵ — دشمن طرفندن احاطه منطقه سی اتخاذ قلنه جق اراضی مفرز طاییه لردن تأثیرلی طویچی آتشی التنده بولندیریلور .

۶ — دشمن احاطه خطنه تماماً یرلشدیکنده مدافعین عسکری مفرز طاییه لردن مشکل اولان خط اوزرینه چکیلور .

۷ — مدافعین محاصره اردوسنك صرف ایلدیکی مساعیدن و بعض نقاط اوزرنده خط احاطه سنی صیقشدیرمسندن و محاصره بارقیله دبویلرینك تأسیس اولندیفی محللردن هجوم جبهه سنی تخمین واستدلاله حصر دقت ایدر .

۸ — مدافعین دشمن طرفندن تهدید اولنان جبهه نك مفرز طاییه لری بیننده متوسط بطریه موقعلرندن مرکب برخط مدافعه ترتیب و تهیه ایدر ك طوب محاربه سنه حاضرلور . مذکور بطریه لر محاصره بطریه لری کي انشا اولنوب احتیاط عمومی طویچیسنك افواه ناریه سی

واصل قلعہ ایلہ هجوم اولنمیان طایبہ لک قابلیت حرکتی اک زیادہ اولان طوبلری ایلہ تجهیز ایدیلور .

۹ — قلعہ جہات مختلفہ سنک پیادہ سنہ احتیاط عمومیدن تقویت

ویریلہ لک طوب موقع لرندل مشکل اولان خط حفظ وحماہ ایدیلور .

۱۰ — دشمن برنجی موضع بطریہ لرندن آتشہ بدأ ایلدیکنده

مدافعین طوبچیسندن میدان محاربہ بی تأثیرلی صورتده دووہ بیلان

افواہ نارہ نك كافہ سی طوب محاربہ سنہ بالاشترک دشمنہ مقابلہ ایدرلر .

۱۱ — دشمن طوبچیسی مغلوب اولدیغی حالده محاصرینک طوبچی

پارقنہ کلیتلو امداد ورد ایدنجه یه قدر محاصرہ تأخیر ایدیلور ،

محاصرین طوبچیسی بالعکس مدافعینہ تفوق ایلدیکی صورتده دخی

مدافعین طوبچیسینک طایبہ لری مدافعہ ایتمک و عملیات تقریبہ اوزرینہ

آتش ایلک ایچون لازم اولان طوبلرندن ماعداسی براینجی موضعه

چکیلور . مفرز طایبہ لر واشبو طایبہ لک یان طرفلرنده وارلرنده

بولنان طوب موقعلرینک طوبچیسی (مجاور و متوسط بطربہ لر)

وسپرلر دروننده کی پیادہ عسکری محاصرینک خطوط تقریبہ سنہ قارشو

محاربہ یه دوام ایدرلر . بواثناده بیوک خروجلر دخی اجرا اولنور .

۱۲ — طایبہ لک مدافعہ سی محاصرینی غایت بطی برهجوم منتظم

ایلہ ایلرولمکه و هجوم مذکورک کافہ ادوار مختلفہ سنی اجرا ایتمک

مجبور ایدمک صورتده اداره اولنق لازمدر . مفرز طایبہ لر خطی

اوزرنده ایدیلان محاربہ و مهاجمہ مدافعہ نك اک مهم دوریدر .

۱۳ — مفرز طایبہ لر دشمن النہ کچدیکنده نفس قلعہ محیطیلہ مواصلہ

وارتباطی مکمل اولق اوزره مدافعین طرفندن تہیہ واحضار ایدیلان

ایکنجی موضعه یکیدن محاربہ یه بدأ اولنور . اشبو ایکنجی موضع

دشمن طرفندن هجوم اولنمیان طایبہ لر موضع مذکور هجوم میدانک

يانلرني مدافعه ومحافظه ايدمك صورتده تأسيس اولنقى لازم اولوب بوحالده دشمن اولا موضعك يانلرندن برنده بولنان طاييه يي ضبط ايتك مجبوريتنده بولنور .

۱۴ — مدافعين متعاقباً بر موضعدن موضع آخره چكيله رك نهايت الامر نفس قلعه دروننه قيانديغنده دخي كرك محيط قلعه داخلنده وكرك دشمنك دست ضبطنه كچميان مفرز طاييه لرده دشمنه مقابله ومقاومت ايتك اوزره اسباب و وسائل قويه بوله ييلور . — الحاصل قلعه محيطيده دشمن طرفندن ضبط اولنديني وقت مدافعين نفس قلعه ده بولنان بر رجعتكاهه چكيلوب صوك درجه يه قدر ابراز مقاومت ايتليدر . — مدافعه نك نهايت دورنده محاصرينك خطوط تقريبيه سي اوزرينه كوچك خروجلر دخي اجرا ايديلور .

۱۵ محاصره پاره لرنيك تركيباتي لايحه

روسيه — هر برى ۴۰۰ افواه نارينه دن مركب ۲ محاصره پارقنه مالكدور . وهر پارقه ده آتى الذكر افواه نارينه دن تشكيل قلمشدر .

عددى	افواه نارينه نك جنس وچاپي
۶۰	۱۵ سانتيمتره لك (آغر) طوب
۱۴۰	۱۵ سانتيمتره لك (خفيف) طوب
۸۰	» ۱۰,۷ طوب
۲۰	» شيشخانه لى هوان
۲۰	» ۱۷ »
۴۰	» ۳۰ قوال هوان
۴۰	» ۱۵ »

اوستريا — ۴۰۴ افواه نارينه دن مركب بر محاصره پارقنه مالكدور :

عددی	افواه ناریه نك جنس وچاپی
۲۴	سانتیمتره لك چنبرلی طوپ ۱۵
۸۰	» عادی طوپ ۱۵
۱۰۰	» قیصه طوپ ۱۵
۴۰	» طوپ ۱۲
۴۰	صحرا طوپی
۲۰	سانتیمتره لك شیشخانه لی هوان ۲۱
۲۰	» » » ۱۷
۴۰	» قوال هوان ۳۰
۴۰	» » » ۱۵

ایتالیا — ۲۰۰ افواه ناریه دن مرکب برمحاربه پارقنه مالکدر :

عددی	افواه ناریه نك جنس وچاپی
۶۰	سانتیمتره لك طوپ ۱۶
۱۰۰	» » ۱۲
۳۰	» ابوس ۲۲
۱۰	» قوال هوان ۱۵

انكلتره نك محاصره بارق ۱۲۰ و فرانسه نكکی ۵۰۰ (بونك كبی ایکی بارق واردر) والمانیا نكکی ۴۰۰ (بونك كبی ایکی بارق واردر) افواه ناریه دن مرکبدر . هیچ بردولت برنجی درجه قلاعدن برآنده اوله رق ایکیدن زیاده قلعه محاصره سنه مقتدر دکلدرد .

نم محاصرین ومدافعینه لازم اولان جخانه نك مقداری اید :

مدافعین ایچون : افواه ناریه ثقیله دن هر برینه ۴۰۰ : ۷۰۰ آتم وهر تفنکه ۲۵۰ : ۳۵۰ فشنگ محاصرین ایچون : افواه ناریه ثقیله دن هر برینه ۱۰۰۰ آتم وهر تفنکه ۲۰۰ فشنگ لازمدر .


۱۰ میدان محاربه استحکاماتی

- ۱ — مستعمل پروفیلر : آوجی قبولی — آوجی سپری —
 تقویه ایدلش آوجی سپری .
 آوجی قبولی شکل ۱ ده مقطع و مسطحی کورلیدیکی اوزره ترتیب
 اولنوب طولی بهرکشی به ۰,۸۰ متره حسابیه تعیین اولنور .



(شکل ۱)


آوجی سپری — بونلرک انشارینه مساعد زمانه نظراً باشلیجه
 شکل ۲ ده کورلیدیکی اوزره دیز چوکش، اوپورمش، ایاقده وضعیتلری



(شکل ۲)

استعمال ایدللیدر . بونلر بری کورجکی ایکسی قازمه جی اولوق
 اوزره اوچر کشیک پوستلر ایله پایلور . مختلف مقطع و مسطحلرک
 ابعادینی مساحده معلومات آتیه دن استفاده اولنور . برخطه
 ۰,۷۵ متره ، ایکی بوسروغی قالچده اولوق اوزره افراد دیرسک

دیرسکه بولندقلری خالده برففرصرده ده ۰,۸۰ متره بریومروق قالچه ده




(شکل ۳)

اولورسه ۰,۷۰ متره اشغال ایدر . برپارق کورکنک طولی ۱,۳۰

تیمورینک ۰,۳۰ پارق قازمه سنك ۰,۸۰ ؛ تیمورینك ۰,۴۰ متره در پورتاتیف كوركك طول كاملی ۰,۵۰ تیمورینك طولی ۰,۲۰ تیمورك اك كوچك عرضی ۰,۱۵ پورتاتیف قازمه نك صابنك طولی ۰,۴۵ متره در .


تقویه ایدلش آوجی سپری — طول مدت بر موضعی اشغاله مجبوریت حاصل اولورسه طوبیجی انداختنه زیاده جه بر زمان معروض قائله جفتندن بونوع سپره احتیاج واردر . شكل ۴



(شكل ۵)

اوجی سپرلینك مسطحی — موضعیك حال تدافعی و تعرضیه سینه ، اراضینك شكانه نظراً ۰,۵ ، ۱,۰ ، ۱,۵ ، ۲,۰ ، ۳,۰ متره ارالقلى وارالقلى آتش التنه المى ایچون برر قولاتق علاوه اولنمش مستقیم سپرلدن عبارتدر اوجی سپرلینك طولی — افرادك بر ویا ایکی صره تنظیم اولندیفنه


نظراً تحول ایدہ جکندن بہر نفرک ۰,۷۵ مترہ اشغال ایدہ جکی نظر
دقتہ الزہرق تعیین اولئمیدر . مع ہذا بر بلوک اشغال ایدہ جکی جیبہ
۱۵۰ متروبی تجاوز ایتامیدر .
طوب موقعی — طویلر آجیق صف حرب نظامندہ اولوب وقتک



(شکل ۶)

عدم مساعده سی حالندہ یالکز نمر وافر ادینک محافظہ سی ایچون سپر
پایلور شکل ۵ یناشق صف حرب نظامندہ ایسہ طوب موقعلرینک
انشاسی مجبوریدر الک موافق بر طوب موقعی شکل ۶ دہ اولدیغی کبی پایلور

صحرا استحکاماتك مسطحی - (۱) سپر مستقیم (۲) اوق طایبه (۳)
آی طایبه (۴) نعل طایبه — یارم ردودتن عبارت اولوب بوغازی اچیق



(شکل ۹)


اولورسه بوغازی اچیق استحکام موانع فرعیه ویا اوجی سپرلیله
قیانورسه : نیم قیالی استحکام سائر مقطعه برسپر ایله قیانورسه
قیالی استحکام دینور .

براستحکامه تخصیص اولنه جق قوت — بوغازی اچیق استحکاماتده
آتش خطنك بهر متره سنه ایکی نفر حساب اولنور نیم قیالی اولنلرده
عین اصولده تعیین اولنوب بوغاز خطنك طولی حساب قاتلز
قیالی استحکاملرده جبهه لرایله قولتقلرك بهر متره سنه ایکی و بوغاز خطنك
بهر متره سنه برنفر تخصیص اولنور .

مختلف مسطحلر — ۱۶۰ : ۲۰۰ موجودلی بربلوکه مخصوص
آچیق استحکام شکل ۱۰ استحکام مذکور سریعه مقطعه اولوب
ب ، ب ایسه طویجی محاربیه سی ائساننده تکمیل احتیاط ایله مدافعینك
قسم اعظمی محافظه ایده بیلان آوجی سپرلیدرکه استحکامك داخلی
ارقه ده کی موضعلرك نظرندن ستر ایتکسزین اکا استناد ایدرلر .


بهری ۱۶۰ : ۲۰۰ موجودلی ایکی بلوکلک یارم قیالی استحکام
--- شکل ۱۱ — جبهه و جناحلر استحکامات سریعه

مقطعه اولوب ع قسمنك بوغاز خطی ایکی صره مدور کریشلر



(شکل ۱۰)

یعنی پلانفه ایله وب قسمنك بوغازی برسیله قیامشدور .



(شکل ۱۱)

۱۶۰ : ۲۰۰ کشیک پیاده بلوکنه مخصوص ردوت — شکل ۱۳

بو استحکامده دخی جیبه و جناحلر سریعه مقطعه بوغاز خطی ایسه
شکل ۱۴ پروفیلنده انشا اولمشدور .


آرقه سپرنک ارتفاعی لا اقل ۱,۵ متره اولمی و بوغاز خطنک برقی

$$\left. \begin{array}{l} \text{ح} = ۱,۸۰۰ \\ \text{ارقه سپری} = ۱,۲۹۰ \\ \text{سپر} = ۰,۷۴۵ \end{array} \right\} \text{م}$$


مجموع ۲,۰۴۵



(شکل ۱۲)



(شکل ۱۴)




(شکل ۱۳)

محفوظ محل حاصل ایتمک اوزره مدور
کریشلر ایله اورتلیمی در . مدخل داخلی
برسپرله ستر اولمش ورأس جبهه سی
بوغاز خطنه ییلاقتاوی برسپرلی یولله
ربط اولنمشدر .

۱۶۰ : ۲۰۰ موجودلی ایکی پیاده بلوکیله ۶ طولی برقپالی
استحکام و یاردوت — شکل ۱۵ هر قدر ۶ طویدن زیاد افواه
ناریه موجود دکلسه ده استیلان جبهه تقانی و آتشرک بریره
طوبلانمسی تسهیل مقصدیله ۱۳ طوب وضع اولنه بیله جک ۶
باربطه یاپلمشدر . مذکور باربطه لرك یاننده واره سپرلی آلتنده
جفانه مغازه لری تأسیس اولنمشدر . بورأس و جناح جبهه لری
شکل ۷ و بوغاز خطی شکل ۱۴ مقطنده در . رأس جبهه سی بوغاز
خطنه S شکنده ایکی یول ایله مربوطدرکه بوندن حاصل اولان تراب

اره سپری و باربته انشاسنه صرف اولنور استحکام زمینی تسویه ایدلمش
ویا خود مریماتک پاتلامه سنی منع ایچون قورت قیولری قازلمش ایسه
طوبلرک تبدیل محل انشاسنده تعقیب ایده جکی استقامتلرده یوللر
براقلمی در .



(شکل ۱۵)

ع قسمی — متناظر قبول اولندقدمه مدخل خارجی بر یارم ردوت
ایله ستر اولنور .




ب قسمی متناظر اولدیغندن شکل ۱۶
صورتنی آلوب مدخل بوغاز خطنک بر
قسمیله تشکل ایدر .

(شکل ۱۶)

خطوط مستحکمه — نک فی زماننا قابل
تطبیق اولان اصولی خطی برر غروب

استحکام واسطه سیله تأسیس ایتمکدر شکل ۱۷ بونلرک تأسیسده
شرائط آتیه یی نظر دفته آلمیدر .

- ۱ — یانلری موانع طبیعییه و بونلرک معدومیتی حالده قیالی استحکاماته مستند اولمیدر .
 - ۲ — مسطحلری کرتی وجیفتی تشکیل ایدمک صورتده اولمیدر .
 - ۳ — خطوط مستحکمه نك اصولی مدافعینك قوتی و وسائلط موجوده ایله متناسب اولمیدر .
 - ۴ — خطوط مستحکمه نك اقسام مختلفه سی استناد مشترک حصوله کتورمیدر .
- لغملر — لغملرک اک بسیطی هجوم نقطه سی تشکیل ایدن زاویه خارجه ایلروسنه لغم کوسکیسی ایله قارلش ۲ : ۳ متره عمقده بردلیکدن عبارت اولوب بونک نهایتده ۱ : ۲ دینامیت فشنگی پاتلادیلر ق برخزینه تشکیل ایدیلور مذکور خزینه ۱۵ : ۲۰ کیلو غرام باروت ایله املا اولنور وسطی سرتلکده بولنان اراضیده ۴ کتی بونوعدن برلغی ۱۵ : ۲۰ دقیقه ده یاپوب طولدیرر . پیرون لغمی دخی ایجه مستعمل اولوب بونک انشا سچون کوزلجه دوزلدلش طبیعی ویا صنعی برشوک وسطنه باروت قوطوسی وضع اولنوب اوزری شوه ایوجه تطبیق ایدلمش برمیشه تحت مسئله قانده معدومیتده



واوزرينه قورى طاشدن ديوارلر ياپيلوب ايچى اوفق طاشلر ايله
 طولديريلور شكل ۱۸ و ۱۹
 بويله برلغمدە قوللانيله جق باروتك كيلو غرام جنسندن مقدارى ك

$$= \frac{۱۵۰}{۱۰۰}$$
 دستوريله تعيين اولنوركه بوراده ۵ قوللانيلان طاشلارك
 كيلو غرام جنسندن وزنى اراثة ايدر . لفلر اوت ويا دالار ايله
 دشمن نظرندن ستر اولنوب آتش وىرمكه مخصوص فتيلار دخی
 تحت التراب برپول ايله استحکامه آ نور .




(شكل ۱۹)



(شكل ۱۸)

باروت قوطيسيله قپاق تحتەسى حاضر بولنديغى حالده ايكي كشي ۲
 كورك ۱ قازمه برال عربەسندن عبارت آلات ايله برلغى ۴۰
 دقيقهده ياپار و ۵۰ دقيقهده طولديرلر كه جمأ ۱,۵ ساعت ايدر .
 بمضكره بوجه آتى لفلر دخی استعمال اولنور :
 ۱ — حفر اولغش لثم — مقطع و مسطحى ۲۰ نجى شكلده
 اراثة اولتان مذكور لثم ۰,۳۶ متره مكعبنده برقولى دروننه
 قونمش ۲۵ كيلو غرام باروت و ۳,۵ متره مكعبى طاش ايله طولديريلور
 باروتك مقدارى ح استعمال اولنه جق طاشك متره مكعبى جنسندن
 حجمى اراثة ايتك اوزره ك $= ۱ + ۶,۶۶$ ح دستوريله تعيين
 اولنور بولغى ۱۲ كشي ۶ كورك ۶ قازمه ۲ چاپه ۱ تحتە طوقاق
 ۱۵ قازق ۱ متره لك شريد بركونيه و ۱ سيجمدن مركب آلات
 ايله ۱۰ ساعتده ياپارلر .

۲ — مطروش لنم — مقطع و مسطحی شکل ۲۱ ایله کوستریلان بولنمه ۰,۲۶ متره مکعبی برقوطلی دروننه ۷ : ۸ کیلو غرام باروت ایله ۰,۶۷۰ متره مکعبی طاش وضع اولنور باروتک کیلو غرام جنسندن مقدارینی شو دستور ویرر : $ك = ۱ + ۱۰ ح$



(شکل ۲۱)

(شکل ۲۰)

بوراده ح طاشلرک متره مکعبی جنسندن حجینی اعطا ایدر مطروش لنم پیرون لغی کبی دشمن نظرندن ستر اولنوب بوندن اولکی آلات ایله مجهز ۸ کشی ایله ۵ ساعته انشا ایدیلور .

مواضع مستحکمه به هجوم — بر موضع مستحکمه هجوم ایدله جکی وقت اولا موضع مهیا امکن کشف و هجوم نقطه سی انتخاب و ثانیاً طویجی طرفندن هجوم استحضار ایدیلور و ثالثاً پیاده محاربه به بدأ ایدوب دشمنک ترتیبات تدافیه سی تخریب و رابماً دخی هجوم حقیقی اجرا اولنور .
۱ — موضعک کشفندن مقصد مدافین طرفندن اشغال اولنان

اراضینک طبیعتی اتخاذ اولنان ترتیبائی اجرا قلنان عملیات ترابیه بی، مدافعینک قوتی ودها سائر خصوصاتی اکلامقدن عبارتدره. بوخدمته قوتلی برکشف قولی تعیین ومذکور قوله استحکام ضابطائی دخی ترفیق اولنور. مذکور کشف قولی عندالایجاب دشمن ایله محاربه ایدر ایسه ده قطعی هجوملره قالمشمالی ورجسته مجبور ایدلدیکی حالدیه بتکرار عودتله وظیفه سنی ایفا ایدنجیه قدر غیرت ایملیدر.

دشمن موضعی کشف ایدیلهرک معلومات لازمه استحصال قلندقد نصکره هجوم نقطه سیده انتخاب اولنور. هجوم نقطه سی هم تعبیه وهمده سوق الجیش ملاحظاته نظرأ انتخاب اولنق لازمکوره ایسه ده دشمن خط مدافعه سنک اک ضعیف نقطه سی ومقراضی آتش آتته آلنه جق صورته ایلرویه طوغری برچیقندی پیدا ایدن محلی تعبیه ملاحظاته نظرأ هجوم نقطه سی انتخاب اولنق ایجاب ایدوب حالبوکه دشمن خط مدافعه سنی ایکی به بولک ویاخود دشمنک خط رجعتی اوزرینه دوشمک کبی سوق الجیش ملاحظاتندن طولانی اک قوتلی نقطه ل دخی اکثریا هجوم نقطه سی انتخاب اولنور.

۲ — مدافعینک استحکاملره استناد ایتکدن طولانی حاصل ایتدکاری قوت وتفوق برطرف ایلک اوزره هجومی حاضرلق لازم اولدیفندن هاجمین طوپچیسی بدایت محاربه ده خط مدافعه نک ۱۶۰۰ : ۳۵۰۰ مترو مسافه سنده واقع کوزل موضعلرده تعبیه اولنهرق اولو مدافعین طوپلرینک آتشی کسیدیرمک اوزره مدافعین طوپچیسی اوزرینه آتش ایتلی وبعده هجوم اولنه جق محالدره کی استحکاماتی صاارصمق اوزره دخی استحکامات کسیدرینی دوکلیدر.

۳ — طوپچی طرفندن مدافعین طوپلرینک آتشی کسیدیرلرکدن

ويا خود کرکی کبی ضعیف تندیرلقد نصکره بردوز ارانی به نظرأ هجوم
 ترتیباتی (پیاده محاربه سی) بروجہ آتی اتخاذ اولنور :
 ب — ایلری خط : (برویا برقچ بلوک ایله کریسندہ برعملہ
 مفرزہ سندن (عملہ قولی دخی دینور) مرکب اولوب هجوم اولنه جق
 استحکامک اوکنده کی موانع صنعیه وطبعیه یی تخریبہ مأموراً
 کریسندن کلان مذکور عملہ مفرزہ سنی محافظہ ایتک اوزره کشف
 برآوجی خطندن عبوتدر .

دشمن آتشندن دها ایتو تستر اولفق ایچون ایلری خط ۸۰۰ : ۱۰۰۰
 مترو مسافه دن اعتبارأ پیاده تعبیه سنده اولدینی کبی طاقم ویا بلوکلره
 آیریلوب متعاقب آتله ل ایله ایلرولر واستحکامک اوکنده کی مواقه
 کلده کلرنده مواقع مذکورده دن کدیک آچه جق اولان عملہ مفرزہ سنی
 حمایه ایتک اوزره قوتلی برآوجی خطی تشکیل ایتلی و بوراده توقف
 ایدرک استحکامده کی دشمن اوزرینه شدتلی آوجی آتشی توجیه ایتلیدر .
 ج — برنجی خط : اصل هجومی اجرایه مأمور اولان هجوم
 قولندن (هجوم اولنان استحکامده کی مدافعینک ۲ ویا ۳ مثلی)
 عبارت اولوب ایلری خطدن ۴۰۰ : ۸۰۰ مترو مسافه کیروده
 حرکت ایدر وموانعدن کدیک کشادی قوه قریبه کخنجه هجوم قولی
 ایلرولوب کدیکر آجیلدینی کبی تعرضی محاربه بحثنده کورلدیکی
 کبی سریع یورویشلرده متحدأ آچیلان کدیکردن (الله ! الله !)
 صداسیله کچهرک ممکن ایسه استحکامک خندقنه آتلی (خندقده
 قابونیر وار ایسه بونی تخریب ومازغالرینی سد ایتک اوزره عملہ
 مفرزہ سی دها اولجه خندق دروننه آتلیدر) واوراده دائراً مادار
 یاپیله رق جزئی برفس آلدقد نصکره بر اشارتله هر طرفدن سپرله
 طرمانیلوب استحکامک داخلنه هجوم ایتلیدر .

مدافعین استحکامدن طرد ایدلديکسند. هاجین بوغاز خطنه برلشهرک دشمنی آتش ایله تعقیب ایتلی و بوغاز آجیق ایسه دشمنك ایکنجی خط استحکاملرندن داخل استحکام دوکیله جکسندن ممکن اولدیمی مرتبه سرعتله عمله مفرزه سی و احتیاطك بر قسمی بوراده بر آتش منتریسی وجوده کتورمه صرف غیرت ایتلیدر . هجومده موفقیت حاصل اولمزه هاجین، استحکامك شیو صحرا سنه قدر چکملی و کیرودن امداد کلنجیه قدر اورادن استحکام اوزرینه شدتلی آتش ایدوب بعده تکرار هجوم ایتلیدر .

د — ایکنجی خط : هجوم قولنك همان قوتنه مساوی اولان احتیاط خصوصیدن عبارت اولوب هجوم قولنی ۵۰۰ مترو مسافه دن تعقیب ایدر . وظیفه سی هجوم قولنه امداد ایتك و دشمنك مقابل هجوملرینی دفع ایلکدر .

ه — اوچنجی خط : دشمنك ترك ایتدیکی اسباب و وسائط مدافعه یی تخریب و یا خود دشمن علیه نه استعمال اولنه حق بر حاله قلب ایتك و دشمنك لم و تورپیللرینی تخری ایده رك بوزمق خصوصسند. عمله مفرزه سنه یاردم ایتك اوزره آلات و ادوات لازمه ایله مجهز بر طولجی قطعه سندن عبارت اولوب قطعه مذکوره احتیاط خصوصی یی یقین مسافه دن تعقیب ایدر .

و — دردنجی خط : اك ایلروده بولنان اوج خطك تقریباً مجموع قوتنه مساوی اولتی اوزره تشکیل قلنان احتیاط عمومیدن عبارت اولوب مذکور خطرلك کیروسنده حرکت ایدر . اشبو احتیاط آنف البیان خطرلك یانلرینه وقوع بوله حق اولان مقابل هجوملری دفع ایتك و مجاور بولنان نیکی و یا اوج هجوم نقطه لرینك اره سنده پرده تشکیل ایدن اقسام استحکامیه یی ضبط ایله ممکن ایسه هجوم

اولنان استحکاملرک بوغاز طرفلرینی قوشاتق وظیفه سیله مکفدر .
 طوبجینک وظیفه سی — اولا مدافعین طوبجینک آتشی کسديرمک
 ویاخود ضعیفتمک ثانیاً هجوم اولنه جق استحکاملری دوومک وثالثاً
 دخی مذکور استحکاملره هجوم اولنورکن آتشی دشمن احتیاطلری
 اوزرینه ویاخود وارایسه برای استحضار ایکنجی خط مدافعه یه
 توجیه ایلمکده در .

بـ مواضع مستحکمه تک مدافعه سی

۱ — دشمنک استکشافاتی منع ایتک اوزره خفیف بر ایلری خط
 (ایلری قره عول خطی کبی) تشکیل وبرطاقم موانع واسطه سیله
 خط مدافعه بی ستر واخفا ایتلیدر .

۲ — دشمنک کله جکی طرفده بولنان بللی باشلی نقطه لک مسافه سی
 ودشمن طوبجینک اشغال ایده جکی مواضعی تعیین ایدرک طویلری
 اکاکوره تبعیه ایتلیدر .

۳ — مدافعین دقت وقوتی هجوم ایچون انتخابه شایان اولان
 نقطه لر اوزرینه عطف وتوجیه ایدرک نقاط مذکوره بی تحکیمه
 وموانع فرعیه ایله ستره صرف همت ایتلیدر .

۴ — مدافعین طوبجینی اولدینی محله طورمیه جق صورتده
 زده لندیکی وقت اشبو طوبجینی کپرویه آله رق صاقلامق اوزره
 اولجه محفوظ محالر احضار ایتلیدر .

۵ — دشمنک هجوم قوللری تقرب ایلمکرنده طوبجینی ستره محافظه دن
 فراغت ایدرک مذکور قوللری بولندقلری مسافه لره نظراً شراپنل
 ومؤخرأ پشرو آتشرلیله احاطه وتوقیف ایتلی وبالخاصه اولجه صاقلامق
 لازمکلان طوبجینی شهیدی بوخدمته مأمور ایتلیدر .

۶ — مخصوصاً ترتیب واحضار اولنه جق برطاقم جزؤ تامرله هجوم قولارینک یانلرینی شدیداً تهدید ایتک اوزره تعرضه کچملی و بوتعرضی (مقابل هجوملری) بالخاصه شیو صحرا یقینلرنده پک شدتلی وقوتلی برصورتده تکرار ایتلیدر .

۷ — الحاصل مدافعین دشمنی طرد و توقیفه مقتدر اوله مزسه ترك ایلدیکی استحکاملره ایکنجی خط استحکاماتندن دوکورك و یکیدن امداد آلوب کندوسنه نظام وانتظام ویرهرك هاجینک یرلشمسینه میدان ویرماملیدر .

❦ یکرمی التنجی فصل ❦

❦ عسکری کوپریچیلکی ❦

۱ — نهرلرده کچید نقطه سنک واستعمال اولنه جق وسائطک تعیین وانتخابی :

نهرک کشی — برنهرک استکشافنده ۱۶۳ نجی صحیفه ده بیان اولنان خصوصاته رعایت ایللیدر .

کوپری نقطه سنک انتخابنده شرائط آتیه به دقت اولنق لازمدر :
اولا کوپری نقطه سی تعقیب اولنان بولدن پک اوزاق اولماملی ثانیاً عزیمت ساحلی مواصلت ساحلنه حاکم اولملی ثالثاً مواصلت نقطه سی مقراصی آتش آلتنه آلتنه بیللی رابعاً ممکن ایسه اطه لردن استفاده ایتلی وخامساً دخی کوپری محلی دشمن طرفندن کلان تابعلرک اوست (آقنتی) طرفنده بولملیدر .

سرعت جریانک تعیینی — درین محللرده سرعت جریان اک آذرر .
درین محللر مجراسی طوغری اولان نهرلرک وسطنده ویلانقاویلرک کربنتی ساحللرنده در . راکد هواده صویک اک قویو محللری وروزکارلی

هواده کشیف طالفلی یرلری دریندر . صویک جریانی اک زیاده اولان محلنه برجسم ساج آتیلوب ایکی نقطه معینه بیننده کی مسافه بی قطع ایتک ایچون جسم ساجک صرف ایندیکی زمانه (ثانیه جنسندن) مسافه مذکوره تقسیم ابدلده کده خارج قسمت سرعت جریاندن عبارت اولور .

بهرک برثانیه ده کی سرعتی ۰,۵۰ مترو ایسه (جریان جزئی) ۰,۵۵ الی ۱ مترو ایسه (جریان عادی) ۱,۵۰ الی ۲ مترو ایسه (جریان سریع) و ۲ مترودن زیاده ایسه (جریان شدید) اولور . جریان جزئی وعادی اولنلرده سهیا کوپرلر ، جریان سریع اولنلرده طومباز وساژ صال کوپرلر وجریانی شدید اولنلرده دخی طیار کوپرلر استعمال اولنور .

نهرک عمقی تعیین ایتک — ایکی ساحل اراسنه براب کرلده کن صکره برقافه بنیلهرک اسقندیل واسطه سیله نهرک مختلف نقطه لرده کی عمقی مذکور ایب استفامتمده اوله رق متعاقباً تعیین و برقد ترسیم ایدیلور . ممکن ایسه عادی برصریفک اوجنه بر بالومی پارچه سی یا بشدیروب بتاغک حالی دخی تحقیق ایتلیدر .

نهرک عرضی تعیین ایتک — نهر زیاده عریض دکله ایکی ساحله براب کرلهرک عرضی مساحه اولنوب نهر بیوک اولدیغی حالده دخی قواعد هندسیه به مراجعت اولنور سده حالات کثیره ده کوز تخمینیه اولچیلور .

الحاصل افادات مبسوطه به نظراً نهرکشف و یکید نقطه سی انتخاب ایدلده نصکره نهردن کچمک ایچون استعمال اولنه جق وسائط دخی ایجاب حاله کوره تعیین واتخاب ایدلیدر .

۲ — طبیعي کچیدلرک تحرېسی

۱ — نهرک کچید محلی تعین ایچون اهالی عیله دن سؤال ایتلی ویاخود بعض علائمه دقت ایلیدر . مثلاً برنهره منتهی اولان کچی یوللری اکثر یا کچید نقطه لینه تصادف ایدم جکندن بوکچی یوللر تحریر اولمیلیدر . نهرک ساحلنده تکررک ایزلرینک بولنسی اوجواردده برکچید بولندیقنه دلالت ایدر . کچیدلر اکثریتله نهرک سرعتله آقان قسملرنده ومستقیم وعریض اولان محللارنده وطاقاق یرلرده بولنور .

۲ — کچیدلری بولق ایچون مارالبیان علائمنده هیچ بری کوربله مدیکی حالدده برصندال ویا قایقه مناسب برطولده (زیرده کی دردنجی ماده یه مراجعت) براسقاندیل تعلیق اولنوب نهر اوزرنده یوقاریدن اشاغی یه طوغری حرکت اولنورق اسقاندیل نهرک طبانه طوقندی عیله عرضاً نهرک طبانی معاینه ایدلمیلیدر .

۳ — کچید نقطه سنده نهرک طبانی ایری قوملق وسرت اولق اک ابو اولوب مذکور طبانک بطاقاق ایخه قوملق و بیوک طاشاق اولسی محذور ایدر .

۴ — پیاده برمترو وسواری ایله یوکلرینک ایصلانمنسده برمحذور اولمیان آرابلر ۱,۳۰ مترو ودیکر آرابلر ۰,۷۰ مترو همقنده اولان صولردن مرور ایدمیلور .

۳ — عسکری کوپرېلری

کنار کوپرېلر — نهرک عرضی طار اولور ومکمل کریشلر وتحتهلر دخی بولنورسه برکناری کوپرې آتیه ییلدیکی کچی اغاجلر مان اورماندن قطع اولنورق جزئی بوتلش ودالی بوداغی کسیش اولدینی حالدده دخی برکوپری قورمق ممکندر . شکل (۲۲)

سېت كوپرېلر — غايت طار اولان صولرده هر ايكي طرفى آچيق اولان استحكام سېتلىرى برقاج قات اولقى اوزره استقامت جريانه موازى وضع واوزرلىنه اجاج وطوپراق فرش ايديلهرك كوچك بركوپرى تاسيس اينك ممكندر .


آرايه كوپرېلر — بونوع كوپرېلر استعمال اولنقى ايچون نهر ك عمقى ۱,۵ متر وئى تجاوز ايتامليدر . آرايهلر كوپرى محورينه عموداً وضع اولنور وكوپرى محورينى افقى بولنديرمىق اوزره دخى تكرلكلرك آلتنه تحتة يرلشديرلور .

بوخصوصده اوكونز آرايهلرله طويجى ويوك آرايهلرى استعمال اولنقى ممكندر . يالكز پياده عسكرينك مرورينه مخصوص اولقى اوزره يوك آرايهلرى بربرينك كيروسنه ديزيلوب اوزرلىنه اوج صريق تمديد وبونك اوزرينه دخى دوشمه تحتەلى فرش ايديلور . صال كوپرېلر — بونوع كوپرېلرده فوچيلردن ويا طلوملردن وياخود يان يانه باغلانان اغاجلردن تشكيل قلنان صاللكوپرى آياغى خدمتى ايفا ايدرلر . على العموم صال كوپرېلرده شرائط آتية به دقت اولنقى لازمدر :


ب — جريانك شدتلى محلنده بولنان صاللك قوتلى برصورتده تيمورلنمليدر .

ج — صاللكوپرى اوزرندن يكوريهرك اولان ثقلتلىرك تاثيريله برابر صوتوبه سبك فوقنده بولنمليدر .

كوپرى دوشمه سى صاللردن اقلى ۳۰ سانتيمترو يوكك بولملى وكريشلىرله دوشمه تحتەلى لزومندن زياده آغر اولمامليد



(شکل ۲۲)




(شکل ۲۳)

ه — دوشمه ایله سالاریکدیگرینه لایقیله ربط ایدمیلیدر . فیچیلردن
 سال تشکیل ایلمک ایچون فیچیلر [شکل (۲۳)] ده کوسترلیدیکی
 وجهله چارچیوهر دروننه وضع اولنور ایسه ده طیه دلیکرینک
 اوست طرفه کلمسینه و فیچیلر دروننه نفوذ ایده جک صولرک ایکی اوج
 کونده برتخلیه ایدلمسینه دقت ایلمیلیدر .

طلوملر شکل (۲۴) ده اراؤه اولندیقی وجهله برمثلت تشکیل ایدن

اوج اغاجك اطرافنه دیزیلوب هم اغاجلره و همده بربرلینه ربط اولنور و کوبری ایاقلرینی تشکیل ایدمک اولان اشبو مثلثلرک رأسی



(شکل ۲۴)

استقامت جریانه متوجه اولق اوزره وضع ایدیلور . هراوج کونده طلوملرک یکیدن شیشیرلسنه اعتنا ایللیدر . برقیون طلومنک ثقلت تحمیلہ سی ۳۰ کیلو غرامدر .

۴ — نهرلردن کچمک

قطعات مختلفه عسکریه برنهری اولا عسکری کوبریلری ثانیاً (قایق ، صال ، جسر طیار ، چکمه کوبری ، باق کبی) اجسام سابعه ایله ثالثاً طبیعی یکیدلردن رابعاً بوز اوزرندن وخامساً دخی بوزهرک (یا لکز سواری عسکری و منتخب افراددن مرکب پیاده قطعه لری) مرورد ایدر .

وسائط مذکورهدن بالکزر عسکری کوبریلری عسکرک کبرولرله

مخبره ومواصله سنی ومفلویت حائده رجعتی تأمین ایده بیلدیکندن
وسائط سائر ايله برنهردن کچیلدیکي صورتده دخی بعدالمرور
برعسکری کوپرلی تأسیسنه غیرت ایللیدر .

۱ — عسکری کوپرلیردن کچمک : کوپرلی حسن محافظه ایتک
وحین مرورده قضا وقوعنه میدان ویرمامک اوزره کوپرلیردن
صورت منتظمهده مرور ایتلیدر .

پیاده ایکیشر ویا ددرله قول نظامنده کچلی وبلوکر آره سنده ۱۰
وطابورل اراسنده اقلی ۲۰ خطوه ترک ایللیدر . کوپری اوزرنده
یول آدیم یوروشله یوروملی وایجابنده آتلور بارکیلردن ایغلی
وکوپریدن کچر ایکن کوپری قاقوب ایتکک باشلارسه درحال (طور)
قومانداسیله عسکری طوردرملیدر .

سواری عسکری برر ویا ایکیشرله کچوب یه آتلور بارکیلردن ایغلی
ودیزکینارینی قیصه طوتهرق عادتا یوریتکک وبلوکر اراسنده اقلی
۲۰ خطوه مسافه ترک ایتکک دنت ایغلی وکوپری مخرجنک کثرت
ازدحام ايله قیامامسی ایچون مخرجدن خیلوجه اوزاقلشدقدنصکره
عسکری آته بیدیروب تنظیم ایتلیدر .

طوپچی دخی تک قول نظامنده کچوب دیب بارکیلری اوزرنده بولنان
آرابه جیلردن ماعدا بالجه ضابطان ونفرت و آراجه جیلر به ایغلی
وطویلر آره سنده ۲۰ خطوه مسافه ترک اولنوب چنکک بارکیلری
نومرو نفرلی طرفندن سوق اولغلی و آراجه یی کوپرینک محوری
استقامتنده حرکت ایتدیرملیدر .

یوکاری غایت آغر اولان آراهلرک (طوپچی وسائر آراهلردن)
یوکارینی تخفیف ایتلی وکوپری اوزرنده حرکت ایدرکن برمحمله
آراهنک قسطنی زیاده کله رک کوپریدن غجرتی ایشیدیلور ویاخود

کوپری ایاقلری صو تسویه سنه قدر اینرایسه اومحلدن آراهه بی سرعتله کچورملیدر . و کوپری اوزرنده بر آراهه سهولتله تعمیر اولنه میه جق صورتده قیریلور ایسه حوله سنی برقایغه بوشالقد نصکره مذکور آراهه بی کوپرینک روزکار (منصب) طرفندن صویه آتملیدر . برقاج کوپری وار ایسه کوپریرلرک بمضیسی پیاده یه و بمضیسی دخی سواری ایله آراهه له تخصیص اولملیدر .

۲ — اجسام سابعه ایله نهرلری کچمک : بوصورتله نهردن کچمک حرکتی اکثریا کوپری قورمق عملیاتنی حایه ایلک اوزره قارشو ساحله عسکر دوکک خصوصنده استعمال اولنور . بواصول اوزره عسکر اکثریا قایقلره نهرلری کچر .

پیاده عسکری قایقلرک درجه استیعابه و قوه تحملیه سنه نظراً اقسامه تفریق اوانوب افراد قایقلره باش طرفندن کیرملی و قایقلرده صرملر واریسه صرملر اوزرینه اوطوروب یوق ایسه ایاقده طورملی و تفنگلری بجاقلری آراسنده طوتدقلری حالده یرلرندن قلدا انا ملیدر .

سواری عسکرینی قایقلره بیدیره رک نهردن کچورمک ایچون بیوک قایقلر لازمدر . صنف مذکور کوچک قایقلره کچوریه جکی وقت هرقایغه پیاده عسکرینه نظراً ده آ ز نفر بیدیروب بونلر قایفک بانظر فترینه مساوات اوزره تقسیم اولملی و نفرات مرقومه بارکیملرک چلبرلینی طوتدقلری حالده بارکیملری قایفک روزکار طرفنده یوزه رک کچورملی و قطع اوانه جق مسافه زیاده ایسه نفرات بارکیملرک باشلرینی قالدیره رق آنره یاردم ایلک اوزره چلبری یوکسک طوتملیدر .

طویلر غایت بیوک قایقلر (باقلرکی) مستتتا اولمق اوزره عادی قایقلره کچوریه جکی وقت ناملولری قونداقلردن آیرمق لازمکولور . قطعات عسکریه بمضاً صالار ایله دخی نهردن کچوریلوب بوحالده پیاده

صنفي اياقده طورده رق و تفنكلر راحت طور وضعنده طوتيله رق افراد يرلندن قلدا تاملي و سوارى عسكرى حيوانلردن ايتمش اولدينى حالده نفرات باركېرلى دېزكېنلردن و كلرك يقينندن طوتىلى و طوبچى دخى اك زياده آغر اولان آرابه لرك صالرك اورته سنه وضع ايدوب سال اوزرنده قفلتك صورت متساويه ده تقسيم اولمىسنه دقت ايتلدير .

۳ — طبيعى كچيدلردن كچمك : طبيعى كچيدلردن اولا پياده يى وبعده طوبچى واك صكره سوارى عسكرىنى كچورمليدير .

پياده عسكرى كچيدك عرضنه نظرا كيش برجهه ايله مرور ايدوب صرمل اراسنده جريانى منع ايليه جك صورتده برمسافه ترك ايتلدير . كچيدك عمقى زياده جه ايسه عسكر ك باش طرفنده ال اله ويردكلى حالده يوكسك بويلى و كوزل يوزيجى افراد يورېدوب افراد ساثره بونرك كيرو سنده حركت ايتلدير .

صوبك سرعتى زياده ايسه شدت جريانى تخفيف ايتك اوزره كچيدك آقنتى طرفنده سوارى بلوكلى طور دېرملى و روزكار طرفنده دخى آقنتى طوتيلان افراد ياردم ايتك اوزره برصره سوارى وضع ايتلدير .

۴ — انجماد ايتمش نهرلردن كچمك : بوزلر پياده صنفنك مرور ايتمى ايجون ۹ و سوارى ايجون ۱۱ وال ايله چكيله بيله جك صحرا طوبلرى ايجون ۱۴ و قوشولش صحرا طوبلرى ايله هر نوع طوبچى آرابه لرى ايجون ۱۶ واك آغر اولان آرابه لرى ايجون ۱۷ سانتيمتره نخننده بولمليدير .

هر صنفك مرور ايدمى جكي محللر آيروجه تخيص اولملى و محال ساثره دن مرور ايتك منع ايدلمليدير .

سوارى و طوبچينك كچه جكي محله بوز اوزرينه صمان ، كوبره ، قوم و طوبراق كې شيلر دوكلدير . پياده توقف ايتمك سزېن منتظماً كچوب

سواری افرادی بارکبرلی طوتملی وآرا به لر آره سنده دخی بیوک مسافه لر محافظه اولمایدیر .

۵ — یوزه رک کچیک : سواری عسکری قارشو ساحله جیقه جفی نقطه تک آقتی طرفندن صویه کیرملی وکنیش جبهه ایله کچوب دیزلری بناشدیرملی ونهری کاملاً سدا یتوب سواری جمعیتلری آره سنده بیوک مسافه لر ترک ایلمایدیر . پیاده یوزیچیلری اسلحه والبسه لرینی ممکن ایسه کوچک صال و صندالره وضع ایدوب بونلری یوزه رک سوق ایتلی وبوک شیلرک تدارکی ممکن اولمایدی حالده البسه وسلاحلرینی باشلری اوزرنده کوتورمایدیر .

۵ — کوپرلرک تخریب و تعمیر

۱ — برکارکیر کوپریدن دشمنک استفاده سنی منع ایتلک اوزره مذکور کوپرینک بربرینه متصل اولان کمرینی تخریب ایتک کافیدیر . بونک ایچون مذکور کرلریننده مشترک اولان کوپری ایاغنده برانم حفر وبوکا عادی باروت ویاخود دینامیت وضع ایدره رک آتش وبرمایدیر . حالات مستعبلده کمر انختارینک استقامتجه و ۵۰ سانتیمتر عرض وعمقنده خاچواری برخندق حفر ایتک وخندقک (حاجک) قوللرندن هر برینه ۷۵ کیلو غرام باروت وضع ایلکاه اکتفا اولنوب باروته دخی مرکزدن آتش ویریلور .

اخشاب کوپریلری تخریب ایتلک ایچون مذکور کوپریلری بالاده بیان اولنمایدی اوزره لغم ایله برهوا ایتلی ویاخود یاقلیدیر وبر اخشاب کوپرینی احراق ایتلک ایچون کوپرینک دوئمه وکریشلرینی قطاران ویاخود پترول ایله طلا ایتلایدیر .

دشمن کوپریلرینی تخریب ایتک ایچون دخی کوپرینک آقتی طرفندن صویه جسیم اغاچ کوده لری وغایت متین وبوکو صالور ویاخود درونی

طاش ایله طولدیریلان قایقلار براغیلورکه بونلر آقنتی به تبعیت ایدرک کوپری آياقلرینه چارپدقلرنده مذکور ایاقلری شکست ایدرلر .
بوخصوصده درونی مواد محرقه ایله مملو اولان احراق قایقلری دخی استعمال اولنوب بوقایقلر جریان ویاخود روزکار ایله دشمن کوپریسینه طوغری سوق اولنورق کوپری بی یاقلرلر .

۲ — دشمن طرفندن تخریب اولنان برکارکیر کوپری بی استعمال اولنهجی برحاله قویمق اوزره تعمیر ایلمک ایچون ایجاب حاله نظراً طابانلر ، کریشلر ، اغاج کوده لری ، سهپار ودها بومشلو شیرلر استعمال اولنور . تخریب اولنان قسمک آجیققلی پک زیاده دکل ایسه مذکور آجیققلرک طرفینندن طابانلر اوزاده رق و بو طابانلری یکدیگریه استناد ایتدیره رک اوزرلرینه بردوشمه انشا ایتک کفایت ایدر .

— یکر می یدنجی فصل —

تیمور یولی خطرلرک تخریبی

۱ — دشمنک تیمور یولی خطرلرکدن استفاده سنی منع ایلمک اوزره مذکور خطرلرک تخریبی لازم ایسه ده مؤخرأ تکرار استعمالی مأمول اولان خطرلرک تخریبندن اجتناب ایلیلیدر .

۲ — اگر تیمور یول خطنک جزئی اوله رق تخریبی مراد اولنور ایسه یالکز خطک تخریبی ایله اکتفا ایدیلوب ادوات متحرکه بی تخریب ایتمایلیدر .

۳ — ادوات متحرکه بی تخریب ایتمک ایچون لوتوموتیفلرک سوپاب و بوریلرینی رفع ایتملی و وزغانلرینی یاره ملی و واغونلرک دخی تکرارلرینی شکست ویاخود رفع ایلمکله اکتفا ایلیلیدر .

۴ — یولک بالتزجی قوسلی قسملرینی و موقفلردکی عادی مقاصلره بدک مقاصلرینی تخریب ایدوب یولک بورالرده کی رایلرینی رفع ایتملی

و موقفلرده کی ایکنه لری بوزوب لوقو موتیفلره تبدیل استقامت ایندیرمک ایچون مستعمل اولان و (پلاق تورنان) نسیمه اولنان سطح دائرلر دخی کسر ایلیدر. دشمنی اغفال ایتک ایچون تخریبات مذکوره بی وهله مشاهده اولنیه حق صورتده اجرا ایتلیدر .

یولی تماماً تخریب ایتک ایچون دخی بندلر ، املالر ، کوپریرلر ، ویا- دوکالر ، تونلر ، وحفر قسملرنده بولنان شیولر لیم و وسائط ساژه استعمالیه تخریب اولمیلیدر . تخریبات مذکوره بی اجرا ایتک ایچون وسائط موجود اولمیدنی حالدیه موقفلرده بولنان مقاصلری ، ایکنه لری ، سطح دائرلری و صو خزینه لری ایله طلومبه لری و ساژه بی تخریب ایلکله اکتفا ایتلیدر .

ه — تیمور یولی قطارلرینک حرکتی تعطیل ایتک ایچون موقفلرده بولنان بنارک تخریبی حائر اهمیت اولیوب اشبو بنالرده موجود اولان تلغراف ماکنه لرینی و تلغراف خطرلرینی رفع و تخریب ایتک دهافانده لیدر .

— یکرمی سکرنجی فصل —

بک دولت علیه عثمانیه مک قوه دائمه و احتیاطیه سی

دولت علیه مک قوه حضریه و سفریه سی اساساً ۱۹ مؤظف و ۲۴ ردیف فرقه سیله ۱۲ مستحفظ فرقه سندن واشبو قطعات اساسیه کافی صورتده صنوف مختلفه دن عبارت اولوب زمان حضرده ۶ اردو ، بر قول اردو مستقل فرقه تشکیل ایتکده در .

خدمت عسکریه ۲۰ سنه اولوب مؤظف ، ردیف ، مستحفظ ، صنفلرینه آریلوب ایلک الی سنه سی عساکر مؤظفلق سلکنده مع احتیاط ایدیه جک خدمت نظامیه به سکزی ردیف باقی التیسی مستحفظلقه منحصر در .

من مكلفينه داخل وخدمت عسكريه بي ايفايه مقتدر اولان افراد ايكي قسمدر . برنجي قسم هرنوع حالات استثنائيه دن آزاده لر وايكنجي قسم معلوليت ظاهره واسباب متنوعه نظاميه مبنى بعض شروط تختنده معافيت قزانا لر در . هرسنه عساكر شاهانه برنجي قسم افراد مستبدله مك يربنى طولدر مق ايچون سلاح التنه التنه حق اولان افرادى ميانندن اخذ وبونلره قسم مذكورك ترتيب اولى نامى ويريلور .

برنجي قسمك افراد متباقيه سنه ترتيب ثانى دنيلور . بونلرده اتى آيدن طوقوز آيه قدر تعليم وتربيه كوردرلر ومؤخرأ حسب الايجاب جلب واستخدام اولنقى اوزره مؤقتأ خانه لرينه صالويريلور .

مؤظف سلكنه داخل اولان ترتيب اول افرادى منسوب اولدقلى صنفده دولتجه استخدام لرينه لزوم كوريلان مدنى « على العاده پياده ايچون اوج وصنوف سائره ايچون درت سنه بى » بالفعل سلاح التنده بچوردكده نصكره احتياطه نقل ايدرلر . عندالحاجه قطعات مؤظفه مك موجودلر بى ترتيب سفرى به ابلاغ ايلك اوزره جلب وجمع اولنور . عساكر احتياطيه دخی مدت احتياطيه سنى [سلاح التنده بولندي بى مدت اتى سنه دن تنزيل ايدلدكده نصكره مدت متباقيه بى] اكالم ايتدكده نصكره سلك رديفه داخل اولور .

خدمت رديفه سنى اتمام ايدن عساكر رديفه ايسه مستحفظ صنفه نقل ايدر والتى سنه نهايتنده عسكر لكجه اولان وظيفه شخصيه لر بى اكالم ايتمش اولورلر .

صنوف رديفه ومستحفظه افرادى وقت سفرده رديف ومستحفظ فرقه وباقول اردولرى تشكيل ايتك اوزره تجمع ايلرلر .

مؤظف پياده آلايلرينه بهرسنه لزوم كورينه بچك افراد جديده منحصرأ برر رديف لوا دائره سندن وبرلسى قاعده اتخاذ اولنديفندن

مذکور آ لایرله انله افراد جدیده ویره جک ردیف لوالرخی مبین
جدولدر:

برنجی اردوی هایون

مؤظف پیاده آ لای نومروسی ردیف لوا دائره سی نومروسی

۱	بروسه	۱
۲	ازمید	۲
۳	قسطمونی	۳
۴	سینوب	۴
۵	انقره	۵
۶	ارکلی	۶
۷	قیصری	۷
۸	یوزغاد	۸
	ایکنجی اردوی هایون	
۹	ادرنه	۹
۱۰	کلیبولی	۱۰
۱۱	باندومه	۱۱
۱۲	کوتاهیه	۱۲
۱۳	آفیون قره حصار	۱۳
۱۴	اسپارطه	۱۴
۱۵	فونیه	۱۵
۱۶	انطالیه	۱۶
	اوچنجی اردوی هایون	
۱۷	ناسلیج	۱۷ و ۶۵
۱۸	ایلبصان	۱۸ و ۶۶

نومروسی	ردیف لوا دائرہ سی	موظف پیادہ آلائی نومروسی
۱۹	اسکوب	۱۹ و ۶۷
۲۰	پرشتنه	۲۰ و ۶۸
۲۱	سلانیک	۲۱ و ۶۹
۲۲	دکزیلی	۲۲ و ۷۰
۲۳	ازمیر	۲۳ و ۷۱
۲۴	آیدین	۲۴ و ۷۲
دردنجی اردوی ہایون		
۲۵	معموره العزیز	۲۵ و ۷۳
۲۶	ارضروم	۲۶
۲۷	ریزہ	۲۷ و ۷۴
۲۸	صامسون	۲۸
۲۹	ملاطیہ	۲۹ و ۷۵
۳۰	وان	۳۰
۳۱	قرہ حصار	۳۱ و ۷۶
۳۲	توقاد	۳۲
بخشی اردوی ہایون		
۳۳	شام شریف	۳۳
۳۴	طرابلس شام	۳۴
۳۵	نکا	۳۵
۳۶	قدس شریف	۳۶
۳۷	ماب	۳۷
۳۸	اورفہ	۳۸
۳۹	اطنہ	۳۹

نومروسی	ردیف لوا دائره سی	مؤلف پیاده آلائی نومروسی
۴۰	مرعش	۴۰

التنهی اردوی هایون

۴۱	بفداد	۴۱
۴۲	کاظمیه	۴۲
۴۳	بصره	۴۳
۴۴		۴۴
۴۵	کرکوک	۴۵
۴۶	سلیمانیه	۴۶
۴۷	موصل	۴۷
۴۸	رواندیز	۴۸

اردوی هایونلره منسوب اولوبده بالاده کی جدولده مقید اولمیان
سیار وقلعه طولنجیلرله سواری و صنوف ساثرهیه ویدنجی اردوی
هایونله حجاز و طرابلس غرب فرقه لرینه و طولنخانه و ترسانه عامریه
و بالمعوم صنایع آلایلرینه بهر سنه اقتضا ایدن افراد عسکریه اخذ
عسکر قانوننامه هایوننک اونیدنجی واون سکزنجی واون طقوزنجی
ویکرمنجی ماده لرنده کوسترلیدیکی وجهله ترتیب و اخذ اولنور .

ترتیبات متیمنه جدیدیه توفیقاً ردیف دواثرینی
مبین جدولدر :

خاصه ارودی هایون

۱	بروسه فرقه‌سی	۳	اتحصار طاہوری
۱	بروسه لواسی	۴	کوبنک
۱	بروسه آلایی	۲	قسطمونی فرقه‌سی
۱	روسه طاہوری	۳	قسطمونی لواسی
۲	کلیک	۵	قسطمونی آلایی
۳	بیله‌جک	۱	قسطمونی طاہوری
۴	سکود	۲	قوجتحصار
۲	میخالج آلایی	۳	طرسه
۱	میخالج طاہوری	۴	عثمانجق
۲	کرماسی	۶	کنفری آلایی
۳	بروسه [چکرکه]	۱	کنفری طاہوری
۴	اطرانوس	۲	قلعه‌جک
۲	ازمید لواسی	۳	اسکایب
۳	ازمید آلایی	۴	چوروم
۱	ازمید طاہوری	۴	سینوب لواسی
۲	شیاہ	۷	سینوب آلایی
۳	اطه‌پازاری	۱	سینوب طاہوری
۴	قره‌مرسل	۲	بافره
۴	بولی آلایی	۳	بوی آباد
۱	بولی طاہوری	۴	ایانجق
۲	دوزجه	۸	اینبه‌بولی آلایی

۱	اینه بولی طاہوری	۳	طاٹای طاہوری
۲	جیدہ	۴	اراج
۳	کرۃ نحاس	۵	قیصری فرقه سی
۴	طاٹکوہری	۶	قیصری لواسی
۳	انقرہ فرقه سی	۱۳	قیصری آلای
۵	انقرہ لواسی	۱	قیصری طاہوری
۹	انقرہ آلای	۲	
۱	انقرہ طاہوری	۳	
۲	سیوریمحصار	۴	شار (شہر) قشلہ
۳	عاصی بوزغاد	۱۴	نوشہر آلای
۴	حائمانہ	۱	نوشہر طاہوری
۱۰	بکیازاری آلای	۲	اورکوب
۱	بکیازاری طاہوری	۳	نیکدہ
۲	کرمدہ	۴	دوہ لہو
۳	ایاش	۸	یوزغاد لواسی
۴	قزلجہ ویران	۱۵	یوزغاد آلای
۶	ارکلی لواسی	۱	یوزغاد طاہوری
۱۱	ارکلی آلای	۲	آلاجہ
۱	ارکلی طاہوری	۳	بوغازلیان
۲	دورک	۴	آق طاغ معدنی
۳	بارطین	۱۶	قبر شہر آلای
۴	جای جمعہ	۱	قبر شہر طاہوری
۱۲	زغفرانبولی آلای	۲	مجبور
۱	زغفرانبولی طاہوری	۳	کسکین (دک معدن)
۲	چرکش	۴	سونفورلی

ایکنجی اردوی هایون

بیضا طاہوری	۳	۵ ادرنه فرقه سی	
ادره مید	۴	۹ ادرنه لواسی	
باندومه فرقه سی	۶	۱۷ ادرنه آلایی	
باندومه لواسی	۱۱	۱ ادرنه طاہوری	
باندومه آلایی	۲۱	۲ دیمتوقہ	
باندومه طاہوری	۱	۳ فرہ جک	
کونان	۲	۴ کوملجنہ	
بالیکسر	۳	۱۸ قرجه علی آلایی	
کیسود	۴	۱ قرجه علی طاہوری	
صومہ آلایی	۲۲	۲ بشماقلی	
صومہ طاہوری	۱	۳ اکریدرہ	
صندرخی	۲	۴ قوشیقواق	
برغمہ	۳	۱۰ کلیبولی لواسی	
دیکبلی	۴	۱۹ کلیبولی آلایی	
کوتاہیہ لواسی	۱۲	۱ کلیبولی طاہوری	
کوتاہیہ آلایی	۲۳	۲ تکفورطاغی	
کوتاہیہ طاہوری	۱	۳ لولہ برغوس	
طوشانی	۲	۴ قرق کلیسا	
اسکیشہر	۳	۲۰ قلعة سلطانیہ آلایی	
سید غازی	۴	۱ قلعة سلطانیہ طاہوری	
سیماو آلایی	۲۴	۲ بیرامیچ	

۱	سیماو طابوری	۳	ایلغین طابوری
۲	تیمرجی	۴	بکشهری
۳	کدوس	۸	قونیه فرقه‌سی
۴	امد	۱۵	قونیه لواسی
۷	آفیون قره حصار فرقه‌سی	۱۹	قونیه آلایی
۱۳	آفیون قره حصار لواسی	۱	قونیه طابوری
۲۵	آفیون قره حصار آلایی	۲	سلله
۱	آفیون قره حصار طابوری	۳	افسرای
۲	سنجانلو	۴	شرفلی قوچحصار
۳	صندقلی	۳۰	قره مان آلایی
۴	بولودین	۱	قره مان طابوری
۲۶	عشاق آلایی	۲	قونیه ارکلیسی
۱	عشاق طابوری	۳	سیدیشهر
۲	طعماق	۴	بوزقیر
۳	چال (تیمورجی)	۱۶	انطالیه لواسی
۴	چیوریل طابوری	۳۱	انطالیه آلایی
۱۲	اسپارطه لواسی	۱	انطالیه طابوری
۲۷	اسپارطه آلایی	۲	آفسکی طابوری
۱	اسپارطه طابوری	۳	المالی
۲	اکردیر	۴	مکری
۳	بوردور	۳۲	سلفکه آلایی
۴	اولوبوری	۱	سلمکه طابوری
۲۸	آقشهر آلایی	۲	ارمناک
۱	آقشهر طابوری	۳	علائییه
۲	بالواج	۴	انامور

اوچنچی اردوی هایون

۹	مناس‌تر فرقه‌سی	۳	تیران طابوری
۱۷	ناسلیج لواسی	۴	دراج
۳۳	یانیه آلایی	۱۰	اسکوب فرقه‌سی
۱	یانیه طابوری	۱۹	کوپریلی لواسی
۲	لسقویک طابوری	۳۷	اسکوب آلایی
۳	ادرکری	۱	اسکوب طابوری
۴	اولونیه	۲	قالقاندان
۳۴	مناس‌تر آلایی	۳	پرله
۱	مناس‌تر طابوری	۴	بره‌شوه
۲	سرفیجه	۳۸	کوپریلی آلایی
۳	ناسلیج	۱	کوپریلی طابوری
۴	کوریمجه	۲	اشتیب
۱۸	ایلبصان لواسی	۳	قوچانه
۳۵	برات آلایی	۴	وودینه
۱	برات طابوری	۲۰	پرشته لواسی
۲	ملا قاضی طابوری	۳۹	پرشته آلایی
۳	ایلبصان	۱	پرشته طابوری
۴	اوخری	۲	قوصوه
۳۶	دبره‌بالا آلایی	۳	یکی بازار
۱	دبره‌بالا طابوری	۴	سنبجه
۲	دبره‌ذیر		

۴۰ پرزين آلاي	۲	سرای کوی طاہوری
۱ پرزين طاہوری	۳	خوناس
۱ غوره	۴	تفنی
۳ یا قوه	۴۴	مغلہ آلاي
۴ ايک	۱	مغلہ طاہوری
۱۱ سلانيک فرقہ سی	۲	میلان
۲۱ سلانيک لواسی	۳	مرمریسی
۴۱ سیروز آلاي	۴	طواس
۱ سیروز طاہوری	۱۲	آیدین فرقہ سی
۲ نورہ قوب	۲۳	ازمیر لواسی
۳ درامہ	۴۵	ازمیر آلاي
۴ قوالہ	۱	ازمیر طاہوری
۴۲ سلانيک آلاي	۲	قرہ برون
۲ سلانيک طاہوری	۳	مغنیسا
۲ کوکیلی	۴	منمن
۳ عورتحصار [قالقش]	۴۶	طورغودلی آلاي
۴ منک طاہوری	۱	طورغودلی طاہوری
۲۲ دکزلی لواسی	۲	اقتصاد
۴۳ دکزلی آلاي	۳	الاشہر
۱ دکزلی طاہوری	۴	قوالہ

۲۴	آیدین لواسی	۴۸	نازالی آلایی
۴۷	آیدین آلایی	۱	نازالی طابوری
۱	آیدین طابوری	۲	قره جه صو
۲	قوش اطه	۳	بوزطغان
۳	تیره	۴	چنیه
۴	اوده مش		

دردنجی اردوی هایون

۱۳	ارزنجان فرقه سی	۲۶	ارضروم لواسی
۲۵	معموره العزیز لواسی	۴۱	ارضروم آلایی
۴۹	ارزنجان آلایی	۱	ارضروم طابوری
۱	ارزنجان طابوری	۲	طورطوم
۲	رفاهیه	۳	حسن قلعه
۳	مما خاتون	۴	قره کلیسا
۴	کیفی	۵۲	بایبورد آلایی
۵۰	معموره العزیز آلایی	۱	بایبورد
۱	معموره العزیز	۲	اسپیر
۲	خرپوط	۳	کوشخانه
۳	عربکیر	۴	کلاکیت
۴	خوزات	۱۴	طربزون فرقه سی
		۲۷	ریزه لواسی

۵۷ دیاربکر الابی	۵۳ طربزون آلابی
۱ دیاربکر طاہوری	۱ طربزون طاہوری
۲ مار دین	۲ پو لتخانہ
۳ ارغنی معدنی	۳ سورمنہ
۴ پالو	۴ بیوک لیان
۵۸ ملاطیہ الابی	۵۴ ریزہ آلابی
۱ ملاطیہ	۱ ریزہ طاہوری
۲ حصن منصور	۲ مپاوری
۳ بہسنی	۳ اوف
۴ سبوءہ رک	۴ آتنا
۳۰ وان لواسی	۲۸ صامسون آلابی
۵۹ وان الابی	۵۵ صامسون آلابی
۱ وان	۱ صامسون طاہوری
۲ باش قلعه	۲ جہار شنبہ
۳ کوار	۳ اونیہ
۴ ملازکرد	۴ فاتسہ
۶۰ بتلیس الابی	۵۶ کرہ سون الابی
۱ بتلیس	۱ کرہ سون طاہوری
۲ کج	۲ اردو
۳ سمر د	۳ پنجشنبہ
۴ جزرہ	۴ تیرہ بولی
۱۶ سیواس فرقہ سی	۱۵ دیار بکر فرقہ سی
۳۱ قرہ حصار لواسی	۲۹ ملاطیہ لواسی

۶۱ سیواس آلای	۳۲ توقاد لواسی
۱ سیواس طابوری	۶۳ توقاد آلای
۲ دیوربکی	۱ توقاد طابوری
۳ کرون	۲ یکی خان
۴ عزیزیه	۳ نیکسار
۶۲ شبین قره حصار آلای	۴ زیله
۱ شبین قره حصار طابوری	۶۴ اماسیه آلای
۲ حمیدیه	۱ اماسیه طابوری
۳ زاره	۲ مرزفون
۴ قوچحصار	۳ مجید اوزی
	۴ وزیرکوبری

بشنجی اردوی هایون

۱۷ شام فرقه سی	۳۴ طرابلس شام لواسی
۳۳ شام لواسی	۶۷ طرابلس شام آلای
۶۵ شام آلای	۱ طرابلس شام طابوری
۱ شام طابوری	۲ حصن الاکراد
۲ میدان	۳ طرطوس
۳ صالحیه	۴ جیه
۴ دوما	۶۸ حما آلای
۶۶ بعلبك آلای	۱ حما طابوری
۱ بعلبك طابوری	۲ حمیدیه
۲ نیک	۳ حمص
۳ زبدانی	۴ معره
۴ قطنا	۱۸ عکا فرقه سی

۳۷ حلب لواسی	۳۵ عکا لواسی
۷۳ حلب آلابی	۶۹ عکا آلابی
۱ حلب فرافره طاہوری	۱ عکا طاہوری
۲ حلب قارلق	۲ صور
۳ حلب باب	۳ صیدا
۴ حلب دیر	۴ بیروت
۴۷ لازقیہ الابی	۷۰ نابلس الابی
۱ لازقیہ طاہوری	۱ نابلس طاہوری
۲ حسبون	۲ بنی صعب
۳ جبل سمعان	۳ حیفا
۴ ادلب	۴ جنین
۳۸ اورفہ لواسی	۳۶ قدس لواسی
۷۵ اورفہ الابی	۷۱ قدس لواسی
۱ اورفہ طاہوری	۱ قدس طاہوری
۲ سروج	۲ خلیل الرحمن
۳ بیرہ جک	۳ جماعین
۴ روم قلعه	۴ بئرہ
۷۶ عینتاب الابی	۷۲ یافہ الابی
۱ عینتاب طاہوری	۱ یافہ طاہوری
۲ قزلحصار	۲ رملہ
۳ کلیس	۳ مجدل
۴ اعزاز	۴ غزہ
۲۰ اطنہ فرقہ سی	۱۹ حلب فرقہ سی

